




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.20





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.20




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.20




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.20

Ald. 3/3




Ex Libris Joannis Nencini


1874














LV

Tox
Alec
Gall
Tima
Tyr
Decl
De v
Et q
E
Cym
Men
Philo
Tyr
Dac

LVCIANI OPVSCVLA ERASMO RO
TERODAMO INTERPRETE.

Toxaris, siue de Amicitia.

Alexander, qui & Pseudomantis

Gallus, siue Somnium

Timon, seu Misanthropus.

Tyrannicida, seu pro tyrannicida.

Declamatio Erasmi contra tyrannicidam.

De ijs, qui mercede conducti degunt.

Et quædam eiusdem alia

Eiusdem Luciani Thoma Moro Interprete,

Cynicus

Menippus, seu Necromantia

Philopseudes, seu incredulus.

Tyrannicida

Declamatio Mori de eodem.



REVERENDO PATRI DOMINO RI
CARDO EPISCOPO VVINTO=
VIENSI ERASMVVS ROTE=
RODAMVS. S. P. D.

E Priscorum usq; seculis mos hic in hæc nostra tem
pora deductus est amplissime pater, ut Calen. Ia
nuarijs principe ineūtis anni die munuscula quæ=
piam missitentur, quæ nescio quid lætioris ominis
afferre creduntur, tum ijs, ad quos abeunt, tum illis,
ad quos redeunt. Itaq; cum ego dispicerem ecquid
tandem muneris à nobis iret ad tantum Patronum,
ad tam potentem amicum, neq; quicquam in mea
reperirem suppellectile præter meras chartulas, pro
fecto chartaceam strenam mittere sum coactus, q̃q̃
qd aliud potius mitti conveniebat ab homine stu
dioso, ad præsulem omnibus quidem fortunæ mune
ribus magnificentissime cumulatum, sed qui virtu
tem, uirtutisq; comites, honestas literas infinitis cal
culis anteponat, quiq; tanquam contemptim, penèq;
dixerim inuitus fortunæ dona admittat, animi bo
nis cum sit opulentissimus, tamen semper magis, ac
magis cupiat ditescere? Porro nostrū hoc munuscu
lum, si nulla alia licet, saltem Terentiani Parme
nonis exemplo, hoc nomine commendabimus, quod
non ex Aethiopia, uerum è Samosata usq; Græciæ
urbe sit profectum. Est autem dialogus Luciani, cui
titulus Toxaris, siue de amicitia, quem nos paucis
his diebus latinum fecimus. Qui quidem (uti spe
ro) non omnino futurus est ingratus tuæ excellen

2
tia, uel ob id, quod amicitiam prædicat, rem adeo
sanctam, ut barbarissimis etiam nationibus olim
fuerit ueneranda, nunc Christianis usque adeo in
desuetudinem abiit, ut nō dicam uestigia, sed ne no-
men quidem ipsum extet, cum nihil aliud sit chri-
stianismus, quā uera, perfecta q; amicitia, quā
cōmori Christo, quā uiuere in Christo, quā unū
corpus, una anima esse cum Christo, hominū inter
ipsum talis quædam communio, qualis est membro-
rum inter se corporis. Neq; minus tamen iucundus
quā frugifer futurus est, si modo decorum obser-
uet, quod in personis situm est. Nam Mnesippi Græ-
ci sermo quā totus græcicum quiddam sapit,
comis, facetus, festiuus, cōtra Toxaridis scythæ ora-
tio, quā tota scythicum quiddam spirat, simplex,
incondita, aspera, sedula, seria, fortis. Quin etiam
dictionis discrimen, quasiq; diuersum filum a Lu-
ciano de industria affectatum pro nostra uirili re-
ferre curauimus. Hanc igitur qualemq; clien-
tuli tui strenulam amplissime præsul felicius au-
spicijs accipe. Et Erasmus, sicuti iam pridem facis,
amare, ornare, iuuare perge. Vale Londini Calen-
dis Ianuarijs M D VI.

TOXARIS, SIVE DE AMICITIA
DIALOGVS LVCIANI ERASMO
ROTHERODAMO INTERPRE
TE. INTERLOCVTORES.
MNESIPPVS GRECVS.
TOXARIS SCYTHA.

Mnesippus.

q Vid ais Toxaris? Sacrificatis Ore
sti, ac Pyladi uos Scythæ, deosq; es
se illos creditis? Toxa. Sacrificat
mus Mnesippe, sacrificamus in-
quam, haud tamen deos esse arbi-
trati, sed uiros bonos. Mnesip. An uero mos apud
uos etiã bonis uiris, posteaquam uita defuncti, sicut
perinde ut dñs sacra facere? Toxaris. Non istuc
modo, uerum eosdem festis diebus, ac celebribus
conuentibus honoramus. Mnesippus. Quid ca-
ptantes, aut sperantes ab illis? Neque enim quo be-
neuolentiam illorum concilietis, ob id rem diuinam
illis facitis, cum iam sint mortui. Toxaris. Nihil
officiat fortassis, si & eos, qui mortui sunt, propi-
cios haberemus. Quãquam non ob id tantum hæc
facimus, quin magis existimamus nos rem uehemē-
ter conduabilem & iis, qui in uita sunt, esse fa-
cturos, si præstantium uirorum memoriam cele-
bremus, honoremq; habeamus ijs, qui uita defun-
cti sunt. siquidem hac ratione futurum arbitra-

mur, ut multi apud nos illorum similes euadere cupiant. Mnesippus. ista quidem recte iudicatis, at Pyladem, atque Orestem quo nomine potissimum suspexistis, ut dijs eos æquaueritis, idq; adeo cum hospites uobis essent, uel quod grauius) hostes? Quippe posteaquam naufragio eiekti ab ijs, qui tum Scythiam incolebant, essent comprehensi, abductiq; ut Dianæ immolarentur aborti carcera- rios, neque non oppressis excubijs, & regem trucidarunt, & assumpta sacerdote, quin ipsa quoq; Diana sublata, nauigio sese proripuerunt, irrisa publica Scytharum lege. Quod si ob istiusmodi facta honorè habetis uiris, facile affecti fueritis, ut multos illorum similes reddatis. Iamq; ipsi ab hoc die usque ad prisca illa respicite, num uobis expedierit multos in Scythiam Orestes, ac Pylades appellere. Nam mihi quidem isto pacto mox futurum uidetur, ut religionis, ac deorum expertes reddamini dijs, qui reliqui sunt, ad eundem modum e regione uestra in exilium ablegatis, postea opinor deorum omnium uice, uiros, qui illos eiektum uenerant, diuinitate donabitis, & qui sacrilegi in uos fuerunt, ijs tanquam dijs sacrificabitis. Quod si nequaquam horum gratia Orestem, ac Pyladem colitis, sed aliud quippiam Toxaris in uos beneficij contulerunt, qua gratia, cum olim non esse deos iudicaueritis, nunc eregone sacra illis facientes, deos esse decreuistis? Et qui tum parum aberant, ut uictimæ fierent, ijs nunc uictimas offer- tis. Enimvero ridicula uideantur ista, & cum his

TOXARIS

quæ quondam statueratis pugnantia. Toxaris.
Et ista quidem Mnesippe præclara sunt uirorum
illorum facinora, quæ commemorasti, uidelicet duo
cum essent, tam ingentem ausum audere, ut tam
procul à sua patria profecti mare transmitterent,
Græcis ad id usque temporis intactum (nisi solis
ijs, qui Argo in Colchidem traiecerunt exercitum)
nihil expauesciti, neque fabulas, quæ de illo ferun-
tur, neque appellationem ueriti, quod in hospitum
uocaretur, uidelicet (opinor) quod fere undiq; gen-
tes accolerent. Deinde, cum iam capti essent, usque
adeo strenue sese gesserint, neque sat habuerint,
si tantum incolumes euaderent, nisi & à Rege
acceptam contumeliam ulti, & Diana sublata ab
nauigassent. Quid? An non admiranda hæc? &
quæ diuino quodam honore digna iudicent, quic-
quid est hominum, qui uirtutem suspiciunt?
Quâquam non ista spectantes in Oreste, ac Pyla-
de pro heroibus illos habemus. Mnesippus. At-
qui iam dices, quidnam præter ista suspiciendum
patrarint, atque diuinum? Nam quantum ad na-
uigationem, & peregrinationem attinet, non pau-
cos profecto diuiniore istis ostendero, negotiatores,
atque inter hos præcipuos Phœnices, qui non in pō-
tum, neq; ad Mæotiden usque, aut Bosphorum tan-
tum enauigant, uerum quaqua uersus Græcum, ac
Barbarum mare permutiuntur. Hi siquidem omnem
oram, & omne litus (ut ita dixerim) perscrutati in
annos singulos, extremo demum autumno in su-

am patriam reuertuntur, quos scilicet ad eandem
rationem pro dijs habeto, idq; etiam si complures il
lorum caupones, ac salsamentarios esse reperies.

TOXARIS. Audi nunc o uir admirande, consyde
ra q; quanto nos, qui Barbari uocamur, rectius uo
bis de bonis uiris sentiamus. Siquidem in Argo,
atque Mycenis ne sepulchrum quidem ullum insi
gne uidere est Orestis, ac Pyladis, apud nos uero
et templum ostenditur, ambobus illis communi
ter sacrum (Ita ut par erat amicus) et hostiae of
feruntur, reliquusq; omnis honos Porro quod ho
spites erant non Scythae, id uero nihil obstat, quo
minus boni uiri iudicentur, neq; enim perpendimus
cuiates sint, uiri honesti, ac probi, neq; inudemus, si
cum amica non fuerint, res egregias gesserunt.

Quin magis admirantes ea, quae patrarunt, ab
ipsis factis domesticos, ac nostrates illos duamus.

Quod autem potissimum stupentes in illis uiris ef
ferimus, illud est, qd nobis uisi sunt amici inter sese
longe optimi extitisse, atq; alijs exemplo fuisse, qua
siq; legem statuisse, quemadmodum oportet amicos
omnem inter se communicare fortunam, curariq; a
Scythis, qui quidem essent praestantissimi. Itaq;
quaecunq; alter cum altero, uel alter pro altero tulit,
ea maiores nostri descripta in columna aerea, repo
suerunt in templo Orestis, ac leges statuerunt, ut ea
columna prima esset institutio, disciplinaq; liberis su
is, si meminissent, quae in illa essent adscripta. Itaq;
penè patris quisq; sui nomen citius obliuisceretur,

TOXARIS

quàm res gestas Orestis, ac Pyladis ignoraret. Quin & in porticu templi, eadem quæcunq; in columnina notantur, priscorum picturis adumbrata uisuntur nempe Orestes unâ cum amico nauigans, deinde fracta inter adruptas cautes ipsorum nauæ, comprehensus, & ad uictimam adornatus, iâq; Iphigenia initiat eos. Ex aduerso uero in altero pariete idem iam uinculis exutus depictus est, ac Thoantem occidens, multosq; ex Scythiis alios. Postremo soluentes, abducta Iphigenia, ac dea. Porro Scythæ frustra scapham adoriuntur iam nantem hærentes gubernaculis, ac conscendere conantes. Deinde re frustra tentata, alij quidem ex eis sauci, alij uero eius rei metu compulsi, natatu semet in solum recipiunt, ubi uel maxime liceat perspicere, quantam alter in alterum beneuolentiam præstiterit, in conflictu cum Scythiis. Fecit enim pictor utrumque de hominibus in semet ruentibus securum, propellentem autem eos, qui in alterum feruntur, ac præ illo iaculis occurrere conantem, pro nihiloq; ducentem, si intereat ipse, modo seruet amicum, uel suo ipsius corpore præueniens excipiensq; ictus in illum intentos. Iam uero tantam illorum beneuolentiam, atque in rebus tristibus communionem, fidem, humanitatem, ueritatem, deniq; constantiam alterius in alterum amoris. hæc haudquaquam humana putemus esse, uerum animi cuiusdam præstantioris, quàm pro more uulgarium istorum mortalium, qui donec secundis uentis nauigatur, amicis indignantur nisi ex æquo

participes fiant rerum letarum, quod si uel paululum eis uenti reflare cœperint, aufugunt, solos in periculis deferentes. Enimuero, ut et illud noueris, nihil amicitia melius arbitratur scythæ, neq; est in quo scythæ magis honestetur, quàm in adiutandis amicis, communicandisq; rebus acerbis, quemadmodum neq; probrum apud nos maius ullum, quàm amicitie desertorem uideri. Has ob res Orestem, ac Pyladem ueneramur, quod præstantes extiterint in scytharum uirtutibus, atq; in amicitia præcellentes, id quod nos omnium maxime admiramur. Appellationem quoq; ex his illorum factis imposuimus, ut corac uocentur, quod quidem nostra in lingua perinde sonat, ac si quis dicat, dij amicitie præsides. Mne. Hui Toxaris, profecto non arcum modo ualuerunt scythæ, bellicisq; in rebus cæteris antecellerunt, uerum uidentur et ad orandum, persuadendumq; omnium aptissimi. Vnde mihi cum dudum secus uideretur, nunc eidem merito fuisse uidemini, qui sic Orestem, ac Pyladem in deorum numerum retuleritis. uerum illud me fugerat uir optime, qđ pictor quoq; bonus esses. Admodum cuius euidenter ostendisti nobis, quæ sunt in Orestis templo, picturas, pugnamq; uirorum, alteriq; pro altero suscepta uulnera. Tametsi non putaram, amicitiam usque adeo cultam fuisse quondam apud scythas, magis autem quod Barbari essent, atq; agrestes. Simultate quidem, ira, rabieq; perpetuo committi, amicitiam autem ne in familiarissimos quidem exer

TOXARIS

cere solitos, idq; coniiciens, cum ex alijs, quæ de illis audimus, tum ex hoc, quod progenitores suos uita defunctos deuorat. Toxa. An nos Græcis, cum alijs in rebus, tum in ijs, quæ ad parentum attinent cultum, sanctiores, magisq; pij sumus, in præsentiarum haudquaquam contenderim. Quod autem nostrates amici longe fideliores sint amicis Græcis, quodq; amicitiae ratio maior apud nos, q̃ apud uos, haud difficile fuerit docere. Ac per deos Græcorum, ne tibi molestum sit audire, si quæ perspexi dixero, multum iam temporis apud uos uersatus, uos enim mihi uidemini præclarius cæteris de amicitia uerba posse facere, uim uero, factaq; illius, adeo non solum pro sermonum dignitate non exercere, ut sat uobis sit prædicare eam, et quantum sit bonum ostendere. At ubi usu uenit, deficientes à sermonibus, nescio quomodo è medio negotio aufugitis. Cæterum cum tragædi in scenâ progressi, istiusmodi amicitias uobis repræsentant, pleriq; laudatis, atq; applaudit, ac pro se mutuo periclitantibus illis illachrymatis, ipsi uero nihil dignum laude pro amicis præstare audetis. Quin si quando forte accidat, ut egeat amicus, ibi protinus non secus, atq; insomnia, procul auolantes euanescent uobis multæ illæ tragædiæ, uosq; similes relinquunt inanibus istis, ac mutis personis, quæ diducto rictu, atq; immane hiantes, ne minimum quidem loquuntur. At nos ediuerso, quo sumus in dicendo de amicitia posteriores, hoc in præstanda ea præcedimus. Quare, si uidetur, ita in præsentia

rum agamus, priscos illos amicos ualere sinamus, si quos uel nos, uel uos ex ijs, qui olim fuere, recensere ualemus, quando ista quidem parte uos nimirum superaueritis, compluribus, ac grauibus adductis testibus, nempe poëtis, qui Achillis & Patrocli amicitiam, tum Thesei Pericliq; neq; non aliorum necessitudinem, pulcherrimis uersibus carminibusq; contexuerunt. Quin paucos quosdam in medium adferamus ex ijs, qui nostra ipsorum memoria fuerint, atq; eorum res gestas exponamus. Ego quidem scythicas. tu uero graecicas. Et in his uter superarit, melioraq; produxerit amicorum exempla, is & uictor esto, ac suam ipsius uictoriam promulgato, tanquam qui pulcherrimum, honestissimumq; certamen decertarit, adeo ut ego quidem non paulo malim mihi in singulari uicto certamine dextram amputari, nam ea est apud Scythas uicto poena, quam in amicitia quopiam inferior iudicari, praesertim Graeco, ipse Scythacum sim. mne. Quanquam est haud mediocris negotij cum uiro, ita ut tu es, bellatore, singulari certamine congredi, tum admodum instructo missilibus, ac penetralibus narrationibus, haud tamen usque adeo ignauiter tam cito uniuersam deferens Graeciam, tibi cesseris. Etenim uehementer absurdum fuerit, cum duo illi tantum uicerint scytharum, quantum fuisse declarant tum fabulae, tum uetustae uestrae picturae, quas paulo ante scite admodum representabas, Graecos omnes, tot nationes, tot ciuitates

T O X A R I S

tes, nullo defendente uinci abs te. Nam istuc si fiat, non dextram, quemadmodum apud uos solet, sed linguam execari conueniat. Sed utrum spectare nos oportet, numerum ne eorum, quæ amice quis gesserit, an magis quo plures alteruter amicos referre poterit, hoc uictoria dignior uidebitur? Toxa. Nequaquam, immo non multitudine uis horum spectetur, uerum si quæ tu narrabis facta, ijs, quæ narabo, uideantur præstantiora, magisq; penetrantia, tum nimirum etiã si numero paria sint, opportuniora, magisq; letalia mihi facient uulnera. Ac penè memet adictus accommodabo. Mne. sip. Probe loqueris. statuamus igitur, quot erunt satis. Toxa. Mihi quidem satis fore uidetur, si uterq; quinq; narret exempla. Mne. Idem mihi uidetur, ac prior dicto, uerum adiuratus nimirum non nisi uera dicturum, alioqui fingere eiusmodi, non admodum fuerit difficile, palàm autem refelli non queant. Porro si iuraris, nefas sit, non habere fidem. Toxa. Iurabimus, siquid etiam iureiurando opus esse censes. Mne. At quis tibi è dijs nostratibus, num satisfaciatur Iupiter philius? Toxa. Et maxime. Ego quoq; tibi nostratem iurabo, me apte in lingua. Mne. Testis igitur esto Iupiter philius, quæcunq; dicturus sum apud te, ea nimirum, uel quæ uiderim ipse, uel quæ ab alijs quoad fieri potuit, diligentissime perreperim, narraturum, nihil ex me ipso commissentem, alienantemq;. Ac primo quidem loco Agatho

elis, Diniaëq; amicitiam referam, quæ apud Ionas
est celebratissima. Nam Agathocles hic, qui Samius
fuit, non ita pridem uixit, uir in amicitia quidē
præcipuus, ita ut re declarauit. Cæterum reliquis
in rebus uulgo samiorum nihilo præstantior, neq;
genere, neq; cæteris item opibus. Huic cum Dinia
Ephesio Lysionis filio amicitia à puero intercesse-
rat. Porro Dinias supra modum ditatus est, &
quemadmodum solent ij, qui nu popes nacti sunt,
complures & alios secum habebat, satis quidem
idoneos illos & ad compotandum, & ad uolupta-
riam consuetudinem, ab amicitia uero longe alie-
nissimos. Atq; inter hos interim habebatur & A-
gathocles, conuiuiebatq; & compotabat illis, non
admodum approbans eam uiuendi rationem. Di-
nias autem nihilo hunc potiore habebat, quàm
cæteros adulateres. Tandem etiā offendere cæpit,
crebrius obiurgans, molestusq; uidebatur, quippe
qui admoneret eum maiorum, præciperetq; ut ser-
uaret, quæ multo labore parta pater illi reliquisset,
adeo ut ob hæc ne ad commessationes quidem il-
lum deinceps adhiberet, sed solus cum illis co-
messaretur cælare cupiēs Agathoclem. Demum ab
assentatoribus illis misero psuasum est, quod ada-
maretur à Chariclæa Demonactis uxore uiri il-
lustris, atq; inter Ephesios in honoribus ciuilibus
primarij. Iam et literulæ à muliere ad illum mis-
sitæ, & certa semimarcida & mala quædam
admosa, deniq; quicquid ad hæc lenæ machinan

TOXARIS

tur in adolescentes, quo paulatim illis amorem artibus quibusdam inferant, primumq; hac incendunt opinione, quod sese credant amari. Nam plurimum illi at hoc, praesertim eos, qui sibi formosi videntur, donec imprudentes in casses inciderint. Erat autem Chariclæa urbana quidem, et elegans muliercula, at supra modum meretricia, semperq; illius, quicumq; forte adisset, etiam si quis admodum leuiter concupiuisset, quin si uel aspexisset duntaxat, protinus adnuebat. nec ullo pacto metuendum erat, nequando recusaret Chariclæa, admirabilis autem alioquin artifex, quauisq; meretrice doctior, irretire amatorem, et ambiguus, cum adhuc esset totum subigere, at cum iam teneretur incitare, ac magis, magisq; accendere, nunc ira, nunc blandimentis, ac mox fastidio, deinde iniecta suspitione, quasi ad alium sese deflexura esset, postremo omni ex parte egregie docta erat mulier et absoluta, artibusq; omni ingenio in amantes instructa. Hanc igitur tum Diniae adulescentes acersuerant in adolescentulum, multaq; adsimulabant quo eum in amorem Chariclæae impellerent, illa porro quae complures iam adolescentes iugularat, et innumerabiles amores fuerat mentita, doctusq; opulentas euerterat, uarium quoddam, atq; inexpugnabile malum, ubi nacta manibus est, simplicem, et huiusmodi artium imperitum adolescentulum, haudquaquam amittebat ex unguibus, sed undiq; oppugnans, tentansq; ubi iam

omnium esset compos, tum ipsa dum captat, capta
perijt, tum infelicia Dinia innumerabilium malo-
rum extitit causa. Nam primum quidem statim li-
terulas illas ad illum dat, ac subinde missitat an-
tillulam, quæ renuntiaret, ut fleret, ut uigilaret,
postremo ut misera præ amore suffocatura esset se-
se. Donec iam beatus ille persuasus, sibi formosus
esse uideretur, atque Ephesiorum uxoribus præter
ceteros adamabilis. Ac tandem in congressum ad-
ductus est multis precibus exoratus. Et ex eo qui-
dem tempore facilis iam erat coniectura, fore ut ca-
peretur à muliere formosa, ad uoluptatem congre-
di docta, & in loco flere, & inter loquendum mi-
serabiliter suspirare, & iam abeuntem amplecti,
& aduenti obuiam occurrere, & formam colere
sic, ut maxime placitura esset, interdum uel uoce, uel
cithara, quibus omnibus in Diniam usa est. At
ubi sensit excruciarī, iamq; amore illaqueatum, ac
subingum esse factum, aliud ad hæc excogitat,
quo miserū subuertat, grauidā se ex eo simulat, (nā
hoc quoq; effiçax, ad magis ac magis inflamman-
dum stultum amantem.) Neque postea commeabat
ad illum, affirmans a' uiro obseruari sese, qui iam
amorem persensisset. Hic uero rem iam non ultra
ferre potis erat, neque durare quibat, cum illam
non aspiceret, sed lachrymabatur, adulatoresq; ad
eam mittebat, ac Chariclææ nomen inclamabat.
imaginemq; illius amplexus (candido enim la-
pide fecerat) ciulabat. Demum in limine abiiciens

TOXARIS

seſe iactabatur, planèq; res extremæ dementiæ ſpe-
ciem obtinebat. ſiquidem munera reddita ſunt mu-
lieri, non pro malorum aut corollarum pretio, ſed
ſolidæ domus, agri, famulæ, uestes florulentæ, au-
ri quantum optaret. Quid multa? Breui Lyſionis
domus antea inter Iones nobiliſſima exhausta eſt,
atq; exinanita. Deinde ubi iam exuccus eſſet, eo re-
lictò, alium quēpiam adoleſcentulum Cretenſem,
bene numatum uenata eſt, illiq; ſubſtituit. Iam ui-
delicet illum adamabat, atq; is quidem credebat.
itaq; Dinias neglectus non à Chariclæa modo,
uerum etiam ab aſſentatoribus (nam iſti quoq; ad
Cretenſem amatorē iam deſciuerant) abiit ad A gathoclem,
iam pridem non inſcium, quàm illi res
miſere haberent. At initio quidem ueritus, tamen
expoſuit omnia, amorem, egeſtatem, arrogantiam
mulieris, riualem Cretenſem, in ſumma non uictu-
rum ſeſe, niſi cum Chariclæa conſuetudinem habe-
ret. Ille uero intempeſtiuum eſſe ratus id temporis
exprobrare Dinia, quapropter ex annis unum
ſeſe non adiſſet, ſed tum quidem aſſentatores ſu-
os ſibi antepoſuiſſet, diuendita, quam unam ha-
bebat in ſamo, domo paterna, pretium illi attu-
lit talenta tria. Quæ ſimulatque recepiſſet Di-
nias, haud clàm erat Chariclæa, ruruſus ſubito
formoſus factus, ruruſus ancilla & literulæ, & ex-
poſtulationo, quod iam diu ſeſe non adiſſet, con-
currerunt item aduſatores applaudentes, ut uide-
runt Dinia adhuc eſſe quod daret. cum autem
pollicitus

pollicitus esset sese uenturum ad illam, uenissetq; primo ferè somno, essetq; intus Demonax Chariclææ maritus, siue quod aliqui persenserat, siue de composito, proditioneq; uxoris (nam utrunq; fertur) exiliens uelut ex insidijs, & atrium iubet occludere, & Diniam comprehendi, ignem, ac flagrami nitans, neq; non gladium tanquam in mœchum educens. Ille porro reputans quibus in malis esset, uecte quopiam de proximo, ut iacebat, arrepto, tū ipsum occidit Demonactem, in tempus adigens, tum Chariclæam, atq; hanc quidem non ictu uno, uerum etiam & uecte sæpius, & postea Demonactis gladio feriens. At famuli interea muti stabant, rei nouitate attoniti. Deinde comprehendere conati, cū in hos quoq; ferro insiliret, ipsi qdē aufugerunt. Dinias autem clām sese subduxit, tanto patrato facinore. Et ad aurorā usq; apud Agathoclem diuersabatur, pariterq; et quæ facta essent reputabāt, & qd in posterū esset euenturum consyderabant. ut autem diluxit, milites aderant (iam enim res erat diuulgata) comprehensumq; Diniam, nec hunc iam inficiantem homicidium, abducunt ad præfectum, qui per id tempus Asiam moderabatur. Hic eum ad Persarum regem remittit. nec ita multo post relegatus est Dinias in Giaron insulam ex Cycladibus unam, damnatus à rege, ut in ea, quoad uiueret, exularet. Agathocles autem cum reliquis in rebus nunquam defuerat, tum pariter soluit in Italiam, & amicorum solus una est iudicium comitatus, nihilq; commertus iuit in uincula. Porro ubi

TOXARIS

Iam in exilium profectus est Dinias, ne tum quidem desertus est ab amico, Quin potius ipse suapte sponte dānatus, uersabatur in Giaro, simulq; cū illo exulem agebat. At cum iam rerū necessariarū omnium inopia laborarent, locans se ipsum purpurarijs una cum alijs urinabat, quodq; hinc partum est referēs, Diniam alebat. Quin et ægrotanti diutissime inferuiuit, & ubi uita defunctus est, noluit unquam in patriam reuerti, uerum inibi perseuerauit in insula, pudori sibi fore ratus, si uel mortuum amicum deseruisset. Hoc tibi græca factum amica retulerim, quod quidem non ita pridem accidit. haud enim scio an annu quinque præterierint, quod Agathocles in Giaro uitam obiit. Toxaris.

At utinā iniuratus ista Mnesippe dixisses, uidelicet quo mihi fas esset, eis non habere fidem. A deo Scythicum quendā amicum Agathoclem istum descripsisti, quoniam uereor nequē et aliū isti simile narres. Mnesippus. Audi iam et alium Toxari Euthidicum Chaladensem. retulit autem mihi de hoc Simylus nauclerus Megarensis, adiurans profecto se teste rem factam esse. Aiebat enim nauigauisse sese ex Italia Athenas, aracter Pleiadum occasum, collecticiōs quosdam homines uiscentem, in his fuisse Euthydicum, unaq; cum hoc Damonem Chalcidensem eiusdem amicum. At natu quidem eos æquales fuisse, uerum Euthydicum, ualētem, robustūq;, Damonē contra suppalidū, ac uoletudinariū, quasi quod nup(er) ut apparebat ex diuturno morbo reualuisset. Itaq; ad Sialia usq; feliciter aiebat Simylus na

uigasse ipsos. Cæterum ubi transnūssō freto, in ipso
iam Ionio mari nauigarent, tempestatem maxi-
mam eis incubuisse. Quid autem attinet multa re-
ferre? immanes quasdam procellas ac simiosas tum
grandines, et siquæ alia tempestatis mala. ut uero
iam haud procul abessent a Zacyntho nuda naui-
gantes antemna, præterea et funes quosdam tra-
hentes, quo nimirum uim, impetumq; fluctus ex-
ciperent, circiter noctis medium Damonem, qui in
tanta iactatione nauigasset, uomuisse, in mare
propendentem. Deinde, ut conijcio, naue uche-
mentius in eam partem, in quam ille propende-
bat inclinata, simulq; propellente fluctu ex-
cidisse cum, prono capite in pelagus, neq; nudum
tamen, uidelicet, ut misero uel natare commodè lice-
ret. Mox itaq; succlamasse, cum præfocaretur, uixq;
se se ab undis sustolleret. Porro Euthydicum simul
atq; audisset, nam forte fortuna nudus in strato tū-
erat, abiecasse semet in mare, areptoq; Damone, quī
iam deficiebat (diutius enim ista uideri poterant lu-
na scilicet relucente) una cum illo fluitasse, pariterq;
summo uertice extitisse. Ac uoluisse qdem illis opi-
tulari sese miseratos uirorū calamitatem, uerū neq;
se, qd uento præualido raperentur. Illud tamen fe-
cisse, subera complura ad illos proiecasse, tum ex con-
tis aliquot, ut ab ijs suspensi natarent, si quem for-
te ex eis nanscerentur. Postremo causoria quoq;
tabulata, quæ quidem erant neutiquam exigua-
cogita iam per deos, quod aliud grauius beneuo-
lentiae documentum quisquam edere queat: ne hon-

T O X A R I S

minē amicum, qui noctu decidisset in mare, usque adeo sæuiens, quā communicata morte, Iamq; adeo mihi ante oculos ponē, imminentes procellas, fragorem undarum circumfrentium, spumam undiq; efferuescentem, noctem, ac desperationem. Ad hæc illum iam præfocari incipientem, uixq; undis extantem, manusq; porrigentem amico, hūc autem inconctāter insiliētē, simulq; nantem, prorsusq; soliatum, ne se prior Damon interiret. sic enim profecto cognosces, quod haud ingenerosum, hunc quoq; amicum, uidelicet Euthydicum retulerim. Toxaris. Vtrum perierunt uiri Mnesippe, an salus quæpiam ex insperato illis contigit? A deo ego illis non mediocriter timui. Mnesippus. Bono animo es Toxaris, seruati sunt, quin hodiēq; Athenis agunt, ambo philosophiæ dantes operam. Nam Simylus ea demum narrare poterat, quæ noctu uidere licuit. hunc delapsū, illū desiliētē, simulq; nantes, quatenus per noctem dabatur aspicere. Porro quæ post hæc acciderint, ij, qui cum Euthydico uersantur, narrant. Primum quidem, subera quædam forte nactos, suspendisse de his sese, atq; ita hærentes fluitasse perq; incommode, Deinde ubi tabulata conspexissent iam sub auroram annasse, consensisq; illis commode nantes appulisse Zacynthum. post hos autem, qui neutiquā mali sunt, ut ego quidem autumo, accipe iam tertium nihilo istis inferiorē. Eudamidas Corinthius Aretæo Corinthio, & Charixeno Sicyonio amicus utebatur, & is quidem opulentis, cum ipse pau-

perrimus esset. Hic uita decedens testamentum reliquit, alijs quidem fortasse deridiculum, tibi uero, haud scio, an tale sit appariturum, uiro probo, et apud quem amicitia in pretio sit, quiq; uel cum praecipuis in ea certare queas, sic enim in eo scriptum erat. Lego Aretæo quidem, matrem meam alendam, atq; in senectâ fouendam, Charixeno uero filiam meam elocandam cum dote, quanta ab illo maxima dari poterit. Erat autem illi mater anus, ac filiola iam matura nuptijs. Siquid autem interim acciderit, alterutri huius quoq; partem (ut aiunt) alter habeto. Huiusmodi lecto testamento, ij, qui tenuitatem quidē Eudamidæ nouerant, at amicitiam, quæ illi cum his uiris intercesserat, ignorabant, rem pro ludo, iocoq; ducebant. Nemo certe aderat, qui non cum risu discederet, quod eiusmodi hereditatem Aretæus, et Charixenus essent accepturi, atq; ita aiebant. Siquidem persoluent Eudamidæ, superstites ipsi hereditatem tradent mortuo. At heredes, quibus ista erant legata: ut audierunt, uenerunt ilico agnoscentes, rataq; facientes ea, quæ erant testamento mandata. Itaq; Charixenus quinq; duntaxat dies superstes, diem obiit. Aretæus autem optimus successor factus, tum illius, tum suo ipsius suscepto onere, et matrem alit Eudamidæ, et filiam non ita pridem elocauit, ex quinq; talentis, quæ possidebat, duobus in propriæ filiae dotem, duobus in amica filiam erogatis. Ac nuptias ambarum eodem die fieri uoluit. Quid tibi Toxaris Aretæus iste uidetur? num nam le-

TOXARIS

ne auaritia argumentum exhibuisse, adita huius-
modi hereditate, neq; deserto amici sui testamento?
an hunc quoq; in perfectis, idoneisq; calculis po-
nimus? ut sit unus e quinq;? Toxaris. Et iste
quidem egregius, quanquam equidem Eudamida
nullo magis ob fiduciam admiratus sum, qua fuit
erga amicos. declarauit enim quod & ipse eadem
fuisset factururus erga illos, tametsi non essent ea scri-
pta in testamento, uerum ante alios uenisset non scri-
ptus talium haeres. Mnesippus. Probe dicis. sed
quartum iam tibi narrabo, Zenothemim Charmo-
leum Massilia oriundum. commonstrabatur mihi in
Italia patriae nomine legatum agenti, uir decorus,
procerus, ac diues, ut apparebat. Assidebat illi
uxor in rheda iter facienti, cum alioqui deformis,
tum dimidia nempe dextra corporis parte manca,
alteroq; capta oculo, teterrimum quoddam, & re-
fugiendum terriculum. Deinde cum demirarer, si,
decorus ille cum esset, ac uenustus, sustineret eius-
modi mulierem sibi adiunctam, is, qui mihi eum
commonstrabat, causam exponit, quare in id matri-
monium incidisset. nouerat enim comperte omnia.
nam ipse quoq; Massiliensis erat. Menecrati, inquit,
huius foedae patri, amicus erat Zenothemis, uiro
diuiti, ac honorato, ipse iisdem rebus par. Deinde
aliquanto post facultatibus exutus est ex conde-
mnatione Menecrates, quo tempore pariter infamis,
& ad capeffendos magistratus inidoneus est iudi-
catus a sexcentum uiris, tanquam qui sententiam
iniquam pronuntiasset. Ad hunc autem modum

inquit, nos Massilienses multamus, si quis corrupte iudicet. Grauitur itaq; ferebat Menecrates. Primum quod esset condemnatus, deinde, quod e' diuite pauper. Postremo, quod ex nobili repente factus esset infamis, ac reiectus. At præter cætera eum ipsa discruciat filia iam nubilus, utpote annos nata decem et octo, quam ne cum omni quidem patris substantia quam ante condemnationem possederat, dignatus fuisset quisquam ingenuus, ac pauper facile accipere, quæ tam infelici fuerit fortuna. Quin et conadere dicebatur, idq; circa lunam crescentem. Hæc ubi apud Zenothemim deploraret, bono inquit animo es Menecrates, Neq; enim ipse egebis necessarijs, & filia tua dignum aliquem suo genere sponsum inuenerit. Atq; hæc elocutus, statim apprehensa illius dextra, deduxit domum. Ibiq; opes, quæ illi multæ erant, partitus est cum illo, ac cœna apparari iussa, conuiuium accepit amicos, & in his Menecratem, ueluti iam e' necessarijs cuiuspiam persuasisset, ut puellam in matrimonium acciperet. posteaquam autem conuiuium peregerant, libassentq; dijs, tum uero plenum illi calicem porrigens, accipe inquit Menecrates a' genero symbolum affinitatis poculum, nam hodie ducturus sum ego filiam tuam Cydimachâ, dotem autem iam olim accepi, talenta quinq; & uiginti. illo uero respondente, absit ne feceris o' Zenothemis, ne' ue ipse usque adeo insaniam, ut te, qui & inuenies, et formosus, conspiciam cû deformi puella, ac debilitata coniungitur. Hæc inquã illo loquente, hic sponsam

TOXARIS

adiunctam tollens abduxit in thalamum, ac paulo post prodijt, ea deuirginata. atq; ex eo tempore cum illa uiuit, supra modum diligens, & quem admodum uides, arcunferens eam. Et non solum non pudet matrimonij, uerum etiam perinde, atq; cohonestatus eo, sic ostentat propterea quod negligit corporis formam, ac foeditatem, ad hæc opes, & famam, tantum amici rationem habet Menecratidis, neq; arbitratur eum sexcentum uirum sententia, deteriores esse factum, quantum ad necessitudinem. Quanquam pro iis iam illi gratia retulit fortuna, ad hunc modum. Duellus enim ei formosissimus ex illa deformissima susceptus est. Neq; diu est, quod tollens hunc pater, intulit in curiam, frontibus oleagnis coronatum, ac pullis amictum, quo plus miserationis auro conciliaret. At infans arridebat iudicibus, manibusq; complodebat. Itaq; curia commota super illo, remisit multam Menecrati, atq; ille iam rei, famæq; restitutus est eiusmodi patrono usus apud Iudices. Hæc affirmabat Massiliensis Zenothemim amica gratia fecisse, haud mediocria, sicuti uides. neq; qualia passim Scythæ fecerant, qui concubinas formosissimas summa cura deligere dicuntur. Restat nobis quintus. Neq; uero mihi uideor alium quempiam debere dicere, Demetrio suniensi præterito. Nauigabat in Aegyptum Demetrius una cum Antiphilo Alopecensi, qui cum illi iam inde a teneris annis fuerat amicitia, atq; ephebus ephebo conuixerat, pariterq; fuerat eruditus. ipse quidem Cynicam disciplinam secutus

Sub Rhodio illo sophista, Antiphilus uero medendi sciētiam exercuerat. At hoc temporis forte profectus fuerat in Aegyptum, ad spectaculum Pyramidum, Memnonusq; . Nam audiuerat illas, cum essent sublimes, umbram non iacere, Memnonem autem uocem edere, ex oriente sole. harum igitur rerum cupiditate aduentus Demetrius, uidelicet ut Pyramidas intueretur, ac Memnonem audiret, sextū iam mensem aduerso Nilo nauigabat, relicto Antiphilo, qđ is itinere, atq; aestu defessus esset. Huic autem interea calamitas incidit, quæ singularem quempiam amicum postularet. Nam puer eius, ut nomine ita & patria Syrus, in ita societate cum sacrilegis aliquot, una cum illis in Anubis templū irrupit, sublatoq; deo ad hoc phialis aureis duabus tum caduceo, aureo & hoc, neq; non cynocephalis argenteis. atq; id genus alijs, omnia apud Syrum deposuerant. Deinde forte comprehensi (capti enim fuerant diuēdentes nescio quid) rem omnem protinus confessi sunt destrikti in rota, deportatiq; uenerunt in ædes Antiphili, ibi res furto sublatas depromebant, sub lectica quadam in abdito conditas. Syrus itaq; ilico uinctus, unaq; herus huius Antiphilus, atq; is quidem interea, dum præcepto rem audit, auulsus. Hæc opitulabatur quispiam, quin magis ij, qui fuerant hactenus amici, auersabantur hominem tanquam qui templum Anubis sacrilegio compilasset, seseq; impiari credebant, si cum illo bibissent, aut edissent. Porro duo, qui reliqui erant pueri, quicquid erat in domo conuasari

TOXARIS

tes, fuga discesserunt. In uinculis igitur erat miser
 Antiphilus multum iam temporis, habitus interim
 omnium, quantum in carcere erat, sordium sce-
 lissimus. porro praefectus carceris Aegyptius
 homo superstitiosus ratus sese gratum facere deo,
 atq; illius ulasci uices, grauius Antiphilo immine-
 bat. Quod si quando defenderet, affirmans se ni-
 hil eiusmodi patrasse, impudens habebatur, atq;
 hoc nomine multo etiam magis erat inuisus. Sub-
 ægrotabat itaq; iam, maleq; habebat. nec mirum,
 quippe qui humi cubaret, idq; etiam noctu. neq;
 crura sineretur protendere, ligno inclusa. nam per
 diem Cyphone stringebatur, altera manu uincta
 ferro. at noctu cogebatur totus in uinculis esse.
 Ad hæc insuper domicilij pædor, ac præfocatio,
 multis ibidem uinctis, locumq; angustum premun-
 tibus, adeo ut uix respirarent, tum ferri stridor, ac
 somnus exiguus. Hæc omnia molesta erant, atq;
 intoleranda, nimirum homini eiusmodi rerum in-
 sueto, minimeq; ad tam durum uitæ genus exerci-
 tato. Cum uero iam deficeret, ac ne cibum qdem
 capere posset, reuersus est tandem & Demetrius,
 nihil dum sciens eorum, quæ acciderant. ut autem
 cognouerat, quo in loco res esset, statimq; curricula
 lo ad carcerem uenisset, tum quidem admissus nō
 est, propterea quod uespera iam esset, et carceris cu-
 custos iandudum oclusis foribus dormiebat, mi-
 nistris excubias agere iussis. At mane cum esset,
 ingressus, multis uidelicet precibus admissus, acce-
 dens multo tempore quærebat Antiphilum, quip=

pe malorum multitudine sic immutatum, ut agnosci non quiret. Circumiens igitur è uinctis unumquenq; contemplabatur, eorum more, qui familiarium cadauera iam macada facta requirunt in stragibus. Quod nū nomē fuisset elocutus, Antiphilum Denomenis filium, ne longo quidem tempore potuisset agnosci quisnam esset, usque adeo præ malis erat transfiguratus. ut uero ad uocem agnitam respondisset, atq; adeunte illo comam diduxisset, eam à uultu abigens sordidam, atq; impexam, ostendit sese quis esset. Hic ambo collapsi sunt, æiulantes, in tam inopinato spectaculo. uerum aliquāto post, posteaquam & ipse sibi redditus, & Antiphilum recipiens Demetrius, de singulis esset illum diligenter perconctatus, bono animo esse iubet. Tū dissecto pallio, dimidiato quidē induitur ipse, reliquum autem illi donat, detractis illi putribus, atq; detritis, quibus erat opertus, panniculis. Atq; ex eodie modis oibus illi aderat, curā eius agens, inserviensq;. Locans. n. sese, ijs, qui uersabatur in portu, mercatoribus, à mane ad mediū usq; diē, oneribus gestandis nō parū lucri faciebat. Deinde ab opere reuersus, mercedis partē carcerario in manū dabat, quo illi mansuetū hunc, ac pacatum redderet. De reliquo autē in amici curā, affatim suppeditabat. Atq; interdū qdē aderat Antiphilo, quo illū consolaretur. ubi uero nox occupasset, pro carceris foribus, factō ex herbis torulo, substratisq; frondibus, acq̄escebat. Et in hunc qdem modū aliquādiu debebant, ut Demetrius nullo uetate ingrederetur,

TOXARIS

atq; ob id mitius ferret calamitatem Antiphilus,
donec extincto in carcere latrone quopiam, idq;
ut putabatur, ueneno, & custodia exactissime ob-
seruatæ, neq; deinde quisquam admissus in domi-
cium, in quo uincti seruabantur. Quas ob res du-
bius, atq; anxius, cum alia uia non pateret, qua
liceret amico adesse, adito præfecti collegæ, seipsum
defert tanquam in irruptione templi. Anubis cõ-
munem operam addidisset, id simul atq; confessus
est, abductus est ilico in carcerem, uinctusq; iux-
ta Antiphilum. Nam hoc magnis precibus uix ob-
tinuerat à carcerario, ut proxime Antiphilo, atq;
eadem in trabe uincretur. Hic igitur uel maxime
declarauit, quanto in illum fuerit amore, cum sua
ipsius incommoda negligeret (nanq; hoc inuene-
rat ipse) illud autem curæ haberet, quo pacto fie-
ri posset, ut ille & quamplurimum dormiret, &
minimum angeretur. Atq; ita commode tolerabant,
communicatis inter ipsos malis. donec aliquanto
post, tale quiddam accidit, quod finem fermè eorū
imponeret calamitati. siquidem è uinctis quispiā,
haud scio unde nactus limam, adiunctis conuira-
tis captiuorum plerisq; catenam insecuit, qua seria-
tim erant astricti, cyphonibus in hanc insertis, sol-
uitq; omnes. Qui quidem faciale, trucidatis quippe
paucis custodibus, conglobati prosiliere. Atq; ù q-
dem ilico quo quisq; poterat dissipati, postea ple-
riq; sunt comprehensi. Porro Demetrius, & Anti-
philus inibi remanserunt, Syto quoq; retento, qui iā
aufugere parabat. Vt autem diluxisset, Aegypti

præses, cognito quod aciderat, emisit quidem qui illos insequeretur, accersitis autem ijs, qui erant cū Demetrio, soluit à uinculis collaudatos, quod soli non aufugissent. At illis haudquaquam sat erat, ut hoc titulo dinnitterentur. Clamabat autem Demetrius, sibiq; non mediocribus in rebus iniuriam fieri prætendebat, si pro maleficus habiti uiderentur, uel commiseratione, uel ob id auldis, quod non aufugissent, dimitti. In summa compulere iudicem, ut causam exactius excuteret. At hic ubi reperit, nihil eos commeritos, collaudatos illos, Demetrium autem seorsum quoq; admiratus, liberos esse iussit, consolans super pœna, quam tulerant, præter ius in uincula coniecti. Quin etiam ambos munere prosecutus est, idq; de suo, Antiphilum drachmarum decem millibus, bis tanto Demetrium. Ac Antiphilus etiam nunc quidem in Aegypto est. Demetrius autem sua quoq; uiginti millia relinquens amico, concessit in Indiam, profectus ad Brachmanas, tantum hoc locutus Antiphilo, merito sibi iā ignoscendum uideri, quod tum ab eo discederet. Neque enim sibi opus fore pecunia, quoad is perseveraret, esse, qui erat, uidelicet qui possit paucis esse contentus, neq; illum amplius egere amico, quippe cui res iam feliciter haberent. Huiusmodi sunt Toxaris amici græci. Quid nī initio notasses nos, tanquā q uerbis nos actaremus, idem profecto relaturus erā tibi cōplures orationes, atq; eas egregias, quas Demetrius habuerit in iudicio, cum interim pro seipso nihil defenderet, pro Antiphilo uero, lachrymas

TOXARIS

funderet, atq; etiam supplex esset, totamq; causam in sese reciperet, donec Syrus flagris cæsus ambos eos liberos fecit. Hos igitur paucos è plurimis, quos mihi primum memoria suggessit, tibi narrauerim præclaros, ac firmos amicos. Quod reliquum est, iam decedens à narratione, tibi dicendi partes tra- do. Tu porro uti Scythas his non inferiores refe- ras, sed longe præstantiores, tibi ipsi curæ fuerit, si quid de dextra sollicitus es, ne ea tibi præcadatur. Verum oportet strenuum præstare uirum. Etenim res quædam uehementer ridicula tibi contigerit, si cum Orestem, ac Pyladem admodum sôphistice lau- daris, pro Scythia dicens orator ignauus appare- as. Toxa. Recte tu quidem Mnesippe, qui q- dem ad dicendum etiam adhortaris, perinde quasi nihil sollicitus sis, ne tibi lingua excecetur, uictio in narrationibus. sed iam exordiar, nihil quidem, quemadmodum tu, uerbis phalerans, atq; adornas (neq; enim is Scytharum mos) præsertim cum res ipsæ longe magis loquantur, quàm uerba. Nihil au- tem eiusmodi expectaueris à nobis, cuiusmodi tu commemorando laudibus extulisti, puta si quis sine dote duxerit deformem mulierem, aut si quis ami- ci filiae nubenti, pecuniolam donauerit, duo talen- ta, ac per Iouem si quis sponte eat in uincula cum certo sciat se paulopost esse soluendum. Admodum enim leuia ista, neq; quicquam inest in his uel ma- gni negotij, uel uirile quod sit. Cæterum ego tibi referam multas cædes, bellaq; et mortes amicorū causa susceptas, ut intelligas uestra ista lulum esse,

si cum
causa
piora
causam
et uim
tate qu
pefate
At ap
dior, n
curram
poti
confite
inexpe
bi com
pocel
aut
stexa
sic, in
in am
graua
cenas
eti esse
repulsi
tar, ac
ros eos
rū pro
inquis
mris, si
mouere
de mot

si cum Scythias conferantur. Neq; tamen istuc sine causa facitis. Sed merito parua ista miramini, propterea, quod non sunt uobis admodum graues occasiones declarandae amicitiae, quippe in alta pace uiuentibus. Quemadmodum nec in tranquillitate queas scire, bonus sit gubernator nec ne. Tempestate enim tibi opus fuerit, ad hoc ut dignoscas. At apud nos bella perpetua, & aut inuadimus alios, ut cedimus inuadentibus, aut ubi forte concurrimus, pro pascuis, praedaq; pugnamus. Hic potissimum opus est bonus amicus, eoq; q̄ firmissime constituimus amicitias, sola haec arma inuicta, atq; inexpugnabilia esse iudicantes. Prius autem uolo tibi commemorare quo ritu faciamus amicos, non ex poculis, quemadmodu uos, neq; si quis aequalis sit, aut uicius, ueru ubi strenuum quēpiam uiru conspexerimus, quiq; praecleara facinora patrare possit, in hunc omnes studio incumbimus, & qd uos in ambiendis coniugis, id nos in amicis facere non grauamur, diu quasi procos agentes, nihilq; non facientes, ne uidelicet frustremur amicitia, ne ue reiecti esse uideamur. At ubi iam in amicitias caeteris repulsis, delectus est quipiam, protinus foedus initur, ac iusiurandū, qd sit maximū nimirū, et uicturos eos pariter, et mortē appetiturū, si sit opus, alterū pro altero. Atq; ita facimus. Etenim simulatq; inasis digitis, sanguinem in calicem destillauerimus, summisq; intinctis gladijs, ambo pariter ad mouentes biberimus, non est quicquā, quod deinde nos queat dirimere. Admittuntur autem ad hu

TOXARIS

iussmodi fœdera ad summum tres. Nam qui multis sit amicus, is eo loco habetur apud nos, quo cōmunes istæ, atq; adulteræ uxores, arbitramurq; iā non perinde firmam illius amicitiam fore, postea quam est in plures partes dissecta. Exordiar autem ab ijs, quæ nuper Dandamis fecit. Dādamis enim hic in conflictu cum Sauromatis, cum esset captivus abductus eius amicus Amīſſocis, Quin potius ante tibi iurabo nostrum iusiurandum, quandoquidem istuc initio sum pollicatus. Non enim per Ventum & Acinacem, quicquā mentiturus sum apud te de Scythias amicis. Mnesippus. Equidem tuum iusiurandum haud magno opere desiderabā, proinde recte facis, qui nullum deorum iures.

Toxaris. Quid tu narras? An non tibi videntur esse dii Ventus & Acinacis? A deo ne te fugit quod nihil sit maius mortalibus vita ac morte? Per hæc utiq; iuramus, quoties per Ventum, & Acinacem iuramus, uidelicet per Ventum, tanquam qui uiuendi sit causa, per Acinacem uero, ut qui mortis sit author. Mnesippus. Atqui si ista idonea causa est, profecto multos alios quoq; deos esis habitori, tales qualis est Acinacis, puta iaculum, lanceam, uenenum, funem, atq; his consimilia. Quando quidem uariis est iste deus interitus, atq; innumerales aperit uias, quibus ad illum sit aditus.

Toxaris. Vide quā contentiose nunc, quāq; subdole facis, dum medio sermone interpellas me, excutisq; ac disturbas orationem meam. At ipse loquente te silentium agebam. Mne. Age, non sum
istuc

istuc posthac facturus Toxaris. Et optimo iure obiurgas. quare perge confidenter, quod restat dicere, perinde quasi nec adsim, dum loqueris. adeo tibi silebo. Toxaris. Quartus igitur agebatur dies Dandamidi, & Amīzocæ, mutuum sanguinem pariter biberant, uenerant interea in regionem nostram Sauromatæ, cum equitum decem milibus, peditum autem bis tantum aduenisse ferebatur, ij nimirum, cum in nos irruissent imparatos, neq; expectantes illorum insultum, omnes quidem cedere cogunt, complures autem repugnantes occidunt, nonnullos & uiuos abducunt, nisi si quis effugerat tranans in ulteriorem fluminis ripam, ubi nobis dimidium copiarum, et pars curruum erat. Sic enim id temporis castra fueramus metati, haud scio quo consilio Archiplanorum, idest ducum nostrorū, ad utranq; Tanaidis ripam. Protinus itaq; & prædas abigere, & captiua abducere, & tentoria diripere, & curribus potiri, atq; ijs plerisq; cum uiris captis, & sub oculis nostris concubinas, uxoresq; nostras constuprare. Nos porro rem indigne tulimus. At Amīzocæ, cum duceretur (erat enim captus) nominatim inclamauit amicum misere uinctus, simulq; calicis, & sanguinis commonefecit. Quod simulatq; exaudierat Dandamis, nihil etiam conctatus, spectantibus omnibus, tranauit ad hostes, ibi Sauromatæ densatis telis irruerūt in illum, iam confixuri, nisi succlamasset Zirīm. Hoc uerbi si quis sonuerit, postea non interimunt, sed recipiunt, tanquam dedentem sese pretio redi

T O X A R I S

mendum. Moxq; ad illorum ducem adductus re-
 poscebat amicum, ille redemptionis pretium postu-
 labat. Neq; enim prius dimissurum sese, nisi maxi-
 mum pro illo recepisset. Tum Dandamis, quæ possi-
 debam inq; ea omnia a uobis direpta sunt. quod
 siquid est, quod nudus præstare queam, id sum pa-
 ratus polliceri uobis, & imperato quicquid uoles.
 Et si ita uis, me ipsum huius in locum recipe, &
 abutere ad quodcunq; tibi lubitum erit. Ad hæc
 Sauromata, Nihil inq; opus retinere te, præsertim
 cum temet dedideris. Quin tu parte eorum, quæ
 possides, tradita, amicum abducto. Rogat ilico Dā-
 dānis, quidnam uellet accipere, ille oculos postu-
 lat. Atque hic protinus exhibuit eruendos. Dein-
 de ubi essent execti, iamq; pretium persolutum es-
 set Sauromatis, recepto Amīzōa reuersus est inni-
 tens illi, unaq; tranantes incolumes ad nos redierūt.
 Id factum animū reddebat Scythis omnibus, neq;
 iam uictos esse reb. intur sese, cum uiderent, quod
 apud nos esset bonorum maximum, id non dum
 esse abductum ab hostibus, uerum superesse egre-
 giam mentem, & in amicos fidem. At idem Sau-
 romatis formidinem non mediocrē incutiebat, re-
 putantibus cum cuiusmodi uiris, si se præparassent,
 essent pugnaturi, tamen si tum quidem ex impro-
 uiso superassent. proinde sub noctem relictis maxi-
 ma ex parte pecoribus, incensiq; curribus fuga sese
 subduxerunt. Porro Amīzōa non tulit diutius, ut
 uideret ipse, amico cæco Dandamide, sed ipse se-

met exoculauit. Atq; ita sedent ambo, omniq; cum
honore à populo scytharum publicatus aluntur.
Quid tale Mnesippe uos referre possitis? Etiam si
quis tibi donet, ut possis uel decem alios ad istos
quinq; adiungere, etiam citra iniurandum, si ite-
ris, ut & multa liceat affingere? At ego tibi rem
nudam exposui, tu uero si quem talem narrasses,
non sum nescius, quantas adornandæ rei gratia
phaleras narrationi fueris admisturus, quemad-
modum supplicarit Dandamis, & quomodo sit ex-
cæcatus, & quæ dixerit, & quo pacto redierit, et
quemadmodum exceperint eum scythæ, ad gra-
tulantés, beneq; ominantes, atq; id genus alia, cuius
modi uos ad demulcendas aures soletis artificio quo-
dam addere. Audi igitur & alium huic parem,
Belittam huius Amictocæ consobrinum. Is, ut de-
tractum ex equo à leone Basthem amicum conspe-
xisset, nam forte simul erant in uenatu, iamq; leo
circumplexus illum iugulo admotus esset, atq; un-
guibus laniaret, desiliens & ipse inuolauit in ter-
gum belluæ, reflexitq; in sese prouocans, auertēsq;
atq; inter dentes digitos inferens, conatus quoad li-
cuit Bastham è rictu leonis eximere, donec leo o-
misso illo iam senimortuo, ad Belittam sese conuer-
tit. atq; ipsum quoque circumplexus occidit. At il-
le moriens (nam tanto anteuertit) Acanacem in
leonis pectus defixit. Itaque pariter exani-
mati sunt omnes. nos autem sepeliuimus eos, duo-
bus aggestis tumulis inter se uicinis, altero ami-
corum, altero è regione leonis. Iam tertio ti-

TOXARIS

bi referam Mnesippe Macentæ Lonchata, & Arfacomæ amicitiam. Hic enim Arfacomas deperibat Mazeam Leucanoris filiam, qui regnabat in Bosporo, tum cum legatione fungeretur super tributo, quod Bosporini semper nobis pendere soliti, id temporis tertium iam mensem ultra diem legitimum distulerant. In conuiuio igitur cū Mazeam uidisset proceram, atq; decoram uirginem, amore captus est, grauiusq; discutiabatur. iam itaq; quæ de tributis agebantur, erant trāsa cta, responderatq; illi Rex, conuiuioq; accipiebat, mox illum dimissurus. Est autem mos in Bosporo, uti proci in conuiuio petant puellas, narrantes quinam sint, quibusq; rebus freti, decreuerint eas in matrimonium accipere. Atq; id temporis forte fortuna multi aderant in conuiuio proci, reges, ac regum filij, in his erat & Tigrapates Larorum princeps, & Adyrmachus Machlynæ dux, alijq; cum his permulti. oportet autem unumquemq; procum, posteaquam exposuit quis sit, & qua fiducia ad ambiendas nuptias accesserit, conuiuari cum reliquis, tacitumq; accumbere. Deinde peracto conuiuio, postulata phiala, uinum in mensam effundere, atq; ita sponsam ambire, multum interea collaudantem sese, quo genere, quibus opibus, qua sit potentia. Ad hunc igitur modum cum multi iam libassent, postulassentq; regna, & opes commemorantes, tandem Arfacomas, postulata phiala, non libauit (neq; enim mos apud nos uinum effundere, quin magis contumelia ista esse iudicatur in deum)

sed haustum bibens, Da mihi Rex inquit filiam tuam Mazeam uxorem, qui multo sum potior istis quantum ad opes, ac possessiones attinet. Leucanore uero admirante, neq; enim credebat rex pauperem Arsacomam, ac de plebe Scytharum esse, percontanteq; quantum pecorum, aut quantum habes plaustrorum Arsacoma, nam ijs rebus uos diuites estis. immo nec plaustra inquit, possideo, nec armenta, uerum sunt mihi duo amici, honesti, probiq; quales alij Scytharum nemini. At tum quidem ista dicens risus est, contemptuq; habitus, uisusq; temulentus. Mane uero reliquis praelatus est A dyrmachus, iamq; sponsam abducturus erat in Maotidem ad Machlyenses. Porro Arsacomas domum reuersus amicus indicat, quemadmodum reiectus esset a rege, risuq; habitus in conuiuio, cum pauper esse putaretur. Equidem illis dixeram inqt, opes meas esse uos o Lonchata, atq; Macenta, uestramq; beneuolentiam longe prestare, multoq; firmiorem esse Bosphoranorum opibus. uerum haec decentem me subsannauit, contempsitq; et A dyrmacho scilicet Machlyensi tradidit asportandam sponsam, quod aureas phialas se diceret habere decem, praeterea currus quaternis sedilibus octoginta, ad haec ouium, boumq; multam copiam. Sic uidelicet ante tulit fortibus uiris pecorum multitudinem, ope rosa pocula, et currus graues, proinde o amici dupliciter excrucior, nam et Mazeam amo, et iniuria mihi inter tantum hominum illata, non medio critter mordet animum meum. Arbitror autem et

TOXARIS

nos ex aequo iniuria affectos esse. Etenim ad unum
 quenq; e nobis tertia contumeliae pars pertine-
 bat, si modo ita uiuimus, quemadmodum coepi-
 mus, cum coniungeremur, nimirum ut unus homo
 simus, iisdem dolentes, iisdemq; gaudentes. immo in-
 quit Lonchates, unus quilibet e nobis totus iniuria
 afficiebatur, tum cum in te ista fierent. Quomodo
 igitur, inquit Macentes, his in rebus agemus? per
 partes inquit Lonchates negotium suscipiamus.
 Atque ego quidem recipio Arsacomae me caput ap-
 portaturum Leucanoris. Tu uero sponsam creptam
 huic adducis oportet, ita fiat, inquit. At tu Arsa-
 coma, inter haec, nam his peractis, uerisimile est
 exeratu, ac bello fore opus, hic mane, quo contra
 has & appares arma, equos, atq; aliarum rerum
 uim, quantam potes maximam. Facillime autem
 plurimos adiunxeris, partim quod ipse strenuus,
 partim quod nobis non pauci sunt familiares. Ma-
 xime uero si desederis in tergore bouis. Haec ubi
 placuissent, hic quidem quantum potuit, recta pro-
 fectus est in Bosporum, puta Lonchates, alter, idest
 Macentes ad Machlyenses, eques uterq;. At Arsa-
 comas domi manens, & cum aequalibus contulit, et
 ex familiaribus uim hominum armauit. Demum
 & in tergore bouis desedit. Consuetudo autem de
 sedendo in tergore bubalo huiusmodi est apud nos,
 ubi quis ab alio laesus est, cupitq; ulasci, neq; par-
 se pugnae uidetur, tum boue immolato, carnes fru-
 stillatim conasas igni torret. Dehinc ipse porrecto
 humi corio, sedet in eo, in tergum reductis manibus

more eorum, qui à cubitis uincti sunt. Et hoc quidem apud nos maximum est supplicandi genus. A ppositis autem bouis carnibus, adcuntibus domesticas, præterea si quis alius uelit, quisq; partem sibi sumit, ac dextro pede tergum bouis calcans, pro facultate pollicetur, hic quidem equites præbiturum se quinq; suo pte cibo, suoq; stipendio, ille decem, alius plures, alius armatos pedites quot possit, atque qui pauperrimus, seipsum duntaxat. Colligitur itaque in tergo bouis ingens nonnunquam multitudo. Et huiusmodi quidem exercitus & certissima fide coheret, & hostibus expugnatu difficillimus est, non aliter quàm si iureiurando esset adactus. Nam in tergum ascendisse, instar iurisiurandi est. Arsacomas igitur his in rebus procurandis satagebat. Coieruntq; illi equites quidem arciter quinquies mille, tum armati, ac pedites promiscue, uicies mille. At Lonchates, ubi ignotus peruenit in Bosporum, regem adit, tractanti quiddam de regni negotijs, aitq; uenire quidem sese publico scytharum nomine, sed priuatim res maximas apportare. Ille ubi dicere iussisset, De publicis inquit, negotijs hæc in præsentiarum denuntiant scythæ, ne uestri pastores in planiciem usque transgrediantur, sed intra Trachonem pascant. Cæterum latrones, de quibus ex postulatis, regionem uestram incursent, negant eos publico consilio emitti, sed priuatim sui quenq; lucri causa prædari. Quod si quis illorum deprehendatur, te dominum esse, ut punias. Hæc qui-

TO X A R I S

dem illi denuntiant, at ego tibi indico, grauem in
 uos insultum futurum ab Arfacoma Mariantæ fi-
 lio, qui nuper legatum egit apud te, idq; (opinor)
 cum filiam tuam postularit, non assecutus sit abs-
 te, ob id indignatur, sedetq; in tergore taurino, se-
 ptimum iam diem, contractusq; illi est exercitus
 haud exiguus. Audiui, inquit Leucanor, & ipse,
 cogi uim copiarum in tergum bouis. Quod autem
 aduersum nos cogentur, quodq; Arfacomas huius
 rei esset impulsor, id uero me fugerat. Atq; in te
 inquit Lonchates, hic apparatus constituitur. Mihi
 autem inimicus est Arfacomas, grauiusq; fert, qd̃
 sibi præferar à natu maioribus, et qd̃ in oibus il-
 lo uidear esse præstantior. Quod si mihi spon-
 deris alteram filiam tuam Barcetim, alioqui nec
 indigno uestra affinitate, breui tibi reuersus caput
 eius apportauero. Spondeo Rex inquit, uidelicet
 supra modum formidine correptus, propterea quod
 non ignoraret iratum sibi Arfacomam, tum et ali-
 as quoq; metuerit semper Scythas. At Lonchates,
 iurato inquit, te præstiturum pacta, neq; inficiatu-
 rum. Id cum fieret, iamq; resupinatus in cælum
 intrare uellet, Absit inquit, ut hic, nequis spectan-
 tium coniiciat, qua gratia iuremus. Quin potius
 hoc templum Martis ingressi, occlusis foribus ius-
 iurandum edamus, ubi nullus exaudiat. Nam si-
 quid horum inaudierit Arfacomas, uereor, ne me
 ante bellum imolet, manu iam nunc non parua
 cinctus. Introëamus inquit Rex, Vos autem absisti-
 te quamlongissime. Neq; quisquam ad templum

adeat, quem ego non acersi uero. Posteaquam igitur ipsi quidem introgressi sunt, satellites autē procul abstiterunt, uibrato gladio, simulq; altera manu obturato ore, ne uociferaretur, ictum in pectus adegit. Deinde caput defectum sub chlamyde tenens prodibat, quasi confabulans interim cum illo, breuiq; sese dicens ad futurum, tanquam ad negotiū quippiam emitteretur ab illo. Atq; ita reuersus eo, ubi equum uinctum reliquerat, conscenso illo redequitauit in Scythiam. Porro nemo est eum insecutus, quippe diu ignorantibus Bosphorinis, qd acciderat, tum ubi rescissent, factiose de regno, de certantibus. Hæc itaq; gessit Lonchates, præstititq; promissum, allato Leucanoris capite. Porro Macentes in uia factus certior super ijs, quæ in Bosphoro acciderant, peruenit ad Machlyenses, Primusq; illis nuntium attulit de Rege trucidato. At populus inq; te A dyrmache, generum sis, ad regnum uocat. Proinde sic, ut ipse prior occupans imperium arripias, in rebus perturbatis obortus, puella uero te sequatur a tergo in curribus. Facile. n. isthoc pacto tibi conaliaueris multitudinem Bosphororum, ubi Leucanoris filiam cognouerint. Ego porro non solum abauus sum, uerum etiam sponsæ tuæ cognatus maternus, siqdem nostra e gente Masteram Leucanor asciiuit uxorem. Et nunc tibi adsum, missus a Masteræ fratribus, qui sunt in Alania denuntiantibus, ut quàm potes ocysime, te recipias in Bosphorum, neque circumspectes, donec imperium ad Eubiotum deueniat, qui tametsi frater

TOXARIS

notus est Leucanoris, tamen scytharum partibus
semper fuit, cum Alanis similitates gerit. Hæc quæ
dem dicebat Macentes. Erat autem eodem cultu ea
demque lingua cum Alanis. Commune enim ho-
rum utrumque Alanis cum Scythis, nisi quod non
magnopere comati sunt Alani, quemadmodum
Scythæ. At Macentes in hoc quoque illis erat assi-
milis, uidelicet detonsa coma, quatinus convenie-
bat Alanum minus esse comatum quam Scytham.
Itaque his rebus factum est, ut illi fides haberetur,
putareturque Masteræ, ac Mazeæ cognatus esse. Et
nunc inquit o Adyrmache, ad utrumvis para-
tus sum, uel proficisci tecum in Bosphorum, si ue-
lis, uel manere, si sit opus, ac sponsam adducere.
Istuc equidem inquit Adyrmachus, longe malim,
quandoquidem cognatus es, te puellam adducere,
Nam si nobiscum una proficiscaris in Bosphorum,
unum duntaxat equitem numero addideris. Quod
si mihi uxorem aduexeris, multorum instar fueris.
Atque ita factum est, et hic quidem iter ingressus
est, Macentæ tradens ducendam Mazeam, quæ
uirgo etiam dum erat. At ille per diem quidem
illam curru uehebat, uerum ubi nox incubisset,
impositam equo (nam id curarat ut alius quidam
eques sese consequeretur) tum insiliens et ipse ne-
quaquam deinceps ad Maotim iter faciebat, sed de-
flectens ad mediterraneam, relictis ad dextram Mi-
treorum montibus, cum uirginem interim aliquo-
ties interquiescere iussam refocillasset, intra tridu-
um à Machlyensibus in Scythiam usque permen-

sus est uiam, statimq; equus eius ubi destitisset a
cur su, paulisper astans exanimatus est. Porro Ma-
centes Arsacome Mazeam in manum dans, Ac-
ape inquit, a me quoq; id, quod sum pollicitus. At
illo ad insperatum spectaculum stupefacto, gra-
tiasq; agente, Desine inquit Macentes, ac noli me
aliu a teipso putare, nam mihi profecto gratias
agere, ob hac, quae feci, perinde est, ac si sinistra
mea gratias agat dextrae, quod uulneratae sibi
subministravit, atq; officiose cura egit egrotantis.
Ridicula nimirum et nos fecerimus, si iandu-
dum commissi, et quatenus licet, in unum consti-
ti, magnum adhuc esse credamus, si qua pars no-
stri officiose quid egerit pro toto corpore. Etenim
pro seipso fecit, cum pars sit totius beneficio adiu-
ti. Atq; ad hunc quidem modum Arsacome gra-
tias agenti Macentes respondit. Caeterum A dyr-
machus, ubi sensit insidias, non prexit ire in Bospo-
rum, iam enim Eubiotus rerum potiebatur, ac cer-
situs a Sauromatis, apud quos fuerat diuersatus, ue-
rum in patriam reuersus cum ingentibus copijs,
irrupit in Scythiam, pauloq; post irruit, et Eu-
biotus, cum Graecos undecunq; poterat secum du-
cens, tum Alanos, et Sauromatas accersitos,
utrinque uices millenos. Coniunctis autem co-
pijs, Eubiotus, atque A dyrmachus nonaginta mil-
lia confecerunt. Atq; ex his tertia pars equites sa-
gittarij, nos autem (nam et ipse ad hanc expe-
ditionem contuleram, addens ijs, qui tergum tau-
rinum conuenerant, equites meopte sumptu in-

TOXARIS

structos centum) contractis haud multo minus triginta millibus, una cum equitibus, operiebamur insultum, ductore Arsacoma. ut autem admoventes illos conspeximus, contra duximus agmen, praemis in hostem equitibus. Atq; ubi iam diu acriter esset pugnatum, tandem cessere nostri, interrupta phalange. Postremo in duo desertum est uniuersum agmen scythicum, pars subduxit sese, non omnino palam uicta, uerum ita fugiebat, ut locum dare uideretur, Adeo ut Alani ad multum tempus insequi non auderent, partem alteram, quae eadem erat imbecillior cingentes Alani, ac Machlyenses, unde quaq; cedebant, consertim emissis iaculis, atq; sagittis, sic ut uehementer laboraretur a nostris, qui tenebantur obsessi. Et iam pleriq; arma proicerant, quorum in numero forte erat Lonchates, et Macentes, iamq; ambo uulnus acceperant, dum uterq; pro altero periclitaretur. Hic quidem adusto femore, puta Lonchates. Porro Macentes securi sauciato capite, tum conto in humerum impacto. Quod simul atq; sensit Arsacomas, cum in altero agmine esset nobiscum, turpe ratus, si desertis amicis non adesset, subditis equo calcatribus, cum clamore in hostes tendere coepit, sublato gladio, adeo ut Machlyenses um animi non sustinuerint, sed uiam illi fecerint, ut transiret. At ille receptis amicis, tum aduocatis & alijs impetum fecit in Adymachum, impactoque in ceruicem gladio, ad Tonnam usque dissecuit. Quo fuso, dissipata est omnis acies Machlyensium, paulopost & Alanorum.

Dēniq; cum ijs Græci quoq;. Atq; ita redintegra-
to prælio nos superiores extitimis, diuq; sumus in-
secuti, trucidantes, donec nox finem imposuit. Po-
stero die ab hostibus uenerunt legati, qui suppli-
ces pacem, atq; amicitiam orarent. Bosporani dupli-
catum tributum pensuros sese pollicebatur. Machly-
enses obsides daturus se confirmabant. Alani ita eā
inuasione compensaturos sese spondebant. Vt sin-
dianos nostro nomine uellent aggredi, quibus cū
multo iam tempore nobis fuerat similitas. His de
rebus auditis suffragijs, in primis autem Arsaco-
mæ, & Lonchatae pax inita, duobus illis cuncta
pro arbitratu suo moderantibus. Huiusmodi Mne-
sippe audent scythæ amicorum causa facere.

Mnesip. Tragica prorsus o Toxari, fabulæq; si-
milia. Et propicius sit Acinaces et Vētus, per quos
iurasti, si quis ista non credat, non ad modum re-
prehendendus esse uideatur. Toxaris. At ui-
de uir egregie, ne incredulitas ista ab inuidia ue-
stra proficiat. Quamquam non me deterrebit
non habendo fidem, quo minus & alia his consi-
milia referam, quæ nouerim a scythis esse gesta.

Mnesip. Tantum ne longum facias uir opti-
me, neq; usque adeo admissis, uagisq; utare sermo-
nibus, ut nunc sursum, ac deorsum Scythiam Ma-
chlyanamq; percurrens, deinde in Bosporum di-
scenderis, postremo rediens, prorsus abutare silētio
meo. Toxaris. Parendum tibi, & hanc præ-
scribenti legem, dicendūq; paucis, ne fatigeris unā
nobiscum, audiendo circuncursitans. Quin magis

TOXARIS

ausculta quæ in meipsum amicus sisinnes nomine præstiterit. Cum enim Athenas relicta patria profiscerer, idq; cupiditate græcicarum literarum, appuleram Amastrim ponticam. Ea est urbs haud procul à Caranube dissita in promontorio obuia, ubi qui à Scythia nauigant. Comitabatur autem sisinnes mihi à puero amicus. nos igitur, ubi res quasdam importatas in portu spectassemus, in eumq; è nauì subduxissemus e minus, nihil suspicantes mali, interea fures quidam effracta sera sustulerunt uniuersa, adeo ut non reliquerint, quod uel in eum diem sufficere posset. Ergo cum domum essemus reuersi, cognito quod acciderat, non uisum est incusare uel uicanos, qui plures erant, uel hospitem, ueriti ne plerisque sycophantæ uideremur, si dixissemus nobis ab aliquo sublato esse Daricos quadringentos, tum uestrum permultum, ad hæc tapetia quædam, deniq; quicquid habueramus. Consultabamus igitur hisce de rebus, quid esset faciundum, omnium rerum egeni, idq; in urbe peregrina. Ac mihi quidem ita uisum est, statim demerso in ilia Anace, uitam fugere, prius quàm ignauum quippiam, aut indignum esset ferendum, uel fame uel siti enecto. contra sisinnes consolabatur, obsecrans nequid tale facerem. Aiebat enim excogitasse sese, unde nobis uictus suppeteret. Et eo quidem die baiulâdis è portu lignis nobis allata mercede, uictum suppeditauit, mane autem obambulans in foro, pōpam quandam aspexit iuuenem (quemadmodum aiebat) elegantium, ac strenuorum, Hi nimirum uiri

tim lecti, uti mercede proposita certamen inirent,
in tertium diē erant decertaturi, Ergo cum omnes
huius negotij condiciones audisset, accedens ad me
caue posthac inquit, Toxari, ne te ipsum pauperem
dixeris, siquidem tertio ab hinc die, diuitem te red
didero. Hæc ait, atq; interea ægre parato uictu,
cum iam spectaculum esset institutum, spectabamus
Et ipsi. etenim assumptum me duxit in Theatrum,
tanquam ad iucundum aliquod, nouumq; specta
culum Græcorum. Ergo ubi confedissemus, specta
bamur. Ac primo quidem loco feræ partim iacu
lis confixæ, atq; à canibus agitæ, partim in ho
mines quosdam uinctos emissæ, nocētes quospiam,
ita ut coniciebamus. ut autem prodierunt q̄ erant
ad singulare certamen conducti, ac producto iuue
ne quodam prægrandi, dixisset præco. Si quisquā
uelit cum hoc singulari certamine congregi, prode
at in medium, præmium pugnæ accepturus, drach
marum decem millia: ibi protinus assurrexit Sisin
nes desiliens, polliceturq; se dimicaturum, simulq;
poscit arma. Tum acceptam mercedem decem mil
lia, mihi deferens in manum dat. Si uicero inquit
Toxaris, unā proficiscemur, suppetetq; commeatus,
sin cecidero, sepulto me, redi rursus in Scythiam.
Ego quidem his auditis singultiebam. at ille sum
ptis armis, reliquum quidem corpus munivit,
at galeam nequaquam imposuit, sed nudo confi
stens capite pugnabat. Et initio quidem ipse
uulnus accepit, retorto gladio succiso poplite, ita
ut multum sanguinis deflueret. Ego interim iam

TOXARIS

metu præmortuus eram . At ille confidentius
 inuadentem aduersarium obseruans , ferit in pe-
 ctore , transfigitq; , ita ut protinus ad pedes illi-
 us procumberet . ille fessus , & ipse uulnere mortuo
 incumbebat , parumq; aberat , quin ipse quoq;
 efflaret animam . At ego accurens erexi , animumq;
 reddidi . Porro ubi dimissus est , iam uictor decla-
 ratus , sublatum illum , domum deportaui , multūq;
 temporis curatus à medicis , superuixit quidem , ho-
 dieq; agit apud Scythas , ducta in matrimonium
 sorore mea , claudus tamen adhuc est ex uulnere .
 Hæc res Mnesippenon apud Machlyenses , neq; in
 Alania gesta est , ut testibus careat , & ficta credi
 queat , uerum complures extant Amastriani , qui
 de pugna Sisinnae memorant . Finem iam faciam ,
 si tibi quinto loco factum Abauchæ retulero . Ap-
 pulit aliquando Abauchas hic in Boristenen-
 sium ciuitatem , secum adducens & uxorem , quā
 unice diligebat . liberos duos , alterum quidem ma-
 sculū lactentem , altera uero erat puella septem an-
 nos nata . Erat autem peregrinationis comes , & hu-
 ius amicus Gyndanes , atq; is quidem è uulnere la-
 borans , quod in uia acceperat à latronibus , qui
 eos fuerant adorti , cum quibus dum pugnaret ,
 ictus est in femore , ita ut ne stare quidem posset
 præ cruciatu . Itaq; noctu dormientibus illis , nam
 forte in coenaculo quodam diuersabatur , ingens or-
 tum est incendium , omniāq; circuncluserat , iamq; flā-
 ma undique domum circundedit . Ibi experrectus
 Abauchas , relictis liberis plorantibus , repulsa uxo-
 re , quæ inhærebat ,

re, quæ inhærebat, iussâq; ut ipsa sese seruaret, amico in humeris sublato, descendit, perrumpēsq; euasit, ita ut nequaquam incendio dederetur. Vxor infantem baiulans consecuta est, monens puellulâ, ut sese consequeretur. Ea uero semiuersa abiecto ex ulnis infante, uix exiliit e' flamma. Deinde puella una cum illa ueniens, penè et ipsa extincta est. post hæc cum probro obiectaret quispiam Abauchæ, quod desertis liberis, atq; uxore, Gyndanem extulisset, immo liberos inquit denuo parare, haudquam difficile, tum incertum an ij boni sint futuri. porro annicum, diu fuerit prius, quàm inueniam talem, qualis est Gyndanes, cuius amor mihi multis argumentis est exploratus. Dixi Mnesippe e' pluribus his quinque propositis, iam tempus est pronuntiari utri nostrum aut linguam, aut dexterâ oporteat amputari. Quis igitur futurus est iudex?

Mnesip. Nemo. Neq; enim constitueramus narrationis arbitrum. sed scin quid agemus? Quin in præsentiarum nullo proposito scopo sumus iaculati, de integro deiecto arbitro alia amicorū paria apud illum referamus, deinde uter succubuerit, ei tum quidem amputetur, uel mihi lingua, uel tibi dextra, aut si hoc crudele, quando tu anniciâ admirari uisus es, ego nihilo secius puto, nullam esse mortalibus possessionem hac præstantiorem, neque pulchriorem, quin ipsi quoq; in unum copulati, illud approbamus, ut ex hoc die in totam usq; uitam sinus amici, utriq; uictores, utriq; maximis potiti præmijs, uidelicet pro unica lingua, unaq; dextra

2. f. 20

d

TOXARIS

binas uterq; habituri, atq; in super oculos quoq; quaternos, pedesq; quaternos, in summa duplicia omnia. Eiusmodi nanq; quiddā est cum duo, tresq; copulantur amici, qualem Geryonem scriptores depingunt senis manibus, ternisq; capitibus hominem. siquidem (ut mea fert opinio) tres illi fuerunt, qui communiter omnia gererent, ut dignum est ijs, qui amicitia coniuncti sunt. Toxaris. Probe dicis, atq; ita faciamus. Mnesip. Verum neq; sanguine opus est Toxaris, neq; Acinace, qui nobis amicitia confirmet, Hæc enim confabulatio, & quod eadem amamus, id multo certius est callice illo, quē bibitis, propterea quod huiusmodi non obligationē sed animum postulare mihi videntur. Toxaris. Placent ista, iamq; amici, atq; hospites simus, tu mihi hic in Græcia, ego tibi, si quando in scythiā perveneris. Mnesippus. Nimirum ut sis sciens nequaquam me pigeat uel longius etiam proficisci, si tales amicos nasci liceat, qualem esse te Toxari ex tua oratione coniicio.

Oratio
m
di
c
em
rim
dom
nem
quor
mag
tis co
go fi
non
ma
præ
ris
ab
tem
dum
ac
tr
quem
scrib
peris
dum
fug
Val

Ornatissimo in Christo patri D. Renato Episcopo Carnuten. Erasmus Roterodamus Canonicus ordinis diui Aurelij Augustini. S. P. D.

c Vm multis modis compertum habere ornatissime pater q̄ candide de meo ingenio lo, meisq; nugis sentias, uir alioqui naris emunctissimae, profecturus in Italiā, ut esset interim qd̄ te tui Erasmi commonefaceret, Luciani Pseudomantem nisi, sceleratissimum qdem illum, sed quo nemo sit utilior ad deprehendēdas, coarguendāsq; quorundā istorum imposturas, qui nunc quoq; uel magicis miraculis, uel ficta religione, uel adsimulatis condonationibus, alijsq; id genus prestigijs uulgo fucum facere solent. Eū igitur leges (uti spero) non modo cum fructu aliquo, uerum etiam summa cum uoluptate, propterea qd̄ excellentia tua, q̄q̄ præter generis claritatem, fortunæ splendore, muneris auctoritatem, serijs illis, ac tetricis in studijs est absoluta, tamen propter summam ingenij festiuitatem, miramq; morū iucunditatem, non solet admodum, ab his etiam elegantioribus musis abhorrere, ac frugiferas has nugas arduis illis negotijs libenter intermiscere. Porro quicquid est uel ingri salis, quem Momo tribuunt, uel candidi, quem Mercurio ascribunt, id omne in uno Luciano copiosissime reperias licebit. Carnutensis oppidi tam splendendum profecto, tamq; celebre fanum fulmine conflagrasse, dici non potest quā feram acerbe.

Vale.

d 2

LVCIANI ALEXANDER,
SEV PSEVDOMANTIS,
EPISTOLO INTER-
PRETE.

V quidem charissime Celse, leuē
forte quandam, ac facilem provin-
ciam tibi uideris, cum iniungis, ut
Alexandri Abonotichitæ im-
pōstoris uitam, commenta, neq; non au-
daciā, præsitiāq; libro comple-
xus, uolumen ad te transmittam, uerum si quis ea
conetur omnia ad plenum enarrare, id profecto nō
minoris sit negotij, q̃ Alexandri eius, cui Philip-
pus fuit pater, res gestas literis prodere, tantus hic
scelere, quantus ille uirtute, attamen si candide, igno-
scerēq; legere uoles, & quod narrationi deerit
id ex te imputare, atq; addere, conatum hūc te au-
thore capeſſam, & Augei bubile si non omne, at
certe pro mea uirili repugnare nitā, paucas aliquot
elatis cophinis, nimirum ut ex his coniecturam fa-
cias, quantus, quamq; immensus fuerit finis uni-
uersus, quem ter mille boues multis annis red-
dere potuerint. Sed amborum interim nomine ca-
lumniam uereor tuo pariter, ac meo, tuo, qui iube-
as memoriæ, literarumq; monumentis tradi, uerū
longe sceleratissimum, meo, qui summam operam in
huiusmodi, narratione, rebusq; gestis hominis, quē
nequaquam oportebat ab eruditis legi, sed in fre-
quentissimo quopiam & amplissimo theatro spe-

etari à simijs, aut uulpibus discriptum, quanquam
siquis hoc crimen nobis impegerit, poterimus &
ipsi nos exemplo quodam simili tueri, etenim Ar-
rianus ille discipulus Epicteti uir inter Romanos
cum primis laudatus, ac per omnem uitam in lite-
rarum studio uersatus, cum simile quiddam fecerit
pro nobis quoq; respōsurus est. Nam is quidem Til-
libori latronis uitam descripsit, nos uero multo cru-
deliorem latronem memoriae prodemus, quippe q̃
non in syluis, ac montibus, sed ipsis in urbibus sit
latrocinatus, neq; qui Miniam tantum, aut Idam sit
pergrassatus, neq; paucas quasdam Asiae partes, uē
delicet desertiores depopulatus, sed qui uniuersam
(ut ita dixerim) Romanorum ditionem suo com-
plerit latrocinio. Ac primum tibi depingam ho-
minem, effigiem eius quoad potero proxime uerbis
adumbrans, tametsi non sum admodum pingendi
peritus. Corpore igitur, ut interim & hoc tibi re-
præsentem, procerus erat, & aspectu decorus, pla-
neq; specie diuina quadam, ac maiestatis plena, co-
lore candido, barba non admodum hirsuta, coma
partim natua tectus, partim apposititia. sed hoc
adeo scienter efficta, ut uulgus fere non sentiscē-
ret imitatam, ascititiamq; esse. Oculi uehementer
acres, ac uersatiles, tum diuinum quiddam relucen-
tes, uox dulcissima, pariterq; clarissima. In sum-
ma quoad has res, nulla ex parte poterat impro-
bari, ac figura quidem hominis erat huiusmodi.
Cæterum mens, atq; animus. O malorum depul-
sor Hercules & auersor tristium Iupiter, serua-

ALEXANDER

toresq; dioscuri in hostes potius contingat incidere,
quàm cum eiusmodi quopiam habere commercium.
Siquidem ingenio, solertia, acumine longe præsta-
bat cæteris mortalibus, tum curiositas, docilitas, me-
moria, & ad disciplinas ingenij felicitas, horum
unumquodq; supra quàm credi possit illi suppete-
bat, quibus tamen pessimam in partem est usus. Et
cum haberet arma tam egregia sibi suppeditata,
ilico nimirum omnium, qui essent sceleribus nobi-
litati, facile summus evasit, uel superior Cecro-
pibus, Euribato, Phrynonda, Aristodemo, Sostra-
to. Nam ipse cum aliquando Rutiliano scriberet
genero, modestissimeq; de sese loqueretur, Pytha-
goræ semet adsimulabat. Atqui ueniam mihi da-
bit Pythagoras, uir ille quidem sapiens, ac mente di-
uina, cæterum si huius ætate uixisset, puer (sat scio)
præ hoc uisus fuisset. sed heus tu per gratias, ca-
ue putes, hæc in Pythagoræ contumeliam me di-
cere, quas uelim eos similitudine rerum gestarum
committere. Verum si quis deterrima quæq; &
probrosissima, quæ de Pythagora per calumniam
feruntur (quibus equidem haudquaquam fidem
perinde ut ueris habuerim) si quis tamen conferat
in unum, ea nimirum omnia uix etiam mini-
mam particulam adæquent Alexandrinæ uer-
sutiae prorsum enim imaginare mihi, & cogita-
tione finge, quammaxime uariam ingenij tempe-
raturam, indolemq; ex mendacio, dolis, periurijs,
maleficijsq; confusam, promptam, audacem, uersa

tilem, & ad efficiendum, quæ cogitasset, nullum
refugientem laborem, appositam ad persuaden-
dum, cuiq; facile fides habēda uideretur, tum quæ
mire simularet optima, quæq; ea, quæ a mente
essent diuersissima præ se ferret. Primum igitur
nemo cum illo congressus est, qui non hac cum o-
pinione discesserit, ut eum mortalium omnium o-
ptimum, æquissimumq;, præterea simplicissimum,
minimèq; fallacem iudicaret. Accedebat ad hæc
omnia grandium rerum conatus, cum nihil pusil-
lum cogitaret, sed ad maxima semper appelleret
animum. Ita, cum esset adolescentulus adhuc for-
mosus admodum, ætate uidelicet tenera, ac uelut
herbescente, id quod licebat partim e stipula con-
iungere, partim audire ex ijs, qui ita prædicabant,
passim sese prostituēbat, ac mercede sui copiam fa-
ciebat ijs, quibus lubitum fuisset. Inter multos au-
tem incidit in hunc amans quidam præstigiator
ex eorum numero, qui magiam, & diuinas in-
cantationes profitentur, tum illectamenta ad concu-
liandam in amoribus gratiam malorum immis-
siones in hostes rationem eruendi, reperiēdiq; the-
sauros, hæreditatem, successiones. Hic ubi conspi-
ceret bene ingeniaturum puerum, atq; ad submi-
nistrandum arti, negotioque suo propensissi-
mum, utpote qui non minus illius adamaret ma-
lescium, quàm ipse huius formam, erudit eum,
semperq; deinceps pro ministro est usus. At is
publicitus, quidem & apud uulgus medicum
scilicet agebat, didicerat autem apud Thoonis

ALEXANDER

ægyptij coniugem

Pharmaca mista salubria multa, at noxie multa.
Quorum omnium successor hic, atq; hæres factus
est. Porro doctor ille & idem amator natione Tya-
næus erat, uidelicet ex eorū numero, qui cum A-
pollonio Tyanæo diligenter erant uersati, totamq;
illius tragœdiam pernouerant. Vides quam e-
schola tibi hominem refero. Verum ubi iam bar-
ba plenus esset Alexander, Tyanæo illo uita de-
functo, in egestatem redactus, deflorescente simul
& forma, unde uictum parare licuisset, nihil po-
stea paruum agitabat animo. Sed inito commercio
cum Byzantino quopiam annalium scriptore uiro,
qui in certamina descendunt omnium, ingenij lon-
ge sceleratissimi, Coctonas, opinor, erat nomen, ar-
cumabant, imposturis ludificantes, ac pingues ho-
mines (sic enim illi peculiari magorum lingua, uul-
gus appellant) detondentes. In his Macetim mulie-
rem opulentam nacti sunt, natu quidem grauiorē
illam, quā ut amoribus esset idonea, sed quæ stu-
deret etiam dum amabilis haberi. Ab hac uictus
copia suppeditabatur, atque hanc ex Bithynia in
Macedoniam usq; sunt consecuti. Nam illi patria
erat Pelle, qui locus olim floruit sub Macedonicis re-
gibus, nunc a paucis, ijsq; obscuris, & humilibus
incolitur. ibi cum conspicerent, immensi magnitudi-
ne dracones placidos admodū, ac mansuetos adeo
ut à mulierculis aderentur, & cum pueris una cu-
barent, & calcantes ferrent, neq; commouerentur,
siquis stringeret, premeretq;, deniq; perinde, atq;

infant
nus d
illam
xander
opinor
penab
re pu
iam be
ni, &
lesia
pender
tyran
troq;
ilico d
tu la
prej
meq;
se ditz
rum, &
quos n
ac futa
na He
bus la
ac cur
constat
se prot
negata
expect
iam spe
deinde

infantes lac è papilla sugerent (nam sunt id genus apud illos permulti, unde uerisimile est, olim illam de Olympiade fabulâ increbuisse, cum Alexandrum conciperet, huiusmodi dracone quopiâ opinor, cum ea concubente) mercati sunt ex his serpentibus unum, qui esset pulcherrimus, obolis sane paucis. Atq; (ut Thucydides utar uerbis) hinc iam bellum oritur, nimirum cum duo facinorosissimi, & immani audacia præditi, neq; non ad maleficia promptissimi, societatem iniissent, facile per penderunt, hæc duo potissimum in hominum uita tyrannidem obtinere, spem, ac metum, quorum utroq; si quis ad commoditatem uteretur, fore ut is ilico ditesceret. Siquidem uiriq; iuxta, uel ei, qui metu laboraret, uel huic, qui spe teneretur, uidebant præscientiam quammaxime necessariam esse, sum meq; desiderari, atq; hac uia Delphos olim fuisse ditatos, factosq; celebres. Præterea Delum, Clarum, & Branchydes, nimirum hominibus per hos, quos modo dixi, tyrannos ad sacra confluentibus, ac futura prædiscere cupientibus, atq; huius rei gratia Hecatombas immolantibus, aureosq; dedicantibus lateres. Hæc ubi inter sese uersassent, ultroq; ac citro agitassent, uisum est uaticinium, oraculūq; constituere. etenim si res ea processisset, sperabant se protinus diuites, atq; felices fore. Quod quidē negotium magnificentius etiam illis successit, quàm expectauerant initio, et uel spe melius euenit. Hic iam spectare cœperunt, primum quidem de loco, deinde quonam exordio, quauē ratione negotium

ALEXANDER

oporteret auspicari. Coconas igitur Chalcedonem
opportunam esse censuit, utpote regionem à nego-
tioribus frequentatam, tum Thraciæ, Bithyniæq;
confinem, neq; longe dissitam ab Asia, Galatiæq;
cunctis item imminetibus populis. At ediuerso
patriam suam prætulit Alexander, nam aiebat,
id quod erat res, ad huiusmodi negotiorum au-
spicationem, aggressionemq; hominibus opus esse
crassis, & stolidis, et qui uiderentur admissuri. Cuius-
modi Paphlagonēs affirmabat esse hos, qui su-
pra Aboni murum incolunt, nempe supersticiosos
plerosq; ac stolidos, qui, si quis tantum apparuisset,
tibicinem aut tympanistam, aut qui cymbala pul-
saret, secum adducens, cribro (quod aiunt) uaticina-
ns, ilico uehementer omnes in illum inhient, &
perinde ut cœlitum quempiam intueantur. Hac
de re cum controuersia non nihil inter illos fuis-
set, tandem uicit Alexander. Itaq; profecti Chal-
cedonem (nam id oppidum uisum est hac parte
habere non nihil ipsis conduabile) in Apollinis
templo, quod est apud Chalcedonios uetustissimum,
æreas defodiunt tabellulas, quæ dicerent, breui
admodum Aesculapium unâ cum patre Apolli-
ne in Pontum aduenturum, atq; Aboni murum
inhabitaturum. Eæ tabellæ, cum essent de indu-
stria repertæ, facile effecerunt, ut hic rumor in o-
mnem usque Bithyniam, ac Pontum dimanaret,
multo autem ante alios in Aboni murum. Nam
hi protinus statuerant etiâ templū erigere, iamq;
fundamenti locum effoderant. Hic igitur in Chal-

adone
ambiga
paulop
in huius
succedit
inductus
ueste at
se, à q
At per
lius no
mon or
» Perside
» Dius
Hic n
tura
am u
» Anq
Le pr
» Adma
» Tirside
» Qui
rab
» Quim
» Quad
» Qui
Alexa
cum cu
didus,
quam
ille fac

cedone relictus Cocconas ancipitia quædam, atq;
ambigua, obliquaq; conscripsit responsa. Deinde
paulo post diem obit a uipera (sicut opinor) ictus.
in huius demortui locum accersitur Alexander, ac
succedit iam comatus, cæsariæq; promissa, tunicam
indutus purpuream albo intermistam, supra eā
ueste amictus candida, falcem tenens exemplo Per
sei, a quo se maternum genus ducere prædicabat.
At perditissimi illi Paphlagonæ, cum ambos il
lius noscent parentes obscuros, atque humiles, ta
men oraculo crediderunt ita canenti.

» Persides genere gratus Phœbo iste uidetur,

» Dius Alexander Podaliri sanguine cretus.

Hic nimirum Podalirius libidinosus erat, ac na
tura mulierosus, adeo ut a Triata ad Paphlagoni
am usq; in Alexandri matrem sit inatatus, ille
ctusq;. Repertum est aliud oraculum, quasi Sibyl
læ prædiuinantis.

» Ad maris euxini littus, iuxtaq; sinopam

» Tirside erit quidam ausonia de gente sacerdos,

» Qui prima ex monade, tribus ac decadis rese
rabit

» Quinq; alias monades, uicenaq; ter repetita

» Quadrorbem numerum, referentem nomina diui,

» Qui ueniet laturus opem mortalibus ægris.

Alexander itaque sæpius inuectus in patriam,
cum eiusmodi Tragœdia, conspicuus erat, ac splen
didus, cum interim furore afflatus sese nonnun
quam adsimulabat, ore spuma completo, id quod
ille facile efficiebat, radiculæ (ea est herba lauandis

ALEXANDER

lanis idonea) radice commanducata. Cæterum illis diuinum quiddam, ac formidandum spuma uidebatur. At multo ante sibi finxerant, parauerantq; e' linteis confectum draconis caput, quod speciem quandam humanam præ se ferret, coloris fucis mire adsimulatum, quodq; pilis equinis os et aperiret, et clauderet. Tum lingua (sicut est draconum) bisulca atra prominebat, quæ et pilis agebatur. Porro Pellæus ille draco iam pridem erat in promptu, domiq; alebatur, cum res postularet, tum ab illis proferendus, unaq; in partem Tragœdiam acturus, uel princeps potius huius futurus fabulæ. iam uero ut erat maturum aggredi, tale quiddam machinatur noctu ueniens ad templi fundamenta nuper effossa. Constiterat autem in eis aqua, siue quod ea indidem alicunde desillauerat, siue quod ex æthere deciderat, illic ouum antea excavatum deponit, quod quidem intus occultabat fœtum recens editum serpentis. Id cum alte demersisset, in abditas luti cauernas rursum illinc discessit. At mane cum in forum prosilisset nudus, nisi quod subligari arcum pudenda tectus erat, eoq; inaurato, tum falcem illam gestans, simulq; solutam uentilans, iactansq; comam, eorum more, qui a Cybele decorum matre afflati conueniunt, ac numine rapiuntur, conscensa sublimi quapiam ara concionabatur, ciuitatem eam beatam esse prædicans, quæ mox deum propalam esset ostensura mortalibus. Porro qui aderant (nam concurrerat uniuersa propè ciuitas) una cum mulieribus, senibus, pueris, admi-

rabat
quid
di sine
reddet
cebat,
piumq
templa
ac for
lum pr
ce cane
batq; a
riret. I
quopu
et cum
ferat
culi
bat ia
pido;
nam e
ouum
idem,
tum ex
se co
uoluen
fultu
bant.
ror, op
ab illo
domu
tum in

rabatur; ac uota facientes adorabant. At ille uoces quasdam incognitas, nihilq; significantes, cuiusmodi sint Hebræorum aut Phœnicum, attonitos eos reddebat, ut qui nihil intelligerent eorum, quæ dicebat, nisi solum hoc, quod Apollinem, Aesculapiumq; passim admiscebat, sub hæc ad institutum templum curriculo fugiebat, accedensq; ad fossam, ac fontem illum, quem iam ante conditum oraculum præstruxerant, ingressus aquam, magna uoce canebat laudes Apollinis, & Aesculapij, mutabatq; deum, uti dexter, ac felix in ciuitatem adueniret. Deinde phialam postulat. Eam porrectam aquopiam facile immergens, unâ cum aqua haurit, et ouum illud, in quo nimirum ille deum concluderat, candida cera, cæruſſaq; commissuram operculi ferruminans. Id cum manu cepisset, affirmabat iam Aesculapium tenere sese. Interim illi stupidis, defixisq; intuebantur oculis expectantes, quidnam esset futurum postea, iandudum admirantes ouum in aqua repertum. Porro posteaq; fregisset idem, cana uola compressum, ac serpentis illius foetum exclusum excepiſſet, simulatq; mouentem hunc sese conspicerent, ij, qui aderant, ac digitis circunvoluentem, protinus uocem tollebant, deumq; consultabant, ac ciuitatem eam fortunatam esse dictitabant. Singuliq; affatim uotis implebantur, thesauros, opes, prosperam ualetudinem, aliaq; id genus ab illo flagitantes bona. Hic ille rursus cursim sese domum abripuit, unâ secum asportans, modo editum in lucem Aesculapium, bis natum scilicet cum

ALEXANDER

semel duntaxat nascantur homines, atq; eum nō
ex coronide per Iouem, neq; coruo, uerum ex an-
sere progenitum. Populus autem uniuersus conseque-
batur, omnes afflati deo atq; ob spes animo conce-
ptas furore correpti. Interdū igitur se domi conti-
nebat, sperans fore, id quod et euenit, ut fama per
moti Paphlagonum pars maxima concurreret. Er-
go posteaquam urbs ita esset hominibus referta, ut
iam redundaret, sed quibus omnibus iam antea
tum cerebrum, tum cor esset exemptum, nec ulla
parte similes uiderentur uiris pane uictitantibus
(ut loquuntur poëtæ) uerum qui præter solam fi-
gurā nihil à pecudibus distarent in ediculis qui-
busdam, in lecto residens, eo uidelicet ornatu, qui
uatem miræ deceret, imponit in sinum Pellæum il-
lum Aesculapium, qui qdem erat, ut dictum est,
maximus, pulcherrimusq; hunc totum ubi collo ar-
cundedisset, caudam foras prominere sinens, erat
autem ingens adeo, ut cum per pectus illius effun-
deretur, pars tamē humi traheretur. solum autem
caput sub alis abditum teneret, illo nimirum omnia
ferente, linteacum illud draconis caput, altera in
amictus parte contextum ostendebat, quod pror-
sum illius sese draconis uideretur, qui à pectore
prominebatur scilicet. Iam uero mihi cogita, edicu-
las non admodum illustres, nec ad satietatem usq;
luminis capaces, tum turbam hominum conueni-
entem, quiq; alijs ex locis alij concurrissent, tumultu-
antes, ac prius etiam quàm ista uiderent men-
te attoniti stupefactiq; denuq; spebus illis sublatis.

Quibus
tentis, m
paucos
mana spe
lemq; Tr
prius, qua
debant
Porro è
tactum
Cuiusmo
fasse fer
uiter iam
rent cum
hoc spec
brius et
uenissen
sine cel
am dare
nimirum
draconem
gebatur
ficerent
illius cap
tanto arc
requirere
aut ali
mantina
obtinere
esset rei
dumq;

Quibus ingressis non mirum, si res uisa est portenta, uidelicet ex modo pusillo serpente, intra pauculos dies tam immanem extitisse draconem humana specie, atque eum insuper mansuetum tractabilemque. Protinus autem ad exitum properabant, et prius, quam exactius essent contemplati, protrudebantur ab ijs, qui noui semper ingrediebantur. Porro e regione ianuæ, per quam intrabatur patefactum erat, et aliud ostium, per quod exiretur. Cuiusmodi quiddam et Macedonas in Babylone fecisse ferunt in Alexandri morbo, cum ille grauius iam ægrotaret, illi obsessa regia desyderarent eum intueri, ac supremum alloqui. Atque hoc spectaculi scelestus hic non semel, uerum crebrius exhibuisse dicitur, maxime si qui diuites aduenissent recentiores, ac nouicij. Hoc loco mihi charissime Celæ, si uera fateri uolumus, æquum est ueniam dare Paphlagonibus, ac Ponticis illis hominibus nimirum crassis, et ineruditis, si delusi sunt, cum draconem manu contingerent, nam hoc quoque largebatur Alexander ijs, qui uoluissent, cumque conspicerent in dubia, malignaque luce imitatum illud illius caput os scilicet nunc aperiens, nunc claudens, tanto artificio, ut res planè Democritum aliquem requireret aut certe Epicurum Methrodorumue, aut alium huiusmodi quempiam, qui prorsus ad amantiam aduersus hæc, atque id genus alia mentem obtineret, qui nullo pacto recederet, qui que uel quid esset rei coniecturis colligeret, uel si uiam etiā modumque peruesigare non quiret, illud tamen antea

ALEXANDER

sibi persuasum haberet, fugere quidem sese, modum, rationemq; præstigiaturæ: cæterum quicquid esset negotij, prorsus simulatum, fucatumq; esse ac ne fieri quidem ulla ratione potuisse. Paucis ergo diebus confluxit tum Bithynia tum Galatia, Thraciaq; eorum, qui remuntiabant, unoquoq; ut fit, affirmante sese primum nascentem uidisse deum, deinde paulo post eundem contrectasse iam grandem admodum factum, uultu etiam homini assimilem. Accedebant adhæc picturæ, imagines signa deum referentia, partim ex ære, partim argento efficta, postremo nomen etiam inditum, Nam Glycon appellatus est, idq; iussu diuino carmine prodito. Ad hunc enim modum elocutus est Alexander.

- Sum ille Glycon hoium lux, ex Ioue tertia proles. Ast ubi iam maturum esset, ut cuius rei gratia hætenus omnia fuerant excogitata, responsa quoq; redderet ijs, qui requisuissent, diuinaretq; accepta uidelicet ansa ab Antilocho qui apud Cilices uatem egerat. Nam is quoq; post patris Amphiarei interitum, posteaq; quàm ille inter Thebanos extare desisset, paria pulsus, atq; in Ciliciam profectus, haud incommode re gessit, cum Ciliabus euentura prædiceret, binos obolos pro singulis accipiens responsis, ab hoc inquam arrepta ansa, prædicat Alexander omnibus, qui aduenerant, fore, ut deus ipse responsa daret, eiusq; rei diem quendam certum prælocutus est. Iussit autem ut quisq; quod uideretur, quodq; maxime discere uellet, id in libello conscriberet,

lo conscriberet, eumq; funiculis obuinctum cera,
argillâ ue, aut simili re quapiam obsignaret. Se ue-
ro receptis libellis, subitisq; adytis (iam enim ora-
culum erat extructum, & apparatus cortinæ) or-
dine per præconem, ac theologum euocaturum, eos,
qui tradidissent, dehinc ubi de singulis esset edo-
ctus à deo, libellos redditurum ita ut traditi fue-
rant obsignatos, subscripto illis responso pro cu-
iusq; argumento, deo nimirum respondente, qua-
cunq; de re quis esset sciscitatus. Erat autem hic do-
lus, homini cuiusmodi tu es, aut etiam (si modo di-
ctum non est inuidiosum) cuiusmodi sum ego, ma-
nifestarius neque difficilis animaduersu, uerum
idiotis quibusq; nares essent muto obsitæ, mini-
mèq; emunctæ prodigiosum, planèq; incredibile
quiddam esse uidebatur. Etenim cum uarias tene-
ret artes, quibus signa tollerentur, quæ quisq; scis-
citabatur, ea legebat, atq; ita quæ uiderentur ad
interrogata respondebat. Deinde rursus obuinc-
ta, obsignataq; reddebat, non sine summa admi-
ratione eorum, qui recipiebant, plurimus enim hic
inter illos erat sermo, qui tandem scire potuisset
iste, quæ ego illi tradidi, sanè quam diligenter ob-
signata, signis imitatu neutiquam facilibus, nisi re-
uera deus esset quispiam, cui cuncta sint perspicua.
sed iam quibus artibus id effecerit forsitan à me
requires. Accipe quo uidelicet imposturas eiusmo-
di deprehendere queas, & coarguere. Prima ratio
sic habebat. eâ ceræ partem, quæ post signum hære-
bat, ac candefacta liquefactam diducebat. Tum

Et. us

e

ALEXANDER

ubi legisset rursum calefactam acu ceram, eā, quæ
 à tergo funiculi fuerat, signo eodem manente, faci-
 le coagmentabat. Porro secundus modus constat
 per id, quod Collyriū uocant. Id conficitur ex pice
 Beryttia, bitumine, ac lapide perspicuo, trito, tum ce-
 ra, & masticha confectum. Igitur ex his omnibus
 Collyrium igni calfactum inuncto prius suillo
 pingui, signo applicabat, ac symboli figuram ex-
 apiebat. Id simulatq; siccum esset factum (sicaba-
 tur autem protinus) commode resignabat libellos.
 Quibus perlectis, impositæ ceræ denuo perinde,
 atq; e' lapide signum idem imprimebat, ad ar-
 chetypi similitudinem mire effectum. Post hæc iam
 tertiam accipe rationem. Calce in gluten iniecta,
 quo uulgo codicillos adglutinant, atq; ex his confe-
 cta ceu cera, mollē adhuc eam admouebat signo,
 statimq; detrahebat. Nam ilico siccæcit, adeo ut cor-
 nu, uel ferro potius reddatur solidius. Hac ad im-
 primendum signum uti consueuerat. Sunt præter
 has & aliæ complures uiae, quas omnes referre
 nihil necesse est, ne parum uidear modestus, maxi-
 me cum tu in ijs, quos de magorum artibus con-
 scripsisti, commentarijs tum pulcherrimis, tum uti-
 lissimis, quiq; modestos reddere queant, si quis in eis
 euoluendis uersetur, abunde multa retuleris, lon-
 geq; his nostris copiosiora. Reddebat igitur oracu-
 la, diuinabatq; non mediocri ad eam rem utens
 ingenio, arteq; negotium reddens probabilius, dū
 alijs obliqua quædam, & ambigua respondet ad
 ea, quæ proponebātur, alijs penitus obscura. Quā

doquid
 Alios i
 bi mag
 remedi
 mus) co
 autem
 id est r
 confecti
 ta, neq;
 tempus
 tum obt
 Alexat
 niq; ma
 pe dra
 aut ex
 in am
 lia re
 miniba
 gione
 ipse soli
 das ope
 res et
 tum q
 qui resp
 rent, q
 dignitat
 monuall
 darat, e
 rent, af
 req; su

doquidem et hoc oraculis ille convenire iudicabat.
Alios item deterrebat, alios adhortabatur, prout si-
bi magis conducere coniecisset. Nonnullis dietas,
remediaq; præscribebat, cum sciret (ut initio dixi-
mus) complura, atq; efficacia pharmaca. Maiorem
autem in modum Cytmidēs ab illo probabantur,
id est nomen confictū emplastri, ursino ex adipe
confecti. Porro spes, rerumq; successus, & incremen-
ta, neq; non hæreditatum obuentus, semper in aliud
tempus reijciebat, illud interim addēs, cuncta hæc
tum obtingent, cum ipse uolam, cumq; uates meus
Alexander merogabit, proq; uobis uota faciet. De-
niq; merces erat unicuiq; responso præstituta, nem-
pe drachma cum obolis duobus, ne uero pusillum,
aut exiguum fuisse putes amice hūc quæstum, cum
in annos singulos ad septuaginta, aut octoginta mil-
lia redierit, usque adeo auidis & insatiabilibus ho-
minibus, ut singuli supra decem aut quindecim ro-
gationes traderent. Cæterum ea, quæ capiebat, nō
ipse solitus est insumere, nec rursus ad congeren-
das opes in thesaurum reponere, uerum complu-
reis et alios habebat secum adiutores, ac ministros,
tum q; scitarentur, qui uersibus oracula conderent,
qui resposā seruarent, qui subscriberent, q; ob signa-
rent, qui interpretarentur, quorum unicuiq; pro
dignitate, meritoq; lucrum impertiebat. Ad hæc
nonnullos foras & in longinquas regiones eman-
darat, qui famam eius oraculi inter gentes dissipa-
rent, affirmantes ipsum etiam prædicere, reuoca-
req; fugitivos, fures, ac prædones iudicare, atq; re-

ALEXANDER

vincere, thesauros effodiendos ostendere, morbo laborantibus mederi, quosdam etiam uita defunctos in uitam reuocare. Cōcurrebatur igitur undequaq; magnōq; tumultu conatati adproperabant, sacrificabatur, dicebantur munera, eaq; duplicata, prophetæ, discipuloq; dei, iam enim & tale quoddā oraculum exierat.

- Muneribus decorare meum uatem, atq; ministrum
 - Præcipio, nec opum mihi cura, at maxima uatis.
- Verum ubi iam pleriq; , quibus mentis plusculum inerat, non secus, atq; ex alta ebrietate resipiscences, conspirassent in illum, præsertim ex ijs, qui studebant Epicuro, iamq; paulatim in oppidisprehenderentur uniuersa præstigiatura, fictusq; fabulæ apparatus, horrendum quiddam in eos edidit, dicens impijs & Christianis impleri pontum, qui non uerentur in sese turpissime maledicere, Eos iussit lapidibus pellerent, si modo uellent propiciam habere deū. Porro sup̄ Epicuro, huiusmodi quoddam oraculum prodidit. Sascitanti cupiam, quid ageret apud inferos Epicurus, plumbeis inquit, cōpedibus uinctus in cœno desidet. Et adhuc miraris, si magnopere creuit eius celebritas oraculi, cum uideas interrogationes aduentium, quàm sint prudentes, quàmq; eruditæ? Modis autem omnibus bellum erat illi cum Epicuro sæuum, & irreconciliabile, idq; iure optimo. Nam cum quo tandem iustus bellum gerat, homo præstigator, et monstrus, ac portentis amicus, ueris inimicissimus, quàm cum Epicuro uiro uidelicet, qui rerum naturam perspe

etiam
uidere
chagor
illis p
rus, sic
inni su
dicula
urbes
sam, co
alios it
cinitate
oracul
tri pro
cessit
culum
temp
chi d
lum p
in mo
Malu
Crebr
debat
dam p
nens, a
verum
tudine
loquen
Deinde
textis
erat d

Etiam haberet, quiq; unus, quid in his esset uerum, uideret? Nam qui Platonem Chrysippum aut Pythagoram sequerentur, ijs erat amicus, atq; alta cū illis pax intercedebat. At intractabilis ille Epicurus, sic enim appellabat eum, erat illi plurimum inuisus, atq; id merito, quippe qui hæc omnia ridicula, ac ludicra duceret. Quam ob causam inter urbes Ponticas Amastrin in primis habebat exosam, eo quod acceperat eos, qui cum Lepido erant, alios item horum consimiles quamplurimos ea in ciuitate uersari, Neq; unquam Amastrino cuiquam oraculum reddidit, quin ubi conaretur etiam fratri proconsulis respondere, deridicule profecto discessit, cum nec ipse, quemadmodum idoneum oraculum fingeret, inueniret, nec haberet, qui sibi in tempore posset componere. Nam cum ille de stomachi dolore conquarenti, uellet præscribere, uti suillum pedem cum malua præparatum ederet, hunc in modum ait.

Maluaæ porcorum sacra cunimato si pydno. Crebrius autem (uti iam diximus) Draconem ostendebat ijs, qui uellent, haud totum tamen, sed caudam potissimum, ac reliquum corpus oculis exponens, caput uero ne uideri posset, abditu seruabat. Verum quo magis etiam redderet attonitam multitudinem, pollicatus est, sese exhibiturum ipsum deū loquentem, citraq; interpretem edentem oracula. Deinde non magno negotio, gruum arterijs contextis, ac per lineum illud draconis caput, quod erat arte adsimulatum, insertis, alio quopiam per

ALEXANDER

has foris insonante responsitabat ad ea, quæ propo-
nebantur, uoce nimirum per linteaceum illū Aescu-
lapiū ad aures promanante. Huiusmodi responsa
αὐτόφωνα dicebantur. id est ipsius uoce reddita,
neq; quibuslibet, neq; passim dabantur, uerum
splendidis modo, atq; opulentis, et qui grandia lar-
girentur. itaq; quod Seueriano redditum est, super
expeditione in Armeniam suscipienda, ex autopho-
nis erat. Adhortans enim illum ad incursum eius
regionis, sic ait.

- Parthis, Armenijsq; citato Marte subactis
- Romam urbem repetes et claras Tybridis undas,
- Vertice certa gerens radijs distincta serenis.

Deinde posteaquā uicors ille Gallus persuasus, in-
ursionem fecisset, euenissetq; ut unā cum exeratu
cederetur ab Othryade, hoc oraculum ē monumen-
tis sustulit, atq; aliud in eius locum substituit huius
modi.

- Agmen in Armenios, ne duc, neq; enim expedit
 - istuc,
 - Ne tibi foemineis uir amictus uestibus, arcu
 - Exitium immittat, uitaq; ac lumine priuet.
- Siquidem & hoc interim callidissime fuerat com-
mentus, ut posterioribus, substituticijq; responsis ea,
quæ perperam, maleq; euenissent, sarcaret, ac mede-
retur. Sæpius enim ægrotis prius, quā m moreretur
prædixerat fore, ut reualescerent. Quibus mori-
entibus, alterum oraculum illic paratum erat, qđ
superiori diuersa cerneret.

Posthac desine opem morbo petere exitiali,
Mors etenim manifesta, nec evitare licebit.
Porro cum non ignoraret, qui in Claro, ac Didymis, Malloq; responsa ferebant, ipsos quoq; huiusmodi quadam arte diuinandi celebres haberi, eos sibi reddebat amicos, plerosq; consultorum ad illos remittens, his uerbis.
Nunc Claron ito, mei uocem patris auditurus.
Et rursus
Branchydica accedas adyta, atq; oracula quæras.
Et iterum.
Mallon abi, Amphilocho quærens oracula uatis.
Et hactenus quidem de ijs, quæ intra patriæ fines, usq; ad Ioniam, Ciliciam, Paphlagoniam, Galatiamq; designauit. Vt uero et in Italiam oraculi fama permanauit, inq; ipsam Romanorum urbem, Iam nemo omnium erat, qui non alius alium ante uertere studeret, dū i; quidem eò proficiuntur ipsi, illi uero mittunt, potissimum i;, qui potentia, atque authoritate plurimum in Republica pollebant. Quibus princeps, quasiq; signifer extitit Rutilianus, uir aliàs qdem honestus ac probus, tum compluribus in prælijs Romanorū, spectatæ uirtutis. sed q in ijs, quæ ad deos pertinent, parum sanè saperet, ut cui prodigiosa quædam de illis essent persuasa, adeo ut sicubi lapidem uel inunctum, uel coronatum conspexisset, continuo proaderet, atq; adoraret, ac diutius aduolutus uota faceret, bonaq; ac læta ab illo postularet. Hic igitur, simulatq; de oraculo inaudisset, parum aberat, quin omisso, quem

ALEXANDER

tenebat exercitu, in A boni murum auolarit, alios autem post alios eo legebat. Porro qui mittebantur, serui nimirum idiotæ quidam, facile decepti donum redibant, referentes, partim quæ uiderant, partim tanquam uidissent, audissentq; permulta in super accumulantes illis, quo domino fierent commendatiores. Inflammarunt itaq; senem infelicem & in uehementem insaniam impulerunt. At ille passim ad omnes amicos accedens, quos habebat, cum plurimos, tum potentissimos enarrabat, partim ea, quæ ab ijs, quos miserat, accepisset, partim quæ ex sese affinxerat. Et ad eum modum iste compleuit urbem, conataniq; quamplurimis item aulias expauescitis, atque attonitis. Qui protinus & ipsi cupiditate flagrare cœperunt, ut aliquid suis de rebus audirent. Porro Alexander aduenientes comiter excipiebat, ac xenijs, alijsq; magnificis donatos muneribus, ad eum remittebat. hoc agens, uti non solum se nuntiarent oracula, uerum etiam dei laudes canerent, ac portentosa quædam de oraculo, deq; ipso mentirentur. ExcoGITat autem ter scelestus ille quiddam neuiquam inscitum, & ingeniosius, quam ut in uulgarem competat latronem. Etenim resignatis libellis, ac perlectis, siquid offendisset in ijs, quæ proponebantur, ita scriptum, ut cum periculo, ac discrimine eius, qui scripsisset, si proferretur, coniunctum uideretur apud se detinebat, neq; remittebat, quo uidelicet obnoxios, ac propemodum seruos ob metum, sibi redderet eos, qui miserant, cum in mentem illis ueniret, cu-

iusmodi
esse con
celleret
Ab ha
non ig
autem
Rutilia
re prie
set, ut
lietis
spendi
Pytha
Deind
dem h
spone
tato
debat
deum
leser
tus, a
cum e
Alex
mun
Rur
esset
Primo
Dein
Octo
At h
sus,

iussimodi de rebus consulissent. Intelligebat autem esse consentaneum, ut qui opibus, ac potentia præcellerent, eiusmodi rogationes essent proposituri.

Ab his munera quamplurima ferebat, quippe quæ non ignorarent, sese intra casses eius teneri. Libet autem aliquot ex his responsis commemorare, quæ Rutiliano reddidit. Huic sciscitanti de filio, ex uxore priore suscepto, qui iam per ætatem maturus esset, ut disciplinis erudiretur, quem instituendo in literis illi præceptorem deberet adhibere, ita respondit.

Pythagoram, egregieque canentem præliantem. Deinde paucis post diebus extincto puero, ipse quidem hærebat, nec habebat, quod incusantibus responderet, oraculo uidelicet ita re præsentis confisato. At Rutilianus optimus ultro occupans, defendebat oraculum, affirmans hoc ipsum portendisse deum, qui iussisset neminem quidem è uiuis adolescentulo deligi præceptorem, sed Pythagoram potius, atque Homerum, iam olim defunctos, quibus cum credibile esset eum iam uersari. Quid igitur Alexandro uitio uertere conuenit, si istiusmodi homunculos dignos habuit, quibus fucum faceret? Rursum eidem percontanti, cuius tandè animam esset sortitus, ait.

- Principio fueras Pelides, deinde Menander,
 - Deinde is, qui nunc es, post fax phœbea futurus
 - Octoginta æuum, ac centum produxeris annos.
- At hic septuagenarius interijt, in insaniam uersus, haud expectato dei promisso, quanquam hoc

ALEXANDER

quoq; oraculum ex autophonis erat. Eidem item de uxore ducenda perconctati aliquando inconctanter, ac palàm respondit.

- Ducito Alexandro natam, Lunaq; puellam.
Siquidem iam olim rumorem dissipat, filiam, quã habebat, è Luna sibi susceptam fuisse. Lunã enim ipsius amore captam fuisse. cum dormientem aliquando conspexisset, nam id illi familiare est, formosos somno sopitos adamare. Porro Rutilianus uir prudentissimus, nihil conctatus, protinus accersit uirginem, nuptias conficit, sponsus iam sexagenarius, concumbitq; socrum suam Lunam solidis hecatombis placans, iamq; sibi unus è cœlitum numero uidebatur. At hic, ubi semel in Italia rem esset aggressus, maiora in dies ad hæc excoctabat, & in omnes Romanæ ditionis partes, qui perferrent oracula, dimittebat prædicens, cauendam esse pestilentiam, incendia, terremotus, se certa remedia traditurum, nequid horum accideret, pollicebatur. Iamq; cum pestilentia incubisset, unum quoddã tale oraculum, autophonon & hoc, quoquo uersum gentium prodiderat, unico carmine comprehensum.
- Intonsus nubem pestis depellit Apollo.
Atq; hunc uersiculum uidere erat passim proforibus descriptum, tanquam aduersus pestilentiam remedio futurum. Verum ea res plurimis diuersam in partem euenit, propterea quod fortuna quãdam sic accidit, ut eæ domus, quibus hic uersus esset inscriptus, potissimum desolarentur, neq; uero

me putes illud dicere carmen in causa fuisse, ut interierint, uerum casu quodam ad hunc modum accidit. Et haud scio, an plerique freti carmine, negligentius, ac securius dietam obseruarint, nihil aduersum pestem præter oraculum adhibentes, perinde quasi syllabas pro sese pugnantes haberent, et intonsum Apollinem telus pestem propellentem. Exploratores item ex sua coniuratione quamplurimos Romæ constituerat, qui sibi qua quisque mente esset indicarent, ac prius, quam oraculum adisset illi, significarent quidnam essent perconctaturi, quidque potissimum cupere uiderentur, ut etiam prius, quam aduenissent illi, qui mittebantur, ille iam ad respondendum instructus, ac paratus esset. Atque hæc quidem et id genus alia machinamenta aduersus Italicas urbes præstruxerat. Nam præter hæc et initiationes quasdam instituerat, tedarum per manus tradendarum gestationes, et sacrorum caerimonias, quæ quidem tribus ex ordine diebus continenter peragerentur. Ac primo quidem die Atheniensium ritu denuntiatio fiebat huiusmodi. Siquis impius, aut Christianus, aut Epicureus mysteriorum explorator accessit, discedat. Cæterum qui Deo credunt, et parent, sacris feliciter initientur. Sub hæc protinus exigebantur, illo præeunte, dicentemque, Foras pellantur Christiani. Tum multitudo acclamabat uniuersa, Foras pellantur Epicurei. Deinde hinc Latonæ puerperium agebatur, et Apollinis natiuitas, tum Coronidis nuptiæ, Denum

ALEXANDER

nascebatur Aesculapius. Altero die Glycon in lucem emergens, deiq; exortus. Porro tertio die Podalirij cum Alexandri matre coniugium agebatur. Dadis autem is appellabatur, idq; ex re, propterea quod facies quaedam incenderentur. Postremo loco, Lunæ, atq; Alexandri amores, ac nascens Rutiliani coniux. At uero faciem gestabat, mysteriaq; agebat Endymion Alexander, quin hic dormiens scilicet, in medio iaceret, descenderet autem in eum e' tecti fastigio, tanquam e' cælo, lunæ uicem agens. Rutilia quaedam formosissima cuiusdam e' Cæsareæ domus præfectis uxor, quæ nimirum ut amabat Alexandrum, ita uicissim ab illo amabatur, ac sub oculis perditissimi illius mariti, tum complexus agebantur, tum oscula, idq; in propatulo. Quod nisi complures fuissent tectæ, forsitan non nihil eorum, quæ fieri solent infra sinum, patratum fuisset. Paulopost rursus introibat ornatus sacerdotali, multo cum silentio. Deinde ipse primus clara uoce sonabat. Io Glycon. assonabant autem bene canori scilicet homines, nempe præcones aliquot Paphlagonæ, carbatinis calceati, plurimum alij nidorem ructantes, Io Alexander. Porro subinde inter gestandas tectas, atq; inter mysticas saltationes, femur illius de industria renudatum, aureum apparebat, pelle, sicuti coniugio, inaurata circumdata, atq; hac ad tectarum fulgorem relucente. Itaq; cum duobus quibusdam, ex eorum numero, qui desipienter sapientes sunt, super hac re uerteretur altercatio, utrum Pythagoræ animam possideret, uideli-

at ob
confir
drū re
Pythag
Vatis
Hunc
Etrur
Tecta
Porro
conab
gus te
Paphl
anno
quid
ac se
simos
ut em
bus in
condi
moto
sed re
gens
atq;
oscula
neore
tuo de
fupr
gnum
cuius
ctiar

cet ob femur aureum, an alium Pythagorico illi
consimile, atq; eā controuersiam ad ipsum A lexā
drū retulissent, rex Glycon oraculo litē dissoluit.

Pythagoræ mens emoriturq; oriturq; uicissim,

Vatis at est aninus diuina è mente profectus.

Hunc pater auxilio misit iustisq; pijsq;.

Et rursum.

Tecta Iouis repetet iouali fulmine tactus.

Porro cum cunctis alijs denuntiaret, ut à puerili
concubitu temperarent, cœu re nefaria, uir ille egre
gius tale quiddam ipse machinatus est. Ponticis ac
Paphlagonicis urbibus imperabat, ut tertio quoq;
anno mitterent, qui deo dicarentur, eiusq; laudes a-
pud se canerent. Verum mitti oportere spectatos,
ac selectos, nempe nobilissimos, & ætate florentis-
simos, formaq; eximios. Quibus inclusis perinde
ut emptitijs ad libidinem abutebatur, modis omni-
bus in eos debacchari solitus, præterea legem quoq;
condiderat, nequis maior annus octodecam sese ad-
moto ore complecteretur, ne'ue cum basio salutaret,
sed reliquis manum duntaxat osculandam porri-
gens, solis ætate, formaq; floridis osculum dabat,
atq; his quidem inde cognomen inditum, ut intra
osculum constituti dicerentur. Atq; in hunc modū
uecordibus, ac stupidis mortalibus illudens, perpe-
tuo deinceps suas nequitias exercebat, passim con-
stuprans uxores, passim liberis abutens. Quin ma-
gnū quiddam, cunctisq; optandum uidebatur, si
cuius uxorem uel aspexisset modo. Porro siquam
etiam osculo dignatus fuisset, nemo non ita puta-

ALEXANDER

bat, quicquid esset bonarum felicitatum, id omne semel in eam domum influxurum esse. Erant insuper, atque ex non pauca, quae sese etiam peperisse ex illo iactarent, quod ita esse mariti suo testimonio confirmabant. Labet etiam dialogum tibi referre Glyconis, et sacerdotis, uiri cuiusdam Tyanei, cuius sapientiam ex iis, quae sciscitatus est, conicias licebit. Hunc equidem legi pridem aureis descriptum literis. Tu, in ipsius sacerdotis aedibus, Dic, inquit, mihi rex Glycon, quis nam es? Sum inquit ille minor Aesculapius. Num alius ab illo priore? Quid ais? Haud fas est, ut istuc audias. Sed quot annos apud nos permanfurus, atque oracula redditurus? Ad millesimum tertium. Deinde quod demigraturus? Ad Bactra, atque in eas regiones. Siquidem oportet et barbaros meos uictu, mea quoque praesentia frui. At reliquae sortes, puta quae Dyndineis, Clari, Delphisque redduntur, utrum ab authore proficiantur Apolline, an uana sunt, quae illic eduntur oracula? Ne istuc quidem scire quassieris, nefas enim. Ceterum ego quis tandem post hanc uitam futurus sum? Camelus, deinde equus, posthac uir sapiens, ac uates non inferior Alexandro. Atque haec Glyconis cum sacerdote comfabulatio. Postremo et oraculum carmine comprehensum edidit, cum non ignoraret illum amicum esse Lepido.

- Ne pare Lepido, namque huic fatum instat acerbum. Mirum etenim in modum metuebat Epicurum, sicuti superius dictum est, nimirum ut artificem, ac

sapient
ex Epi
bus co
duxer
Tu nim
sufficit
pitis acc
qui tum
nimit ad
supplic
runt. To
adolesce
gisset,
per sua
Itaque
stri ra
se puer
multi g
domum
latus eff
ui. sub
suam ex
der ind
ferens o
adesset
iplos om
Dūq; ill
g diuer
poris ob
dibus o

sapientem, suis artibus hostem, atq; infensum. Itaq; ex Epicureis quempiam, ausum se multis præsenti-
bus coarguere, propemodum in uitæ discrimen ad-
duxerat. Siquidem adiens ille clara uoce dicebat.
Tu nimirum Alexander Paphlagoni cuidam per-
suasisti, ut seruos suos apud Galatiæ præfectum ca-
pitis acerseret, hoc nomine, quasi filium ipsius,
qui tum Alexandriæ erudiebatur, occidissent. Atq;
uiuuit adolescens incolumisq; reuersus est, famulus iã
supplicio affectis, qui tua opera bestiis traditi perie-
runt. Porro huiusmodi quiddam aciderat, Quin
adolescentulus amne aduerso in Aegyptum nauig-
gasset, ad inundationem usq; subducto nauigio,
persuasus est, uti pariter in Indiam nauigaret.
Itaq; dum diutius abesset, infelices illi eius mini-
stri rati uidelicet, uel in Nilo nauigantem interij-
se puerum, uel a latronibus (nam id temporis per
multi grassabantur) esse peremptum, reuersi sunt
domum, renuntiantes, quæadmodum e medio sub-
latus esset. Deinde proditum oraculum, dånati ser-
ui. sub hæc adest adolescentulus, peregrinationem
suam enarrans. Atq; hæc quidem ille. At Alexã-
der indignatione percussus, quod coargueretur, neq;
ferens opprobratam sibi ueritatem, iussit ut qui
adessent lapidibus illum impeterent, alioqui &
ipso impios futuros, atq; Epicureos appellandos.
Dũq; illi iã lapidare cœpissent. Demonstratus qdã,
q diuersabatur in ponto, primus hominem sui cor-
poris obtegens obiectu, morti subduxit, aliq; lapi-
dibus obruendum, idq; iure optimo. Quid enim

ALEXANDER

oportebat unum inter tam multos insanientes, sanum esse, atq; à Paphlagonum stultitia malum sibi accersere, Et illi quidem hæc euenerunt. Cæterum aduocatis iuxta oraculorum ordinem ijs, qui proposuerant (nam id fiebat pridie quàm responsa redderet) præcone rogante an uaticinari uellet, si cuiquam illorū ex adyto respondiisset, in malam rē, huiusmodi hominem neq; tecto quisquam excipiebat, neq; igni aquā ue impertiebat, uerum erat illi solum aliud pro alio uertēdum, tanquam impio, deorumq; contemptori, atq; Epicureo, quod quidem probum omnium erat grauiissimū. Quapropter unum etiam Alexander quiddam designauit deridiculū. Nactus peculiare Epicuri sententias, librū (uti scīs) longe pulcherrimum, summatim Epicureæ disciplinæ decreta complectentem, medium in forū deportauit, ac lignis ficulnis exussit. tanquam auctorem ipsum exureret scilicet, ac cinerem abiecit in mare, oraculo insuper eam in rem edito.

Edico decreta senis comburrere cæci.

Haud perpendit scelestus ille, quantum adferret is liber commoditatum ijs, qui in eo legendo uersarentur, quantamq; illis quietem, tranquillitatem, libertatemq; pareret, propterea quod à paucioribus, spectris, ac prodigijs liberaret, tum spes inanes, atq; immodicas adimeret cupiditates, mentem sanā ac ueritatem. infereret, planēq; lustraret animum, non teda quidem, aut squilla, aut alijs id genus nugamentis, immo recta ratioe, uero, ac libertate.

Acripe iam facinus quoddam hominis sceleratissimi
unum

unum inter omnia multo impudentissimum. Cum iam non mediocrem in Regiam aditum sibi patefasset, inq; aulam Cæsaream, præsertim Rutiliano rem adiuvante, atq; approbante, cum bellum, quod in Germania gerebatur maxime flagraret, Marco deo cum Marcomannis, & Quadis conferente, oraculum divulgavit, quo iubebat, uti duos leones vivos in Danubium immitterent, varijs cum odoribus, ac sacris quibusdam magnificis, sed præstat ipsum oraculum referre.

Gurgitibus fluvij turgentis ab imbribus Istri,
Immisisse duos Cybeles edico ministros,
Monte feras alitas, tum quantum alit indicus aër
Florū, atq; herbarū bene olentum, moxq; futura est
Et victoria, pax & amabilis, & decus ingens.

Ea cum essent facta, quemadmodum ille præscripserat, leones quidem simul atq; in hostium regionem enataissent, barbari canes quospiam, aut lupos esse rati, fustibus arcebant. At nostrorum protinus maxima strages est cōsecuta, viginti fermè millibus simul extinctis. His successerunt ea, quæ in Aquileia contigerunt, cum parum absuerat, ut urbs ea caperetur. At is ad id, quod evenerat Delphicum illud responsum, Cræsoq; redditum oraculum, frigidè sanè detorsit, dicens deum quidem prædixisse victoriam, haud tamen explicuisse, utrum Romanorum esset futura, an hostium tandem, cum plurimi iam eam in urbem confluerent, premereturq; Abonotichitarum civitas multitudine eorum, qui ad oraculum ventitabant, neq; sufficeret suppedi-

E. f. f.

f

ALEXANDER

tandis ijs, quæ ad uictum erant necessaria, commi-
niscitur oraculorum genus quoddam, id quod no-
cturnum appellabatur. siquidem libellis indormi-
re solet, ut aiebat ipse, deinde tanquam in somnio
diuinitus edoctus respondebat, nihil certi tamen,
sed ambigue plerūq; ac confusim, maxime si quos
libellos conspexisset, accuratius, atq; obseruantius
obsignatos. Ad hunc enim modum citra ullum re-
signandi periculum, quicquid temere in mentem
uenisset subscribebat, ratus & hoc ipsum oraculis
conuenire. Erant autem ad id nonnulli constituti in-
terpretes, qui mercedem non exiguam colligebant
ab ijs, qui eiusmodi capiebant oracula, ut enarra-
rent ea, explicarentq; atq; hoc illorum munus cō-
ducticium erat. Nam interpretum quisq; talentum
atticum pendebat Alexandro nonnunquam, cum
neq; consuleret quisquam, neq; missus esset aliquis,
immo cum ne esset quidem huiusmodi quippiam,
tamen oraculum edebat, uti stultos mortales redde-
ret attonitos. Quod genus illud erat.

- » Hunc age quære tuam qui tectus in ædibus, ac te
- » Clām prorsum, uxorem, uultuq; oculisq; decorā,
- » stuprat adulterio, seruorum ex agmine primus.
- » Ipse cui solus suasisi hæc omnia demens,
- » Eius enim florem libasti hoc dedecus, ille
- » Nunc tibi compensans, cum coniuge dormit herili,
- » Quin ijdem tibi iam pridem letale uenenum
- » (Vt neq; quæ faciant, possis audire, nec unquam
- » Cernere luminibus) tecte, furtimq; pararunt.
- » Inueniesq; tuo sub lecto pharmaca, iuxta,

- ¶ Parietem, sub cervicali condita, porro
 ¶ Isthis conscia criminibus tua serua Calypso est.

Quis Democritus principio nō commoueretur, ubi nominatim & authores, & loca palām audisset designari? Verum ilico despuiſſet simul, atq; cognouiſſet, quo hæc artificio gererentur. Insuper et Barbaris non raro respondit, si quis patria lingua ſcīſcitaretur, puta ſyrice, aut gallice, uerum haud facile reperiēbat hospites, communi gente, cum ijs qui rogationem propoſuiſſent, proinde receptis libellis multū intercedere ſolet interualli prius quā oraculum redderet, quo uidelicet interim per otium poſſet & ſoluere tuto libellos, & nanciſci qui cuncta poſſent interpretari. Quod genus erat & illud ſcythæ cuiusdam redditum oraculum.

- ¶ Morphi ebargulis in umbra chuenchicranc, relinquet lucem.

Aliās rurſum, cum nec adeſſet item quiſpiam, neq; tale quicquam omnino contigſſet, atra carmen elocutus eſt. Redito, unde ueniſti. ſiquidem is, qui te miſit, hodie perijt, interemptus a Diocle uiano accedentibus latronibus, Magno, Celere, ac Bubalo, qui nunc etiam comprehenſi tenentur in uinculis. Cæterum pauca nunc accipe ex ijs, quæ mihi ipſi reſpondit. ſciſcitato an caluus eſſet Alexander, cum libellos palām, atque accurate obſignafſem, reſponſum nocturnum ſubſcribitur, Sabar dalachi Malath Attis alter erat. Rurſum cum diuerſis libellis eandem rogationem propoſuiſſem, puta cuiatis eſſet uates Homerus. Idq; alio, atque

ALEXANDER

alio nomine, alteri subscripsit, uidelicet deceptus a puero, qui rogatus, qua gratia uenisset, ut remedium inquit, peterem aduersus laterum dolorem.

- Tytmide te iubeo, ac lunari rore perungi.

Alteri uero ubi sciscitanti ei dictum esset, utrum mihi satius esset in Italiam nauigio, an pedestri itinere proficisci, respondit, nihil quidem, quod ad Homerum attineret.

- Carpe uiam pedibus, rate ne sulcaueris undas.

Multa id genus aduersus illum sum machinatus, quorum de numero fuit & illud unica rogatione proposita libello pro more inscripti, talis cuiusdam rogationes octo, nomen aliquod ementitus missis drachmis item octo, præterea quod fieri solitum esset adiungens. at ille persuasus partim missa mercede, partim inscriptione libelli, ad unicam rogationem, ea erat huiusmodi, quando deprehendendus esset impostor Alexander, octo misit oracula. Sed quæ neq; coelum (quod aiunt) neque terram attingerent. Verum absurda, & intellectu difficalia omnia. Quod ille ubi in posterum persensisset, præterea quod Rutilianum a matrimonio conatus essem auertere, suasissemq; ne prorsus in diuinatione spes reponeret, suas, oderat me uidelicet ita uti par erat, sibiq; acerrimum hostem iudicabat. Quodam itaque tempore percontanti de me Rutiliano ita respondit.

- Noctiuagus gaudet scortis, spurcoq; cubili.

In summa, iure optimo me inuisissimum habebat. Proinde cum me in oppidum aduenisse sensisset,

meq; Lucianum esse illum cognouisset, adduxerā
autem milites duos, alterum lancea alterum conto
armatum, quos quidem a' Cappadociae praeside mi-
hi, tum amico acceperam, quo me ad mare usq; de-
ducerent, acersit ilico sane' quam comiter, multa q;
cum humanitate. Ego cum aduenissem, complures
apud illum reperio, porro bona quadam fortuna,
et milites una' mecum adduxeram. Tum ille ma-
num mihi porrigit osculandam, quemadmodum
uulgo facere consueuerat, ego admotus pinde atq;
osculum daturus acri morsu corripio, ita ut parū
abfuerit, quo minus illi manum mancam reddide-
rim. Itaq; qui praesentes erant praefocare me ac-
cedere conati sunt, tanquam hominem sacrilegum.
quippe qui iam inde ab initio grauiter tulerant,
quod Alexandrum non autem prophetam compel-
lassent. At ille oppido quā generose obnitens,
compescuit illos, pollicatusq; est, se facile me plac-
dum redditurum, declaraturumq; quantum pos-
set Glycon, qui nimirum et hos, qui maxime saeuē-
rent, ferocarentq; sibi redderet amicos. Moxq; ab-
legatis omnibus, mecum ex postulauit negans se clām
esse, quae suasissem Rutiliano, Ecquid me lasisset,
ut ista in sese facerē, cum possem illius opera apud
illum magnas ad res promoueri. Equidem hanc
hominis humanitatem, commoditatemq; libenter ac-
cipio, perpendens nimirum quo forem in pericu-
lo constitutus, pauloq; post prodibam iam illi factus
amicus. Ea res profecto ijs, qui uidebant, uehemen-
ter erat stupenda, quod tam facile fuisset commuta-

ALEXANDER

tus. Post hæc cum iam nauigare statuissem, missis
 xenis, ac muneribus (eram autem forte solus, cum
 Xenophonte patre cum reliquis meis in Amastrim
 præmisso) pollicetur & nauim præbiturum sese, et
 remiges, qui nos auherent. Etenim arbitrabar hæc
 animo simplicia, atq; officiose fieri. Verum ubi iam
 in medio essemus mari, uideremq; gubernatorem
 lachrymantem, & nescio quid reliquis nautis con-
 tradicentem, non optimæ de euentu spes me cepe-
 runt. Erat autem illis ab Alexandro mandatum,
 ut tollentes nos in mare præcipites darent. Quod
 si contigisset, facile quod mecum gerebat bellum illi
 debellatum fuisset. Sed is, qui lachrymabatur, effe-
 cit nequid in nos grauius patrarent. Ac mihi qui-
 dem ita locutus est. Annos natus, uti uides, sexagin-
 ta, cum antehac pie, atq; inculpate uixerim, haud
 quaquam uelim in hac tam grandi ætate præser-
 tim cum uxorem, & liberos habeam homicidio ma-
 nus impiare, i- licans uidelicet cuius rei gratia nos
 suscepisset, quæq; sibi mandasset Alexander. Ex-
 positus autem nobis in Aegialos, quorum etiã egre-
 gius meminit Homerus retro legit cursum. Ibi for-
 te nactus præter nauigantes legatos quosdã Bospo-
 ranos Eupatoris regis nomine in Bithyniam profi-
 ascentes, deportandi uestigalis gratia, quod in sin-
 gulos pendebatur annos, cum exposuissem illis,
 quod me periculum circumuallaret, atque illi se
 mihi commodos, facilesq; præberent, receptus in na-
 uigium incolumis in Amastrim perueni, tantil-
 lum abfuerat, ut perierim. Ex hoc nimirum tem

pore & ipse aduersus illum arma capiebam, omnemq; (quod aiunt) mouebam funem, quo hominem ulascerer, quem iam tum ante mihi struetas insidias oderam, proq; summo ducebam hoste, propter morum impietatem. Iamq; ad accusationem intenderam animum, non paucis mecum facientibus, maximeq; qui erant ex Timocratis Heracleotæ schola philosophi. Verum, qui tum Bithyniæ, pontoq; præsidebat, nos cohibuit penè supplicans, & obsecrans uti desisteremus. Etenim ob necessitudinem, quæ sibi cum Rutiliano intercederet, nequaquam posse supplicio afficere, nec si manifestus in crimine deprehendisset. Atque ita quidem ab iracundia desisti, meq; repressi non in tempore rem aggressurus, cū iudicem haberem ad eum modum affectum. sed quid? An non & hoc inter alia facinus audax Alexandri? a principe Romano postulare, ut A boni murus, commutato uocabulo, Ionopolis appellaretur, utq; numisma nouum signaret, altera quidem parte Glyconis obtinens imaginem, altera uero Alexandri, qui insignia aui Aesculapij, ac falcem illam Persei, unde matrum ducebat genus, teneret. Porro cum esset de sese natiuitus, oraculo prodito, fatis decretum esse, ut annos uiueret centum & quinquaginta, dehinc fulmine ictum interitu maxime miserando periturum, non dum septuaginta natus annos uidelicet (uti conueniebat Podalirii filio) pede ad inguem usque putrefacto, & uermibus scatens. Quo tempore simul & illud deprehensum est,

ALEXANDER

quod caluus esset, cum medias caput humectandū
præberet, ad mitigandum cruciatum, id quod haud
quaquam facere potuissent, nisi detractō gælericu-
lo. hunc habuit exitum Alexandri tragædia, atq;
hæc fuit totius fabulæ catastrophe, ut res uideri
possit providentia quadam esse gesta, cum casu ni-
mirum ad hunc modum euenerit. Restabat illud,
ut & epitaphium uita acta dignum ei constitue-
retur, neque non certamina quædam agerentur
ab ijs, qui in uaticinium coniurauerant, uidelicet
impostoribus insignibus, ac præcipuis ad Rutilia-
num arbitrum sese conferentibus, ut is pronun-
tiaret, quem ex ipsis oporteret in oraculi successio-
nem capeßendam eligi, atq; sacerdotali, propheti-
câq; corona redimiri. Erat autem in hoc numero
simul & Pætus, qui artis professione medicus,
tum ciuis cum esset, ista faciebat, neque medico, neq;
homine cano decora. At Rutilianus certaminis ar-
biter incoronatos eos remittebat, ipsi sibi diuinan-
di auctoritatem seruans, posteaquam inde iam de-
migrauerat. Hæc amice ex plurimis pauca, quo
degustamentum hominis præberem, scribenda pu-
taui, cum uti tibi gratificarer, homini familiari,
atque amico, quemq; ego unum omnium maxime
suspicio, idq; plurimis nominibus, uel propter sa-
pientiam singularem, uel ob amorem uiri, uel ob
morum mansuetudinem, ac moderationem, uel
ob uitæ tranquillitatem, postremo comitatem,
atque humanitatem erga hos, quibus cum uiuis.
Tum uero, quod quidem tibi fuerit etiam incum-

dius,
ingem-
sta &
rit, qui
berent
qui in
hul uil
guit. q
fentiam

dius, ut Epicurum ulascerer uirum uere sacrum,
ingenioq; diuino, quiq; solus quæ uere sunt hone
sta & nouerit, & tradiderit, quiq; solus extite
rit, qui liberos reddere solitus sit eos, qui secum ha
berent consuetudinem. Deniq; arbitror fore, ut ijs,
qui in hanc lectionem inciderint, liber hic non ni
hil utilitatis afferre uideatur, dum quædam redar
quit, quædam in opinionibus horum, qui & recte
sentiunt, confirmat, ac stabilit.

ORNATISSIMO VIRO D. CHRISTO
PHORO VRSEVVICO L. L. L. L.
S. P. D.

Quidem hac mente semper fui ornatissime, idemq; humanissime Christophore, ut à nullo prorsum uitio perinde abhorruerim, atq; ab ingratitude, nec unquam istos hominis uocabulo dignos iudicari, qui alieni in se meriti tempore ullo possent obliuisci. Rursus eos existimavi beatos, quibus tantum facultatis Fortunæ commoditas suppeditauit, ut bene meritis possint parem remetiri gratiam, beatissimos autem, quibus licuisset acceptum beneficium aliquo cum fœnore rependere. Proinde cum antehac sæpenumero mecum repeterem: quantum in me nihil promeritum tua benignitas contulisset (Nam collatum arbitror quicquid ita delatum est, ut haud scio utrum per fortunam an per me ipsum, certe per te nō steterit quo minus acceperim) circumspectaremq; quonam argumento possem aliquam saltem erga te memoris, gratiq; animi significationem dare, neq; in tanta fortunæ meæ tenuitate quicquam occurreret, quod ulla ex parte, non dicam tuis meritis responderet, sed quod uel animo satisfaceret meo. Illud deniq; mihi uenit in mentē, ut saltem istos quosdā non inurbanos homines imitarer, qui istosculo quopiam insigni, aut alio simili symbolo misso, uolūtatis propensionem, promptiq; animi studium testificari solent, præsertim ipsi te

mues et
aliorum
enti
uermati
dientes
ros arm
ad te m
rium f
tem, uer
efficit
cus) qui
me mea
secutus
perulay
frice
cta su
hil ue
mate p
pythag
as, stru
pura f
ne, idq
uas fer
ne per
a uocab
era te
ridet, q
specio f
ac sup
T. 1. 1. 1.

nives ergo eos, quibus neque res, neque animus sit
 aliorum egens munerum. Ergo Graecina ingredi
 enti *μυσῆα* (nam musarum horti uel medijs
 uernant brumis) statim inter multos uaria adblan
 dientes gratia, hic Luciani Rosculus praeter cete
 ros arrisit. Eum non ungue, sed calamo decerptum
 ad te mitto, non solum nouitate gratum, colore ua
 rium, specie uenustum, nec odore modo fragran
 tem, uerum etiam suauis praesentaneo salubrem, &
 efficacem. Omne tulit punctum (ut scripsit Flac
 cus) qui misceat utile dulci. Quod quidem aut ne
 mo mea sententia, aut noster hic Lucianus est as
 secutus, qui priscæ comædiæ dicatatem, sed citra
 petulantiam referens, deum immortalem qua na
 fricæ, quo lepore perstringit omnia, quo naso cun
 cta suspendit, quàm omnia miro sale perfricat, ni
 hil uel obiter attingens, quod non aliquo feriat scom
 mate. praecipue philosophis infestus, atq; inter hos
 Pythagoricas potissimum, ac Platonias ob prastigi
 as, Sticias item propter intolerandum supaliū, hos
 punctum, ac caesim, hos omni telorum genere pe
 tit, idq; iure optimo. Quid enim odiosius, quod mi
 nus ferendum, quàm improbitas uirtutis professio
 ne personata? Hinc illi blasphemus, hoc est maledi
 ci uocabulum addidere, sed hi nimirum, quorum ul
 cera tetigerat, pari libertate deos quoq; passim &
 ridet, & lacerat, unde cognomen inditum *ἀπὸ
 σπείρου* profecto uel hoc nomine, quod ab impijs,
 ac superstitiosis attributum. Floruit (uti putant)
 Traiani ferme temporibus indignus (ita me deus

amet) qui inter sophistas annumeretur. Tantum ob-
tinet in dicendo gratiæ, tantum in inueniendo felici-
tatis, tantum in iocando leporis, in mordendo aceti,
sic titillat allusionibus, sic seria nugis, nugis serijs
miscet, sic ridens uera dicit uera dicendo ridet, sic
hominum mores, affectus, studia, quasi penicillo des-
pingit, neq; legenda, sed plane spectanda oculis ex-
ponit, ut nulla Comœdia, nulla satyra cum huius
dialogis conferri debeat, seu uoluptatem spectes, seu
spectes utilitatem. Cæterū si noiatiu quæras huius
argumentum dialogi, facit id qđ sem p facit, Iytha-
gorā uelut impostorem, ac præstigiatores taxat.
Stoicorum fastum et sapientem barbā ridet, diuitiū
ac regū uita. quantis sit erūnis obnoxia docet, con-
tra q̄ expedita res paupertas hilaris, suaq; conten-
ta sorte. Quem uti legēs attentius, te maiorem in
modum rogo, si quando tibi per tua licebit nego-
tia frontem exporrigere. Audies enim Gallum
cum Hero sutore confabulantem, magis ridicu-
le quā ullus possit κλωτοποιός, sed rursum sapi-
entius, quā Theologorum, ac philosophorum uul-
gus nonnunquam in scholis magno superalio ma-
gnis de nugis disputat. Vale optime, atq; huma-
nissime Christophore, et Erasmus inter tuos ascri-
bito clientulos, amore, studio, officio, cessurum ne-
mini.

LVCIA
LV S

netado
gefecit
paup
si com
ingens
me ana
tillat
tantis
sed iste
feruet
verum
nes de
modo
me in
dem at
quoad
posset
confue

CIANI SOMNIVM, SIVE GAL-
LVS ET ALIO INTERPRETE.
INTERLOCVTORES.

GALLVS, MICYLLVS.

T te sceleratissime Galle cum ista
tanta inuidencia, uocæq; tam acu-
ta, ipse perdat Iupiter, qui qui-
dem opibus affluẽtem me, ac dul-
cissimo in somnio uersantem, et
admirabili felicitate fruẽtem, pe-
netrabile quiddam, et clamosum resonans ex per-
ge feceris, adeo ut ne noctu quidem effugere liceat
paupertatem, uel te ipso longe nocentiorẽ. At qui
si coniectandum est, tum è silentio, quod etiamdũ
ingens est, tum è rigore, frigoreq; quod non dum
me antelucanice quemadmodum assolet, morsicat,
titillatq; (Nam hic mihi certissimus gnomon aduen-
tantis diei) ne medium quidem adhuc noctis est.
Sed iste peruigil perinde quasi uellus illud aureũ
seruet, ab ipsa protinus uespera uociferari cœpit.
Verum haudquaquam impune, siquidem mox pœ-
nas de te sumam, fuste q; comminuam, si diluxerit
modo. Nam nunc negotium mihi facereres subsili-
ens in tenebris. Gallus. Here Micylle, equi-
dem arbitrabar me tibi gratum esse facturum, si
quoad possem alta nocte lucẽ anteuertissem, quo
posses antelucano surgens quamplurimum operis
conficere. Etenim si prius, quã sol exoriatu- uel

GALLVS

unicam feceris crepidam, istuc laboris lucro tibi ac-
 cesserit, ad parandum uictum. Quod si tibi magis
 libet dormire, equidem tuo arbitratu quietem ege-
 ro, longeque magis mutus fuero piscibus. Ceterum tu
 te uideto, ne per somnium diues, esurias experre-
 ctus. Micyl. O prodigiorum auersor Iupi-
 ter, O malorum depulsor Hercules, Quid hoc ma-
 li est? uocem humanam sonuit Gallus. Gal. Hoc
 ne tandem tibi prodigium uidetur, si eadem, qua nos
 lingua loquor? Micyl. Quid? an non hoc por-
 tentum? Sed auertite diu malum a nobis. Gal.
 At tu mihi uideris admodum illiteratus esse, nec
 euoluisse Homeri poemata, in quibus equus Achil-
 lis, cui nomen Xanthus, posteaquam hinnitus lon-
 gum ualere uidisset, medio in praelio constitit, disse-
 rens, totosque uersus ordine recitans, non quemadmo-
 dum nunc ego prosa oratione loquens, quin etiam
 uaticinabatur ille, deque futuris edebat oracula, neque
 quicquam prodigiosum facere uidebatur, neque is,
 qui tum audiebat malorum auersorem, ita uti tu fa-
 cis, implorabat, quasi rem abhominandam, et auer-
 tendam audisse sese iudicaret. At quid tandem fa-
 cturus eras, si tibi Argi nauis carina fuisset elo-
 cuta, ita ut olim in Dodonaea sylua fagus per se
 loquens oraculum edidit? Aut si tergora direpta
 serpere uidisses, si carnes bouum mugire, semiasas,
 solidasque uerubus transfixas? Ego uero, cum Mer-
 curij sim assessor loquacissimi, deorumque omnium
 facundissimi, praeterea contubernalis uobis, et con-
 uictor, haud mirum uideri debet, si sermonem hu-

manum edidici. Quod si mihi recipias taciturnum te, haudquaquam grauabor ueriores tibi causas aperire, unde factum sit, ut eadem, qua uos lingua loquar, & unde mihi suppetat huius orationis facultas. Micyl. Modo ne istuc ipsum sit somnium Galle, quod ita mecum loqueris. sed dicito per Mercurium. O præclare, quid etiam aliud rei tibi sit in causa, ut istam linguam sones. Nam ut taceam, neq; cuiquam proferam, quid attinet te solitum esse? Quis enim fidem mihi sit habiturus, si cui narrem, me Gallum hæc loquentem audisse?

Gal. Ausculta igitur, nam orationem ex me audies, omnium (sat scio) maxime nouam, atque incredibilem. siquidem hic, quem nunc gallum esse uides, non ita pridem homo fui. Micyl. Profecto & olim istiusmodi quiddam de uobis inaudieram, Adolescentulum quempiam fuisse Gallum, Marti adamatam, atq; hunc deo compotasse, collusasseq; & in uoluptatibus gessisse morem. Itaq; cum Venerem adiret Mars, cum ea cubiturus huc quoq; Gallum una secum adduxisse. Quoniã autẽ Solem potissimum metueret, ne si è sublimi conspexisset, Vulcano se proderet, foris ad hostium adolescentulum semper relinquere solitum, cuius iudicio certior fieret, quando sol emergeret. Deinde Gallum aliquando somno correptum, ex cubias deseruisse inscientem, Solemq; nullo præsentiente immisuisse Veneri, ac Marti secure dormienti, propterea quod confideret Gallũ indicaturum fuisse, siq; interuenisset. Itaq; Vulcanum à sole edoctum eos

GALLVS

deprehendere implicatos, atq; irretitos ijs uinculis, quæ iã olim in illos fuerat fabricatus. Porro Martem, simulatq; dimissus est, indignatum aduersus Gallũ fuisse, atq; eum in auem transmutasse, ijsdẽ armis, ut in capite pro galea cristã obtineret. Hãc ob causam quo uos Marti purgetis, cum iã nihil opus simulatq; solem exorientem sensistis, multo ante uo aserari, atq; illius exortum prænũtiare. Gal. Feruntur qdem & illa Micylle, At quod ego sum narraturus, multo aliud quiddam fuit, atq; adeo nup admodum in Gallũ transformatus sum. Micyl. Quonam modo? Nã istuc maximo pe cupio cognoscere. Gal. Audistin de Pythagora quodam Mnesarchia Samio? Micyl. Nũ sophistam illũ dicas, & prestigiatorem qui instituit, neq; uel carnes gustaret, uel fabas ederet, suauissimum mihi eduliũ, salubre et parabile à mensa submouens? Præterea autem, q mortalibus suasit ne intra quinquennium loquerentur? Gal. Sas nimirũ et illud, quẽ admodũ prius, q Pythagoras esset, Euphorbus fuerit. Micyl. Prestigiatore et prodigiorũ artificem hoĩem aiunt fuisse o Galle. Gal. Ille ipse ego tibi sum Pythagoras. Quare parce quæso mihi conuitiari, præsertim cum ignores quibus sim moribus. Micyl. At hoc rursum multo etiã quàm illud portentosius, Gallus philosophus? Attamẽ expone Mnesarchi gnate, qui factum sit, ut ex homine auis, ex Samio Tanagraeus repente nobis prodieris. Neq; enim ista uerisimilia, neq; omnino facilia creditur. Quandoquidem duas quasdam res iam mihi uideor in

deor in te
thagora.
quidem, q
le filere in
perit. A lter
gnat. Etern
rem, fabas
hol contatus
necesse sit, a
aliud quida
atq; ijsdẽ
perinde ac
agnosca mi
que ad uita
q; non est
q; m. Nũ
ingruias, e
tum si mol
thagora ce p
in multis uol
una quæq; t
Narra quid
fuerit. A d
n ista narr
sumum illu
re, haud se
gnat, ge
mitionis il
ac præla
nam tu si

deor in te animaduertisse nimium alienas à Pythagora. Gal. Quas? Micyl. Alterum quidem, quod garrulus es, et obstreperus, cum ille silere in solidos quinque annos (si nemini) præceperit. Alterum uero planè cum illius legibus pugnat. Etenim cum non haberem, quod tibi obijcerem, fabas heri (sicuti nosti) ad te attuli. At tu nihil contatus, protinus eas sublegebas, unde fit, ut necesse sit, aut ementitum esse te Pythagoram esse, cū aliud quiddam sis, aut si Pythagoras es, legem prætergressum esse te, iusq; uiolasse, cum fabas ederis, perinde ac si caput patris comederis. Gal. Nō cognosti Micylle quæ sit harum rerum causa, neq; quæ ad unumquodq; uitæ genus conducant. Ego tū qdē non esitabam fabas, propterea q̃ philosophus essem. Nunc contra comesurus sim quippe à uitio congruas, neq; nobis repudiandum pabulum. Verum si molestum non est, audi quēadmodum ē Pythagora ceperim esse id, quod sum in præsentia, q̃q; in multis uitæ generibus antehac uixerim. Et qd ex unaqua; transformatione sim consecutus. Micyl. Narra quæso, Nā mihi quidē auditu iucundissimū fuerit. A deo ut siq; mihi deferat opinionem, utrū te ista narranter audire malim, an rursum felicius illud somnium, quod paulo ante uidi uidere, haud sciam utrum electurus sim, usque adeo cognata, germana; uidentur esse ista tua cum suauissimis illis uisis, ex æquo uos æstimo, te pariter, ac præclarum illud insomnium. Gal. Etiamnum tu somnium illud, quod dudum tibi uisum est

GALLVS

in animum reuocas, & inania quædam obseruâs
 simulachra. atq; (uti loquuntur poëtæ) euandam
 quandam felicitatem memoria consecraris? Micyl.
 Immo illud scias Galle, ne ullo quidem tempore
 unquam uisi illius mihi uenturam obliuionem. Tan-
 tum mellis somnium aufugiens in oculis mihi reli-
 quit, ut præ illo uix queam palpebras attollere
 rursus in somnum cœnutes. Itaq; pinde quasi ale
 in auribus atentur, talem quendam strepitum mi-
 hi commouent ea, quæ uidi. Gal. Nouum quen-
 dam hercule mihi narras amorem in somniū, si qui-
 dem alatum cum sit (sicut aiunt) metasq; uolandi
 præscriptas habeat somnum, iamq; septa transi-
 lit, in auribus etiam uigilantis obuersans, adeoq;
 mellitum, et euident apparet. Quare peruelim au-
 dire, cuiusmodi nam sit istud, quod te supra modū
 delectat. Micyl. Gestio narrare. Nam dulca
 est hoc ipsum meminisse, & commemorare de illo
 quippiam. Verum heus Pythagora, quando tu nar-
 rabis de tuis transformationibus? Gal. Vbi tu
 Micylle desieris somniare, melq; illud ab oculis ab-
 sterferis. Interim prior diato, uti intelligā, utrum
 ne per portas eburneas, an per corneas tibi somni-
 um aduolarit. Micyl. Neq; per has, neque
 per illas o' Pythagora. Gallus. Atqui duas
 has tantum commemorat Homerus. Micyllus.
 Valere sinas delirum illum poëtam, qui nihil de
 somnijs intellexit. Paupertina fortassis somnia per
 istas commeant portas, qualia uidebat ille, neque
 id admodum perspicue, quippe captus oculis. Mi-

hi uero per a-
 aduenit somn-
 undiq; circum
 adducens.
 ro fibulari, n-
 tibi audit in
 hi duxisse uia
 uim uidi Pyth-
 qua fulgere co
 in illius laude
 siquidem mem-
 dians, p'ste a
 in uito carmen
 lus. Num il-
 aqua est illa e
 castrum aut
 ignis ite erud
 tibus conuoc
 centas sup
 gloriam, ac d
 Micyllus. T
 ac si in somni-
 dant aurum,
 aufertur iam
 ri nullum d
 ter diues ille
 tam me in e
 ista egredim
 donec malit
 fas, subnu


hi uero per aureas quasdā portas dulcissimum hoc aduenit somnium, & ipsum aureum, & aureis undiq; circumamictum, & auri plurimum secum adducens. Gallus. Desine optime Mida de auro fabulari, nam dubio procul ex illius uoto, istud tibi accidit insomnium, & solidas auri uenas mihi duxisse uideris. Micyllus. Multam auri uim uidi Pythagora multam, quā putas pulchri? quo fulgore coruscantis? Quid tandem Pindarus in illius laudem dicit, nam in memoriam redige, siquidem meministi, cum aquam præstantissimam dicens, postea aurum admiratur, idq; iure, statim in initio carminis unius omnium bellissimi. Gallus. Num illud quæris?

- " Aqua est illa quidem optima,
- " Cæterum aurum, uti candens
- " Ignis, ita enitens, no-
- " ctibus eminet eximie unum
- " Cæteras supra opes, quæ
- " Gloriam, ac decus addunt.

Micyllus. Per Iouem, istuc ipsum, perinde enim ac si insomnium meum uideat Pindarus, ita prædicat aurum, sed ut tandem cognoscas quale fuerit, ausculta iam sapientissime Galle. Meministi ut heri nullum domi cibum acceperis, siquidem Eucrates diues ille forte mihi in foro factus obuiam, lotum me in tēpore ad cœnā uenire iusserat. Gal. Istuc eqdem planē memini. Nā totū esuriebam diē, donec mihi profunda tādē uespera domum reuersus, subnuuidus, uinoq; madens, quinque illas fabas

GALLVS

proferres non admodum opiparam cœnam Gallo, qui quondam fuerit athleta, quiq; olympia non segniter olym decertarit. Micyl. Ast ubi reuersus à cœna fabas tibi obiecissẽm, obdormiĩ pro-
tinus. Tum mihi iuxta Homerum, ambrosia sub nocte diuinum quoddam haud dubie somnium as-
sistens. Gal. sed prius quæ tibi apud Eucra- tem acciderint Micylle, narra, & cuiusmodi fue- rit cœna. Nihil enim prohibet te denuo cœnare, si ueluti somnium quoddam eius cœnæ reductus, & quæ tum ederis rursum commemoratione, quasi ru- mines. Micyl. Credebam molestum futurum me, si hæc quoq; retulissẽm, uerum poste aquam tu desideras, en id quoq; narrabo. Cum nũquam ante hac in uita cœnassẽm apud ullum diuitem, o Pytha- gora, heri bona quapiam fortuna in Eucratem ina-
di, atq; ego quidem simulatq; dominum illum sa- lutassẽm, ita uti consueueram, subducebã me, ne pu- dori illi essem si lacera in ueste fuissẽm affectatus. At ille, Micylle inquit, hodie natalicia filiaẽ cele- bro, plurimosq; ad conuiuiũ amicos inuitauĩ, uerum qm̃ aiunt, quẽdam ex his incõmoda esse ualetudi- ne, neq; posse pariter ad conuiuiũ nostrum accedere, tu eius loco uenito, lotus, nisi ipse forte, q̃ uocatus est, semet ad futurum renuntiarit. Nam nunc quidem ambigit. Hoc ubi audissẽm adorato diuite discede- bam, omnes obsecrans deos, ut algidam febrem ali- quam, aut laterum dolorem, aut podagram mor- bi auctarium immitterent ualetudinario illi, cuius ego sellæ occupator, cœnæq; uicarius, & hæres crã



uocatus. Interim hoc spatiū, quod usq; ad balnei tem-
pus intercessit longissimum seculum esse iudicabā,
dum subinde respicio, quot pedes in gnomone in-
dex haberet litera, & quando illos iam lauissē cō-
sentaneum esset, Hic ubi tempus tandem aduenis-
set, ocyus me corripio, atque ab eo, nitide admodum
cultus, sic obuerso palliolo, ut qua esset parte puris-
simum, ea uideretur. Offendo autem ad fores &
alios complures, in quibus etiam illum (gestabatur
autem à uiris quatuor sarcinæ in morem) cuius
eram subconuiuia uocatus, qui male habere dictus
erat, atque id etiam præ se ferebat, quod afflicta es-
set ualetudine. Nam ex alto gemebat, tussiebatq;
ac screabat, uelut ex abdito, quodq; ægre redde-
retur totus pallidus, ac tumens, annos natus cir-
ter sexaginta. Ferebatur autem philosophus quis-
piam esse, ex ijs, qui apud adolescentulos nugæ
deblaterant. At barba nire erat tragica, supra
quam credi posset, tonsoris egens. Porro increpan-
te Archibio medico, quamobrem cum ista esset ef-
fectus, aduenisset, non oportet inquit, promissa de-
serere præsertim hominem philosophum, etiam
si mille urgeant, & instent morbi. Iutabit enim
Eucrates sese à nobis haberi ludibrio. Haud qua-
quam inquam ego, immo collaudabit te, si domi po-
tius apud te uelis emori, quam in conuiuio, ani-
mam unā cum phlegmate excreans. Atq; ille qui-
dem præ arrogantia dissimulabat sese dictorium
audisse. Haud multo post accessit & Eucrates iam
lotus, Conspettoq; Thesmopolide (nam id erat phi-

GALLVS

loſopho nomen) præceptor inquit, probe quidem factum abs te, qui ipſe ad nos ueneris, Tameſi nihilo deterius tibi fuerat futurum. Siquidem etiam abſenti omnia ordine miſſa fuiſſent. Hæc ſimulatque dixerat, introgreditur manus illi porrigens pariter, & ſamulus inuitenti. Ego igitur iam abire parabam, uerum ille conuerſus ubi diu ſecum hæſitaſſet, poſteaquam me triſtem admodum uideret, ades inquit, tu quoq; Micylle, ac nobiſcum cœna. Nam filium in mulierum cōclauū unā cum matre conuiuium agere iubebo, quo tibi ſit locus, ingrediebar itaq; cum parum abſuerit, ut lupus hians diſcederem, uerum ingrediebar pudefactus, quod Eucratis filiolum e conuiuiū uiderer expulſiſſe, aſt ubi iam tempus eſſet, ut diſcumberemus, primum tollentes Theſmopolim compoſuerunt, haud ſine negotio per. Iouem, quinque (ſi dijs placet) proceri iuuenes, ceruices illi ſupponentes undequaq; quo nimirum in eodem habitu permanere, ac longum etiam tempus durare poſſet. Deinde ubi nemo iam tollerare poſſet, ut iuxta illum accumberet, me adductum reclinant, ut eadem in menſa eſſemus. Deinceps cœnabamur o Pythagora, opiparā quandam, & uariā cœnam, multoq; in auro, multo item argento. Pocula erant aurea, miniſtri formoſi, tum cantores, & concitandi riſus artiſices. In ſumma, iucundiſſima quæpiam erat uita, niſi quod unum quiddam me uehementer male habebat, Theſmopolis obſtrepens, atq; abturbans, uirtutem neſcio quam mihi commemorās, docensq; quod

done negoti
quodq; ſi d
ma mihi di
phabatur et
atq; uolupte
meret ex ad
habes galle
ſuau Micyl
re ſena ſorti
ſumme & i
ſſe cum ord
decedere. De
condiſſet, q
ſerat paulo
uoluit ad
negotibus
no ſubſtratu
uſet, meſſa
erat eſſe. Po
mi, ſanctus
randus. Ac
bant, compl
datus ueſti
gentia digi
cum uide
ſu, ſu ne
iam epula
ſententia r
phialis
iam in ſer

duæ negationes unicam efficerent affirmationem,
quodq; si dies sit, nox non sit. Nonnunquam & cor
nua mihi dictabat esse, atq; id genus multa philoso
phabatur erga me, quibus eiusmodi nihil opus, pla
neq; uoluptatem interpellatione minuebat, cum nõ
sineret exaudiri eos, qui cithara, uocēq; caneant.
Habes galle de cœna. Gal. Non admodum
suauis Micylle, maxime posteaquam cum illo deli
ro sene sortitus eras accubitum. Micyllus. Au
di nunc & insomnium. Visus enim mihi Eucrates
ipse, cum orbus esset liberis, nescio quomodo, è uita
decedere. Dehinc ubi me accersisset, ac testamentum
condidisset, quo me insolidum hæredē omniū scri
pserat, paululo tempore superstes emori. Porro ipse
uidebar adire facultates, & tum aurū, argentumq;
ingentibus quibusdam scaphis exhaurire, perpe
tuo subscaturiens, & affatim affluens, tum autem
uestes, mensas, pocula, ministros, Omnia mea, ut par
erat esse. Postea candido uehiculo uectabar resupī
nus, cunctis, qui intuebantur conspiciendus, & admi
randus. Accurrebant permulti, ac circum equita
bant, complures sequebantur. Ego interim illius in
dutus uestitum, & annulos gerens, arciter septua
ginta digitis insertos, epulum quoddam splendi
dum uidebam adornari, quo amicos acciperē. Idēq;
illi, ita ut in somnio fieri consentaneum est, aderāt,
iam epulæ erant comportatæ. Iam potus ex animi
sententia ministratus. In his cum uersarer, & aure
is phialis præbiterē omnibus, q̄ aderant amicos, cū
iam inferrentur bellaria, intempestuo tuo clamore

GALLVS

pturbasti nobis cōuiuium, num tibi uideor iniuria
 stomachatus in te? Nā uel tres noctes perpetuas li-
 benter adhuc somnium illud, quod mihi accidit, ui-
 dere cupiam. Gal. Adeo ne es auri cupidus,
 & opum auidus Micylle, idq; ex omnibus unum
 admiraris, ac felicitatem unicam esse iudicas, si plu-
 rimum possideas auri? Micyllus. Equidem
 haud solus ita cogito Pythagora, cum ipse quoq;
 tum cum Euphorbus esset, auro, atque argento co-
 mis intexto, prodibas pugnaturus cum Achius,
 idq; in bello ubi ferrum, quàm aurum gestare sati-
 us fuerat. At tu etiam tum uoluisti calamistris au-
 ro internexis in periculum descendere. Atque ob
 eam (opinor) causam, Homerus comas tuas gratijs
 similes dixit, quod auro, argentoq; reuincantur.
 Etenim longe nimirum meliores, atq; amabiliores
 uidebantur, quod essent auro religatae, unaq; cum
 eo relucere. Neq; istuc nouum est auricome, si tu
 Pantho patre prognatus aurum in pretio habui-
 sti, Quin et ipse deorum omnium, hominumq; pa-
 ter ille Saturno, Rheaq; progenitus, cum argolicam
 illam puellā adamaret, ubi nihil inueniret amabili-
 us, in quod sese trāsformaret, neq; quo Acrisij custo-
 dias posset corrumpere, audisti uidelicet, ut aurum
 sit factus, atq; ita per tegulas illapsus, potitus est
 ea, quam deperibat. Iam uero quid tibi commemo-
 rem, quàm multos usus praebeat aurum? Et ut eos,
 quibus adfuerit, bonosq; & sapientes, & potentes
 reddat, decus, & gloriam illis conalians, utq; non
 nunquam ex obscuris, & infamibus, claros, ac ce

lebres repente efficiat, nam nosti uicium mihi et
eiusdem artificij simonem, qui paucis ante diebus
apud me coenauit, cum legumen coqueret saturna-
libus, duasq; extorum casuras immitteret. Gal-
lus. Nouissimum illum breuem, qui fictilem ol-
lulam, quæ nobis erat unica, suffuratus, peracta
coena abstulit, sub ala gestans. Nam ipse uidi Mi-
cylle. Micyl. Atqui cum eam sustulerit, tã
multos ille deos postea iurabat. sed cur non prode-
bas, ac uociferabare tum o' Galle, cum nos furto spo-
liari conspiceres? Gallus. Coccyzabam, quæ
mihi solum licebat id temporis. uerum quid simon
ille? Nam uidebare de illo dicturus nescio quid.

Micyllus. Ei consobrinus erat uir supra mo-
dum diues nomine Drymilus, is quoad uiuebat, ne
obolum quidem donauerat simoni, nam qui da-
ret, cum ne ipse quidem pecunias attingeret? At si-
mulatq; mortuus est nup, uniuersis illis opibus iux-
ta leges. Simon ille, qui pannos putres, qui patel-
lam circumlingebat, gaudens potitur, purpura, o-
stroq; circumtectus, famulosq; et currus, et aurea
pocula, et mensas eburnis innixas pedibus possi-
det, ab omnibus adoratur, iamq; nos ne aspiciat qui-
dem. Etenim nuper cum illum procedentem conspe-
xissem, salue inquam Simon. At ille indigne fe-
rens, Edicite inquit, pauperi isti, ne uocabulum me-
um diminuat, neq; enim Simon, sed simonides ap-
pellor. Porro (quod est omnium maximum) mulie-
res etiam illius amore capiuntur. Atq; is quidem
eludit eas, ac fastidit, et alias quidem adit, comemq;

GALLVS

seſe præbet, aliæ porro quæ negliguntur, necem illis minitantur. Vides quantas commoditates pariat aurum, quandoquidem eos, qui ſunt deſormiſſi miſtransfigurat, et amabiles reddit, non cæcus atq; cæſtus ille poëticus. Audis inſuper & à poëtis dictum, O' aurum auſpicata res, & oſtentum optimum. Et rurſum. Aurum eſt, quod opibus imperat mortalium, ſed quid interim riſiſti galle? Gal. Quoniam tu quoq; per inſcitiam Micylle ſimili modo falleris opinione de diuitibus, quæadmodum vulgus, uerum (crede mihi) longe etiam erumnoſiorem uitam uiuunt quàm uos. Hæc autem loquor, q̄ ipſe et pauper, & diues aliquando fuerim, atq; omne uitæ genus ſim expertus. Porro paulo poſt ipſe quoq; hæc omnia cognosces. Micyl. Per Iouem tempeſtiuum iam eſt, ut & tu referas, quem admodum ſis transfiguratus, & quod in unoquoq; uitæ genere perſpexeris. Gallus. Auſcultæ hoc tantum præmonitus, me neminem feliciorem uitæ quàm tu ſis, unquam uidiſſe. Micyllus. Quam ego ſim o' galle? Hanc felicitatem tibi ipſi imprecor. Nam uidere me tibi ridendum proponere, Verum age, narra, exordiens ab Euphorbo quo pacto fueris in Pythagoram transformatus. Deinceps ordine ad gallum uſq; conſentaneum enim eſt te uarias res tum uidiſſe, tum tuliffe, nimirum, tam diuerſis uitæ fornus. Gallus. Quemadmodum initio ab Apolline profecta anima, in terram deuolarit, & corpus humanum ſubierit, ut illic poenam quandam dependeret, id longum dictu futu-

rum sit. Præterea neq; mihi referre fas est, neq; tibi eiusmodi audire, uerum ubi Euphorbus factus essem. Micyllus. sed ego prius, quàm essem is, qui nunc sum, O' præclare, quisnam erā? hoc mihi prius diato, nunquid & ego uersus fuerim itidem ut tu. Gallus. Maxime. Micyllus. Quis igitur eram, siquo modo potes dicere, peruelim enim istuc cognoscere. Gallus. Tu formica fueras indica, ex earum genere, quæ aurum effodiunt. Micyllus. Et postea neglexi infelix, uel pauca frustra in uitam importare, cum illo essem alitus? Sed age, qd post hæc futurus sim diato, quandoquidem consentaneū est scire te. Etenim siqd bonæ sit rei, iam nunc suspendero me ab ista pertica, in qua tu nunc stas. Gallus. Istuc profecto nulla ratione possis cognoscere. Cæterum cū Euphorbus essem (Nam ad illa redeo) in Troia pugnam, atq; à Menelao necatus, aliquanto post tempore, in Pythagoram perueni. Porro eo usque absq; tecto p'durabam, donec Mnesarchus aliquando mihi domum ædificaret. Micyllus. Obsecro te num absq; cibo, potuq;? Gallus. Maxime, Nihil enim istis rebus opus, nisi corpori dūtaxat. Micyllus. Illud igitur prius diato, ea, quæ ad Troiam gesta sunt, nū ita se habēt, qualia fuisse dixit Homerus? Gal. Quinā ille scire potuisset Micylle, qui qdē dū ista gerebātur, ipse Camelus erat in Bactris? Cæterū ego tibi tm̄ effabor diuinitus, nihil id t'p' eximium fuisse, neq; Aiace usq; adeo magnū, neq; Helenam adeo formosam, quæ admodum

GALLVS

arbitrantur, siquidem uidi, candida quandam, & procera ceruice, ut hinc cygno progeneratam sese ad simularent. Cæterum uehementer anum, æqualem propemodum Hecubæ. Hanc Theseus primum raptam in Aphidnis possedit. Is uixit Hercules ferme ætate. Porro Hercules prius Troiam ceperat, patrum nostrorum memoria, qui per id temporis maxime florebant. Nam hæc mihi Panthus narrauit, admodum adolescens, affirmans se uidisse Herculem. Micyllus. Quid autem Achilles? Nū talis erat. Nēpe quauis in re præstantissimus? An & isthæc fabulamenta sunt? Gallus. Cum illo quidem congressus non sum, neq; queam adeo comperte de rebus Græcorum dicere, Etenim quī scire potui, cum hostis essem? Certe Patroclum illius amicum, haud ita magno negotio perenni lancea dissectum. Micyllus. Deinde te Menelaus, multo minore negotio, uerum istis de rebus satis. Nunc Pythagorica fata refer. Gallus. Illud in summa Micylle, sophista quispiam eram (oportet enim uidelicet fateri uerum) alioq non imperitus, neq; in exercitatus in honestissimis disciplinis. Profectus sum autem in Aegyptum, quo cum prophetis congregederer, de sapientia communicaturus. Hic adyta subiui, atq; ibi Ori, & Isidis libros perdidici. Post rursum in Italiam renauigabā, ac Græcos iuxta ea, quæ in Aegypto didiceram, ita insatui, ut me perinde ac deum suspicerent. Micyllus. Equidem in audieram isthæc, præterea quemadmodum creditus fueris defunctus in uitam redūsse, utq;

aureum femur illis subinde ostenderis, uerum illud mihi dicto, quid tibi uenit in mentem, ut legē statueres, uti neq; carnibus, neq; fabis uescerentur homines. Gal. Ne perconcteris ista Micylle.

Micyl. Quam ob rem o' galle? Gallus. Nam pudet hisce de rebus uerum fateri. Micyl. Atqui non conuenit, uti id facere graueris apud hominem contubernalem, & amicū, nam herum posthac absit ut dixerim. Gal. Nihil sani, neque præclari quicquam erat. uerum animaduvertebam, si consueta modo, atq; id etiam uulgo, præcepissem, non fore, ut mortales in admirationem adducerem, sed quo peregriniora, magisq; aliena proposuissem, futurum ut hoc magis nouus, magisq; uiderer admirandus, Proinde instituebam in animo, nouæ quiddam rei designare, eiusmodi proposito decreto, cuius causa esset inexplicabilis, quo uidelicet alijs aliud coniectantibus, oēs redderentur attoniti, quæadmodum in obscuris oculis solet usu uenire. Micyl. Illud uide, ut rides me, tu quoq; non minus, atq; Crotoniatis, ac Metapōticos, & Tarentinos, cumq; his alios, q' multi sequuntur, tuaq; adorant uestigia, quæ tu calcata reliquisti, uerum ubi Pythagoram exueras, quæ post eum induisti. Gal. Aspasiā Melitensem illam meretricem. Micyllus. Pape quid ego audio. Siquidem inter alia mulier quoq; fuit Pythagoras. Ita ne fuit aliquando tempus, quo tu Galle generosissime oua pariebas, cumq; Pericle rem habebas, iam Aspasia uidelicet, atq; ex illa grauida fa-

GALLVS

*eta es, Præterea lanam tondebas, tramamq; dedu-
 cebas. Postremo meretricium in morcem gestiebas,
 vultumq; componebas. Gallus. Ista quidem
 omnia feci, tametsi non ego solus, uerum & ante
 me tum Tiresias, tum Elati proles Cæneus. Proinde
 quicquid in me conuitij dixeris, tantundem & in
 illos dixeris. Micyllus. Age igitur, utra tibi
 uita erat suauior, cum uir esses, an cum Pericles te
 cum haberet consuetudinem. Gal. Vide cu-
 iusmodi istuc est, quod perconctaris, nempe cui ne
 Tiresiæ quidem expedierit respondere. Micyl-
 lus. Atqui si minus fateare tu, tamen istuc Euri-
 pides satis explicuit, cum ait se malle ter sub cly-
 peo consistere, quàm parere semel. Gallus. Im-
 mo præmoneo te paulopost puerperam fore, siqui-
 dem & tu mulier es olim fecturus. Idq; sæpius lon-
 go nimirum seculorum orbe, atq; recurso. Micyl-
 lus. Non tu pendebris O' galle, qui quidē omnes
 mortales Milesios, aut Samios esse ducas? Nam aiūt
 te etiam tum cum Pythagoras esses, uenusta forma
 decorum, sæpius Aspasiā fuisse Tyranno, uerū
 age secundum Aspasiā, in quem uirū, aut mu-
 lierum denuo renatus es? Gallus. In Cra-
 tem Cynicum. Micyllus. O' Castor, quàm dis-
 simile. Ex scorto philosophus? Gallus. Dein
 de rex, deinde pauper, paulopost satrapes, dehinc
 equus, graculus, rana, aliaq; innumerabilia, per
 longum enim fuerit singula recensere, postremo gal-
 lus, atq; id sæpius, nam hoc uitæ genere sum dele-
 ctatus, interea & alijs diuersis mortalibus seruiui,*

regibus, pauperibus, diuitibus. postremo nunc tibi, videoq; quotidie, cum uideo te paupertatis tædio cōplorantem, ciulantemq; , ac diuitum admirantem fortunas, propterea qđ ignores quantum illis adsit malorum, alioqui si curas noris, quibus illi distinguuntur, te ipsum profecto riseris, qui antea credideris eum, qui sit opulentus, statim felicissimum esse omnium. Micyllus. Ergo Pythagora, aut quid maxime gaudeas appellari, ne confundam orationem, si te nunc hoc, nunc illo nomine compellem. Gallus. Nihil aberraueris, siue Euphorbum, siue Pythagoram, siue uocaris Aspasiā, siue Cratem, quandoquidem ista omnia sum unus, nisi quod rectius feceris, si (id quod in præsentiārum esse uideor) gallum me uoces, ne auem hanc parui ducere, contemnerēq; uideare, præsertim cum tam multas contineat animas. Micyllus. Ergo galle, quandoquidem omnia penē uiuendi genera iam expertus es, atq; oīa cognita habes, age dilucide mihi narrato, quæ sint peculiaria diuitum ad uitæ rationē, quæ pauperum proprie, quo uidelicet cognoscā, uerē ne istuc affirmes, me diuitibus esse feliciorē. Gallus. En hunc ad modum interim perpende Micylle. Te quidem nō magnopere tangit cura belli, si quando rumor sit aduentare hostes, neq; sollicitus es, ne in agros incursantes populētur, ne ue hortū proculcent, proterantq; , aut uineas uastent, sed simulatque tubam audieris, si tamen audieris, de te ipso uno circumspectas, quos deflexus seruari queas, ac discrimen effugere. Contra illi tum de

GALLVS

se se solliciti sunt, tum animo discriutiantur, cum
de mœnibus quicquid opum possidebant in agris,
id omne tolli, deportariq; conspiciunt. Ac si-
ue inferendum est aliquid in ærarium, soli acce-
suntur, siue in prælium exeundum, periclitantur,
aut peditum turmis, aut equitum alis præfecti. Tu
interim uimineum gerens clypeum, expeditus, ac
leuis, ad salutem consulendum, paratus uictoriale con-
uiuui agere, si quando uictor exeratus sacra fecerit.
Rursum pacis tempore, tu quidem cum de plebesis
ingressus in concionem, tyrannidem in diuites ob-
tines, illi uero trepidant, pauitantq; ac largitio-
nibus, chora gijsq; te placant, siquidem quo tibi bal-
nea, ludi, spectacula, reliquaq; id genus abude sup-
peditent, ea omnia curant illi. At tu censor, et
acerbus expensor, perinde quasi dominus, ne allo-
quio quidem interdum dignaris illos, quod si tibi
collubitum sit, ingentibus saxis in illos de grandinas,
uel facultates eorum publicas facis, ipse neq; calu-
mniatorē metuis, neq; latronem, ne tollat aurum,
uel ædium conscenso fastigio, uel pariete perfosso.
neq; necesse habes rationibus occupari, neq; exa-
ctionibus, neq; tibi cum sceleratis dispensatoribus con-
sultandum est, neq; tantas in sollicitudines distra-
heris, uerum simulatq; crepidam unam perfec-
ris, mercedemq; retuleris septem obolos, serò rur-
sum surgis crepusculo, et si libuerit, lauatis tum
empto saperda quopiam, aut mœnide piscicula,
aut paucis ceparum capitulis temetipse oblectas,
canens plerumq; optimaq; cum paupertate philo-
sophans

sophans,
corpore,
bonis qui
quodam
res, qua
aliquem
pauca. Q
paulo negi
da tunc in
quippe me
latronemq;
ne latronem
pro, prop
non hab
nam ex
ac omnia
monde qu
famine se
ne, hanc
latronem,
nouit. C
tum sublim
la pte q;
perone ma
romen tran
is, et ardat
um micyle
ne Cras
an, censo
granide Co

Iophas, adeo ut eas ob res salubri sis, ualentiq;
corpore, obduruerisq; aduersus gelu. siquidem la-
bores, qui te exaciunt, munuuntq;, certatorem haud
quaquam contemnendum reddunt, aduersum eas
res, quæ compluribus inexpugnabiles esse uidetur.
Atque hinc nullus ex morbis illis grauioribus im-
petit te. Quod si quando leuis ceperit febricula,
paulo negotio eam medicatus, protinus exilio, me-
dia temet inde excutens. Illa porro fugit ilico,
quippe metuens te, quem uideat etiam frigore ali,
saturumq; fieri, ac medicorum certis illis recur-
sibus longum plorare renuntiantem. At illi ex ad-
uerso, propter intemperantiam uitæ, quid tandem
mali non habent infelices? podagras, phthises, pul-
monum exulcerationes, aquas intercuties, nam
hæc omnia a sumptuosis illis conuiujs nascuntur.
proinde quicunque & his lacerari in morem, ut fe-
rè faciunt, sese attollunt, propiusq; se soli admo-
uent, haud cogitantes, quod illas habeant cera ad-
glutinatas, ingentem nonnunquam ruinæ strepitum
mouent. Cæterum qui Dædali exemplo non admo-
dum sublimia, neq; excelsa appetunt, uerum humi-
lia, terræq; uicina, adeo ut cera nonnunquam salis
aspergine madesceret, ij tuto plerunq; ac citra di-
scrimen transuolarunt. Micyllus. Moderatos
istos, & cordatos narras. Gallus. Verum alio-
rum Micylle naufragia fœdissima conspicias, nem-
pe, ubi Cræsus, reuulsis alijs risum exhiberet Per-
sis consensu rogo, Aut Dionysius, cum abdicatus
tyrannide Corinthiorum in urbe ludi literarij ma-

GALLVS

gistrum ageret, post gestum tantum imperium, puel-
los compellens, ut syllabas connecterent. Micyl-
lus. Dic mihi Galle, Tu, cum rex esses (nam ais
te regem quoq; fuisse) cuiusmodi tandem id uitæ ge-
nus experiebaris? Mirum tu tum felix eras, quan-
doqdem, id, quod est bonorum omnium caput, pos-
sidebas. Gallus. Ne mihi in memoriam rege-
ras o Micylle, usqueadeo supra modum infelix
tum eram, Nam quo ad res externas, quemadmo-
dum dixisti, planè fortunatus esse uidebar, at in-
tus innumerabilibus curis distringebam. Micyl-
lus. Quibus tandem curis? Nam rem prorsus ab-
surdam, neq; credibilem narras. Gallus. Equi-
dem imperabam regioni neutiquam exiguae Micyl-
le, omnigenarum rerum feraci, tum incolarum fre-
quentia, neq; non urbium pulchritudine, cum pri-
mis admirandæ. Præterea fluminibus nauigabili-
bus irriguæ, ac mari portuoso commodæ. Ad hæc
equa spectatissima, atq; excellens, satellitium haud
exiguum, triremes, pecuniarum uis maior, quàm ut
posset numerari, uasorum argenteorum plurima
copia, reliquaq; omnis illa principatus Tragœdia,
strepitusq; & apparatus supraquam credi queat,
extructa, atq; accumulata. Ita q; cum prodirem, ple-
riq; adorabant deum quempiam intueri sese rati,
aliq; trudentes alios concurrebant, quo me conspi-
cerent, nonnulli consensu tectis, magni aestimabât,
si plene contemplari licuisset quadrigam, stragu-
lam, diadema, tum eos, qui à tergo comitabantur,
ego inter hæc mihi conscius, quantæ me res discern

tiarent, uersarentq; illos quidem propter in-
 tiam uenia dignos iudicabam, at me meipsum mi-
 ferescebat, qui prægrandibus illis Colossis uide-
 rer persimilis, quales uel Phydias, uel Myron, uel
 Praxiteles fabricatus est. Etenim illorum quilibet
 quo ad ea, quæ foris apparent, Neptunus ipse est,
 aut Iupiter mirifice decorus auro, eboreq; compa-
 ctus, & aut fulmen, aut fulgur, aut tridentem fir-
 scinam dextra sustinet. Cæterum si immisso ca-
 pite, quæ sunt intus inspicias, uidebis uestes quos-
 dam paxillos, & clauos introrsum prominentes,
 neque non uimina, cuneosq; & picem sublitam,
 & aliam item id genus deformitatem, intrinsecus
 inhabitantem. Omitto recensere muscarum, mu-
 stellarumq; uim, quæ nonnunquam in eis mansi-
 stant. Huiusmodi quædam res nimirum rex quoq;
 uidetur. Micyllus. Non dum explicuisti, lu-
 tum, & clauos, & uestes, qui nam fuerint in im-
 perio, neque fœditatem illam plurimam, quæ nam
 sit, nam istum ad modum uestari, tam multis im-
 perare mortalibus, ac numinis instar adorari,
 hætenus quidem cum Colossi exemplo quadrat.
 siquidem hoc quoque diuinum quiddam, & ad-
 mirandum, nunc autem quæ sint intra Colossum
 exposito. Gallus. Quid primo loco tibi refe-
 ram Micylle, utrum metus, curas mordaces, suspi-
 ciones, odium, quo regem prosequuntur ij, qui cum
 illo uiuunt, insidias, atque eas ob res somnum ra-
 rum, & hunc ipsum pertenuem, ac plena tumultus
 insomnia, cogitationes perplexas, spes semper im-

GALLVS

probas, an otij penuriam, & occupationes, iudicia, expeditiones, edicta, foedera, consultationes. quibus rebus fit, ut ne somnio quidem aliquo suam frui liceat. uerum ut omnibus de rebus solus dispiciat necesse est, milleq; negotia sustineat.

- » Quippe nec Atridē Agamemnona dulcis habebat
- » Somnus, multigenas uersantem pectore curas.

Idq; cum reliq oēs Achiui sterterēt. Adde qđ lydū illum disruiat, filius mutus, Persam uero Clearchus ad Cyrum desciscens, atque alium quempiam, Dion cum Syracusanis nonnullis ad aurem cōmunicans, Rursum alium quendam urit Parmenion collaudatus, Item Perdicam Ptolemæus, Ptolemæum seleucus. quin illa quoque molestiam adferunt, amasius per um non sponte conuiuens, concubina alio gaudens. tum si qui defectionem parare dicantur, aut duo, quatuor ue satellites inter sese consusurrantes. Porro (quod est omnium grauissimū) amicissimi quique uel maxime sunt formidandi, semperq; metuendum, nequid magni mali ab illis exoriat. Nam alius a filio ueneno necatus est, alius item ab amasio. Alium simile quoddam fortassis mortis genus eripuit. Micyllus. A pagensis atrocia, miraq; sunt ista, quæ narras o Galle. Mihi igitur multo sit tutius operæ cerdonicæ primum incumbere, quàm ex aurea bibere phiala, comiter delatum haustum, cæterum acuta, acutoq; temperatum. Nam mihi quidem hoc unum est periculi, ut si paulum aberret smilion, deflectatq; a recta incisione, summum secantis digitum exiguo

sanguine tingit. At isti, quemadmodum narras, letifera agunt conuiuia, atque id innumerabilibus in malis constituti. Deinde ubi conaderint, persimiles esse uidentur Tragœdiarum histrionibus. Nam multi, sicut uidere licet, quoad Cecropes sunt scilicet, aut Sisyphi, aut Telephi, diademata gestant, argenteisq; capulis gladios, comamq; uentilantem, et auro intertextam chlamydē, quod si quis (qualia nimirum permulta solent accidere) impulsos illos inedia in scena præcipites det, risum profecto moueant spectatoribus, uidelicet persona una cum ipso diademate contrita: uero autem actoris capite luxato, cruribusq; maxima ex parte renudatis, ut iam interioris amictus, quam miseri sint panni, fiat perspicuum, ac cothurnorum, quos pedibus induxerunt, appareat deformitas, haud quaquam ad pedis modum respondentium. Vide ut me iam similitudines conferre docueris optime Galle. Cæterum tyrannis talis quædam res tibi uisa est esse, uerum ubi equus esses, aut canis, aut piscis, aut rana, quomodo eam uitæ rationem ferebas? Gallus. Istum, quem nunc suscitās, sermonem et longior sit, neque huius temporis. illud autem unum in genere dixerim, nullam ex omnibus uitam, mihi non uisam tranquilliorē uitā humana, naturalibus duntaxat cupiditatibus, et usibus circumscriptam. siquidem publicanum equum, aut sycophantam ranam, aut sophistam graculum, aut popinatorem culicem, aut anædum gallum, atque id genus alia, quæ uos studio comminiscimini, haud-

GALLVS

quaquam inter illos uidebis. Micyllus. Quæ
 dicas ò Galle, fortassis uera sunt, uerum non me pu-
 debit apud te fateri, quod mihi accidit. Haud un-
 quam quiui dediscere cupiditatem illam à puero
 mihi insitam, uidelicet ut diues euadā. Quin nūc
 quoq; somniū illud ob oculos uersatur, aurum osten-
 tans, potissimum autem scelestus ille Simon excrui-
 at, qui quidem tantas inter opes delicietur. Gal-
 lus. At ego te isto leuabo morbo Micylle, tamesi
 nox etiamdum est. surge modo, ac sequere me. Si-
 quidem ad ipsum te Simonem adducam, atque in
 aliorum diuitum ædes, quo nimirum uideas, quo-
 modo res habeant apud illos. Micyl. Istuc quo
 pacto? clausis foribus? Num me parietes transfo-
 re compelles? Gallus. Nequaquam. uerum Mer-
 curius, cui sum sacer, hoc optanti mihi largitus est,
 ut si quis longissimam caudæ plumam, quæ ob mol-
 licem inflectitur. Micyllus. Atqui duas habes
 eiusmodi. Gallus. At dextram ex his auul-
 sam, cuiusq; ego gestandam dederò, is, quoad uo-
 luero, fores omnes poterit aperire, cunctaq; uidere,
 ipse inuisibilis. Micyllus. Equidem ignorabā
 ò Galle te præstigarum quoq; peritum esse. Porro
 si mihi istuc semel præstiteris, uidebis ilico Simonis
 uniuersas opes, huc deportatas, nam eas huc redi-
 ens transferam. At ille rursum circumrodet, ebi-
 betq; putria coria, quibus consueuit soleas compin-
 gere. Gallus. Atqui nefas sit istuc facere. Si
 quidem Mercurius illud mihi mandauit, ut si quis
 pennam tenens istiusmodi quippiam patrarit, non

ferans furem proderem. Micyl. Rem neutiquā uerisimilē narras, nempe Mercurium, cum ipse sit fur, non sinere alios, ut idem faciant. Sed tamen abeamus. Nam aurum auferam, si modo possim.

Gallus. Pennam prius reuellito Micylle. Quid hoc rei? ambas reuulsisti. Micyllus. Tutius hoc quidem o' Galle, tum tibi minus foedum sit futurū, ne altera caudæ parte mutilatus claudices. Gal-

lus. Age sanē. sed utrum simonē prius adimus, an alium quēpiam? Micyllus. Haud aliō, im-

mo ad Simonem, qui uidelicet pro dissyllabo, tetra-

syllabas esse affectet, posteaquam diues euasit. sed iam ad fores accessimus. Quid igitur hac in re fa-

cio? Gal. Pennam seræ admoue. Micyl. Ecce autem, dii boni, ostium perinde, atq; clauī resiliūt.

Gal. Perge porro præcedens uides illum uigilan-

tem, ac supputantem? Micyl. Video p' Iouem, et q̄dem ad obscuram, siticulosamq; lucernulam. Præ-

terea pallet, haud scio unde Galle, totusq; exaruit,

atq; extenuatus est mirum in curis. Neq; enim au-

ditum est, illum alioq; male habere. Gal. Au-

sculta qd dicat, si q̄dem intelliges, qbus de causis ad eum modum sit affectus. Simon. Nimirū septuagin-

ta illa talenta, tuto admodum sub lecticæ defossa sunt. Neq; q̄q; alius omnino uidit. At uero, sedecim illa Sossylus eq̄so uidit me sub præsepi occultantem,

itaq; de curando stabulo non est admodum solici-

tus, q̄q; nec aliās admodum laboris appetens, uerisimile est autem illum multo etiam his plura sustulisse. Nam unde alioqui Tibius heri tam ingens sal-

GALLVS

samentum illi obsonio proposuisset, tum autem aiunt illum monile enuisse uxori drachnis quinq;. Hei mihi sero mihi. Hic omnia mea dissipabit bona. Quid, quod ne pocula quidem sat in tuto recondita sunt, cum sint multa. Vereor enim, nequis ea suffosso pariete, tollat. complures mihi inuident, atq; insidias parant. Præter cæteros autem Micyllus iste uianus. Micyllus. Ita per Iouem. Nam tibi sum similis, ac patellas sub ala gesto. Gal. Tace Micylle, ne protinus ipso in furto nos prodas. Simon. Optimum igitur fuerit, ut ipse in somnis seruem. Oem obibo domum in orbem obambulans. Quis iste? uideo te per Iouem, O parietum perfossor, poste aquam es columna, bene res habet. Pernumerabo denum refossam argentum, nequid forte dudum me fugerit. En rursum obstrepuit mihi nescio quid. Nimirum obseruor, atq; insidijs appetor ab omnibus, ubi mihi gladius? si quenquam deprehendero, rursum aurum defodiamus. Gal. Sic tibi habent o Micylle res simonis. Sed abeamus ad alium quempiam, donec noctis adhuc aliquantulum superest. Micyllus. O miser, cuiusmodi uiuit uitam, hostibus eueniat, ad hunc modum diuitem esse. Ita quid pugno illi in maxillam illiso, uolo discedere. Simon. Quis me pulsauit? Latrocinio despolior miser. Micyllus. Plora, ac uigila, aurumque similis corpore reddaris, quandoquidem illi affixus, deditusque es. Nos autem, si uidetur, Gniphonem foeneratorem uisamus. Nam nec is procul hinc habitat, ipse nobis suapte sponte fores patuerunt. Gallus. Vides hunc

quoq; curis inuigilantem, & usurarum rationes
iterantem digitis contortis, cui propemodum reli-
ctis his omnibus, sit in silpham, aut culicem, aut
muscam abeundū. Micyl. Eadem uideo mise-
rū, ac uecordem hominē, ne nunc qdem multo me-
liorem uiuere uitam, q̄ silphæ, aut culicis. A deo to-
tus & hic à curis, & rationibus est extenuatus.

Nunc ad alium eamus. Gal. Ad tuum, si ui-
detur, Eucratem. En tibi fores per se patuere. Quin
introimus? Micyl. Paulo ante hæc omnia mea

erant. Gal. At etiam nunc tu diuitias somni-
as? uides igitur Eucratem ipsum quidem à famulo,
uirum natu grandem. Micyl. Video profe-
cto quiddam haudquaquam uirile. Porro altera
ex parte ipsam item uxorem à coco constuprari.

Gal. Quid ergo? Num optaris et horum hæres
existere Micylle, cunctaq; possidere, quæ sunt Eu-

cratis? Micyl. Haudquaquam Gal. Immo
fame citius interierim, quàm id genus quippiā pa-
trare ualeat aurum, et conuiuia. Duo oboli mihi po-
tiores diuitiæ sunt, quàm si à domesticis perfode-

rer. Gal. sed iam nunc, quandoquidem dies
fermè diluxit, domum ad nos redeamus. Reliqua
rursus aliàs uidebis Micylle.

ORNATISSIMO IURIS VTRI-
VSQVE DOCTORI RVTHAL-
LO SECRETARIO RE-
GIO ERASIVS
S. P. D.

Ide quantum audaciæ mihi suppedi-
tet singularis quædam ingenij tui, mo-
rumq; facilitas, humanissime Ruthal-
le, qui, cum neutiquam ignorem te in-
ter Aulicos primores uel authoritate, uel gratia,
uel splendore, uel eruditione præcipuum esse, tamē
non uerear meas nugæ rudes adhuc, uixq; e pri-
ma scheda repurgatas ad tuam excellentiam mit-
tere. Sed quid facerem? Iam urgebat nauita, uentos
et æstum nulli seruire clamitans. Itaq; ne nihil
mei apud hominem tam nostri studiosum relinque-
rem, id, quod tum forte erat in manibus, Misanthro-
pum misi nimirum ad uirum unum omnium φι-
λανθρωπότατον. Is est Luciani dialogus, quo uix ali-
us lectu uel utilior, uel iucundior, uersus quidem
ille iam pridem ab alio nescio quo, sed ita uersus,
ut interpretes hoc modo demonstrare uoluisse uide-
atur, sese neq; græce scire, neq; latine, neq; temere
adeo quis suspicetur eum interpretem subornatum
esse ab ijs, qui Luciano male uolunt. Tu nostram
hanc audaciam boni consules, et Erasimum in eo-
rum numero pones, qui tui sunt amantiissimi.
Vale.

LUCIANI TIMON, SIVE
MISANTHROPVS ERAS
MO INTERPRETE.

IUPITER Philie, hospitalis, so-
daliæ, domesticæ, fulgurator, iussu
randicæ, nubicogæ, grandistrepe.

Et si quod aliud tibi cognomen in
tonantes poëta tribunt, maxime cū
hærent in uersu. Nam tum illis tu

multinominis factus, carminis ruinam fulas, me-
triq; explēs hiatum. Vbi tibi nunc magnicrepum
fulgur, gramiferum tonitru, ubi ardens, candens,
ac terrificum fulmen? Nam hæc omnia iam pa-
lām apparet nugæ esse, fumumq; poëticum, nec o-
mnino quicquam, præter nominum strepitum. Sed
dechantata illa tua arma eminus ferientia, ex prom-
ptaq; , nescio quomodo penitus extincta sunt, fri-
gentq; adeo, ut ne minimam quidem sintillulā ira-
cundiæ aduersus nocentes reliquā obtineant. Ita q;
atius quiuis ex ijs, qui peieraturi sunt, extinctum
ellyphnium metuerit quā flammam fulminis cun-
cta necantis, usque adeo titionem quempiam in sese
uibrare te putant, ut incendium, aut fumum ab il-
lo proficiāscens, nihil quicquam formident, uerum
hoc solum uulneris inferri posse iudicent, ut fuli-
gine compleantur. Quibus rebus factum est, ut iā
Salmoneus tibi sit ausus etiam obtonare, neq; id
admodum ab re, quippe aduersus Iouem usque-
adeo ira frigidum, uir ad facinora feruidus, au-

TIMON

daciaq; tumidus. Quid ni enim faciat, ubi tu sub
mandragora stertis, qui neq; peierantes exaudias,
neq; eorū, qui flagitia committunt, respectum agas?
Cæcutis autem lippitudine, & hallucinarius ad ea,
quæ fiunt, auresq; iam tibi obsurderunt, instar ho-
rum, qui ætate defecti sunt. Quandoquidem cum
iuuenis adhuc esses, acrisq; animo, uehemensq; ad
iracundiam permulta in homines maleficos, ac uio-
lentos faciebas. Neq; tum unq̃ tibi cum illis erant
inducæ. Sed perpetuo fulmen erat in negotio, per-
petuo obuibrabatur, Egis obstridebat tonitru, fulgur
continenter iaculorum in morem, densissime exjedi-
to loco deuolantium torquebatur. Terræ quassatio-
nes, cribi instar frequentes, ad hæc nix cumulatiua,
neq; non grando saxorum in morem, atq; ut te-
cum grandius loquar, imbresq; rapidi, & uio-
lenti, ac flumen quotidie exundans. Hinc tantum
repente Deucalionis ætate naufragium ortum est, ut
omnibus sub aqua demersis, uix unica scapula ser-
uaretur, quæ in montem Lycorem appulit, humani
generis quasi sintillulas quasdam seruans, unde sce-
leratius etiam genus in posterum propagaretur.
Nimirum igitur dignum seordia præmium ab il-
lis reportas, cum iam nec sacra faciat tibi q̃squam,
nec coronas offerat, nisi si quis obiter in olympias,
ac ita, ut ne is quidem rem admodum frugiferam
facere uideatur, sed priscum quendam ritum ma-
gis referre, ac pene saturnum. O' deorum gene-
rosissime, te reddunt magistratu abdicantes. Omit-
to loqui, quoties iam templum tuum sacrilegio com-

pilatus, et
admodum
ri, ne ex
xilio accu-
dam ad fu-
gatumq; et
am tibi ca-
bitale fulm-
clare quæ a
despiciat aut
iames? Quot
ne sine ad ex-
inquitatem?
in qua malis
amiciu sen-
tantes redol-
ent suppedi-
amans iuuu-
napam deu-
ne effugere e-
or, adorabat
sequendo per-
ram quempe-
moris iam ol-
quidam coll-
em. Porro
quæ, existi-
dumq; uisus
seruatore
Itaq; prem

pilarint, cum tibi etiam ipsi in olympiacis manus
admoliti sunt. Atq; interea tu alifreme pigritaba-
ris, uel exortare caues, uel uianos aduocare, ut au-
xilio accurrentes illos comprehenderent, cum etiam
dum ad fugam adornarentur. Sed egregius ille, gi-
gantumq; extinctor, & Titanum uictor sedebas,
cum tibi caesaries ab illis arcuntonderetur decemcu-
bitale fulmen dextra tenens. horum igitur o præ-
clare quis tandem erit finis, quæ tu adeo secure
despicias? aut quomodo de tantis maleficijs pœnas
sumes? Quot Phaëthontes, aut Deucaliones, satis ido-
nei sint ad expiandum tam inexhaustam morum
iniquitatem? Etenim, ut de communibus sileam, de
ijs, quæ mihi aciderunt, dicam, cum tam multos
Athenienses in sublime euexerim, ex pauperrimis
diuites reddiderim, cunctisq; quotquot opus habe-
rent, suppeditarim, immo semel uniuersas opes in
amicos iuuados effuderim, simulatq; his rebus ad
inopiam deueni, iam ne agnoscor quidem ab illis,
nec aspicere dignantur me, qui dudum reuereban-
tur, adorabant, meoq; de nutu pendebant. Quod
si quando per uiam ingrediens forte fortuna in eo-
rum quempiam incidero, perinde ut euersam ho-
minis iam olim defuncti statuam, ac temporis lon-
gitudine collapsam prætereunt, quasi ne norint q-
dem. Porro alij procul conspecto me, aliò sese detor-
quent, existimantes sese inauspicatum, abominan-
dumq; uiuiros spectaculum, quem non ita pridē
seruatorem, et adiutorem suum esse prædicabant.
Itaq; prementibus malis ad extrema redactus cō-

T I M O N

filia, sago arrepto, terram exerceo, quaternis condu-
ctus obolis, atq; hic cum solitudine, cumq; ligone
philosophor, hoc interim lucri mihi uideor factu-
rus, quod post hac non intuebor plerosq; præter me-
ritum secundis fortunæ successibus utentes. Nam il-
lud uel maxime urit. Iam igitur tandem aliquan-
do Saturni, Rheæq; proles excusso profundo isto,
grauiq; somno (nam Epimenidem quoq; dormien-
do uicisti) uibrato fulmine, aut ex Oeta relucens, in-
genti reddita flamma iram aliquam strenui illius,
ac iuuenilis Iouis ostende, nisi uera sint, quæ à Cre-
tensibus de te, tuaq; sepultura feruntur. Iupiter.
Quis hic est Mercuri, quem audio sic uociferan-
tem ex Attica, ad crepidinem montis Hymeti, hor-
ridus totus, ac squalidus, pelleq; hircina amictus,
fodit autem, ut arbitror, nam pronus incumbit, ho-
mo loquax, et confidens, numnam philosophus est?
Neq; enim alioquin adeo impia, nefariaq; in nos
fuerat dicturus. Mercurius. Quid ais pater,
an non nosti Timonem Echecratidis filium Coly-
tensem? Hic nimirum est, qui nos sæpenumero in
sacris legitimis conuiuio accepit, is repente diues fa-
ctus, is, qui totas hecatombas, apud quem splendi-
de Iouialia festa consueuimus agitare. Iuppi-
ter. Hem quæ nam ista rerum commutatio? hici-
ne honestus ille diues, quem tam frequentes cinge-
bant amici? Quid igitur accidit, ut hoc sit habitus?
squalidus, erumnosus, fossor conducticius, uti conij-
cio, cum tam grauem ligonem gerat? Mer.
Ad hunc modum illum quodāmodo probitas euer-

tie, atq; humanitas & in omnes, quicunq; egerent,
misericordia. At re uera uerordia potius, faali-
tasq; nullusq; in suscipiendis amicis delectus, qui p-
pe qui neuiquam intellexerit, sese coruis, lupisq;
largiri. Quin magis cum a' uulturibus tam mul-
tis misero iecur eroderetur, ob id amicos eos, ne-
cessariosq; iudicabat quasi beneuolentia erga sese
afficerentur, cum illos epulae magis caperent. Ergo
posteaqua ossa penitus nudassent, circumrosissentq;
deinde si qua medulla suberat, hanc quoq; admo-
dum diligenter exussissent, au fugierunt, exucum
& radiatus defectum desituentes, adeo ut postea
ne agnoscant quidem, aut aspiciant, tantum abest
ut sint, qui suppeditent, impartiantq;, has ob res
fossor, & sago opertus pelliceo, urbem praepudo-
re fugiens mercede terram exercet, aduersus in-
gratos atra bile stomachatur, qui quidem sua beni-
gnitate ditati, admodum fastuose nunc praetereant,
ac ne nomen quidem an Timon uocetur nouerint.

Iup. Atq; profecto uir neuiq; fastidiendus, neq;
negligendus, et iure optimo indignatur, qui his tan-
tis in malis agat. Quare sceleratos istos adulatores
ipsi quoq; fuerimus imitati, si eum uirum neglexe-
rimus, qui tantum taurorum, & ouium pinguiissi-
mas quasq; nobis in aris adoleuerit. Quarum ni-
dor etiamdum mihi in naribus residet. Tametsi pro-
pter negotia, maximamq; turbam peierantium, tum
ui non iure agentium, neq; non aliena rapientium,
praeterea ob formidinem, quam mihi pariunt sacri
legi, qui quidem tum multi sunt, tum obseruatu dif-

TIMON

fiales, adeo ut ne minimum quidem nos conuiuere
 sinant. Iam pridem profecto ad Atticam regionem
 oculos detorsissem, maxime posteaquam philosophia
 & de uerbis digladiationes, apud istos increbue-
 runt, ita ut pugnantibus inter se istis, uociferanti-
 busq; ne exaudire quidem mortalium uota liceat,
 unde mihi necessum est, aut auribus obturatis se-
 dere, aut dirumpi ab eis, conficiq; qui uirtutem
 quandam & incorporea quædam, merasq; nugæ
 ingenti uociferatione connectunt, hæc in causa fue-
 runt, ut hunc quoq; neglexerim, cum haud me-
 diocriter de nobis sit meritis. Quod reliquum est
 Mercuri tu Plutum adducens quantum potes ad istum
 abeas. Porro Plutus una secum ducat & thesau-
 rum, & utriq; apud Timonem perseuerent. Neq;
 usque adeo facile demigrent, etiam si quam maxi-
 me rursum illos per benignitatem ex ædibus exe-
 gerit. Cæterum de palponibus illis, atq; ingratitu-
 dine, qua in hunc sunt usi, in posterum consulta-
 bo, pœnasq; daturi sunt, simulatq; fulmen instau-
 rauero. Nam fracti sunt in eo retusa cuspide duo
 è radijs maximi, cum nuper auidius in sophistam
 Anaxagoram iacularer, qui suis familiaribus sua-
 debat, nullo pacto esse ullos nos, qui dii uocaremur.
 At illum quidem errore non feriebam, propterea
 quod Pericles obtenta manu eum protexerit, in la-
 cunar retortum, illud excussit, neq; multum absuit,
 quin ipse quoq; in saxum impactum fuerit eli-
 sus. Quanquam interim uel id supplicij satis ma-
 gnum in istos fuerit, si Timonem conspexerint e gre-
 gie locupletem

gie locupletem factum. Meru. Quantum ha-
 bet momenti altum uoaserari, & obstreperum, au-
 dacemq; esse. Idq; non ijs modo, qui causas agunt,
 uerum etiam qui uota faciunt, conducibile. En mox
 e' pauperrimo diues euaserit Timon, qui se in pre-
 cando clamosum, & improbum praestiterit, Ioueq;
 reddiderit attentum. Quod si silentio fodisset incur-
 nus, etiam nunc foderet neglectus. Plutus. At
 ego Iupiter haudquaquam rediturus sum. Iup.
 Quid ita non rediturus optime Plute, praesertim
 a me iussus? Plu. Quoniam per Iouem iniuria
 me affecit euacans, & in multa fragmenta dissecans,
 idq; cum illi paternus essem amicus, ac me pene di-
 xerim fuscinis ex aedibus extrusit, nec aliter quam
 ij, qui e' manibus ignem abijciunt, Num rursus ad
 istum ibo? parasitis, adulatoribus, & scortis donan-
 dus. Ad eos me mittito Iupiter, qui munus intelle-
 cturi sint, qui amplexuri, quibus equidem in pre-
 tio sim, & maiorem in modum exoptatus. At hi
 stupidi, cum inopia commercium habeant, quam no-
 bis anteponunt, atq; ab ea accepto sago pelliceo, li-
 goneq; sat habeant, cum duos lucrantur obolos, de-
 cem talenta contemptim dono dare soliti. Iup.
 Nihil istiusmodi posthac in te facturum est Timon,
 quippe quem ligo abunde satis corripuerit, nisi pror-
 sus nullum dolorem sentiunt illius ilia te uidelicet
 potius, quam inopiam esse praecoptandam. At tu mihi ca-
 lumniosus admodum, semperq; tuae paenitens sortis
 uideris esse, q nunc Timonem incuses, quod tibi pa-
 te factis foribus libere permiserit uagari, neq; inclus

TIMON

dens, neque Zelotypus in te. Porro aliàs diuersa
 de causa in diuites stomachabare, cum dices te ab
 illis repagulis, clauibus, ac signorum obiectaculis
 impressis, ita fuisse conclusum, ut ne prospicere qui
 dem in lucem tibi liceret. Id igitur apud me de plo
 rabas, affirmans præfocari te nimis tenebris, eoq;
 pallidus nobis occurrebas, et curis confectus, digi
 tis etiamnum ex assiduo colligendi, coaceruandiq;
 usu contractis, contortisq;, quod si quando daretur
 opportunitas, aufugiturum quoque ab illis te minuta
 bare. In summa, rem supra modum acerbam iu
 dicabas in æreo, ferreo ue thalamo Danaës exem
 plo, uirginem asseruari, idq; ab obseruantissimis,
 molestissimisq; pædagogis ali adusuram, et ratio
 nē. Proinde absurde facere aiebas hos, quod te præ
 ter modum adamarent, neque (cum liceret) frui au
 derent, neque, cum ipsis esset in manu, amore suo se
 cure uterentur. sed uigiles obseruarent ad signum,
 ac seram oculis nunquam conniuentibus, neque
 usquam dimotis semper intuentes, abūde magnum
 fructum arbitrantes, non quod ipsis fruendi facili
 tas adesset, sed quod nemini fruendi copiam faci
 rent, non aliter, quàm in præsepi canis nec ipsa
 uescens ordeis, nec equum famelicum id facere si
 nens. Quinetiam ridebas istos, qui parcerent, asser
 uarentq; et (quod esset absurdissimum) ipsi quidem
 sibi subtraherent, uererenturq; contingere, non in
 telligerent autem fore, ut aut sceleratissimus famu
 lus, aut dispensator, aut liberorum pædagogus fur
 tim subiret ludibrio habiturus infelicem, et in a

mabilem herum, quem postea sinat ad fuligino-
sam, & oris angusti lucernulā, ac siticulosum scir-
pulum usuris inuigilare. Quid itaq; an non ini-
quum, cum hæc quondam incusaueris, nunc in Ti-
mone diuersa his criminari? Plutus. Atqui, si
rem uere perpenderis, utrunq; me iure facere iudi-
cabis. Nam & Timonis ista nimia leuitas, negligē-
tiaq; potius, haud beneuolētia, studiumq; in me me-
rito uidebatur. At è diuerso, qui me ostijs, ac tene-
bris inclusum seruabāt id agentes, quo scilicet cras-
sior, saginatioq; ac uehementer corpulentia onu-
stus euaderem, cum interim neq; ipsi contingerent,
neq; in lucem producerent, ne uel aspicerer a quo-
piam, hos dementes, & contumeliosos in me iudi-
cabam, quippe qui me nihil commeritum tot in uin-
culis me cogerent situ, carieq; putrescere, haud in-
telligentes, quod mox demigrent, me alij cuipiam,
cui Fortuna fauerit, relicturi. Nec hos igitur pro-
bo, sed ne illos quidem, qui nimirū facile mihi ma-
nus admouent. Sed qui (quod est optimum) medio-
critate utantur, uti nec prorsus abstineant, neq; pe-
nitus profundant. Etenim illud per Iouem consyde-
ra Iupiter, si quis, ubi puellulam, & formosam le-
ge duxisset uxorem, postea neque obseruet, nec ul-
la omnino Zelotypia prosequatur, uidelicet sinens
illam noctu, atque interdiu, quocunq; libitum sit,
congrredi cum his quicunq; cuperent, uel producat
potius, ut adulteretur, fores aperiens, ostentansq;,
& quoslibet ad illam inuitans, num hic ama-
re uidebitur? profecto hoc tu nequaquam dices Iu-

TIMON

piter, qui sæpenuero amorem senseris. Rur-
 sum si ingenuam lege domum deducat, uti liberos
 legitimos progeneret. cæterum nec ipse contingat
 florentem ætate, decoramq; uirginem, nec alium si-
 nat aspicere, sed inclusam, orbam, sterilemq; in per-
 petua uirginitate contineat, idq; præ amore se fa-
 cere prædicet, et hunc quidem præferat pallore
 corpore exhausto, oculis refugis, num fieri potis
 est, ut huiusmodi non desipere uideatur? quippe q
 cum liberis oportuerit operam dare, fruiq; coniu-
 gio, puellam adeo formosam, atque amabilem sinat
 emarcescere, per omnem uitam tanquam cerei sa-
 cerdotem alens? huiusmodi et ipse indigne fero,
 cum à nonnullis ignominiose cedor calibus, lani-
 orq; atq; exhaurior, à nonnullis contra perinde, ut
 stigmaticus fugitiuus compedibus uinctior. Iup.
 Quid est autem, quod aduersus illos indignerus?
 quandoquidem utriq; pœnas egregias luunt. A lte-
 ri quidem, dum tantilli in morem, neq; bibere sinun-
 tur, neq; edere, sed ore siccato dūtaxat inhiant auro.
 A lteri uero, dum his exemplo Rhinei abos harpyæ
 ipsis è faucibus eripiunt. sed abi iam Timone mul-
 to posthac usurus cordatiore. Plu. Ille igitur
 iureiurando cœrcebitur, ne me uelut è perforato
 cophino, uel prius, quàm influxerint, properet effu-
 tire, quasi conetur occupare, ne possim influere, ne
 si copiosius infundar, undis illum inuoluam. Alio-
 quin in danaidum dolum aquam illaturus uideor,
 frustra q; infusus, uase non continente. uerū pe-
 nè prius, quàm infusus sit, effuso eo, quod infun-

datur, tanto lator hiatus dolij, per quē effundit,
neq; sisti potest effluxus. Iup. Proinde nu hiaz-
tum istum obturauerit, perpetuamq; per stillationē
sistere studuerit, te propediem effuso, facile rursum
sagum, & ligonem in dolij fece reperiet, sed inte-
rim abite, atq; illum diuitem reddite. At tu Mercu-
ri fac memineris, ut rediens Cyclopes ex Aetna te
cum adducas, quo fulmen cuspide restituta resarci-
ant. Nam eo nobis acuminato opus fiunt. Mer.
Eamus Plute, quid hoc? Num claudicas? Equidem
ignorabam O' praeclare, quod non cecus modo,
uerum etiam claudus esses. Plu. Atqui non
hoc mihi perpetuum Mercuri, uerū si quando pro-
fiscor, a' Ioue missus ad quempiam, cum nescio
quo pacto, tardus sum, & utroq; claudus pede. ita
ut aegre ad metam perungere queam, sene nonnun-
quam interim facto, q' me operiebatur. Porro cum
discedendum est, alatum uidebis, multo auibus ce-
leriore. unde fit, ut uix iam amoto repagulo, ego
iam praëconis uoce uictor pronuntier saltu stadium
transinensus ne uidentibus quidem aliquoties spe-
ctatoribus. Mercurius. At ista quidem haud
uera narras. immo ego tibi permultos commemora-
re queam, quibus heri ne obolus quidem erat, quo
restam emerent, qui hodie repente diuites facti splē-
dide uiuant, albis quadrigis uehantur, quibus ante
ne asellus quidem suppeditarit. Ii tamen purpura-
ti, aurumq; manibus gestantes obambulant. Qui
ne ipsi quidem, opinor, credere possunt, quin per
somnia diuites sint. Plutus. Istae alia res

TIMON

est Mercuri, neque enim tum meis ipsius ingredior
 pedibus, nec à Ioue, sed à Dite ad istos transmit-
 tor, qui & ipse nimirum opum largitor est, ac ma-
 gna donans, id quod ipso etiam nomine declarat.
 Ita q; quoties est mihi ab alio ad alium demigran-
 dum, in tabellas iniiciunt me, ac diligenter ob signa-
 tes sarcinae in morem sublatum transportant. In-
 terca defunctus ille alicubi in aedibus iacet in te-
 nebris uetere linteo in genua iniecto tectus, de
 quo feles digladiantur. Porro qui me speraue-
 runt obtinere, in foro opperiuntur hiantes, non ali-
 ter, quam hirundinem aduolantem stridentes pul-
 li. deinde ubi signum detractum est, & lineus il-
 le funiculus incassus, aperta q; tabellae, iam q; nouus
 dominus pronuntiatus est, siue cognatus quispiam,
 siue adulator, siue seruulus draucus, qui puerili
 obsequio fauorem emeruerit, etiam tum mento sub
 raso, pro uarijs, & opiparis uoluptatibus, quas il-
 li iam exoletus suppeditauerat ingens scilicet prae-
 mium ferens generosus quisquis ille tandem fue-
 rit, nonnunquam me ipsis cum tabellis arreptum.
 fugiens adportat commutato nomine, ut qui mo-
 do Pyrrhius, aut Dromo, aut Tibius, iam Megar-
 cles, aut Megabizus, aut Protarchus appelletur.
 Ceterum illos nequicquam hiantes relinquit, ue-
 rum q; luctum agentes, quod eiusmodi Thynnus
 ex intimo saginae sinu sit elapsus, quin non pa-
 rum magnam escam deuorarit? At hic repente
 totus in me irruens, homo uitae mundioris, atque
 elegantioris rudis pingui, illota q; cute, qui compe-

des etiamdum horrescit, & si quis præteriens lo-
ro increpet, arrectis stet auribus, quiq; pistri-
num, perinde uti templum adoret, non est dein-
ceps tolerandus ijs, quibuscum uiuit, uerum &
ingenuos affiat contumelia, & conseruos flagris
cædit, licet ipse quoq; eadem, quandoq; expertus in
sefe, donec aut scortulo cuipiam irretitus, aut equo-
rum alendorum studio captus, aut adulatoribus
sefe permittens deierantibus, Nirco formosorem
esse, Cecrope, Codróue generosorem, callidorem
Vlysse, unum autem uel sedeam pariter Cræsis
opulentiorum memento temporis semel profundat
infelix, quæ minutatim, multis ex periurijs, ra-
pinis, flagitijs fuerant collecta. Mercurius.

Ista ferme sic habent, uti narras, uerum ubi tu-
is ipsius ingrederis pedibus, qui tandem, cæcus
cum sis, uiam inuenire soles? Aut qui digno-
scis ad quosnam Iupiter te miserit, dignos illi
uifos, qui diuitijs abundant? Plutus. Enim
uero credis me reperire istos, ad quos mittor?

Mercurius. Per Iouem haudquaquam. Neq;
enim alioquin Aristide præterito ad Hipponi-
cum, & Galliam accederes, ad hæc complures
ex Atheniensibus alios, qui ne obolo quidem di-
gni sint. Cæterum quid facis, quandoquidem es
emissus? Plutus. Sursum, ac deorsum cir-
cumcursans oberro, donec imprudens in quem-
piam incurrero, hic autem, quisquis ille sit, qui
forte primus me nactus sit, abducat, ac possi-
det, te Mercuri pro lucro præter spem obiecto,

uenerans, atque adorans. Mercurius. Num ergo fallitur Iupiter, qui quidem credat ex ipsius animi sententia, ditari abs te hos, quos ille dignos existimarit, qui ditescerent? Plutus. Et iure quidem optimo fallitur o' bone, quippe qui cum me cæcum esse non ignoret, emittat uestigatum, rem usque adeo repertu difficilem, et iam olim è uita sublatam, quam ne lyncæus quidem facile inueniret, quæ nimirum adeo obscura sit, ac minuta. Itaq; cum rari sint boni, improbi porro in ciuitatibus omnia obtineant, oberrans facile in huiusmodi mortales incurro, ac retibus illorum illigor. Mercurius. Atqui fit, ut quoties eos deseris, celeriter aufugas, cum uiæ sis ignarus. Plutus. Tum demum acutum cerno, pedibusq; ualeo, ubi ad fugam tempus inuitat. Mercurius. Iam illud quoque mihi responde, qui fit, ut cum sis oculis captus (dicendum enim est) præterea pallidus, postremo claudus, tam multos habeas amantes, adeo ut omnes in te defigant oculos? et si potiantur, felices uideantur, sin frustrentur, non sustineant uiuere. Ex his equidem non paucos noui, qui sic perdit te amarint, ut sese in profundum, immensumq; pelagus præcipites dederint, ac scopulis abruptis illiserint rati fastidiri sese abs te, propterea quod illos initio non respexisses. Quamquam sat scio, tu quoque fateberis, si quomodo tibi ipsi notus es furere istos, qui eiusmodi amore sunt dementati. Plutus. At enim credis me, qualis sum, talem istis uideri, nempe claudum,

aut cæcum, aut siquid aliud adest mihi vitij?

Mercu. Quid ni o' Plute, nisi forte et ipsi omnes cæci sunt. Plutus. Haud cæci quidem, o' optime, uerum inscitia, errorq; quæ nunc occupant omnia, illis offundunt tenebras, ad hæc ipse quoq; ne per omnia deformis sim, persona uehementer amabili tectus, inaurato, gemmisq; picturato eis occorro, at illi rati sese natui uultus uenustatem aspici re, amore capiuntur, dispereuntq; nisi potiantur.

Quod si quis me toto corpore renudatum illis ostenderit, dubio procul futurum sit, ut se ipsi dānent, qui tantopere cæcutierint adamantes res neutiquā amandas, ac fœdas. Mercu. Quid ergo posteaquam eo peruentum est, ut iam diuites euaserint, iamq; personam ipsam sibi circumposuerint, rursum falluntur. adeo, ut si quis illis detrahere conetur, penè caput potius, quàm personam abiciant. Neq; enim uerisimile est etiam tum illos ignorare, auro bracteata esse formam, cum intus cuncta inspexerint. Plu. Ad id non parū multæ res, o' Mercuri mihi sunt adiumento. Mercurius. Quænam? Plutus. Simulatq; qui me primum nactus est a pertis foribus exceperit, clanculum una mecum introit elatio, uecordia, iactantia, mollicies, uiolentia, dolus, atq; alia item innumerable, a quibus omnibus posteaquam est animus occupatus, iam admiratur, quæ neutiquā sunt admiranda, et appetit ea, quæ sunt fugienda, meq; cunctorum illorum, quæ introierant, malorum patrem stupet, cum illorum satellitio uallatum ui-

T I M O N

det, quiduis potius passurus quàm uti me compellatur reijcere. Mercu. Vt leuis, ac lubricus es Plute, retentu difficilis, ac fugax, neq; ullam præbens ansam certam, quo pressus teneare, sed nescio quomodo anguillarum, ac serpentum in morem inter digitos elaberis, at ediuerso paupertas uiscosa, pressu facilis, totoq; corpore mille uncas gerit hamos, ut q; attigerint ilico hæreant, neq; facile queant auelli. Verum interea, dum nugamur, re haud paruum omisimus. Plutus. Quam? Mercu. Nempe quia thesaurum non adduxerimus, quo uel in primis erat opus. Plutus. Istac quidē ex parte bono sis animo. Nam non nisi in terra relicto illo ad uos ascendere soleo, iussuq; intus manere foribus oclusis, neq; cuiquam aperire, nisi me uociferantem audierit. Mercu. Iam igitur Atticam superamus. Tu me consequitor chlamydi adherens donec extremam uiam attigerimus. Plutus. Recte facis Mercuri, cum me per uiam duas. Etenim, si me deseres, forsan oberrans, in Hyperbolum, aut Cleonem inciderem, sed quis hic stridor ceu ferri saxo impacti? Mercurius. Timon hic est, qui proxime montanum, & petricosum fodit solum. Pape, adest & paupertas, & labor ille. tum robur, sapiētia, fortitudo, atq; id genus aliorum turba, quorum omnium agnien fames iungit, longe præstantius, q̄ tui sint satellites. Plutus. Quin igitur q̄ ocysissime discedimus? neq; enim ullum operæ pretium fecerimus, cum homine eiusmodi uallato exercatu. Mercu. Secus uisum est

Ioni, quare ne metu deterreamur. Paupertas.

Quò nunc Mercuri? manu abducas? Mercurius.

Ad hunc Timonem, ad quē à Ioue sumus ire iussi. Paupertas. Itā ne rursus Plutus ad Timonem, posteaquam ego hunc in delitijs turpiter gerentem sese suscepi, commendansq; sapientiæ, et labori strenuum, multiq; pretij uirū reddidi? A deo ne despicienda, iniuriæq; idonea uobis iudicor, ut hunc, quæ mihi unica erat possessio, eripiat, iam exactissima cura ad uirtutem ex cultum, ut Plutus hic, ubi denuo suscepit, per contumeliam, et arrogantiam illi manu iniecta, talem reddiderit, qualis erat dudum, mollem, et ignauum rursus mihi restituat, ubi iam nihili factus erit, et reijctus.

Merch. Sic o' Paupertas Ioui placitum est.

Paupertas. Equidem abeo. At uos labor, et sapientia, reliquiq; consequimini me. Porro hic breui cognoscet, qualis in se fuerim, quam nunc relinquet, nempe adiutrix bona, et rerum optimarum doctrix. Quicum donec habuit commercium, sano corpore, ualentiq; animo perseuerauit, uirilē exigens uitam, et ad sese respiciens, supernacua autem, et uulgaria ista aliena, ita ut sunt, existimās.

Merch. Discedunt illi, nos ad eum adeamus.

Timon. Quinam estis o' scælesti? aut qua gratia huc aduenistis homini operario, mercenarioq; negotium exhibitori? uerum haudquaquam læti abibitis scælesti, ut estis omnes, nam ego uos ilico glabris, et saxis petitos comminuam. Merch. Nequaquam o' Timon, ne ferito, neq; enim ferieris

TIMON

mortales. uerum ego sum Mercurius, hic Plutus. Misit nos Iupiter uotis tuis exauditis. Quare, quod bene uertat, opes accipe desistens à laboribus. Timon. Atqui uos iam ploraueritis etiam si dū sitis, ut dicatis. Siquidē odi pariter omnes, tum deos tum homines. sed huic cæco, quisquis is fuerit, mihi certum est lignonem impingere. Plutus. A beamus per Iouem Mercuri, quandoquidem hic homo mihi uidetur non mediocriter insanire, ne malo quoquam accepto discedam. Mercur. Nequid ferociter Timon, quin exue potius penitus istam ferocitatem, asperitatemq; ac manibus obujs exape bonam fortunam, rursum diues esto, rursum Athenensium princeps, & ingratos illos despicato, cum solus florebis. Timon. Nihil mihi uobis est opus, ne obturbate. sat opum mihi ligo, præterea fortunatissimus sum, si nemo propius ad me accesserit. Mercurius. A deo ne quæso inhumaniter hunc ane sermonem Ioui renuntio sæuū, & ferocē? Atqui par erat forsitan homines tibi haberi inuisos, ut qui tam multa indigna in te commississent, deos odio te prosequi nequaquam erat consentaneum, cum illi tantopere tui curam agant. Timon. At tibi Mercuri, Iouiq; quod me respiciatis, plurimam equidem habeo gratiam. cæterum hunc Plutum nequaquam recepero. Mercurius. Quid ita? Timon. Quoniam pridem innumerabilium malorum mihi fuit author, cum me assentatoribus proderat, immittens, qui insidijs appetere, simultatem excitarent, mollitie perderet, inuidiæ ob

proximū re
fide, ac pr
opina me
cūq; uere,
suppediam
anctum re,
ipso pendē
ut a mea ra
propria
anctus fū
in insidijs q
fuit labor
neq; quā
um aspi
fuit mihi l
uolū ui am
aliquis ad
re ut am
Mercurius
de uolū
de puerili
um fuit re
fuit
re defend
re Tim
proximū q
uolūtes
re dicent
fuit erat d
Albani

noxium redderet, deniq; cum repente me adeo per fide, ac proditorie defituerit. Contra, Paupertas optima me laboribus viro dignissimis exercens, me cumq; uere, ac libere conuiuens, et qbus opus erat suppeditauit, laborauit, & uulgaria ista docuit contemnere, effectq; ut mihi uitæ spes omnis ex me ipso pendere, demonstrans quænam essent opes ueræ meæ, nempe quas neq; adulator assentans, neq; sycophanta minitans, neq; plebes irritata, neq; conuocator suffragorum author, neq; tyrannus intentis insidijs queat eripere, itaque iam ualidus effectus ob laborem, dum hunc agellum grauitè exerceo, neq; quicquam eorum, quæ sunt in ciuitate, malorum aspicio, abunde magnum, et sufficientem uitum mihi ligo suppeditat. Quare tu Mercuri quæ uenisti uiam remetiens recurre, unâ tecum Plutum adducens ad Iouem, illud mihi sat fuerit, si effecerit, ut omnes mortales, per omnem ætatem eiulent. Mercurius. Nequaquam o' bone, neq; enim oēs ad eiulandum sunt accommodi. Quin tu iracunda, pueriliaq; ista missa face, ac Plutum excape. non sunt reiicienda munera, quæ à Ioue proficiuntur. Plutus. Vis Timon, ut contra te partes defendam meas? an grauitè feres, siquid dixerò? Timon. Dicite, nec multis tamen, neq; cum proœmijs quemadmodum perditissimi isti solent oratores. Nam huius Mercurij gratia te feram paucas dicentem. Plutus. Atqui multis mihi potius erat dicendum, tot nominibus abs te accusato. Attamen uide, num qua in re tu, quemadmodum

TIMON

ais, læserim, qui quidem dulcissimarum quarūq;
rerum tibi extiterim author, opifexq; authoritatis,
præsidetiae coronarum, aliarum item uoluptatum,
mea opera conspicuus eras, celebris, & obseruan-
dus. Cæterum, siquid molesti ab adulatoribus acci-
dit, non mihi potes imputare, quin ipse magis abs-
te sum affectus contumelia, propterea quod me tam
ignominiose, uiris illis execratis suppeditans, qui te
mirabantur, ac præstigiis dementabant, mihiq; mo-
dis omnibus insidias struebant. Illud postremo lo-
co dicebas, quod te prodiderim, ast istuc contra cri-
minis in te possum retorquere, cum ipse sim modis
omnibus a te reiectus, præceptsq; exactus ex ædi-
bus. Vnde pro molli chlamyde, sagum istud cha-
rissima tibi Paupertas circumposuit. I taq; testis est
mihi hic Mercurius, quantopere Iouem orauerim,
ne ad te uenirem, qui tam hostiliter esses in me de-
bacchatus. Mercurius. At nunc uides Plute
in cuius hominem sit cōmutatus. Proinde audacter
cum illo consuetudinem age. Tu uero fode quantum
potes. Tu interim thesaurum sub ligonem addu-
cito. Audiet enim, si tu acersiueris. Timon. Pa-
rendum est Mercuri, rursusq; ditescendum. Quid
enim facias, cū dii compellant? tamen uide, in quas
turbas me miserum conijces, qui quidem cum ad
hunc usq; diem felicissime uixerim, tantum auri re-
pente sum accepturus nihil commeritis mali, tan-
tumq; curarum suscepturus. Mercurius. Sustine
Timon mea gratia, tametsi graue est istuc, atq;
intolerandum, quo uidelicet palpones illi præin-

edia rumpatur. Ego porro superata Aetna in caelum reuolauero. Plutus. Abijt ille quidem sicut apparet. Nam ex alarum remigio facio coniecturam, tu uero hic opperire, siquidem digressus thesaurum ad te transmittam, sed feri fortius. Tibi loquor auri thesaure, Timoni huic audiens esto, offerq; temet eruendum. Fodi Timon altius impingens. Ceterum ego a uobis digredior. Timon. Age iam o Ligo, nunc mihi tuas uires explicat, neq; defatigare, dum ex abdito thesaurum in aper tum euocaris. Hem prodigiorum author Iupiter, amici Chorybantes, ac lucifer Mercuri, unde nam auri tantum? Num somnium hoc est? Metuo ne carbones reperturus sim ex perreptus. Atqui aurum profecto est insigne, fuluum, graue, et aspectu multo iucundissimum.

" Pulcherrima Aurum faustitas Mortalibus.

Quippe quod ignis in morem ardens, noctesq; et dies renides. A des o mihi charissimum, desydera tissimumq; nunc demum credo uel Iouem ipsum olim aurum esse factum. Etenim quae tandem uirgo, non ex porrecto sinu usque ad coe formosum amatorem excipiat per tegulas illapsam? o Myda, Cræse'q; ac munera de piceo in templo dicata, ut nihil erat, si cum Timone, cumq; Timonis opibus conferramini, cui ne Persarum quidem rex par est. O Ligo, sagum charissimum uos huic pani suspendi commodum est. At ego quam maxime semotum mercatus agrum, turriculaq; seruandi auri gratia constructa, unum mihi affatim uixero se pulchrum item inibi me

TIMON

hi defuncto parare est sententia. hæc igitur decreta
sunt, placitaq; in reliquum uitæ, seiunctio, igno-
rantia, fastidium erga mortales omnes. Porro ami-
cus, hospes, sodalis, aut ara misericordiæ meræ nu-
gæ. Tum commiserari lachrymantem, suppedita-
re egentibus, iniquitas, ac morum subuersio, at uita
solitaria, qualis est lupis unusq; sibi amicus Timon,
cæteri omnes hostes, et insidiarum machinatores.
Cum horum quopiam congregari, piaculum, adeo ut
siquem aspexero duntaxat, inauspicatus sit ille di-
es. In summa, non alio nobis habeantur loco, q̄ si-
gna saxea, ærea uel, neq; fœtalem ab illis missum
recipiamus, neq; fœdera feriamus. Mons hic solitu-
dinem meam aduersus illos tueatur. Cæterum tri-
bules, cognati, populares. postremo patria ipsa fri-
gida quedam, et sterilia nomina, stultorūq; mor-
taliū gloriæ, solus Timon diues esto, despiciat om-
nes, solus ipse secum oblectet, liber ab assentatio-
nibus, et onerosis laudibus dīs sacra faciat, epule-
tur solus sibi ipsi uianus, sibi particeps excutens
se se ab alijs. At tantum semet unum accipere cer-
tum esto, quod si moriendum est, sibi ipsi coronam
accipere. Nullumq; nomen sit dulcius quàm Mis-an-
tropi, idest hominum osoris, morum autem notæ
difficultas, asperitas, feritas, iracundia, inhumani-
tas. Quod si quem conspexero incendio conflagrā-
tem, obstantemq; quo restringam, picæ, oleoq; re-
stinguere, rursum, si quem flumen undis abstulerit,
isq; manus porrigens, imploret, ut retineatur, hūc
quoq; demerso capite propellem, ne possit emicare,
hunc ad

hanc ad modum par pari relaturus est. hanc legem Timon tulit Echecratides Colytensis. idem in comitiis suffragia tulit. Age hæc decreta sunt, hæc fortiter tueamur. Cæterum magno emerim, ut id omnibus innotescat, quod opibus abundo, nam illa res illos præfocauerit, sed quid illud? Hem quæ trepidatio? undiq; concurrunt, puluerulenti, atque anhelii, haud scio unde aurum odorati, utrum igitur hoc consensu colle saxi eos abigo, è sublimi deiaculans, an hoc tantum in re legem uiolabimus, ut semel cum illis congregiamur, ut magis angantur, fastiditi, repulsiq;. Ita satius esse duco. Itaq; restemus, quo illos iam excipiamus. Age prospiciam, primus eorū iste quis est? Nempe Gnathonides adulator, q̄ mihi nuper symbolum petenti funem porrexit, cum apud me sæpenumero solida dolia uouerit. Sed bene est, quod ad me uenit, nam primus omnium uapulabit. Gnathonides. dixim Timonem uirum bonum non neglecturos esse deos? salue Timon formosissime, iucundissime, conuiuator bellissime. Timon. Salicet et tu Gnathonides uulturum omnium edacissime, atq; hominum perditissime. Gnathonides. semper tibi grata dicacitas. sed ubi comptamus? Nam nouam tibi adfero cantilenam ex ijs, quos nuper didici, dithyrambis. Timon. Atqui elegos canes admodū miserabiles ab hoc doctus ligone. Gnathonides. Quid istuc? Feris ó Timon? Attestor ó Hercules, hei hei in ius te uoco apud Areopagitas, qui uulnus dederis. Timon. Atqui si contere paulisper,

k

TIMON

mox cedis mercurum ages. Gnathonides. Nequaquam, quin tu planè vulneri medere, paululo auri inuncto, mirum enim in modum præsentaneū id est remedium. Timon. Etiam manes? Gnathonides. A beo. At tibi male sit, q̄ quidem ex viro commodo tam seuius factus sis auri gratia. Timon. Quis hic est, qui accedit? recaluaſter ille Philiaſes aſſentatorū omnium execratiffimus? hic, cum à me ſolidum acceperit fundum, tum filia in dotem talenta duo, laudationis præmium, cum me canentem reliquis ſilentibus omnibus ſolus maiore in modum extuliſſet, deſerans me uel oloribus magis eſſe canorum, ubi me pridem ægrotum conſpexiſſet (nam adierā oraturus, ut mei curam ageret) plagas etiam egregius ille uir impegit. Philiaſes. O impudentiam. Nunc demum Timonem agnoſcis. nūc Gnathonides amicus, & conuiua, enumerat habet ille digna ſe, quando quidem immemor eſt, atq; ingratus. At nos, qui iam olim conuiſtores ſumus æquales, ac populares, tamen modeſte agimus ne inſilire uideamur. ſalue here. fac ut iſtos adulatores obſerues, qui nuſquam adſunt, niſi in menſa, præterea à coruis nihil differunt. Neq; poſthac huius ætatis, mortalium ulli fidendum eſt. Omnes ingrati, & ſcæleſti. At ego, cum tibi talentum adducerem, quo poſſes ad ea, quæ uelles, uti, in uia interrim accepi te ſummas quaſdam opes eſſe naſtum. Proinde acceſſi his de rebus admoniturus te, quāquā tibi forſitan me monitore nihil erat opus, uiro nimium adeo prudenti, ut uel Neſtori ipſi, ſi neceſſe

est, consilium dare queas. Timon. Ita fiet Philia-
des, sed age accede, quo te ligone comiter accipiam.
Philiades. Viri caput mihi comminutum est ab
hoc ingrato, propterea quod eum ea, quæ in rem
illius erant, admonui. Timon. Ecce tertius huc
orator Demeas se recipit, tabulas dextra gestans,
aitq; se mihi cognatum esse. hic una die de meo se
decem talenta civitati depedit, nam damnatus erat,
ac uinctus. At cum soluendo non esset, ego miser-
tus illum redemi. Porro cum illi sorte obuenisset, ut
Erechtheidi tribui distribueret ærarium, atq; ego adi-
ens, id quod ad me redibat reposcerem, negabat se a-
uem nosse me. Demeas. Salue Timon præcipuum
generis tui præsidium, fulamentum Atheniensium,
defensaculum Græciæ. Profecto iandudum te po-
pulus frequens, et utraq; curia opperitur. Sed pri-
us decretum audi, quod de te conscripsi, quandoqui-
dem Timon Echecratidæ filius Colytensis uir non
modo probus, & integer, uerum etiam sapiens, quan-
tum alius in Græcia nemo, cum nunquam per o-
mnem uitam destitit optime de Rep. mereri. Tum
autem in olympicis uicit pugil, & lucta, cursuq; die
eodem, ad hæc solenni quadriga, equestriq; certa-
mine. Timon. At ego ne spectator quidem un-
quam in olympicis sedi. Demeas. Quid tum
spectabis posthac, sed ista communia addi satius
est. Tum anno superiore aduersus Acharnenses
pro Rep. fortissime se gessit, & Peloponensium du-
as acies fudit. Timon. Qua ratione? Quip-
pe qui nec unquam arma gesserim, neq; unquam

TIMON

militiæ dederim nomen. Demeas. Modeste tu quidem de teipso loqueris, nos tamen ingrati futuri sumus, nisi meminerimus, præterea scribendis plebis cistis, & in consultationibus, & in administrandis bellis non mediocrem utilitatem attulit Reip. his de causis omnibus uisum est curiæ plebi magistratibus tributim plebeiis singillatim communiter uniuersis, aureum statuere Timonem iuxta Palladē in arce, fulmen dextra tenentem, radijs tempora ambientibus, utiq; septem aureis coronis coronetur, hæq; coronæ hodie in dionysius per tragædos nō uos promulgentur. siquidē hodie illi dionysia sunt agenda. dixit hoc suffragium Demeas orator, propterea quod cognatus illius propinquus, ac discipulus eius sit. Nam & orator optimus Timon, præterea quicquid uoluerit, hoc igitur tibi suffragium, sed utinam & filium meum ad te pariter adduxissem, quem tuo nomine Timonem appellam.

Timon. Qui potest Demea, cum ne uxorem quidem duxeris unquam, quantum nobis scire licuit?

Demeas. At ducam nouo ineunte anno, si deus permiserit, liberisq; operam dabo. Tum quod erit natum (erit autem masculus) Timonem nuncupabo.

Timon. An uxorem tu sis ducturus, equidem haud scio, tanta à me plagæ accepta. Demeas.

Hei mihi. Quid hoc est rei? Tyrannidē Timon occipitas? pulsasq; eos, q sunt ingenui, ipse nec ingenuus planē, nec ciuis, uerum propediem pœnas daturus, cum alijs nominibus, tum quod arcem incendit. Timon. Atqui non conflagrauit arx, sc

leste. Proinde palàm est, te calumniatorem agere.
Demeas. Verum effosso ærario diues effectus es.
Timon. Atqui non effossum istuc. unde me hæc
quidem probabiliter abs te dicuntur. Demeas.
Verum effodietur posthac, sed tu interim omnia,
quæ in eo condita, possides. Timon. Alteram
itaq; plagam accipe. Demeas. Hei scapulis me
is. Timon. Ne uociferare, alioquin & terti-
am tibi illidam. Etenim res planè ridicula mihi
acciderit, si cum inermis duas Lacedæmoniorum
acies fuderim, unum scelestum hominem non pro-
triuero. Tum frustra uicerim in olympijs & pugil,
et palæstrites, sed quid hoc? An non philosophus
Thrasycles hic est? profecto ipse est, promissa bar-
ba, subductisq; supercalijs, & magnum quiddam
secum murmurans accedit Titanicum obtuens, cæ-
sariem per scapulas fluentem uentilans, alter qui-
dam Boreas, aut Triton, quales eos Zeusis depin-
xit. Hic habitu frugalis, incesu moderatus, amictu
modestus, mane mirum quam multa de uirtute disse-
rit damnans eos, qui uoluptate capiuntur, frugalita-
tem laudans, at ubi lotus ad cœnam uenit, puerq;
ingentem illi calicem porrexit meraciore autem ma-
xime, perinde ut Lethes aquam ebibens, a diluc-
lanus illis disputationibus diuersissima quæ sint
exhibet, dum milui instar præripit obsonia, &
proximum cubito opposito arcens, mento interim
condimentis oppleto, dum canum ritu ingurgitat,
prono incumbens corpore, perinde atq; in patinus
uirtutem inuenturum sese speret. dumq; usque adeo

TIMON

diligenter catinos extergit indice digito, ut ne paululum quidem reliquiarum sinat adhærere. nunquam non querulus, tanquam deteriore partem acceperit, uel si totam placentam, aut suam solus omnium accipiat, qui quidem edacitatis, & insatiabilitatis est fructus temulentus, atque ebrius, non ad tantum modo, saltationemq; uerum ad conuiuium usque, & iracundiam. Ad hæc multus inter pocula sermo (tum enim uel maxime) de temperantia, sobrietateq; atque id quidem (ut aiunt) cum iam à mero male affectus ridicule balbutit. Accedit his deinde uomitus, Postremo sublatus eum de conuiuio efferunt aliqui ambabus manibus Tibianæ inhaerentem. Quamquam alioqui ne sobrius quidem ulli primariorum cesserit uel mendacio, uel confidentia, uel auaritia. Quin & inter assentatores primas tenet, peierat promptissime, anteit impostura, conutatur impudentia. In summa prorsus admirandum quoddam spectaculum est omni ex parte exactum, uarièq; absolutum. proinde non ciulabit clarius uidelicet, cum sit modestus. Quid hoc tandem nobis Thrasycles? Thrasycles. Non hoc animo ad te uenio Timon, quo plerique isti, qui nimirum opes admirati tuas, argenti, auri, opiparorum conuiuiorum adducti spe concurrunt, multaq; assentatione desinunt te, hominem uidelicet simplicem, facileq; impartientem id, quod adest. siquidem haud ignores offam mihi in cœnam sat esse, tum obsonium suauissimum cepe, aut nasturcum, aut siquando lubeat lautius epu-

lari, pusillum salis. Porro potum fons Athenis no-
uem saliens uenis suppeditat. Tum pallium hoc
quauis purpura potior. Nam aurum nihilo magis
apud me in pretio est, quàm calculi, qui sunt in
litoribus. Sed tua ipsius gratia huc me contuli, uti
ne te subuerterit pessima ista, atque insidiosissima
res opulentia, quippe quæ multis sæpenumero in-
medicabiliū malorum extiterit causa. Etenim si
me audies potissimum opes uniuersas in mare præ-
cipitabis, utpote quibus nihil sit opus bono uiro,
quiq; philosophiæ possit opes perspicere. Ne tamen
in altum o' bone, sed fermè ad pubem usque in-
gressus paulo ultra solum fluctibus opertum me
quidem uno spectante. Quod si hoc non uis, tute
igitur eas potiore uia ex ædibus eijato, ac ne obo-
lum quidem tibi facias reliquum, uidelicet largi-
ens ijs, quicūq; opus habent, huic quinq; drachmas,
illi minam, alij talentum. Porro si qui erit philoso-
phus, hunc æquum est duplam, aut triplam ferre
portionem. Quāquam hoc quidem mihi non mea
ipsius gratia postulo, sed quo amicas, si qui egebūt,
donem, sat est, si modo peram hanc largitione tua
expleueris, ne duos quidem modios æginiticos capi-
entem. Nam paucis contentum, modestumq; conue-
nit esse eum, qui philosophatur, neque quicquam
ultra peram cogitare. Timon. Equidem
ista, quæ dicas, probo Thrasycles. Ergo, si uidetur
prius, quàm peram expleam, age tibi caput opple-
bo tuberibus, posteaquam ligone sum mensus.
Thrasycles. O libertas o' leges. Pulsamur ab

TIMON

impurissimo, libera in ciuitate? Timon. Quid
stomacharis ó bone Thrasycles? num te defrau-
dauit? Atqui adijciam ultra mensuram choenices
quatuor. sed quid hoc negotij? Complures simul
adueniunt. Blepsias ille, & Laches, & Gniphon,
breuiter agmen eorum, qui uapulabunt. Itaq;
quin ego in rupem hanc conscendo, ac ligonem
quidem iandudum fatigatum paulisper interquie-
scere sino? At ipse plurimis congestis saxis, pro-
cul eos lapidum grandine peto. Blepsias. Ne
iace Timon, Abimus enim. Timon. At uos
quidem nec citra sanguinem, nec absq; uulneribus.

LUCIANI TYRANNICIDA
 INTERPRETE.

Argumentum declamationis.

q Vidam in arcem ascendit, uti tyrannum occideret, atq; ipsum quidem non reperit, uerum filium eius interemit, gladiumq; in uulnere reliquit. Adueniens tyrannus, ubi filiū extinctum conspexit, eodē ense necem sibi consciscit. Is, qui ascenderat, tyrannūq; filium peremerat, præmium tanquam Tyrannida petit.

Declamatio.

c Vm duos eodem die tyrannos occiderim Iudices, Alterum quidē ætate iam affecta, Alterum æuo florentem, & ad scelerum successum capessendam magis idoneum, unicum tamen pro ambobus præmium petitem uenio, qui quidem unus omnium, quotquot unquam tyrannidæ fuerunt, unico uulnere duos maleficos fuerim amolitus, neq; de derim, filium uidelicet ense, patrē indulgenti charitate, qua filium adamabat. Itaq; tyrannus pro iis, quæ commisit, abunde magnas poenas nobis pendit, quippe qui & uiuus aspexerit filium prius morte sublatum, & quod est omnium maxime

TYRANNICIDA

nouum, compulſus ſit deniq; ipſe ſui tyrannicida fieri. At filius illius mea quidem manu perēptus eſt, cæterum occiſus, alteram ad cædem operam mihi ſuam commodauit, dum qui uiuo patri ſclerum ſocius fuerat, eiſdē poſt mortem (quatenus licuit) extitit paricida. Ego itaq; ſum is, qui tyrannidem ſuſtuli, pariterq; mecum gladius, quo cuncta conſecta ſunt, meus, tametſi cædis ordinem commutarim, ac morem, modumq; nouarim conſiciendi ſcleratos, nempe hūc, qui ualentior erat, quiq; ulcuſ poterat, ipſe perimens. Porro ſenem ſoli gladio reſeruans. His igitur de cauſis, & amplius quiddam à uobis me conſecuturum arbitrabar, præmiāq; laturum, quæ numero æquarent eos, qui eſſent in interempti, ut pote qui non præſentibus modo malis uos leuarim, uerum etiam futurorum formidine, quiq; ſtabilem pepererim libertatem nullo relicto, qui ſclerum capeſſat ſucceſſionem, uerum interim tantis rebus ſtrenue pactis, in diſcrimen adducor, ne præmio fraudatus à uobis diſcedam, ac ne ſolus non feram recompensam, quam leges à me ſeruata præſtituunt. At qui contradicat, is mihi uidetur, non Reip. ſtudio (quemadmodum ait) hoc facere, ſed quod extinctos eſſe illos grauiter ferat, atq; eum, qui illis mortis author extitit, ulcuſi conetur. Vos igitur Iudices mihi pauliſper attendite, dum tyrannidis mala, tametſi ipſi optime noſtis, cōmemoro. Siquidem hoc pacto futurum eſt, ut & beneficij mei magnitudinem intelligatis, & ipſi plus capiatis uoluptatis, reputantes numitum quibus ſi-

tis leuati malis. Neq; enim quemadmodum alijs quibusdam sæpenumero accidit, itidem et nos simplicem, atq; unicam seruitutem expectabamus, nec unius domini uiolentiam tolerabamus, uerum soli omnium, quos similis habuit calamitas, duos pro uno tyrannos habebamus, & in geminas contumelias distrahebamur & infelices. Porro senex multo erat moderatior, quippe ad iras lentior, ad supplicia seignior, & ad cupiditates tardior, utpote cui iam ætas uehementiam impetus cohiberet, uoluptatumq; cupiditates refrenaret. Quin ad suscipiendam maleficia filij instinctu impelli ferebatur, ipse alioqui non admodum tyrannicus, nisi quod illi morem gerebat. Siquidem indulgens in filium supra quam credi queat, erat, id quod re declarauit, ita ut filius illi esset, omnia illi parebat, per uim faciebat, quicquid ille iusserat, supplicio afficiebat quoscunq; præceperat, ac prorsus in omnibus illi obsequium dabat. In summa, filius in patrem tyrannum quendam agebat, pater filij cupiditatum satellites erat. Tamen si huic propter ætatem honorem cedeat adolescens, soloq; imperij nomine temperabat, tamen res, et caput tyrannidis erat ipse. Et quæ tutamentum, præsidiumq; principatui, ab illo mutaretur, scelerum tamen emolumentis solus frucebatur. Ille erat, qui satellites continebat, qui custodias obtinebat, qui tyrannidem affectantes e medio tollebat, qui insidias formidabat, ille, qui castrabat ephēbos, qui coniugia uiolabat, illi uirgines producebantur. Tū siquæ cedes, siquæ exilia, siquæ pecuniarū

TYRANNICIDA

expilationes, delationes, contumeliæ, ea omnia in-
uenis temeritate gerebantur. Porro senex ille obse-
quebatur, comitemq; scelerum sese præbebat, ac com-
probabat duntaxat filij sui flagitia. Itaq; cum ea
res nobis erat intoleranda, propterea quod cum
animi cupiditatibus ex imperio potestas accedit,
nullum flagitijs modum imponunt, tum illud in-
primis discruciat, quod prospiceremus diutur-
nam uel æternam potius seruitutem eam futuram,
et per successionem alij post alium domino traden-
dam remp. populumq; homini scelesto hæreditatis
instar obuenturum. Nam id alijs spem non exigua
facit, quod apud sese reputant, quod inter se di-
cunt, at mox coërcetur, at mox demorietur. Pau-
lo post liberi sumus futuri, uerum de his nihil eius-
modi sperabatur, quin potius iã intuebamur para-
tum tyrannidis hæredem. Vnde factum est, ut ne
aggredi quidem quisquam fortium ciuium, et qui
eadem, quæ ego animo statuisset, auderet. Sed despe-
rabatur ab uniuersis libertas, atq; inexpugnabilis
tyrannis uidebatur, quippe cum esset cum tam mul-
tis confligendum, ac dimicandum. At menihil ista
deterruerunt, neq; perpensa negotij difficultate re-
fugi, neq; ad suscipiendum discrimen trepidari, ue-
rum solus, solus inquam aduersus adeo ualidam,
uariamq; tyrannidem, uel non solus potius, sed gla-
dio comite conscendi, quippe qui mihi sit auxiliatus,
mecumq; ex parte tyrannum interemerit, cum mors
mihi interim ob oculos obuersabatur. At edi-
uerso perpendenti, quod publicam libertatem, mea

cæde redempturus essem. Ergo ubi in primam ir-
ruiſſem custodiam, neq; mediocri negotio satellites
ſubmouiſſem, occidens interim, in quẽ incurriſſem, et
quicquid obſiſteret amolienſ, ad ipſum negotij ca-
put ferebar, ad unicum tyrannidis robur, ad noſtra-
rum calamitatum fontem, atq; irrupto arcis propu-
gnaculo, cum uiderem illum fortiter lucentem ſeſe:
multisq; uulneribus reſiſtentem, iam occidi. Et ta-
men tum erat ſublata tyrannis, iam tum mihi confe-
ctum facinus. Ex eo tempore liberi omnes, niſi qđ
reliquus adhuc erat, ſenex ſolus, inermis, nuda-
tus cuſtodijs, iamq; amiſſo magno illo ſuo ſatellite,
deſertus. Neq; deinde dignus forti dextera, ibi ni-
mirum mecum ipſe iudices hæc animo reputabã.
Cuncta mihi pulchre habent, cuncta conſecta ſunt,
cuncta eò, quo' deſtinaram, perducta. At eum, qui
reliquus eſt, quo tandem modo pœnas dare conue-
nit? Me quidem, meaq; dextera nequaquam eſt di-
gnus, præſertim ſi poſt ſplendidum facinus, iuue-
nile, atq; magnificum interimatur, priorem illam
cædem dedecoraturus. Carnifex aliquis quæren-
dus eſt illo dignus, uerum poſt calamitatem, ne uel
hanc ipſam lucrifaciat, uideat, diſcrutietur, appoſi-
tum habeat enſem, huic reliqua mando, hæc ubi
mecum ſtatuſſem, ipſe quidem illinc diſcedo. At il-
le peregit, id quod ego prædiuinauerã, tyrannum
occidit, ſummamq; meæ impoſuit fabulæ. Ad ſum-
igitur popularem adminiſtrationem uobis adpor-
tans, cunctisq; bono iam ut animo ſint, edicens, ac
libertatem annuntians. Iam meis fruimini factis.

TYRANNICIDA

Vacua, sicut uidetis, sceleratis hominibus arx. Imperat nemo, quin & magistratus creare liberum est, et causas agere, et ex legibus contradicere. Atq; hæc omnia uobis mea contigerunt opera, mea q; fortitudine, uidelicet ex una illa cæde, post quam pater iam uiuere non quibat. Aequum itaq; censeo, ut his pro meritis debitum mihi à uobis præmium donetur, non quod lucri auidus, aut sordidus quispiam sim, nec is, qui mercedis gratia de patria benemereri statuerim, uerum quod præmio cupiam officia mea comprobari, neq; repudiari, aut inglorios fieri conatus meos, si uelut irriti, præmioq; indigni iudicentur. At hic contradiat, negatq; æquū facere me, qui decorari munere, præmiumq; ferre cupiam. Neq; enim tyrannicidam esse me, neq; quicquam à me, pro legis sententia confectum esse, uerū facinori meo deesse quiddam, ad hoc, ut præmium postulē. Percontor igitur illum, quid præterea requiris à me? Non ne libertatem peperit? Num q; imperat? Num quis iubet? Num quis minitatur dominus? Num quis nocentium manus effugit meas? haudquaquam dixeris. sed omnia plena pacis, omnes restitutæ leges, libertas manifesta, democratia stabilis, inuiolata connubia, pueri tuti uirgines absq; periculo, publicamq; felicitatem solēni bus ferijs celebrat ciuitas. Quis igitur horum omnium author? Quis est, qui illa sustulit? hæc peperit? Etenim, si quisquam præ me dignus honore sit, cedam præmium, desistam à petendo munere. Quod si solus omnia peregi audēs, periclitans,

ascender
in alero
ut populi
non oia
præmiu
erit, ut
manifres
solum spe
nam, scil
creat. H
dem infu
eant se
ute, nuna
lus mania
id ex per
un perie
fctum. Q
in uideris
aliquis m
liguo me
perro si f
præmiu
d me cæ
liberari
fium a
actibus
dæfem?
hoc exa
no expe
Quod f

ascendens, interimens, excrucians, alterum ultus
in altero, quid mea calumniaris officia? Cur facis,
ut populus parū erga me grauis existat? At enim
non occidisti tyrannum. Porro lex tyrannicidae
præmium decernit, uerum dic mihi, nunquid in-
terest, utrum ipsum interimas, an mortis causam
ministres? Mea profecto sententia nihil. Verum hoc
solum spectauit legis conditor, libertatem democra-
tiam, sceleratorum sublationem, huic honorem de-
creuit. Hoc præmio dignum iudicauit, quod qui-
dem inficiari non potes, quin mea contigerit opera.
Etenim si occidi eum, quo occiso ille non poterat ui-
uere, nimirum ipse cædem peregi. Ego occidi, sed il-
lius manu. Itaque ne discepta de cædis modo, neque il-
lud expende, quemadmodum interierit, uerum an
iam perierit, et an quod periit, id illi à me sit pro-
fectum. Quandoquidem et illud excussurus mi-
hi uideris, atque his aduersus bene de rep. meritos
calūnijs usus. Siquis non gladio, uerum lapide,
lignōue, aut alio quouis pacto peremerit. Quid
porro si fame tyrannum obsedissem, ad mortis neces-
sitate compellens? num ibi quoque requisiturus eras
à me cædem mea ipsius manu peractam? aut de-
siderari adhuc quiddam diceres, ad id, ut legi fa-
ctum à me satis uideatur, atque id cum sceleratum,
acerbius etiam, atque atrociore mortis genere truci-
dassent? Vnum hoc duntaxat specta, hoc require,
hoc ex cute, quis nocentium reliquus? aut quæ me-
tus expectatio? aut quod calamitatum uestigium?
Quod si purgata omnia, si pacata, profecto syco-

TYRANNICIDA

phanticum est, modum rei gestae calūniantem prae-
mio frustrari uelle, quod ijs, quæ uirtute confecta
sunt, debeat. Equidem & illud memini disertum
in legibus, nisi forte propter diuinam seruitutem ob-
litus sum eorū, quæ ab illis dicuntur. Causam mor-
tis esse duplicem, puta, si quis ipse occidat, aut si nō
ipse quidem occidit, neq; manu facinus peregit, ue-
rum compulit, præbuitq; mortis occasionem. Ex
æquo et hunc quoq; lex censet supplicio affici oport-
tere. Idq; iure optimo. Neq; enim statuit nūnus ua-
lere oportere audaciam, quā facinus, ac postea su-
peruacaneum est cædis rationem, uiamq; specta-
re, deinde hunc, qui sic occiderit, tanquam homi-
cidam pœnas oportere dare censebis, ac nequaquā
absoluendum esse. at me, qui per omnia consimili
modo Remp. iniui, non censes ea capere oportere,
quæ ijs debentur, qui beneficio iuuerunt. Neq; eni
illud dicere possis, me quidem imprudentem fecisse,
sed exitum quendam commodum, fortuito fuisse
consecutum præter animi sententiam. Nam qd præ-
terea iam formidasssem, eo, qui ualidior erat, inter-
empto? Cur autem gladiū in uulnere reliquisssem,
nisi planè quod erat euenturum id ipsum prædi-
uinasssem? Nisi forsan illud dices, hunc, qui extinctus
est, tyrannum non esse, neq; hanc appellationem in
illum competere, neq; uos multum præmij hoc no-
mine, si ille fuisset occisus, decreturos fuisse. At qui
istud dicere non queas. An tyranno interempto, ei,
qui cædis causam ministravit, præmium negabis?
O curiositatem, de illo laboras, quo pacto inte-
rierit? cum

rierit? cum interim libertate fruaris? aut ab eo, qui
 Democratiā restituit, nescio quid supernacaneum
 præterea requiris? At qui lex (uti fateris) caput rei
 gestæ spectat. Quæ uero ad id conducunt, ea oīa
 missa facit, neque iam ultra curiosius excutit.

Quid enim, an si tyrannum exegerit quispiam,
 non is iam tyrannicidæ præmium cepisset? ce-
 pisset opinor, idq; iure optimo, siquidem & hic
 pro seruitute libertatē peperisset. At id, quod à me
 patratum est, non exilium habet, non in posterum
 instaurandæ tyrannidis metum, uerum absolutam
 sublationem, totiusq; generis internitionem, omneq;
 malum radiatus exasum, & mihi per deos, iam
 ab initio ad finem usque (si uidetur) rem totam per-
 pendite. num quid eorum, quæ ad leges pertinent,
 sit prætermissum, & num quid in me desyderetur
 ex ijs, quæ tyrannicidæ oportebat adesse. Principio
 mentem prius oportet suppetere fortem, & aman-
 tem Reip. quæq; pro communibus commodis peri-
 culum adire non recuset, quæq; priuato suo inte-
 ritu multitudinis incolumitatem ausit redimere.

Num hac parte quicquam mihi defuit? Num fran-
 gebat animo? Num cum præscirem per quæ pericu-
 la mihi perrumpendum esset, per ignauiam refu-
 gi? profecto non potes dicere. In hac interim parte
 tantum commorare, atque æstima, an non uel uolu-
 isse tantum ista, ac statuisse, præclarum facinus fu-
 turum fuisse uideatur. Ac putato me solius animi,
 uoluntatisq; argumento præmium postulare tan-
 quam qui beneficio inuerit. Tum si uoluntati meæ

TYRANNICIDA

facultas defuisset, uerum alius post me tyrannum
 occidisset, dic mihi, num absurdum aut ingratum
 fuerat dare præmium? Maxime, si dicerem cives
 uolui, statui, aggressus sum, uoluntatis experimen-
 tum dedi, solus dignus sum, qui præmium feram.
 Quid tum responsurus fueras? Nunc porro non
 hoc dico, sed insuper ascendi, periclitatus sum, atq;
 innumerabilia prius, quàm iuuenem occiderem, pa-
 trauit. Neque enim usque adeo facilem, factuq; pro-
 cliuem esse rem existimetis, custodias perrumpere,
 satellites opprimere, unumq; hominem tam multos
 amoliri. Cum istuc penè maximum est omnium,
 quæ sunt in tyrannicidio, totiusq; negotij caput.
 Nam ipse iam tyrannus non magna res est, neq;
 expugnata, neq; confecti difficilis, uerum ea, quæ
 tuentur, continentq; tyrānidem, quæ quidem si quis
 superarit, is nimirum cuncta, quæ destinauit, pere-
 gerit, & perpusillum est id, quod superest. sed ad
 tyrannos peruenire nunquam mihi contigisset, ni
 prius, qui illum angunt, custodes oppressissem, o-
 mnesq; satellites ante debellassem. Nihil adhuc ad-
 do, uerum in his rursum immoror. Custodiam op-
 pressi, satellites superauit, tyrannum incustoditum,
 inermem, nudum reddidi. Vtrum his rebus con-
 fectis non tibi uideor honore dignus? an adhuc cæ-
 dem ipsam à me requires? Quin etiam si cædem
 quæris, ne ea quidem desyderabitur. Non sum in-
 cruentus, uerum cædem peregi, magnam, ac stre-
 nuam, nempe iuuenis ætate, ac uiribus florentis,
 atque omnibus formidandi, per quem ille ab insi-

dys erat tutus, cui uni fidebat, qui complurium satellitum instar erat. An non igitur quæso te præmio dignus iubeam, sed tantis rebus gestis honore fraudabor? Quid enim si satellitem unum, atque adeo quid si tyranni ministrum quēpiam interimissem? Quid si servum aliquem charum? an non hoc quoq; magnum uisum fuisset, conscendisse, mediāq; in arce, medijs in armis, aliquem è tyranni familiaribus iugulare? Nunc & hunc ipsum, q̄ occisus est, cuiusmodi sit, consydera. Filius erat tyranni, uel tyrannus potius, crudelior, dominus intolerabilior, ad supplicia dirior, ad contumelias uiolentior, quodq; est maximum, hæres, ac successor omnium, quiq; in longum nostras calamitates posset prorogare, uin' hoc solum mihi confectum esse, ipsum uero tyrannum uiuere adhuc, fugæ ereptum? Iam horum nomine præmium postulo. Quid diatis? Non dabitis? An non & illum uerebamini? An nō dominus, an non grauis, an non intolerandus erat? Porro nunc negotij caput, deniq; ipsum perpendite. Etenim quod hic à me requirit hoc quā fieri potuit pulcherrime confeci. Tyrannumq; aliena cæde occidi, non simpliciter, nec uulnere uno, id quod fuerat optatissimum illi, uidelicet tantorum facinorum sibi conscio, sed posteaquam illum prius multo dolore excarnificassem, tum quo nihil habebat charius, miserabiliter prostratum corā oculis ostendens putā filium in ipso æui flore, tametsi sceleratum quidem illum, attamen & ætate uigentem, et patri similem, sanguine, taboq; oppletum. hæc nimis

TYRANNICIDA

rum sunt parentum uulnera, hi gladij uerorum tyrannidarum, hæc mors digna crudelibus tyrannis, hæc ultio tantis sceleribus congruit. Cæterum protinus interire, protinus exidere sibi, neq; huiusmodi ullum spectare spectaculum, profecto nihil habet tyrannico supplicio dignum. Neq; enim ignorabam uir egregie, non ignorabam inquā, neq; quenquam alium latuit, quanta ille charitate filium sit persecutus, adeo ut illo extincto, ne paululum quidem temporis sibi in uita morandum esse fuerit ducturus. Atqui haud scio, an omnes patres, hunc ad modum affecti sint erga liberos, uerum hic etiam ultra reliquos habebat quiddam, idq; merito, quippe qui conspiceret, illum unicum esse, qui curaret, seruaretq; tyrannidem, quiq; solus pro patre pericula susciperet, & tutamen imperio adderet. Itaq; si non ob charitatem, certe ob rerum desperationem sciebam illum protinus exiturum è uita, perpensurum enim, iam nihil esse, cur uelit uiuere, adempto tutamine, quod illi filius niustrauerat. Nimirum effecit, ut hæc omnia illum agminatim circumsisterent, forma, dolor, desperatio, formido, quiq; in posterum imminebant, metus. his aduersus illum auxilium sum usus, atque ad extremum illud consilium adegi. Interijt itaq; uobis orbis, excruciatu, plorans, lachrymans. Luxit lectum, non illum quidem diuturnum, uerum qui satis magnus esset patri. Postremo, quod est omnium acerbissimum, ipse sibi necem consciiuit, quod quidem mortis genus, præ cæteris miserrimum, mul-

toq; atrocius, quàm si per alium inferatur, ubi mihi gladius? Num quis alius eum agnoscat? Num cuius alterius hoc gestamen erat? Quis eum in arcem induxit? Ante tyrannum quis eo est usus? Quis eum ad illum misit? O ensis particeps, succesorq; meorum egregie factorum, post tanta pericula, post tantas cedes, contemnimur, & indigni præmio iudicamur. Nam si huius tantum nomine præmium à uobis postularem, si sic dicerem Iudices, tyranno, cum mori uellet, cum id temporis inermem se deprehendisset, meus hic illi gladius inferuuit, & ad consequendam libertatem auxilio fuit uniuersis. hunc quoq; laude, præmioq; dignum iudicassetis. Porro dominum tam popularis rei non gratiam retulissetis? Non ne inter eos, qui de Rep. beneficii sunt, scripsissetis? Non ne gladium inter sacra monimenta consecrassetis? Non illum secundum deos ueneraremini? Nunc mihi considerate, quæ uerisimile est fecisse tyrannum, quæ dixisse, prius quàm sibi mortem conscisceret. Cum iuuenis à me trucidaretur, ac multis etiam uulneribus confoderetur, idq; in his corporis partibus, quæ conspicuæ magis, magisq; sint oculis obuiæ, uidelicet ut quamaxime discrucietur eum, qui genuerat, quoq; primo statim conspectu perturbaret, miserabiliter inclamabat, parentem implorans non adiutorem, nec opitulatorem, quippe qui senex iam esset, atq; inuolidus, uerum domesticarum cladum spectatorem. Nam ego interim discesseram, author qui fueram totius tragædiæ, relinquens actori cadauer, scenâ,

TYRANNICIDA

gladium, reliqua, quæ ad actum fabulæ pertinebant. At ille astans, ubi filium conspexit, quem habebat unicum, semivivum, sanguinolentum, cæde conspersum, tum vulnere perpetua, plurima, ac letalia, hunc ad modum exclamavit. O nate extincti sumus, interempti sumus, tanquam tyranni iugulati sumus, ubi mactator? Cui me servat? Cui me relinquit? qui quidem iandudum propter occisum te fili sum extinctus, nisi forte me tanquam senem contemnit. Ac læto supplicio me conficiat, producatq; mihi mortem, reddatq; mihi cædem longiorem. Atq; hæc locutus ensẽm quærebat. Nam ipse inermis erat, propterea quod per omnia filio fideret, verum ne is quidem deerat, ut qui iandudum fuerit à me paratus, atq; ad facinus futurum relictus. Evulso igitur è cæde gladio, atque è vulnere exempto, ait. dudum me occidisti. Nunc finem malis impone gladio. A des patri lugenti solamen, senilemq; manum, & infelicem adiuna, iugula, tyrannum occide, luctu libera, utinam prior in te incidissem, utinam in cæde priorem occupassem locum. Occidissem quidem, sed tanquam tyrannus duntaxat, sed qui crederem mihi superesse ultorem, nunc autem tanquam orbis occumbo, nunc tanquam cui desit mactator. Atque hæc ubi diceret, gladium adegit, tremens, neq; sat potens. Cupiebat quidem, verum non suppetebant vires ad facinus exigendum. Quot hic supplicia? Quot vulnere? Quot mortes? Quot tyrannicidia? Quot præmia? Postremo spectastis omnes iuvenem dudum prostratum,

nec exiguum profecto, neque mediocrium virium
opus, ac senem huic circumfusum, atque amborum
sanguinem commistum, libertatis illam, et victo-
rialem uictimam, meiq; gladij facinora. At gladi-
us ipse in medio amborum, declarans quàm non
indignum se domino præstitit, testansq; quod mihi
fidam nauasset operam. Id si à me ipso fuisset pa-
tratum, minus fuerat futurum. Nunc autem illu-
strius est ipsa nouitate. Atque ego quidem sum is,
qui tyrannidem sustuli. Cæterum actio in multos
est distributa, quemadmodum in fabulis fieri con-
suevit. Ac primas quidem partes egi ipse. Secun-
das autem filius. Porro tertias tyrannus ipse. Nam
gladius omnibus inferuuit.

RICARDO VVITFORDO BRITANO
DOCTO, IVCVNDÓQVE
AMICO. S. P. D.

Um annis iam aliquot totus gratias in literis fuerim Ricarde charissime, nuper quo cum literis latinis redirem in gratiam, latine declamare cœpi, idq; impulsore Thoma Moro, cuius (uti scis) tanta est facundia, ut nihil nō possit psuadere uel hosti, tanta autem hominem charitate complector, ut etiam si saltare me, restimq; ductare iubeat, sim nō grauatim obtemperaturus. Tractat ille idem argumentum, & ita tractat, ut nullus sit omnino locus, quē non excutiat, eruatq;. Neq; enim arbitror (nisi me uehemens in illum fallit amor) unquam naturam finxisse ingenium hoc uno præsentiū, promptius, oculatius, argutius, breuiterq; dotibus omnigenis absolutius. Accedat lingua ingenio par, tum morum mira festiuitas, salis plurimum, sed candidi duntaxat, ut nihil in eo desyderes, quod ad absolutum pertineat patronum. Quare non hoc animo laborem hunc suscepi, ut tantum artificem uel æquarem, uel uincerem, sed uti cum amico omnium dulcissimo, qui cum libenter soleo seria, ludicraq; miscere, in hac ingeniorum palæstra quasi colluctarer, idq; feci eo libētius, quod magnopere cupiā hoc exeratii genus, quo nullum aliud æque frugiferum, in ludis nostris ali-

quando
puto qd
qui scri
tamen e
quando
ronis, Fa
scati m
ri; exeri
epia, tam
cas, etiam
temor. Na
pauca
er autem
quid m
no mori
esse dicit
not se si
omni. Ve
delinam
Males.

quando instaurari. Neq; enim aliud esse in causa
 puto, qđ hac nostra tempestate cum tam multi sint,
 qui scriptores eloquentissimos euoluant, tam pauci
 tamen existant, qui non infantissimi uideantur, si-
 quando res oratorem poposcerit. Quod si tum Cice-
 ronis, Fabijq; authoritatem, tum ueterum exemplū
 secuti, in huiusmodi exercitijs diligenter a pue-
 ris exerceremur, non esset opinor tanta dicendi in-
 opia, tam miserranda infantia, tam pudenda balbu-
 ties, etiam in ijs, qui literas oratorias publice profi-
 tentur. Nostram declamationem ita leges, ut eā me
 pauculis diebus lusisse cogites, non scripsisse. Hor-
 tor autem, ut et Moricam conferas, itaq; iudices nun-
 quid in stylo sit discriminis inter hos, quos tu inge-
 nio, moribus, affectibus, studijs usque adeo similes
 esse dicere solebas, ut negares ullos gemellos magis
 inter se similes respiri posse. Vtrūq; certe ex æquo
 amas. Vtriq; uicissim ex æquo charus. Vale meū
 delitium Ricarde festiuissime. Ruri. Ad Calendas
 Maias. M. D. VI.

DECLAMATIO DESYDERII
NON ILLA QVI-
dem uersa, sed quæ superiori decla-
mationi e' Luciano uersæ
respondeat.

I mihi causa hæc Iudices, apud cõ-
cionem popularem, quæ studijs po-
tius, quàm exacto rerum iudicio,
duci consuevit, esset agenda, ac non
magis apud Iudices ex honestissi-
mis ordinibus delectos, nimirum
grauissimos, sapiētissimōsq; non nihil profecto ue-
rerer, ne omnium animis noua hæc, & insperata
læticia gestientibus, atq; (ut ita dixerim) exultanti-
bus, nec satis attentos, nec doctos essem auditores ha-
biturus. Porro fauentes, beneuolosq; multo minus.
quippe qui frontem modo, quasiq; personam hu-
ius negotij intuentibus, non faciem ipsam, propius
contemplantibus uideri fortasse possim, in commu-
ni totius ciuitatis gaudio, tum autem in causa tam
populari, uelut importunius obstrepere, atque ob-
turbare. Enimuero cum omnis affectus inutilis est
ad recte iudicandum, tum ingens, intemperans, atq;
exundās læticia, non solum iudicium omne frangi
tollere solet, uerumetiam nostri sensum nō ra-
ro nobis eripere, præsertim (si quæadmodum hæc
nostra) post graues, diuturnasq; calamitates, ac ue-
luti tempestatem sæuissimā, repēte, præterq; spem,
quasi portus quidam, fuerit obiecta. Quid autem

tam acerbum liberæ multitudini, quàm seruitus? Quid tam dulce, quid tam exoptatum, quàm libertas? Itaq; non rebus modo ipsis, sed uel inanibus harum rerum uocabulis, plebis animam queant ad qdlibet impelli, maxime primis his aliquot diebus, dum gaudiorum adhuc uelut æstus quidam impotens, omnia sursum, ac deorsum misceat, dum lætitiæ temulentia, dum gratulandi dulcis quædam ebrietas pectus occupans, animum ad cogitandum instituere non sinit. Verum uestra Iudices singularis sapientia, perspicacitasq; non hoc tantum scrupulo me leuat, uerum & hanc mihi fiduciam suppeditat, uti sperem futurum, ut hoc contradicendi munus, quod equidem nec inuidencia, nec fauore in tyrannidem (sicut iste calumniabatur) sed solita mea & ut opinor, nota Reip. charitate suscepi, uobis non modo non inuidiosum, sed fauorabile, plausibileq; uideatur. Etenim postquam uiderem manifestam quadam deorum beneuolentia, post diuturnam, ac miserrimam illam seruitutem, toties Reip. uotis expetitam libertatem, aliquando contigisse, nihil prius curandum nobis esse iudicauimus, quàm ut gratos nos exhiberemus in eos, à quibus nobis tam egregia felicitas esset profecta, quo uidelicet munus suum huic urbi proprium, perpetuumq; facere uellent, & constabilire, tueriq; quod largiri non essent grauati. Meminissimq; ipsi in manu esse, ut eriperent ingratis, quod optantibus dedissent. Sūt autem uel primæ gratitudinis partes, intelligere uidelicet, cui beneficium acceptum ferre debeas. Et

hac una ratione mortales diuinæ beneficentiæ gra-
tiam referre possumus, si beneficiū acceptum agno-
scamus, si celebremus, si ad illos authores refera-
mus. Neq; mihi committendum putavi, ut dum ni-
mum candidi in auem esse uolumus, in deos ingra-
ti, impij q; reperiamur. Neque enim istoc nomine
nunc perinde laboratur, ne hoc præmij pereat æra-
rio, et huius lucris accrescat (quanquam id quoq;
longa iam tyrannide exhaustus est, quàm ut inde
temere dari præmia conueniat immerentibus) il-
lud agitur, ne dij immortales, qui huius male con-
sulta, nobis uerterunt bene, hoc tantum munus à
nobis tanquam ingratitis reposcant. Si quod ipsis so-
lis debetur honoris, laudis, gratiæ, id illis fraudatis
in hominem contulerimus. At quem hominem
obsecro? Nempe, qui cum priuatus contra leges iu-
uenem occiderit, atque hac temeritate sua restitutæ
libertatis periculosam occasionem modo præbuerit,
idq; adeo imprudens (uti mox docebimus) non ue-
retur pulcherrimum tyrannicidæ titulum dijs eri-
pere, sibi arrogare, Reip. diem dicere, ac leges ipsas
in ius uocare, ciuitatem ingratitudinis ream agere,
nisi sibi totam hanc felicitatem ferat acceptam. Nul-
lum quidem Iudices, facinus speciosius tyrannici-
dio, nullum dijs dignius, uerum hoc impudentior,
qui sibi laudem tam eximiam usurpat immeritus.
Nullum præmij honestius, illustriusq;, quàm qd
tyrannicidæ debetur, sed hoc impensius, accura-
tiusq; spectandum, ne temere decernatur indigno.
Per multa siquidem, per multa ad id requiruntur, ut

hoc tam
dignus
compete
tolerant
tum homi
à legib
re dixi
uram, et
ta insupe
cam possi
recandus
detur mone
de se, pro
pauis, at
quod a pri
cuius sum
reant? Si
nere na
le magis
f. ut q; q
quod a pri
nem inue
dixit aut
lato. Di
compulsi
ut, p. x. d.
ferunt
gentis
nobis ex
am ro

hoc tam egregio titulo, ut hoc tam diuino præmio dignus quis esse uideatur, quorum nihil in hunc competere, paulopost euincemus. Proinde cum non tolerandæ improbitatis mihi uideatur, qui legibus tum homicidij, tum temeritatis pœnas debeat, eum à legibus præmiū omnium maximum petere, petere dixi, immo flagitare, et ita flagitare, ut etiam si unum, ex huius arbitrio dependerint, tamen multa insuper isti creditori sunt debituræ, quæ cuncta cum postulare iure potuisset, maluit tamen homo uerecundus, unico persoluto reliqua sibi deberi, ut haberet nimirum quod obnoxia Reip. quoties libido sit, possit impropere. Tum illud utrum risu potius, an odio dignū existimē, q̃ in tribunalibus, quod apud ornatissimum seuerissimorum Iudicum confessum. Thrasonem quēdam nobis ē comœdia retulit? sensistis Iudices, ut ē corona pleriq; risum tenere nequierint, dum personatus iste Hercules tragœdiam illam suam nobis recitabat, de se, terq; quaterque tyrannicida, de sapiente illo gladio commilitone suo, qui per se prudens senem interemit, digno, uidelicet, qui inter sidera collocetur, domino in deorum numerum relato. Dū boni quibus phaleris, quibus fucis, quibus ampullis facinus illud nobis suum ornauit, iactauit, exaggerauit, quàm militari iactantia, quàm stentorea uoce, quàm fastuoso uultu, quàm arrogantibus supercilijs, quàm stupidis oculis, suum ipse uobis encomium detonabat? Quæso Iudices ut etiam nunc hominis uultum diligenter attendatis,

nonne uobis minitari uidetur? nonne dicere, ni
mibi praeium decreueritis, haud feretis im-
pune, incolumi diuino illo meo, ac fortissimo gla-
dio, qui uel sine me meas uices, ubi lubebit, actu-
rus est? Quis tandem istam ferat iactantiam, uel
in eo, qui uere tyrannum occidisset? Hæc quoq; me
causa Iudices (neq; enim inficiandū est) comouit, ut
huius obfisterem petitioni, uel magis ut immodera-
tam arrogantiam, ut odiosam huius imputationē
retunderem. Videbam iam inde ab initio, cum cer-
tatim uniuersa ciuitas dijs libertatis authoribus gra-
taretur, ut hic sese ira tumens in medium ingesse-
rit, quā indigne tulerit uictimas dijs seruatori-
bus immolatas? sibi hunc honorem eripi, sese uni-
cum esse reftitutæ libertatis authorem proclamaba-
bat. leges. aras. focos. omnia publica, priuataq; sue
dextræ, suo magnifico gladio deberi. A gite quid
futurum deniq; Iudices auguramini, si ad huius in-
tolerabilem iactantiam, uestra authoritas, uestra
comprobatio, si praeium quasi pignus, accefferit?
Quid, nisi ut tyranno submoto, alter quidam huic
ciuitati paretur, qui uentosæ linguæ, gloriæq; qua
si tyrannidem quandam exerceat? Qui quotidie
nobis odiosam istam suam Tragœdiam ingerat?
quotidie dextram istam herculanam, et gladium
prodigiosum minuetur? Vtrum est hoc Iudices ty-
rannide liberari, an mutare tyrannum? Videtis
ipsi quā minaci fronte me iam obtueatur. Quid
mibi succēses? Quid minitaris oculis? Quid terres
superalio? An mihi non licebit libertate in contra-

dicendo (tuo scilicet munere) uti, cum tu sic abutere? qui liberum tibi putaris (id quod etiam in proscenio leges fieri uetant) crimen tam atrox, tam capitale in ciuem impingere, tantum quia lubuit, idque apud Iudices iuratos, in tam frequenti ciuium corona, quod nequeas uel leuissimo confirmare argumento, siquidem quam reliqua gloriose, tam illud impudenter dicebas, mihi nullam fuisse causam, quare tibi contradicendi partes susciperem, nisi quo tyranni necem, quae me discrutiarct scilicet, ulascerer. Quo quidem tuo exemplo si uicissim in te liberet uti, mox intelligeres, quam atrocia, quanto probabilius in te possint retorqueri. Nam tuum istud tam inuidiosum (quemadmodum tu quidem existimabas) conuitium, me longe minus etiam terribat quam (quod uulgo dicunt) expelui redditum fulgur. Etenim praeterquam quod neque affinitas, neque cognatio, neque necessitudo, neque emolumentum, neque prorsus alia res ulla mihi cum tyranno intercessit, cur mea referret illum uiuere, sine quibus rebus nullam in quenquam criminis haerere suspicionem, tu quoque scires, nisi nunquam tribunalia uidisses, ac nisi hodie denique te lucelli spes fecisset iureconsultum, equidem arbitror, meam fidem, integritatem, pietatem, totamque meam uitam sic huic Reip. spectatam esse, ut isto crimine tibi potius improbitatis odium, quam mihi suspicionem ullam commoueretur. Vides quam multis adductus sim causis, ut tibi obsterem. Denique (si scire uis) bona ciuium propter id a me enixissime flagitauit, ut sui patrocini aduersum

te capefferem. Negantes sibi uideri tyrannide libe-
ros sese, nisi te à tyrannicidæ præmio deijcere. Non
quod pudeat homini debere hanc felicitatem, tam-
etsi id quoque durum, ei debere, qui sic imputet,
Sed debere arroganti, sanè quam molestum est. at
debere, cui non debeas, istuc uero non grauissimū
modo, uerum etiam stultissimū. Equidem ne le-
noni quidem uel uerbo refrager, si modo is prome-
reatur. sed obnoxium esse tam importuno imputa-
tori, tum qui nihil inuerit, id uero bis miserum est,
bis stultum est. Nullus enim insolētius exprobrat
beneficium, quàm qui quod non dedit, id uult de-
disse uideri. Sed finge mihi nullam esse causam, cur
tibi me opponerē, nisi quia sic animo lubitum sit meo,
profecto nihil habes, quod mihi iure succenseas. Et-
enim cum apud iudices, tam sanctos agatur, si uere
præmium meruisti, non tibi honorem eripio, ue-
rum etiam uehementer illustro, quando non paulo
magnificentius est tyrannicidæ præmium euicasse,
quàm tulisse. Sin minus, æquus ueniam dabis, si
boni ciuis fungor officio, si nullo meo emolumento
Remp. debiti præmij ream defendo, si stultitiæ cri-
men, si imprudentiæ infamiam à ciuitate depello,
si non sino, ut nostro omnium periculo hæc urbs
in deos existat ingrata. Postremo si deorum im-
mortalium causam ago, quibus honorem debitum
tu conaris interuvertere, uel hinc sat liqueat, quan-
ta religione reliquam causam egeris, qui statim in-
grediens tam impudenter sis calumniatus. Contra-
dict igitur contra Remp. fauet tyranno. Quāquā
ego illud

ego illud quoq; liberæ ciuitatis esse iudicio, hoc loco, uel tyrannorum causas atra fraudem agere licere. Neq; tamen à uobis postulo iudices, ut uel mihi prosit in causa hoc meum erga Remp. studiū, uel huic obsit tam insolens arrogantia, immo non deprecor inuidentiæ suspicionem, non refugio uel atrocissimam illam, quam iste mihi conabatur impingere, inuidiam, ut tyranno fauisse uidear, nisi certioribus, quàm ut à quoquam refelli possint, argumentis euinco, nisi demum et aduersario persuadeo, modo ne terguersetur, ut quàm maxime ciuiler quis agat, nullum ei deberi præmium, sin exactius, seueriusq; poenam etiam ab ipso deberi. Quæ quidem dum quàm potest breuissime facio, quæso iudices, ut me attentis animis, atq; auribus audiat. Meministis iudices, ut iste inter dicendum subinde nobis conatus sit ob oculos ponere, id unū spectare iusserit, quantis malis sublata tyrannide, simus leuati. Hoc passim inculcabat, hac re bonam orationis partem occupabat, nihil nos aliud ppendere uoluit, nisi quod grauem seruitutem tollerassemus, nunc optata libertate frueremur. Nimirum id tantum uos spectare uoluit, quod ad hoc iudicium nihil attinebat. Neque enim hoc in questionem uenit, quàm misera sit tyrānis, quàm optanda libertas. Sed de illo cognoscitis iudices, cum libertas huic urbi sit restituta, quāta hinc laudis portio huius uirtuti debeatur, et an id, quod euentu cum huius facto coniunctum est, idem cum eius merito coniunctum uideri oporteat. Relegam autem

EADDEM VESTIGIA
eadem uestigia, quibus ipse in causam ingressus est,
quod equidem refellendi genus simplicissimum esse
puto, sequarq; partes illas, quibus iste rem secuit,
id nimirum agens, ut quemadmodum ingeniosi cō
uiuatores iisdem carnibus alio, atque alio modo co
quendis, condiendisq; efficiunt, uti multa obsonio
rum genera uideantur, itidem iste nobis ex unico
homicidio multa facit tyrannicidia. Repetam igitur
ordine gradus illos, quibus iste facinus suum
sibi uisus est mirifice attollere, & in quibus idem
resistat, quod si me deturbante, uel in uno
quolibet consistere poterit, tum ipse sese uictorem
pronuntiet licebit. Quot tyrannicidia (inquit)
quot præmia? Primum quod uolui, deinde quod co
natus sum. Tum autem quod filium occidi plus
quàm tyrannum. Postremo quod pater ob mor
tem huius sibi necem consciiuit. Principio quod uo
luit iudices, quis non leuius esse uideat, quàm ut
sit refellendum? nisi quod iste tanta uoce intona
bat, toties inculcabat, quod tyrannum uoluisset oc
cadere, atq; id (ut nihil iam accederet) tamen præ
mio dignum asseuerabat. Quid autem tam ridi
culum, quàm nudæ uoluntatis præmium à lege
flagitare? quæ adeo nihil ad se pertinere putat,
quid uelint, aut in animo statuant homines, ut
neque poenam irrogent, siquid uelis modo perpe
ram, neque præmium ostendant, siquid officiose
uelis, uerum ad unumquemq; uoluisse interpre
tatur, quod nulla ui coactus effecerit. Ergo ne (in
quies) non magna facti pars est uoluisse, quod qui-

DECLAMATIO

90

dem arduis in rebus, uel solum sufficere solet?
Recte sanè. Sed apud deos modo, quippe quibus
solis perspicuum est, quid nolis, aut uelis. ab his
præmium expectandum, siquid præclarum ani-
mo conceperis. Lex hominum uices agit, & quid
in obscuris illis sinuosi cordis specubus mortales
agitant, adeo sua referre nihil putat, ut (non dicam
abdita, aut suspiciosa) sed ne ea quidem admittat,
quæ populari sunt opinione, fama; iactata. Po-
stremo ut non nisi comperta recipiat, non audiat
nisi quæ sunt certissimis argumentis deprehensa,
probata, euicta. Cedo quod est facinus tam nefa-
rium, cuius simplex uoluntas in crimen unquam
est uocata? Ita iudicia Aëacæ, Rhadamanthi; tribu-
nalibus seruantur. Hic mihi non quid uolueris, sed
quid feceris, adfero. Quod si nulla lex ulli flagi-
tio supplicium minatur, quod in animo statueris tã-
tum, quæ tandem est impudentia, pro merito, quod
præstare uolueris duntaxat, perinde quasi præsti-
teris à lege præmium postulare? Quæ quidem, cū
ad id unum sit comparata, ut maleficia uel deter-
reat, uel cœrceat, multo; magis ad eius partes per-
tineat, nocentibus erogare pœnam, quàm beneme-
rentibus largiri præmia (id quod mox copiosius de-
monstrabimus) posteaquam in criminibus non ac-
cipit insimulationem meræ uoluntatis, quæso te in
petendis præmiis ostentationem uoluntatis admit-
tet? Quis autem est ciuium, uel quantumlibet igna-
uus, qui non uelit tyrannum occidere, si tutò liceat?
Quis non uel leno, saltē emolumentī causa uelit? de

niq; quis non facile simulare possit uoluisse se, uidelicet quo præmium gratis auferat? uis itaq; dicam, quantum hoc totum habeat momenti, uoluisse occidere, nempe perinde est, quasi te somnari occidisse. Par pari pensari conuenit. Qui præstitit beneficium, ei lex beneficium rependit, at qui bene uoluit tantum, ei quid debetur, nisi ut uicissim bene uelit Resp. I nunc, & hoc in gradu nos iube consistere. Rem tam eximiam (inquis) animo uersari, statui, decreui, an præmium negabitis? Non fraudaberis præmio, si istoc nomine postules, uerum illud interim præmii feres, uelut homo nimium per fractæ frontis, irrisus, explosus, exhibitus discedes, quem non puduerit id a lege postulare, quod ne leno quidem ausit a quoquam petere, ut rem pro uoluntate auferat, nemo tam uecors, qui concedat, ut uoluntatem nescio quam, hoc est minus quam uerba, pretio redimat. At non uolui tantum (inquis) uerum & periclitatus sum, ascendi, submoui satellites. Primum istuc tu quidem consulte facis, quod de gradu illo desilisti, in quo nimis profecto incommode stabas. quãquam ne in hoc quidem multo cõmodius constiteris. Nam etiam si paulo minus absurdum uideatur, haud ita multo minus impudens tamen est, cum lex palàm præmium decernat ei, qui factum præsterit, te quod conatus modo sis, præmium poscere, ergo ne hoc quidem iuris erit apud te legibus, quod per illas est cui priuato cum aue priuato? Age, quid si quis ciuium tecum inisset cõtractum, ita ut ille pecuniam stipulatus, tu condi-

tionem pactus esses, mirum in suo uterque periculo, atque is non dum præstita conditione, nummos his uerbis abs te petat, Cedo mercedem, conatus sum, tentavi, adnissus sum, an non protinus impudenti homini respondebis, cedo conditionem? Nam de tuo conatu quid mea refert? quandoquidem effectum abs te pactus sum, non conatum, Puta totidem uerbis tibi nunc respondere legem. A gnosco contractum, non nuto pacta, debeo præmium, sed si tu conditionem præstitisti, si tyrannum occidisti, uerbis aut obligantur, aut absoluuntur homines. si conato pollicita sum præmium, non grauabor dare, sin ei, qui facinus peregrisset, quod tandem ius est te ferre, quod es stipulatus, me non ferre, quod sum pactus? In priuatis, ac minutis contractibus, nemo tam improbus inuenitur, ut lucrum conditione promissum postulet, non præstita conditione, nemo tam stultus, ut det, si quis postulet, & tu à Rep. maximum omnium præmium postulas, quod conatus modo sis? Nihil mihi nisi nugæ adfers. donec illud unum audiam, quod te præstare oportebat, uolui inquis, ascendi, perrupi custodias, submoui satellites, quantulum iam est illud, quod superest? Quid adhuc desyderas? Nempe nihil in te desydero, præter illud, cui soli debebatur præmium. An non dum intellexisti, in istiusmodi contractibus, duplex esse periculum, quorum alterum ad hunc tantum, alterum ad illum proprie pertineat, uidelicet persoluendæ mercedis, & præstandæ conditionis. Ego meo periculo præmij de-

pendendi onus recipio, neque tua referre putas, neque
refert, quàm angusta mihi res, unde corradendum,
quod debeam pretium. Tu itidem conditionem tuo
suscipis periculo, neque mea quicquam interest, quo
sudore, quo periculo sit ea tibi præstanda, Totam
istam curam, totum hoc negotium tibi relinquo.
Quod si ego, iam præstita abs te conditione, com-
memorem tibi, in agris meis male prouenisse segetes,
merces naufragio perijisse, nihil auelli à malis debi-
toribus, non sine graui dispendio constari posse pe-
cuniam, quam tibi debeam, dic obsecro, nonne nu-
gas agere me dices, negans horum quicquam ad te
pertinere? Hoc uno modo posse satisfieri tibi, si pe-
cunia numeretur. Neque quisquam est iudex tam
iniquus, quin te tuo uti iure fateatur. Et mihi pul-
chre satisfactum existimas, si tu mihi Tragœdiam
adferas, quantum adieris periculi, quantum sudo-
rum, quantum uigiliarum exhausseris, dum studes
præstare conditionem? Res est (mihi crede) calumnio-
sior, scrupulosiorque, quàm ut legibus tam occupa-
tis conueniat, alienam expendere uoluntatem, alie
nos pensiculari conatus, quorum suos quisque nimio
solet æstimare, non suos difficile est adamussim per-
pendere. At facti facilis est æstimatio. Proinde ea
in legis cognitionem addit, hunc reliqua illa con-
suevit metiri. Tam etsi non piget interdum æqui,
bonique rationem habere. Verum in his litibus, quæ
de uetere illa formula pendent, inter bonos bene
agere oportet, at in contractibus, quæ neque ui,
neque dolo coierunt, quid est, quod a præscripto

recreatur, nisi quis uelit omnino à pactis discedere? Quid uis? Circumspice, & si potes usquam inuenire exemplum, non nego præmium. Sæpenumero in pugilum olympias, sæpe in certamine spectator (opinor) sedisti. Cedò, nunquãdò uidisti quẽquam tam impudentem, qui palmam sibi hoc nomine uendicaret, quod strenue certasset? Non arbitror, atque id in re pene ludicra, certe ad uoluptatem comparata. Et tu in tam serio, omniumq; splendidissimo negotio, id tibi postulas, quod in scenis illis pudeat, uel impudentis sinum tentare? Age quoties & illud uidisti euenire, ut qui sese fortissime, doctissimeq; gessisset in cursu, is à præmio longissime abesset, & ignauissimo faueret euentus, habeat ille sanè, quod causetur excidisse habenas, consternatum equum, fractam rotam, iacet se uel arte, uel uiribus tanto præcellentiore, quanto Ther site præstitit Achilles, nisi metam prior attigerit, profecto postulandi præmij ius nullum habebit, fortunam suam incusare licebit. Cæterum Agonothetæ non indignabitur, propterea quod hoc animo in certamen descenderit, ut eius uteretur conditione. idest ita demum præmium ferret, si uirtuti Fortuna fauente, uicisset. alioqui si conatui non tantum effectui præmium deberetur, tot palmis esset opus, quot in olympicum certamen uenissent. Quamquam in huiusmodi ludis qui solennitatis, uoluptatisq; gratia proponuntur, fit interdum, ut uictis quoque præmia statuuntur, non honoris, sed solatij gratia, uerum serijs in

rebus, atq; adeo periculosis, quænam obsecro lex
unquam mercedem statuit, nisi si quis facinus per
egisset, & ita peregisset, ut omnes numeros imple
rit? A quo tu quantum absis, mox audies, nam nunc
de conatu tantum agimus. Lex igitur civicam pro
mittit coronam ei, qui civem in bello servarit. Quis
unquam ad hunc honorem vel aspiravit, quod se
telis obiecerit, quod non sine multis vulneribus dis
cesserit? profecto nisi civem servato, nemo civicam pe
tit. Quis unquam his verbis muralem petiit? A cri
ter contendi iudices, ut moenia superare, Omnia
fecer, sed depulsus sum. Quantumlibet enisus sit, ni
si consensu muro, nemo tam inuerecundus, ut mu
ralem coronam sibi deberi dicat. Obsidionalem ne
mo flagitat, nisi depulsa obsidione. Postremo nullus
honor petitur, nisi ab eo, qui id effecerit, ad quod ho
nor inuitat. Qui navim in tempestate desertam ad
litus perduxerit, huic ex lege vendicatio est earum
rerum, quæ navibus hebantur. Quorsum attinet hic
tuam iactare peritiam, sudores, pericula, conatus?
Nihil non feceris, quo navem in tutum reduceres,
sed victus tempestate deseruisti. Audebis quicquid
ex his, quæ sunt in navis, tibi vendicare? Aut si au
sis, futurum speras, ut quisquam te vel pilum sinat
attingere? Non opinor, si quis, unquam ovationem
supplicationem, triumphum obtinuit, quod ad vi
ctoriam omnibus nervus esset enisus, quod gnauiter
se gesserit in bello, nisi superior discesserit, nisi præ
scriptum à lege numerum hostium fuderit. Aude et
tu tibi præmium pronittere, quod tyrannicidium

sis aggressus. Quod si nemini hominum memoria contigit, desine tibi noua spe blandiri, desine inaudito exemplo postulare, quod sperare sit improbis-
simum, dare postulanti stultissimum. Noli nobis commemorare, quanto capitis periculo murum ar-
as conscenderis, qua uirtute satellitum tyrannicum perruperis, alios depuleris, alios occideris, quorum maximam partem tibi liberum est fingere, ad obtinendum tyrannicidae prae-
mium, duobus duntaxat uerbis est opus, tyrannum occidi, quantum uis conatum exaggeres, alleues, attollas, non nisi tyrannicidae debetur prae-
mium. Alioqui, quid dices, si eodem illo die, quo tu arcem conscendisti, permulti pa-
riter aggressi, sua quisque uirtute freti, quorum nemo tamen tyrannum interemisset? Vtrum omnes tyrannicidae prae-
mio potentur ex aequo, nempe quia conati? Age, quid si multis strenue rem aggressis, uni cuiquam, qui sit omnium ignauissimus (ut non semper uirtuti respondet fortuna) eum contingat in-
terficere, an non praeteritis reliquis hic unus honorem auferet? Quamobrem tandem? Non quia plus adierit periculi, sed quonia id conficit, cui lex honorem decreuit. Hic tu fortasse rursus incipies deplorare, frustra sumptam operam, negabis aequum esse uirtutis egregios conatus merito fraudari prae-
mio, nisi fortunae suffragio adiumentur. Sed quae tandem potest esse iniqua conditio, quam nemo com-
pellitur accipere, nisi cui cordi sit? Quantumlibet iniqua conditio proponitur, eam nimirum facit aequis-
simam, quisquis suapte sponte recipit. In aleae lu-

do! si fas est hoc exēplum conferre) quid iniquius,
quā uel summum artificem ab imperitissimo su-
perari, si modo iactus commode cadat. Atque id
adeo nemo tanquam iniquum causatur, propterea
quod cui lusus huius lex non probatur, ei liberum
erat non suscipere. itaq; lex quid præstari uelit,
id palām, atq; in medio proponit. Quid abs te præ-
stari possit, id tibi relinquit expendendum. Illa ni-
hil mauult, quā ut res quamoptime cadat. quod
si posteaquam nihil iam intentatum reliqueris, quo-
minus effeceris, per fortunam stetit, intelligis, opi-
nor, nihil habere te, quod legi succenseas. Fortunam
(si ita lubet) in ius uoca. Cum lege nihil tibi rei,
quæ ut nihil promittit, ita nihil debet, nisi præ-
stanti. Neq; uero existimemus iudices, istud a' maio-
ribus, qui hanc legem tulerunt, sine summa ratio-
ne fuisse factum, ut conato præmium non esse sta-
tuendum putarint. videlicet illud cauerunt, non
tantum ne anapites istas, & inexplicabiles huius-
modi de conatu lites inuitarent, uerum etiam quod
intelligerent tyrannici dñi conatum nō posse nisi sum-
mo ciuitatis periculo suscipi. unde futurum pro-
spiciebant, ut si conatui præmium statuissem, teme-
ritate conantium Resp. subuerteretur potius, quā
restitueretur. Etenim tyrannis quid aliud est, quā
grauē, capitaleq; ciuitatis ulcus? Huic si quis me-
deatur, ei merces digna proposita est, quā ita de-
mum ferat, si remedium præsentaneum attulerit.
Verum huic malo neminem oportet admoliri ma-
num, nisi certum artificem, qui sua diligentia, peri-

tiāq; fretus, non sinat hoc licere fortunæ, ut dum ipse salutem dare conatur, illa uitā penitus eripiat. Quid, uirum tu igitur in eiusmodi discrimine, conatum præmio iudicis inuitandum esse, an potius pœna deterrendum, nisi quod conatus est quispiam, idem præstiterit. Nec illud te subleuat, quod mihi uidebare rationando colligere. Cum lex in maleficijs pœnam irroget simplicia sceleris molitioni, par esse, ut multo magis in beneficijs conatus habeat rationem. Nam oportere legem multo propensiorē uideri, ad compensandam uirtutem, quā ad retaliādam culpam. Atq; uide quā hic tota erras uia. Principio non animaduertis hoc tyrannicij faci- nus toto genere a reliquis discedere, propterea qđ aliorum molitio cum priuato molientis periculo modo coniuncta est, huius cum publico Reip. discrimine copulata, ut temere moliri tyrannici- um, nil aliud sit, quā temeritate priuata, rem omnium prodere. Deinde lex nec in quouis cri- mine, nec qualencunque conatum in quæstionem uenire finit, uerum in paucis duntaxat, quæ uel propter insignem atrocitatem hoc odij merentur, uel eiusmodi sunt, ut prius exitium adferant, qđ conatus dent significationem. Quod genus pa- riadium, ueneficium, proditio. Postremo non uides nihil esse simile, totāq; natura, rationē que discrepare, pœnæ legitimam irrogationem, & honoris largitionem. Nam alterum quidem proprie legum munus, alterum, quasi quædam de iure concessio, legis que cādor (ut ita dixe-

rim) quidam est. Hoc ita habere, sic demum intelliges, si reputes, quàm multa sint, quæ lex iubet addita poena ni pareas, quàm multa item uetet, nisi obtemperaris, supplicium minitans. Contra, uix unum, atq; alterum esse, ad quæ præmio solitetur. Quædam enim eiusmodi sunt, ut durum, ac seruile uideatur ad ea metu mali adigi, quo de genere sunt, uxorem ducere, operam dare liberis, hic lex nimirum urbanus, ac uerecundius tecum agit, patris non magistratus sumit habitum. pretio ad id inuitat, quod alioqui gratuito te præstare debebat. Rursus alia, tametsi id genus sunt, ut à quouis non improbo que præstari uelle oporteat, tamen et fortiora uidentur, quàm ut à multis præstari queant, & periculosiora quàm ut multi uelint suscipere. Nam inhumanum uidetur cuiquam uitæ suæ contemptum imperare. Ad hæc igitur præmio animat, quasiq; calcar addit uirtuti. Proinde non oportet hanc legum indulgentiam longius trahere, quàm ad quæ semet ipsa astringit. Nec mirandum est, si attentior, si uigilantior, si exactior est in proprio, naturaliq; munere suo, quàm in eo, in quo temporis ratione in alienas partes descendit. Huic astipulatur illud, quod nouis etiam criminibus exemplum aut nouum noua lege solet institui, aut à simili lege mutuo sumi. Neq; tamen idem fieri consuevit, si quis qd noui facinoris cum laude patrauit, ut præmium à consimili constitutione decernatur, nisi lex extet, quæ nominatim honorem statuatur eius facto, quod roget uix habebit, quod postu-

let haudquaquam. Cur enim legi necesse sit passim
cuium suorum officium mercede redimere, quan-
doquidem ne sit impunita improbitas, id publicitus
omnium refert, at probus esse nemo gratis potest.
Quid autem est, quod non uel gratis patriæ de-
beat cuius, cui si uel animam impenderis, quid mi-
randum, si quod acceperas id restituis? Vt suppli-
cio dignus sis, nisi parenti pietatis officium persol-
uas, non præmii illico tibi debeat, si persoluas,
itidem. si quid in leges committas, non potes effige-
re supplicium, at non statim illæ tibi præmii de-
bituræ sint, si quid cum officio feceris. Nam si cives
omnes sese in officio continerent, ne opus quidem
esset ullis legibus, quippe, quæ non ad bonos mo-
res comparatæ, sed malis e moribus natæ sunt, id
quod uere uulgo dictitant, ac pharmaci uice fungā-
tur. Finge itaq; nullas esse leges, quemadmodum de
aureo Saturni seculo fabulantur poëtæ, suo quenq;
sponte fungi officio, an tu hic clamabis perire bene-
facta, quod nulla lex præmii decernat? Vti lex
non nuntatur nisi improbis, ita non pollicetur opti-
mis cuius. Quorsum enim opus promisso, cū uir-
tus absoluta, abunde seipsa contenta sit? Proinde
petere, quod illa non sit pollicita, profecto plus quā
impudentissimum est, improbe flagitare, quod ea
candide, cui uiliterq; promiserit, cuius est probitatis nō
satis spectatæ. Tu quid merueris, paulo post excutie-
tur, interim finge sanè, præcipuam quandam uti-
litatem attulisse, cui tamen ex lege præmii non de-
beatur. Vtrū protinus clamitabis in frugiferū suis-

se officium, ciuitatem in ius uocabis, plebem in gra-
tam uociferabere, minitabere iudicibus nisi tibi mer-
cedem ex animi tui sententia decernant? An po-
tius ipsam uirtutem abunde magnum sui premi-
um iudicabis, oblectabis te conscientia recti, hunc es-
se maximum fructum officij duces, quod de alijs
citra tuum emolumentum benemerendo, ad deorum
benignitatem uidearis accedere? Nimirum hæc ti-
bi futura sunt satis, si modo ciuis sis optimus. Quod
si non contentus istis, aliud adhuc nescio quod præ-
mium desyderes, certe maximo proximum est glo-
ria. Hoc tu iam propemodum tulisti, quanto meti-
ris pretio, uolitare per ora mortalium, celebrari,
laudari, digitis notari nulle, oculos omnium in te
coniectos arcunferre, ista, inquã, uel maxima præ-
mij pars. nam pecunia sane quàm exiguum mo-
mentum adfert, tu conatus duntaxat es. per magna
portio, uel caput potius ipsum tuo deest facinori. At
cum interim his rebus frueris, dū non occiso tyrā-
no, tamen uelut tyrāniada celebraris, quæso te quā-
tula pars abest à tuo præmio, quod laturus eras,
etiam si tyrannum occidisses. Postremo istuc ipsum
præmium penè dixerim inuidendum mihi uide-
tur, quod iam tibi licuit toties Reip. tyranniadiū
imputare, quod in celebri iudicio tibi contigit hone-
stissimum præmiū flagitare, et in tam frequēti thea-
tro spectante Rep. magnificam istam tuā tragœdiā
peragere. Mihi uidetur iudices beneficij tulisse gra-
tiam quisquis exprobrare beneficium potuit. Tu
fortunæ, tu deorum munus imputas ciuitati, &

sunt fortassis, qui tibi libertatem acceptam ferant.

An hæc tanta præmia contemnis? quæ uel uero tyrannicidæ sufficere debuerant, nisi lex maluisset præmio conatum ab effectu distinguere. Quamquam nullum me hercle præmium magis congruit ei, qui tyrannum conatus sit occidere, nec occiderit, quam ut illi contingat tyrannidæ præmium sperare, nec ferre tamen. Hicaine erat ille gradus, in quo nos tecum commemorari iubeas? Quamquam hoc nomine tuus conatus minus promeretur præmium, quod aliorum proposito fortuna modo defuit tibi uoluntas, ut ais. Effecisti, quod uoluisti. id quod erat necesse, nec fecisti nec uoluisti. sed iandudum alium gradum (ut uideo) circumspectas, in quem te recipias. Nam in hoc quam atra omnem præmijspem consistas, intelligis. Age, sequemur te per omnia, & aliunde aliò fugitantem persequemur, nec usquam si nemus consistere. Atque non tantum aggressus sum inquis, uerum etiam occidi, nempe filium, atque id factum in duo secas tyrannicidia. & quod filium sustuleris plus quam tyrannum, tum tyrannidis successorem, & quod parenti, necato filio, mortis causam ministraris. De illo mox. nunc hoc cuiusmodi sit, inspiciamus. Parentem ais abs te, iugulato filio, eadē occisum opera. Negas enim referre, qua uia peremeris, modo sustuleris. immo splendidius istuc uideri uis, quod tuo quodē ense, uerū ipsius dextera sit interceptus. Hæc tam honesta iudices oratio possit parum attentum fallere, præsertim hoc rem fucis illis suis, et phaleris uenditante, dum nobis ob ocn

los ponit, ualidum illum, florentemq; iuuenem, sic
patri adamatum crebris uulneribus confossum, pa-
rētem, senem, miserum, illi circumfusus, eodē exani-
matum ense, sanguinem utriusq; interea se confu-
sum. Ista quidem dictu splendida, sed quid ad tu-
am causam attinent? Nemo tam cæcus, qui non ui-
deat, nemo tam effrons, qui neget, spectaculū illud
multo omnium iucundissimum extitisse ciuitati, cū
senem tyrannum iuuenem uideret incumbētem,
exanimum exanimi, & in altero gauderet sese le-
uatum malis præteritis, in altero futurorum metu.
Hæc cum per se maxima, cum Reip. sint gratissi-
ma, quid attinet uerbis exaggerare? Illud unum
in hoc iudicio uertitur, utrum tibi acceptum ferri
oporteat, quod pater sine controuersia tyrannus oc-
cisus est, an fortunæ, superumq; dexteritati. quod
enim tuo gladio pemptus est, id uero quā est fru-
tile, nihilq;. Quid si tuo gladio ab eo, qui eum uide-
dum abs te rogasset, tyrannus esset necatus, num tu
protinus tyrannici præmii petitionem uenires?
Lex occisori pollicetur honorem, tu eum iugulasti,
de quo certe controuersum esse poterat, tyranni no-
mine censendus esset, nec ne, cum, de quo nihil erat
dubitationis reliquisti. Si prudens, prudens exadi-
sti a præmio. sin metu, multo minus etiā causæ est
postulandi muneris. uerum illud tute uehementer ur-
gebas, uti prudēs, uolensq; reliquisse uiderere. sed
quod tandem erat istud tuum consilium, cum tibi
sic in manu esset, non toto metu liberare Remp. sed
ultorem tui facinoris, & uerum, certumq; tyran-
num relinquere?

num relinquere? intelligebas (ut ait) omne negoti-
um confectum, extincto iuvene, propterea quod
modis omnibus futurum praescires, ut senex ilico
sibimet eodem gladio necem conscisceret. Videte iu-
dices in manifestissimo mendacio qua rima conatur
elabi, nisi diuinandi scientiam commentus fuisset,
non poterat hinc explicare sese. Siquidem haec uel
augur, uel aruspex, uel uates diceret, fortasse non
nullos inuenires, qui ista praedicanti fidem essent
habaturi. Nunc quid impudentius, quid uanius?
quid ueri dissimilius, quam asseuerare, id certum
praescisse te, quod tale sit, ut quiuus alius exitus po-
tius fuerit expectandus? An coniecturis es asse-
ctus, id euenturum, quod euenit? Ad quid aliud ef-
ficia coniecturis poterat, nisi ut uel sperares, uel su-
spicarerere? Porro in re tam ancipiti, quae dementia
erat spem incertam sequi, discrimen certum negli-
gere? Sed audiamus obsecro, certas illas coniecturas,
quibus hic noster uates praesensit inopinatum omni-
bus exitum. Iam aetate fessus erat inquis, iam uiri-
bus defectus, nec obtineri iam autumabat posse ty-
rannidem, adempto filio. Tum indulgentius ama-
bat, quam ut filio uellet esse superstes. Nonne sen-
tis haec adeo non esse naturae rerum consentanea,
ut iam omnibus uideantur esse confutata, uel prius
quam refellantur? Vtrum seni mentem ullam fuis-
se putas, an non putas? Si non putas, fieri potuit,
ut illi tutum uideretur, quod neutiquam erat tu-
tum, atque ita protinus toto falleris augurio. Sin pu-
tas sapuisse, cur erat, quod usque adeo diffiderat?

Quasi uero tyrannus uiribus duntaxat unius ho-
minis, ac non multo magis ingenio, uersutia, callidi-
tate, largitiōe, crudelitateq; contineatur, quæ omnia
si magis in senem, quàm in adolescentem compe-
tunt, cur tu in diuersum torques augurium? An nō
illa ætas usu rerum callentior est? an non altius dis-
simulat? an non cauet diligentius? an non prospicit
oculatus? irascatur implacabilius? tenacius iniuriæ
meminit? meliusq; in longinquum consulit? His so-
lis rebus imperium tyrannicum administratur.
In militiæ duce, quantulum est illud momentum,
quod corporis uires adferunt? at in tyrannide pro-
fecto multo minus. Cur magis illum terreret adem-
ptus filius, quàm extinctus satelles quispiam auda-
cior? cum arx superesset, approbe munita, superes-
sent opes, arma, satellitum ingens agmen, tot in ciui-
tate factiosi, potentesq; qui non solum tyranni par-
tes adiunabant, uerum etiam tyrannos agebant.
Quos equidem spero nunc nobis non esse metuen-
dos (nolim enim infæusta ominari) at ita tamen ne
nimium secure negligentur, usque adeo ne senem
cruda, uiridiq; (quod omnes norunt) senectæ calli-
dum, animosum, ambitiosum, non stultum, una fi-
lij mors consternauit, ut rebus desperatis protinus
è uita sibi migrandum duxerit? Præsertim cum
ille patris dominatum nihilo reddiderit tutiorem,
sed multo inuidiosorem, idq; ob libidinem, atque
ætatis insolentiam, temeritatemq; adeo ut expedie-
rit propemodum illi ad stabiliendam tyrannidē
filium è medio tolli. Etenim quo propius ad iustū

nu

Regni speciem accesserit tyrannis, hoc minus est inuē-
die obnoxia, magisq; tuta. Iuuenis ille solum hoc
augebat, quod maxime tyrannos solet euertere.
Vera illa tyrannidis munimenta in callidi senis pe-
ctore erant collocata, sed tenerius adamabat fili-
um, quā ut defuncto posset superesse. De mater-
cula quāpiam priuata loqueris, an de uiro sene, cal-
lido, crudeli, denique tyranno? Quid ego iudices
in eo sermone argumentis coarguendo sumam ope-
ram, quem ipsa natura, quem mos, quem commu-
nis omnium sensus repudiat? Quis unquam istuc
audiuit? tyrannum usqueadeo pio in liberos su-
isse animo, ut non dicam commori uoluerit, sed cō-
uiuere commode querit? Credite mihi priuatorum
isti sunt affectus. Tyrannus neque quid natura,
neque quid pietas, neque omnino quid sit officium
nouit, Exiit hæc omnia, simulatq; tyrannum in-
duit. Omnia commodis, omnia metu, omnia necessi-
tate metitur. Solos hos amat (si quos tamē ille amat)
qui uel deos ipsos odit, quos aut metuit, & tollere
non dum expedit, aut quorum opera, ministerioq;
ad fulciendum imperium indiget. Quod si ullos
ille posset amare, similes certe sui diligeret, impi-
os, uiolentos, rapaces, scelestos, quando nihil ad con-
aliandam charitatem efficacius morum similitudi-
ne. Atqui ne improbi quidem illi chari sunt, ni-
si quatenus adiunant. A deo ut præposterum,
uel peruersum potius quendam stoicum tyrannus
exprimat. Neque enim quisquam tam stoicus fuit,
ut æque uacaret omnibus affectibus, atque tyrannus

mus. hoc modo illos discernit, quod philosophus honesto metitur sua consilia, hic commodo. An ille ullum pietatis igniculum in quenquam mortaliū sentire potuit, qui in patriam uitæ parentem, altericemq; qui in cœlites omnium bonorum auctores, tam sit impius, ut illam crudelissima opprimat seruitute, horum phana despoliet, iura contemnat? Verum ut largiamur tibi non nihil, sinamusq; te priuatos affectus in tyrannicum pectus, hoc est ignem in flumen transferre, an tandem persuadebis illud, usque adeo indulgenter illum admasse filium, usque adeo in eum omnes uitæ suæ spes, uoluptates, opesq; semel contulisse, ut illo sublato, ne minimam quidem uitæ causam sibi reliquā esse putaret? Repete, non dicam ex hac ciuitate, uerum ex uniuerso mortaliū genere, non ex hoc seculo, sed ab orbe condito, et ab ipso (si uis) Promethei simulachro, Quotus quisq; fuit pater, quanta quæq; matercula, quæ ob liberorum necem sibi fatum acersiuert? Naturalis hic dolor, et quē nemo ferē non modeste ferat, priuatis parentibus, uel indulgentissimis, muliercularum intemperatissimis affectibus mediocris luctus sufficit, tyranni in filium charitati non nisi solam mortem satisfacturam esse tu lyncæ præuidebas? Age hoc quoq; tibi donamus, uicerit homo tyrannus priuatorum in liberos pietatem, uicerit indulgentia materculas omnes, qui tibi compertum esse potuit, utro se dolor paternus inclinaret in rabiem, an in desperationem? Quo diligebat impotentius, hoc erat

probabilius, ut senex natura ferus, quibus infensus, uel maxime uellet esse superstes, uel ob id denique, quo ueterem illam iram, nunc filij necesse acerrime exasperatam, irritatamque; Reip. supplicij saturaret. Quod si aliàs uitæ pertesum fuisset, hæc nimirum una causa poterat illum in uita retinere. Quid autem senili animo uindictæ cupidius? An nescis, quàm impotentes ætas illa concipiat impetus, quo rapiatur æstu, quo flagrare soleat incendio, si quando atroci, insignique contumelia lacessatur? Quæ uero potuit esse atrocior, quàm filij cædes, sic amati, ut tu quidem ais? Hæc nimirum quicquid in illo fuerit unquam crudelitatis, quicquid sæuitiæ, quicquid immanitatis, si qua sanguinis sitis, si qua suppliciorum fames, denique siquid tyrannicum, id omne semel de integro poterat excitare, quasi que; renouare. Mitiora etiam animalia datæ orbitatis iniuria in rabiem solet agere, et tu tyranno (quo nullum animal immitius) nihil tale metuendum esse certissimus augur existimasti, quod in tigribus uidemus euenire? Quod si tibi unum cõpertum erat tyranno sic in delitijs esse filium, quid igitur aliud tua fiebat opera, nisi ut sæuissima illa tigris, rapto catulo, in rabiem uersa, in miseram hanc ciuitatem dilanandam, discerpendamque; insiliret? Id si non euenit, magna dijs gratia, tibi magnum debetur malum, qui quantum ad te pertinet, tam diram belluam in nostra capita, fortunisque; immiseris. Elige nunc utrum malis, an uerum fateri, nihil fuisse tyranno cum nostris affectibus

commune, an confingere, sic adamasse, ut mater-
larum quoq; uicerit delitias. Certe neutro modo
tua constabit diuination. Quæ nisi constiterit, nō est,
quod ad eius rei laudē aspires, quæ fortunæ commo-
ditate te imprudente euenerit. Postremo donemus et
hoc tibi, ut præsciueris, et certum præsciueris, deo
uidelicet quopiā te certiore faciente, nam aliqui
fieri nequaquam potuit, perinde est, ac si non præ-
scieris, cum præscientiæ tuæ fidem legi facere non
possis. Profer qbus prædixeris, id euenturū, qd eue-
nit, doce qd deorū quando istuc tibi prænūtiarit. Ni-
hil habes, quod dicas. Verum posteaquam rem fe-
liciter euenisse uideres, tum demum post factum ua-
tes esse cœpisti, quēadmodum uulgo tum fieri, tum
dici consuevit, post euentum stultos etiam sapere,
Et quo fortunæ beneficium uerbis in te transmo-
ueres, tragœdiam istam nobis comminisci cœpisti,
causas reperisti, quibus præscisse uideare. sed dū
boni, quā non bonum poētā te præstisti, qui
tam inconsistentia, tam cum natura pugnantia fin-
xeris, seuiſſimum tyrannum ob pietatem erga fi-
lium ultro uitam fugisse, ob unius capitis necem,
tutum sibi non putasse in uita commorari, cum o-
mnia superessent, quibus tyrannus Et paratur, Et
obtinetur, sublato eo, in quo omne tyrannidis præ-
sidium collocarat, repente rebus suis diffisum, ad
inferos abiisse. Age mitto nunc argumenta, hæc o-
mnia uera non ficta credemus esse, tametsi ne su-
cum quidem ullum habent ueri. Si mihi ex omni
hominum memoria uel unum tyrannum potes no

minare, qui liberos suos sic adamarit, ut non spades, ac pellas longe prætulerit, qui sic illis indulserit, ut non suspectos haberet, observaretq; qui sic illis sit fesus, ut non in barbaris quibusdam latronibus, ac seruis stigmaticis plus quam in illis fiduciae posuerit, Ego tibi permultos referre possim, qui filios sic oderint, ut uiuos esse pati non possent, adeo metuerent, ut ne cibum quidem unum capere uellent, adeo diffiderent, ut tum demum se tutos esse putarent, si quis illos e medio submouisset. Nullus inutilior tyranni satelles, quam filius. Ex extrema barbarie conductitios manuunt ille sicarios, fugitiuos, homicidas, sacrilegos. His uitam suam manuunt committere, qui sua patria frui non possint, & alienam euertere gaudeant, qui barbaras, ferinusq; uiribus antecellant, & gigantes illos impios referant, qui propter animi cupiditatem, non difficile ad quiduis periculi suscipiendum perducuntur, & propter ingenij feritatem a nullo facinore abhorrent. Hi sunt idonei tyrannorum ministri, hi fiducia, munimentum, praesidiq; tyrannidis multo tutissimum. Hos siquid ademerit, causam uideatur dedisse, cur rebus tyrannus diffidat. Nam filius qua tandem ratione dominatum sustinebat? aetate? at utilior aetas grandior. Robore? unus erat. Prudentia? magis sapit senectas. Custodijs, quas obtinebat? at si aduersum patrem obtinebat, mors illius seni etiam optanda. Si patris nomine, quid nisi unus satelles ademptus erat? Nam custodia quo deficerent, nisi ad eum qui alebantur? Tu

901
Q. INMACULATA
tior igitur erat futurus tyrannus amoto filio. Res
enim tyranno suspecta filius uolentus, & inso-
lens, propterea quod reliqui illi Barbari solo lucro
contenti sunt. Filius illud præmium spectat, tyran-
nidis successionem. Nec ullus pietati locus, ubi men-
tem possidet dira regnandi libido. Ibi contemptis
naturæ legibus, & filium horret pater, & patris
interitum optat filius. sed dicturus iandudum ne-
scio quid mane, præfensi, nihil inexpugnatum omit-
tam, urges. Nisi præter modum adamauit filium,
nisi diffusus est, cur sibi mortem consciiuit? Istuc uero
merito demirandum, quippe quod præter omnium,
ac tuam etiam spem euenit. Verum ego nihil ad
me pertinere puto, ut tibi rationem reddam, quid
illi dii in mentem inuenerint, ut sibi uim adfer-
ret, hoc tantum euincere sat est, te nullis coniecturis
hunc exitum certo præscire potuisse, quantumlibet
amarit filium. tametsi causa non admodum obscu-
ra. Iam deorum siqui fuerunt huic infensi Reip.
iras diuturna nostra calamitas satiauerat. Iam pro-
pitios nostra uota, nostra sacra commouerant, ade-
rat illud fatale tempus, cum impius ille senex, diis
atque hominibus dignas admissorum pœnas da-
turus erat. Iam aderant ultrices Erynnes, aderant
Furiæ, faciæ, & hydris omnibus armatæ, hæ illi
mentem ademerunt, hæ uanam formidinem incu-
serunt, hæ attonitum ad spontaneam sui cædem im-
pulerunt. Nihil minus arbitrabatur, quàm fugisse,
qui filium peremerat, q̄ una cæde contentum fore,
qua quidem una in re iure potes gloriari, quod ty

tyrannum uehementer fefelleris, uirum esse putabat, qui hoc facinus peregisset. Credebat esse talē, quales audierat esse solere tyrannos, qui magno suae uitae contemptu tyranni caput impeterent, qui non adoriretur facinus nisi ratione probe perspecta, qua possent perficere. Hanc suspicionem pan ille, aut si quis alius est deus nouis terriculis exagitabat. Arbitratur instare sibi carnificem, sensit adesse necessitatem illam fatalem, quam nemini nocentium uitare licuit. Itaq; quod huius urbis pietati, quod deorum bonitati debetur, cur tu id phaleratis dictis in te transferre conaris? ubi discrimen erat subeundum, ibi fugitabas. Nunc ubi res praeter spem pulchre cecidit, tutumq; putas, fortunae laudem in te deriuas. sed finge diuersum exitum fuisse consecutum. Pone tyrannum ira peratum, passim ciues ad exquisita supplicia rapere, proscribere, iugulare, in exilium agere, possessionibus exuere. Quid hic dices? Non fines opinor, eorum malorum causam in te, tanquam in authorem referri, & fortunae argumento culpam deprecaberis. Negabis tibi imputandum esse, siquid fortuito praeter propositum euenerit. At nunc non ne iniurium est, ut qd boni, fortunae commoditate praeter spem euenit, id totum in te uelut authorem uelle traducere? Etenim te nihil expectasse minus, quam id, quod euenit, uel ipsa res clamat. si hoc animo conscendisses arcem, ut filium, non patrem occidisses, credi poterat te talem quandam spem animo concepisse, nunc casu nescio, an metu potius in inuenem inadisti, & tum

deniq; diuina ista mens, & futurorum præfaga, sed
quæ non nisi post euentum sua prodat oracula, te
corripuit, cum esset fugiendum. Ibi demum iudi-
ces in re tam tumultuosa, secum uelut otiosus consul-
tare cœpit, utrum senem sua dextra dignum exi-
stimaret. Ibi demum præuidere cœpit fore, ut pa-
ter ipse sibi manus adferret. Et quo commentum tam
impudens iudices efficiat paulo probabilius, quæ
nec uidit, nec uidere potuit, ea perinde descripsit
nimirum (ut ipse iactat) Poëta, quasi spectator as-
terit, quid in mentem uenerit tyranno, quid dixe-
rit, quid fecerit, quomodo ferrum strinxerit. Eius-
dem profecto impudentiæ fingere præscisse se, qd̄
esset euentu consecuturum, & quod non uideris, id
ita narrare, quasi uideris. Quanto melius tuo com-
mento idest fabulæ sua fides constisset si ita fin-
xisses, te cum perempto iuvene, stricto gladio ad
senem ire destinasses, repente a tergo adfuisse Pal-
ladem illam Homericam, & iam euntem capillis
reuocasse te, uetuisse, ne tam luculentum facinus se-
nili cæde obscurares, sese atra tuam operam, cura-
turam, ut ille suapte manu, sed tuo gladio perem-
ptus gloriæ tuæ nihil tenebrarum offunderet, sed
multum etiam adderet lucis. dehinc abditum te per-
rimam contemplatum, uel (quod est te dignius) re-
pente deam sepsisse te nebula, ut tyrannicæ neas-
tutus, & otiosus spectator assisteres, nec prius illinc
discessisse, quàm negotium omne confectum ui-
disses. Hæc si confinxisses, paulo minus malum poë-
tam te præstisisses. Sed otium, opinor, non suppete

bat ad oēs fabulæ partes commodè tractandas.
Videlicet lucri cupiditate, te protinus ad præmium
postulandum rapiente. Nunc uel ipsa te prodit in-
constantia, figmentiq; coarguit. In arcem ascendi-
sti, quo tyrannum occideres, neq; tum præuidebas,
quod sole ipso clarius uideri uis. In medio negotio
subito nescio quis deus oculos tibi restituit, ut uide-
res futurum id, quod accidit. Porro si ueris fidem
facere uoluisses, narrare debueras, quemadmodum
nocturnus explorator, furtim arcem conscenderis,
in aedes clanculum irrepseris, forte fortuna obui-
o nemine, non dicam, ut tolleres aliquid, sed ut expe-
rieris, si quod tuto facinus posses designare. Hæc
molienti commodum fauisse fortunam. Itaq; cum
adolecentem solum, atque incustoditum offendisses
(ut est ea nimirum ætas securior, periculiq; minus
cogitans, præterea diuturna tyrannis iam magnam
metus partem exuerat) tum haud scio (ut mores il-
lius erant) multo uino sepultum, atq; immodica li-
bidine defessum, fortiter iugulasse scilicet, et somnum
illi cum morte, idest germanum (ut ait Homerus)
cum Germano coniunxisse, deinde ubi iam cardines
procul stridere cœpissent, exaudito uidelicet mo-
rientis gemitu, ibi te metu exanimatum ita fugisse,
ut non uacaret gladium è uulnere tollere, quem
nec parricidæ, nec sicarij solent relinquere ne depre-
hendantur. Interea domi latitasse te, iandudum de
fuga cogitantem, et longinquas aliquas, semotasq;
mundi latebras animo circumspectantem, in quibus
abditus posses irritati patris sæuitiâ fallere. Iamq;

te ad spontaneum exilium acincto, repente in uul-
 gus exiisse famam, liberam esse ciuitatem. Tyrannū
 unā cum filio iugulatum, reliquos metu fugisse, au-
 thorem ignorari facinoris. Ibi repente ad nouam
 tuæ fabulæ catastrophē, immutasse te animum, et
 q̄ prius de salute fueras sollicitus, protinus ad præ-
 mii spem arrectum fuisse, lucriq; auditate, prius
 quā tibi satis esset excogitata ratio, qua totam hu-
 ius inopinati euentus laudem in te traduceres, prosi-
 lisse in medium, id quod uidimus, clauitasse tuum
 illum esse ensem, tuum facinus, non unum præmi-
 um tuæ uirtuti fore satis. Hæc nemo non credidisset,
 sunt enim rerum naturæ consentanea, usu cō-
 probata, omnium opinione recepta. At tu, dum se-
 dulo quidem, sed tamen parum ex arte, tuam no-
 bis præsentia niteris persuadere, quā multa com-
 minisceris, non dicam tota facie à uero distantia,
 uerum etiam cum sensu communi, cum more, cum
 natura penitus pugnantia, primū tyrannum tam
 matris filium adamasse, ut sine eo uiuere nolue-
 rit. sic ob unius mortem, metu fuisse consternatum,
 ut in uita manere non sit ausus, sic illi toto pectore
 fissum, ut ipse nullas circum se custodias haberet,
 adeo fracti animi fuisse, ut tam chari pignoris tru-
 culenta cæde non potuerit aduersionem inflamma-
 ri, tam inualidum, ut tua dextra fuerit indignus.
 tam inermen, ut nī tu illi gladium reliquisses tuum,
 de futurum fuisse, quo se iugularet. Nō uides quā
 non competat tam insignis in tyrannum pietas,
 tam secura in eam ætatem fiducia, tantus metus,

in hominem excepto filio, reliquis omnibus præsi-
dijs munitum, tanta consternatio in hominem tot pe-
riculis exercitatisimum, tanta imbecillitas in ira-
tum? Quid igitur erat, cur tu senem illum tantope-
re contempseris? ut indignum habueris, qui tua
ista magnifica dextera iugularetur? Tu ne indi-
gnum iudicabas, quem occideres, cum eum Resp. nō
putarit indignum, quem formidaret, quem maxi-
mo suo cum dolore ferret? Non talem illum iudices
non talem sensimus, ut cuiquam contemnendus ui-
deri debuerit. Neq; tu eum unquam contempsisti, ni-
si forte contemnere est, misere formidare. Sciebas ar-
cem armis refertam, sciebas superesse satellites, quo-
rum uel unus (si seni uires deerant) sufficiebat iu-
gulando tibi. Non ignorabas (id qđ nemo nostrum
nescit) quantum uirū illi partim exercitatio, par-
tim ingenij feritas, etiam in illa senectā relinqui-
erat. Tum non te fugiebat, frigidum illud senium
sic interdum acri dolore inflammari, ut iuuenibus
etiam ualidissimis, sæpenumero fuerit intoleran-
dum, si quando solitum illud robur, quod ætatis ge-
lu uelut obtorpuerat, magno aliquo animi motu
recanduit? Quis autem tam inualidus est, ut non
illi pudor, ira, dolor ingens uires suppeditet? Hoc
erat uidelicet, cur tu filium quādam patrem malue-
ris occidere, quod illum inopinantem, inermem, dor-
mientem fortuna obiecit. Cū hoc pugnandum erat,
armato, uallato, irato deniq;. Hoc erat, cur gladiū
relinqueres, ratus ne tantisper quidem morari tu-
tum, dum reciperes, metuens uidelicet ne tantillum

sarcinae te redderet in fuga tardiozem. Reliquisti inuitus, quo tyranno prodi posses, sed prodi maluisti, quam deprehendi. Neq; ego nunc formidinem tuam accuso, immo miror magis, quod pedibus consistere, quod fugere potueris, cum audires moueri tyrannicam familiam, stridere arma intelligeres tibi non cum puero, sed cum uigilantibus uiris, acinētis, armatis, sobrijs, irritatis, deniq; cum rabioso patre dimicandum esse, non quod illum usque adeo filij mors commoueret, sed qđ arbitraretur, et haud scio an uere se petatum fuisse, dexterā tuam errasse tantum in filio. I nunc, & spera, non dicam hos iudices, uiros omnium perspicacissimos, sed uel ē media plebe quēquam esse tam mucosis naribus, cui non suboleat, immo qui non plane odoretur, persentiatq; totam hanc fabulam abs te confictam. Et, quod poētae solent, cum haerent in explicando Tragoediae argumento, hanc ueluti deam diuinationem arte quadam induxisti, quo praesensionem tuam iudicijs probares. Sine qua uidebas praemium obtineri non posse. Sed occasionem (inquit) ministraui paternae mortis, qui gladium, quo se feriret, reliquerim. Atq; id solum non modo satis esse putat ad petendum praemium, uerum etiam meritum esse, ut ipse ens inter arma deorum consecratur, dominus pro deo praesenti colatur. O' hominem suauem, si has spes uere concepit, impudētem si cum non speret, postulat. Ita ne tyranno gladius erat defuturus, nisi tuum illum reliquisses? Tu in arcem arma, hoc est in syluam ligna portanda putasti? Nisi forte tuum illud ferrum magis precaminibus erat

imbutum, ut ultro ad mortis adegerit necessitatem.
An uero nihil referre putas, quam praebeas occasio-
nem, quomodo, quo animo? Primum gladium re-
liquisti, quo nihil minus deest tyranno, nunquam
ferrum abest, non in cubili, non in triclinio, non
in sacris. Reliquisti metu trepidus, tua quidem in
re illud interim deniror, qua fronte eum gladiū
tuum ausis appellare, quem habueris pro dereli-
cto. Metu inquam exanimatus reliquisti, quem po-
stea receptum optabas, reliquisti rem ancipitem, qd
si tyrannus illum eundem ense in ciuium iugu-
los destrinxisset? quid si eodem lectos aliquot ex hu-
ius urbis iuuentute adolescentes, filio suo inferias
mactasset? Si tyrannum occidisti, quia tuo occisus est
gladio, & horum omniū indigna caedes ad te per-
tinebit, quippe cuius ense peracta est. Id si non eue-
nit, nihil ad te pertinet, nam anceps occasio quam
in partem cadat, id dijs in manu est, si bene uerte-
rit, nihil gratiae debetur ei, qui dedit imprudens.
Sin male, temeritas imputatur. Neq; enim culpa
uacat, qui periculosam ministrat occasionem, quæ si
feliciter, mirentur omnes, sin infelicer, merito acci-
disse dicant. At quanto probabilius erat futurum,
ut tyrannus tuo ense alios in usus abuteretur. Scio
me iudices hæc pluribus refellere uerbis, quàm ne-
cesse uideatur, quippe tam friuola, uerum id mihi
propositum est, nullum illius argumentum non ex-
cussum, non exagitatum, non reuictum prætermi-
tere. Quare quæso, ne pigeat ita ut ante hac fe-
sis patienter, atque attente cognoscere, dum hunc
ab gradu firmissimo deijcio. Hic sibi uehemen

ter fidebat, hunc acriter urgebat locum. Negaba-
uitari posse, quin præmium deberetur,
quod patri necis causam ministrasset, si non reli-
cto gladio (nam hoc opinor, argumentum iam ha-
bet pro derelicto) certe necato filio. Nam ita in legi-
bus differtum aiebat, nihil interesse, utrum manu
sua quis occidat, an mortis causam præbeat. Adde-
bat æquum esse, ut cum in maleficijs causam da-
tam imputarent leges ad supplicium, multo magis
idem observarent in beneficijs ad præmium. Hæc
aiebat meminisse sese in legibus esse disputata, illud
addens Thraſonicum, nisi sibi diuturna seruitus le-
gum memoriam oblitterasset. Non tu legum obli-
propter diutinam desuetudinem, sed nunquam
sibi uelint leges inquisisse uideris. Bis enim hic er-
ras, qui neq; causæ datæ rationem, neq; dantis ani-
mum discernas, id quod legibus traditum est, nec
animaduertis, longe diuersam esse rationem, malefi-
cij, & beneficij imputandi. Quid ais noue iuris
interpret, ita ne satis esse iudicis, uel ad pœnam, uel
ad præmium, qualencunq; quomodocunq; causam
dedisse? Nihil igitur refert, Hector an Aiace occi-
derit manu, an gladium illum dederit, quo se po-
stea confodit? At qui hanc laudem nunquam ille si
bi uindicasset, tametsi probabile uideri poterat, in
eum usum hosti ab hoste datum fuisse ferrum.
Quin ergo fabros ærarios omnes uel ad pœnam
uocamus, uel ad præmium, quoties armis in eo-
rum officina perfectis aut iugulantur ciues, aut ser-
uantur? Postremo cur hoc, quod tu petis, præmium,
non ensis

non ensis istius tui opifex peuit potius? Tyrannus
 gladium erat habiturus, te non porrigente, tu por-
 rigere non poteras, nisi huius industria tibi mini-
 strasset? Age si telo inter uenandum temere misso,
 forte tyrannum uicinum interfecisses, clamares tibi
 tyrannicidæ deberi præmium? An potius nihil tibi
 deberetur laudis, quod imprudens, & inscius ia-
 culum torcisses? Immo inius potius uocandus esses,
 qui missi teli temeritate auem (quod in te fuit) occi-
 deris, nam quod in tyrannum incidit, id nihil ad
 te. Quid si caupo uinum lene, ac suaue, quale Po-
 lyphemo dedit Ulysses, tyranno uendidisses, atque
 ille eius dulcedine captus auidius sese ingurgitasset,
 eaq; re concepta febris decessisset, auderes ne cau-
 po, uini titulo tyrannicidæ præmium flagitare?
 At quis non te cum tua flagitatione, ut temulen-
 tum, uinoq; madidum exploderet? Cæterum quan-
 to frigidiore titulo nunc idem postulas? Vt cunq; con-
 iecturis præcipi poterat, ut ætas uinosa tam illici-
 bili uino auidius, intemperantiusq; frueretur, cra-
 pulam consequeretur morbus, præsertim in sene,
 morbum mors. Vulgo hæc eueniunt. Tu eam tyran-
 no mortis causam dedisti, cuius nullum extat in ho-
 minum memoria exemplum. Quis enim antehac
 ob filij necem sibi manus intulit? A cædam propi-
 us. Finge te tyranni coquum esse, probe callere pa-
 latum domini. Medicos interdicere cibum, quo ta-
 men ille oppido quàm lubens uescatur, interminari
 morbum capitalem, ne temperet. Id te non fugere,
 cum cibum, tu arte tua, cupedijsq; & condimentis

magis, ac magis ille æbrosum reddis. Consequitur
edentem morbus, quem prædixerant media, emo-
ritur tyrannus, liberatur ciuitas. Hicaine coquus è
culina in forum profiliens, & adhuc iure madens,
fuligine niger, tyrannicæ præmium postulabis?
Mortarium, tunsillum, & ollas ostentabis, arma sc̃i
licet, quibus tyrannidem expugnaris? Non eris opi-
nor tam impudens in ea causa, qua tamen ista tua
multo est absurdior. Nam illi uoluntas occidendi
non defuit. probabilem præbuit causam. Tu nec in
hoc iugulasti filium, quo pater ultro uitam relin-
queret, & causam dedisti ad quiduis potius quam
ad istud idoneam. Accipe exemplum tuo similis,
quàm ouum sit ouo (quod aiunt) simile. Quid sit ty-
ranni amicam, quàm ille misere, ac p̃dite deperisset,
occidisses, eaq; cognita re tyrānus sibi uitam abrū-
peret, auderes ad præmium aspirare, auderes dice-
re, te certum præscisse, fore, ut tyrannus sponte su-
geret è uita? Certe quanto plures amicas extin-
ctas secuti sunt, quàm filios. Nemo tamen tibi cre-
deret, nemo tibi præmium decerneret, tuū factum
periculosum, & anceps dicerent omnes, fortune
gratias haberent, cuius commoditate res ea felici-
ter cessisset. Tibi abunde magnum præmium exi-
stimarent, si commissi uenia donatus discederes.
Primum igitur diuersam imputandi maleficij, &
ascribendi beneficij rationem conueniet distingue-
re, deinde causæ qualitatem, postremo animum,
atque ita denuum liquebit, quid tibi lex debeat.
Nam quod aiebas legem prolixiorē esse oport-

tere ad reddendum præmium, quàm ad infligendam pœnam, id in priuilegijs, quæ in exemplum non uocantur, fortasse locum habet. In iure communi longe secus est. siquidem (uti superius demonstraui) nulli nocenti lex non minatur pœnam, paucis benefactis præmium ostendit. Tum in maleficijs etiam conatum simplicem supplicio prosequitur, in benefactis semper exitum requirit. Nec mirum, nec iniquum, si lex est diligentior in eo negotio, ad quod unum est nata, atque instituta, quàm in eo, in quo temporis ratione tanquam alienas sibi sumit partes. Ergo in utroque communiter spectat, ut causa sit idonea, deinde ut animus adsit non tantum casus. Hoc rursum interest, quod in benefactis nec causa idonea, nec animus idoneus satisfaciat legi, nisi his accesserit euentus item idoneus. In malefactis, siquid nocendi animo tentes, non expenditur nec euentus, nec causa, sed ex animo factum tuum lex metitur. Sic enim iudicat, tibi nihil ad scelus defuisse, præter fortunam, qua te subleuari, quod tandem ius sit. In euentu simul et causam datam, et animum expendit. si animum uitiosum comperit, nihil moratur causam, quàm sit idonea, putat animum, et euentum ad pœnam commerendam sufficere. sin animo simplici data est causa mali idonea, et non consequitur euentus, lex quasi conuiuet ad id, et non putat ad suam cognitionem magnopere pertinere. sin euentus est consecutus, etiam si de animi uitio doceri non potest, tamen te-

meritatis, & negligentiae nomine poenam irrogat,
partim propter suspectam dantis uoluntatem, par-
tim ut haec latebra, peccantibus eripatur, impru-
dens feci, discantq; homines uel suo periculo caue-
re, quod alieno faciant periculo. Ergo qui prudens,
& sciens certam, atq; euidentem noxae causam de-
derit, eum perinde lex censet, quasi facinus manu
peregerit, ueluti si quis hostem opibus, copiisq; inue-
rit, perinde est, ac si ipse arma contra ferat. Si-
quidem id suppeditauit, sine quo bellum geri non
poterat. Aut si quis inimicum suum per dolum na-
uigio soluti imponendum curet, ut naufragio in-
tereat, aut in conclaue pensili testudine inducat, ut
ruina opprimatur. Aut iuxta lectulum aegroti, lo-
co pharmaci, uenenum ponat, futurum sperans, ut
eo hausto pereat. Tametsi non bibit aegrotus, tamen
ueneficii postulari potest, qui posuit propter uitio-
sam animi uoluntatem. Nam uehementer erat pro-
babile id euenturum, quod ille moliebatur. Huic
si detrahas nocendi uoluntatem, nihil illi cum lege
rei futurum est. Si detracta nocendi uoluntate,
adponas euentum, non effugiet temeritatis crimen,
nisi illum inculcata ignorantia absoluerit. Porro
si in loco non ad id destinato, puta in uia publi-
ca, aut in fundo alieno, arcu temet exerceas, Lex
tecum non agit, nisi si quem occideris, aut uulnera-
ris, aut sicui damnum dederis. Ceterum quod fa-
cis, tuo facis periculo. Quod si quid horum consecu-
tum est, cum lege tibi res est. Neq; tibi tua patrocina-
bitur imprudentia, quippe quae culpa temerita-

tis non uacet. Siqdem in te fuerat præcauere, quod probabiliter poterat prætimere. Vides quanto discrimine dissita sint, inter quæ tu nihil interesse dicebas. Primum non statim imputatur ad præmium, quod ad poenam. idq; non à malignitate legumlatoris, sed partim ex ipsa rei natura proficiscitur, partim à legum officio. Deinde discernitur animus, causa data diiudicatur, spectatur euentus. Age nunc, si libet, tuam causam, qua tuum facinus aestimari uis, expendamus. Finge te certam, ineuitabilem mortis causam tyranno dedisse. Sed imprudentem nulla tibi sit præmij petitiō. Quis enim insciens benemereri dicatur? Fortibus uirus præmia dantur, non fortunatis tantum. Nam euicimus iandudum opinor, ne posthac affirmes te in hoc iugulasse filium, ut pater sibi necem conscisceret, quod euenturum ne uates quidem quisquam præscire poterat, tu nec suspicari. Immo posteaquam rem plenam discriminis fortunæ arbitrio commisisti, quia bene successit, hoc nonine lex te non postulat, at idem si male euenisset, temeritatis poenas eras debiturus. Neque enim tibi succurreret inculpata ignorantia. Quid enim æque formidandum erat, quàm ne tyrannus, simulatq; occiso filio se peti insidijs persensisset, omnia tyrannidis mala in nos conduplicaret? Iam ut de animo res tibi constet, causam dedisti non solum non idoneam, uerumetiam periculosissimam Reip. Vn hoc tibi argumento euidentissimo demonstrari? Finge te quempiam è ciuibus uitio occidisse, tum extincti patrem, id facere

quod modo fecit tyrannus? Vtrum tu duplici ca-
dis crimine teneberis, an simplici? simplici opinor,
At uxor & mariti mortem imputabit, qui neca-
to filio, seni causam mortis dederis, atque his ferme
tuis argumentis utetur. Indulgentissime filium ada-
mabat, in illum omnem familiae curam reclinaue-
rat, illo se oblectabat, atque hæc de privato sene
cum fide dicet, quæ tu de tyranno nimis dure (ne
dicam ridicule) dicebas. Adde ea te scisse, prævi-
disse futurum, ut ille uitam fugeret orbatus filio,
in quo uno omnia uitæ oblectamenta collocarat.
Non tibi defuisse iugulandi senis uoluntatem, sed
hoc tantum egisse, ut miserabilius sua dextra pe-
rimeretur, ut odium tuum plenius miseri patris ma-
lis exaturares. ideo iuuenem necasse, in huc usum
gladium in uulnere reliquisse. Vides quanto sunt
hæc probabiliora in hoc, quàm in tuo negotio, &
tamen negabis paternam necem ad te pertinere.
atque animi suspicionem causæ qualitate purga-
bis. Negabis causam idoneam fuisse, cur ille sibi
met manus adferret. Te nec præscire, nec timere
potuisse id, quod sit consecutum. Quod rarum ex-
tet exemplum patris ob filij necem sponte fugien-
tis è uita. Alioqui futurum fuisse, ut & mater si-
bi fatum accerseret, quippe quam impotentius ama-
re sit consentaneum, ac minus aduersum dolorem
animi uiribus ualere. Hæc non dubitares tibi pro
futura, ad alterum crimen depellendum, & pro-
desse dubio procul. Atqui quod in maleficijs
ualet, nequid imputetur, id multo magis in hac cau-

sa ualet, nequid acceptum feratur. Ibi te liberaret
à uoluntatis suspitione, quod causas parum idone
as dederis, hic ex causis multo minus idoneis pro
pter personam tyranni, uideri uis non modo quod
euenit, fuisse suspicatus, uerum etiam certum præ
scisse. Ibi temeritatis postulari non poteras, propte
rea quod tametsi uitio abs te data est causa, tamen
idonea non sit ad id, quod euenit. Immo ipsi tota res
imputabitur, & legibus pœnas dabit, sepultura
prohibitus, quod ciuitati contra causam idoneam ci
uem unum ademerit. Tibi non nisi unius filij mors
imputabitur, etiam si mater quoq; & filia, & so
rores, & tota tribus huius necem fuerit imitata.
Hic poterat, nisi feliciter euenisset, quippe ubi sum
mum Reip. periculum, & uerteretur, & præti
meri probabiliter posset. Venio nunc ad quar
tum illud præsidium iudices, quod iste tutissimum,
ac penè inexpugnabile iudicabat, unde ego il
lum ita deturbabo, ut non solum sit non habi
turus, quo tyrannicidij, & huius laudis arcem
obtineat, uerum uix etiam latebram inuentu
rus, ubi temeritatis, ac malefici pœnam effugiat,
quo nimirum intelligat, quàm non inimice, non
curiose (ut agebat) secum agam, ut cum pos
sim in crimen, ac pœnam uocare, sat habeam
ab honore non promerito secludere. Aut sibi de
beri præmium, uel hoc uno nomine, quod iu
uenem occiderit, iam plus quàm tyrannum, tum ty
rannidis paratum hæredem, etiam si hunc euen
tum dij non dedissent, ut senex ipse uitam abrum

peret. O' deploratam impudentiam. Tu tibi præmi-
um peteres, si tyrannum suæ furiae nō essent ultæ?
dij quiduis potius dederint, quàm istuc, quod tu fin-
gis. sed tamen fingamus interim oratione, quando
quidem id tuto licet, tametsi ad solam mentionem
inhorrescit animus. Tū ne inquam occiso filio, reli-
cto sene uiuo, tyrannicidæ præmium peteres? An
potius nec ipse superesses, qui possis petere, nec esset
Resp. quæ dare posset? Nam tu aut exquisitus sup-
plicijs exanimareris, aut in extremis Arcadis exul
delitesceres, nos pro tyranno iā immanissimum car-
nificem pateremur, & tuum caput ubique ter-
rarum latitares, diris imprecationibus deuouerem-
us, qui nos tua incogitantia, uel præcipiti magis
lucri cupiditate in tantam malorum tempestatem
coniecisses. Sed re filius erat tyrannus (inquis) pa-
tri præter inane nomen nihil erat reliquū. Quid
ego audio? duos igitur hæc ciuitas tyrannos alebat?
Nam de patre nemo unquam dubitauit, quin tyrā-
ni uocabulum mereretur. Quando autem ante hac
unquam fando auditum est, duos una in ciuitate se-
disse tyrannos? id quod magis etiam natura repu-
diat, quàm eodē in corpore gemina capita. In iisdē
aluearibus duo se reges pariter non ferunt. In ar-
mentis taurus tauro cedere cogitur. In iisdē lustris
non conuenit duobus inter se leonibus, et tyrānus,
quo nullum animal efferacius, parem in eadem
urbe patitur? Non uides necessario fieri, ut ē
duobus, aut alter alterum oppugnet, aut alter alteri
cedat? Vtrum tu fuisse manus in patre, an in filio?

si iuuenis aduersus senem obtinebat tyrannidem,
quid à Rep. præmium postulas? tyranni partes ad
iunxisti non Reip. sin patri cessit, quid tandem il-
lum uocare potes, nisi tyranni uel præfectum aut
satellitem? Quandoquidem seniori tyrannicam ap-
pellationem ne tu quidem audes detrachere, uerum,
ut quoquo modo tyrannidem omnem in adolescen-
tem oratione deriuares, quàm multa tu quidē non
ex re, sed pro causæ tuæ commoditate comminuscē-
baris? Cæterum quàm in his confingendis decori,
quod in personis situm est, nullam habuisti ratio-
nem, sic enim (ut memini) inducebas in fabulam
senem iam ætate mitem, & qui omnem tyrannidis
acerbitatem ob senectam exuisset, nō secus atq; ma-
la, quæ natura acerba, tempore mitescunt, & in
aliū abeunt succum. Porro iuuenem ferocem, il-
lo incolumi gerentem tyrannidem, iamq; patri ui-
uo succedentem. Priuatus paterfamilias non fert fi-
lium, se uiuo, successorem, & tu uis istuc credi in
tyranno? Ille non finit ullum ē liberis rem dome-
sticam ex animi sui libidine moderari, & tyran-
nus sese ueluti abdicans imperio, negotium omne
in adolescentem reiecerat? Non dubito, quin et ipse
uideris, quàm dura sint ista, & quàm à commu-
ni sensu abhorrentia. Verum quid faceres? nisi tales
personas induxisses, exitum inuenire Tragœdia
tua nō poterat. Quæso te, en unquam auditum est,
tyrannum ætate mitescere? Quando tu desines ea,
quæ sunt priuatorum, quæ bonorum principum
tyrannis tribuere? Vt eodem igni cera mollescat,

limus durefcit, ita ætate pleriq; redduntur mitiores, ac temperantiores, tyrannus magis, ac magis exasperatur. Vt tempus nonnullis pomis amaritudinem adimit, at uinis nonnullis acorem conalitat, itidem tyrannis non adimit sæuitiam ætas, sed exaggerat. Vis ipsissimam tyrannici ingenij tibi demonstrem imaginem? Spinam cogita, quæ quo magis senescit, eo pungit acrius. Echinos cogita, qui quo plus habent ætatis, hoc testæ sunt asperiore. Vulgaribus ingenijs fortasse nonnulla uitia senectæ uel detrahit, uel certe mitigat, etiam si plura irritat, nonnulla parit. At tyrannorum mentibus ad scelus, ad crudelitatem natis scelere, & immanitate imbutis, atq; educatis, præter uitiorum omnium incrementum adferre senectæ quid potest? Nisi forte libidinem adimit? Quanquam ista tyrannidis quantula tandem est portio? sed esto fuerit sanè, propter ætatem ad uoluptates segnior, uerum erat fastidiosior, unde fit, ut imbecillior sit ad coitum, ad raptum auidior. Fortasse pauciores huic exebantur ephebi, sed insigniores. Pauciores producebantur uirgines, sed exquisitiores. Cur non autem & plures, uidelicet quo senile fastidium optione, & uarietate uinceret? Hoc ita esse, quot ego tibi testes citare possem? qui quo nobiliores sunt, quo fortuna præstantiores habent liberos, hoc magis eis à flagitiosissimi senis cupiditate metuebant. An tu putas unam cum uiribus senescere libidinem? Multo secus habet. Immo quantum ætas improborum hominum facultati detrahit, tantum adiuvat cupidita-

ti. Quamquam tyrannicum animum his in rebus non tam uoluptatis usus capit, quam nostra delectat contumelia. Ut frigeat in senetyranno uenus, certe feruet, uigetq; malitia, scuitia, nocendi libido. Postremo totum illud uitiorum agmen, quæ propria tyrannorum sunt, cupiditas, rapacitas, improbitas, impudentia, impietas, iracundia, uiolentia, impotentia, suspicio, fraus, perfidia, crudelitas, implacabilitas, immanitas, periurium (Quid autem oportet omnia commemorare nobis omnibus heu nimium nota) horum inquam nullum non ætate fit acerbius, propterea quod inuenta nonnunquam naturæ bonitate uincatur, præterea quædam mala nondum didicit, at senectæ, siquid pudoris, siquid humanitatis, siquid melioris ingenij à natura insitum est, id omne multo, ac diuturno flagitiorum usu penitus exiit, & prorsum in immanissimam quandam feram abiit. Id ita euenisse iudices in execratissimo illo sene, quod ego coner argumentis docere? cum suæ cuiq; memoria abinde satis exemplū suppeditet, quod si iuuenis sese gerebat insolentius, uidelicet patris abutens imperio, nū tu hūc continuo tyranni nomine donabis? Ergo ex eadem tyrannide sexcentos tyrannos facile reddideris. Nam quod est omnino in tyranni familia, uel extremum mancipiū, quod non ipse penē tyranno sit ferocior, uiolētiōr, sceleratior, filius, inquit, emolumentis imperij potiebatur, patri præter nomen nihil cessit. Quasi uero non sit istuc omni tyrannidi commune. Longe minima fructuum pars, qui solent ex tyrannide capi, ad ipsum

redeunt tyrannum. Quemadmodum in latrocinio fieri consuevit, prædæ communiter in omnes distribuuntur. uel in eos potius, quorum opera capiuntur. Alioqui non cohærebit cohors illa scelera, nisi dux ille, quisquis fuerit, plus etiam permittat suis, quàm sibi ipsi. Solum nomen sibi proprie uendicat. Et in nullos est tyrannus indulgentior, quàm in scelerum ministros, quippe quorum opera sentiat suum imperium contineri. Proinde sub unius umbra, satellites omnis, omnis minister, familiaris, leno, tyrannidem quandam in aues exerat. Ridicule fecero, si hoc quoq; coner argumentatione probare iudices, uidimus, sensimus, experti sumus, nisi forte tam diutinæ calamitatis memoriam tam pauculi dies oblitterauerunt, neq; enim esset res usque adeo misera tyrannus, si unius modo foret toleranda uiolentia. Quot ferendi latrones? quot sacrilegi? quot ex extrema barbarie aduenæ, feris quàm hominibus similiores? Neq; desunt qui sese nulent apud tyrannum sceleribus suis gratiâ pro meritis esse, quo nimirum hoc nomine metuantur à ciuibus. Horum igitur unum quenlibet tyrannum appellabis? et pro quolibet occiso tyrannicidæ præmium petes? Non in tantum omnem exues pudorem, opinor. Sed pater ætate fessus omnem dominatum in filium transtulerat, quicquid tyrannicum in urbe gerebatur, id iuuenis uiolentia committebatur. Sed istuc quantum absit ab imagine ueri, quis tam cæcus, ut non uideat? quis tam obliuiosus, ut non possit experimento refellere? Ego tibi complu-

res nominare satellites possum filio insolentiores.
Ad hæc ueri simillimum est, nullius insolentiam
minus approbasse senem quàm filij, uel quod odit
omnem tyrannidis affectatorem omnis tyrannus,
uel quod intelligit ex illius fauoribus longe plus
inuidiæ odijq; sibi conflare (Callidissimi autem ty-
ranni est, eatenus legitimum imitari regnum, qua-
tenus obtineri tyrannis possit) uel quod pater etiã
pessimus, tamen liberorum non nihil offenditur ui-
tijs, et ad crudelitatis ministeria, alienis quàm suis
uti mauult. Quod si clàm patre rapinas, raptus,
atq; id genus facinora designabat filius, profecto
non tyrannum agebat, sed insolentem satellitem, sin
approbante patre, quasiq; per illum exercente ty-
rannidem, utri tandem par erat imputari commis-
sa, huic, per quem gerebantur, an ei, cuius authori-
tate, arbitrioq; fiebant? Non arbitror obscurum,
quin huic, cui in manu erat, nutu, ne fierent, ueta-
re. Quid autem non agunt per alios tyranni? Nã
ipsi quidem neq; pueros emasculant, neq; uirgines
abripiunt, neq; proscribunt, neq; bona diripiunt,
neq; phana dispoliant, neq; hæreditatibus manum
inijciunt, neq; compilant ærarium, neq; tormentis
excruciant, neq; quenquam iugulant, neq; armis
uicos expugnant, neq; incendunt uillas. Totum hũc
tyrannicum ludum per ministros exercent. In unũ
tamen tyrannica nominis inuidia competit, in unũ
occidendum lex præmium instituit, in unũ stringẽ-
di ferri ius facit, illos suæ cognitioni reseruat. Quo-
rum ut quisq; sua opera tyrãno profuit, ita aliud

atq; aliud uocabulum imponi potest, certe tyranni uocabulum nemini congruit, nisi uni illi, sub cuius ueluti clypeo, tota illa perniciosissimorum hominum colluies latitat. Arbitror uobis iudices saepenumero auditum esse, id quod eleganter à doctissimis uiris est scriptum, tyrannis non longis modo, uerum etiam plurimas esse manus, plurimos oculos, eosq; acerrimos, plurimas aures, easq; longissimas. Omnino prodigiosum quoddam est animal tyrannus, multoq; Titanibus illis Briareo & Encelado portentosius, centenis capitibus, centenis linguis, centenis manibus, pedibusq;. Quot enim habet scelerum ministros, totidem habere membra uidetur. Atq; ut ex membris corpus, ita tyrannis ex huiusmodi constat ministris. Verum ut illud, quod corpus appellatur, nihil est aliud quam quiddam omnibus ex membris aggregatum, ita in tyrannide, unum quippiam est, quod neq; pes sit, neq; manus, nec ullum aliud membrum, contineat autem uniuersa, at ita contineat, ut ab ijs possit separari, idq; tyrannus uocatur. Proinde exaggeta quantum libet iuuenis insolentiã, uiolentiãq;, praefectum arcus uoces licebit, oculum nomines licebit, aut si mauis dextram, aut si ne id quidem satis, praecipuum tyranni caput dicat licebit, tyrannum certe uocare, nequaquam potes. Vnum enim illud portentum tyranni nomine lex censet, cuius autoritate, tituloq;, cuncta haec membra uelut animantur. Idq; unum forti cui permittit occidere, non uult te in oculum aliquem inuolare, non sinit ut caput ali-

quod amputes, ne tale quiddam eueniat, quod de
Lernæa hydra fabulantur poëtæ, ut pro uno capi
te resecto, duo pestilentiora subnascantur, pro uno
excusso oculo, plures acriores succedant, pro una
rescisa dextera, multæ robustiores subpullulēt, uni
us uitæ te dominum, arbitrumq; constituit, qui si
bi sit ausus tyranni uindicare nomen, quo sublato
futurum sit, ut membra reliqua, quasi destituta spi
ritu emoriantur, aut certe sanentur. At quid ego te
cum tam accuratis argumentationibus ago? Possum
ilico tuis te uerbis reuincere, ac ueluti tuo te laqueo
capere. Iuuenem paulo ante magnum patris satelli
tem nominabas. Non inficiabere. Rursum alio lo
co dicebas omnem tyrannidem occupasse filium,
soliis appellationis honorem cepisse. Qui conue
nit eundem & satellitem, & tyrannum appella
ri? Tum si cessit, non igitur usurpauit tyranni no
men. Contractus autem uerbis aut rati sunt, aut
rescinduntur. Lex hac tecum formula contraxit, si
quis tyrannum occiderit, præmium ferat. Quid tu
mibi iuuenis flagitia commemoras? Id te lex uoluit
occidere, quodcunq; illud esset animal, quod tyran
nus diceretur. Magnū (ut ipse fateris) satellitē occidi
sti, non tyrannum, qd tibi cum lege rei est? At rem
inquis, legis secutus sum, non syllabas, eum inter
feci, qui caput erat tyrannidis, paratus hæres pa
terni dominatus, libertatem peperit, seruitutem su
stuli, hoc lex sensit, huius rei authori præmium
præstituit. satellitem inquam occidisti, nihil moror
quantum, quàm grauem, quàm ferocem, quàm sce

lestum, satellitem tamen occidisti tyrannidis, non ca-
put, aut si caput, unū ē pluribus. sed hæc omnia
tibi ex animi sententia largiamur, fuerit sanè res
tota tyrannidis filius, pater nihil nisi uocabulum
quoddam inane tyranni, quemadmodum in fabu-
lis habetur, Echo nympham, nil aliud quàm me-
ram quandam fuisse uocem sine corpore. Qui tibi
licuit in re tanta, à uerbis legis discedere? præser-
tim ita dilucidis, ut perspicuum magis nihil esse pos-
sit, & commentitiam interpretationem doni tue
natam in iudicium adferre? Ego iudices nullum in
Remp. exemplum perniciosius induci posse iudico,
quàm si consuescant homines calumniosi à præ-
scripto legum recedere, & interpretamento, quod
ad prætexedum facinus quisq; suum maxime ido-
neū comminisci queat, id iudicibus obijcere. Quis
autem unquam meminit de legis sententia queri
solere, nisi cum in scripto quiddam apparet am-
bigue, obscure uel dictum, aut cum ex uerbis, et enē-
tu absurditas quæpiam extitit, eaq; manifesta. In
priori non cuiusuis commentum, sed iuris pruden-
tium responsa, sed iudicum sententia recipi solet. In
hoc posteriore, necessitas ipsa compellit aliquantis-
per à legis uocabus deflectere, & æquitatem iuris
potius, quàm uerba spectare. Duplex itaq; pericu-
lum uidetis iudices, alterum ne superstitiosa cauil-
latione literarum legis ab eo, quod lex spectauit, ab-
ducamur, alterum, ne passim à præscripto disce-
dendo leges omnes, et iudiciorū religionem subuer-
tamus. Quorum illud quidem multo leuius est, pro-
pterea quod

pterea quod uix unquam accidat, ut legislator ob-
scure quid uoluerit explicuerit, aut absurdum qd
dam exoriat, hoc multo periculosissimum, perni-
ciosissimumq;. Etenim quæ tandem lex futura est,
quam uersutus calumniator, quo poenam effugiat,
non facile possit aliquo commento subuertere? Neq;
quisquam elabetur e iudicio uestro nocens, nisi qui
sit usque adeo nullius ingenij, ut ne friuolam qui-
dem aliquam commentatiunculam queat inuenire.
Atq; ut cuiq; commodum erit, aut animi libido fe-
ret, ita pro sene iuuenem, pro tyranno satellitem,
pro homicidio tyrannicidium, & passim aliud pro
alio interpretabitur. Vestra interim iudices reli-
gio, uestrum iusiurandum, qua tandem ratione ser-
uabitur, quibus nihil futurum est certi, quod in co-
gnoscendo se quamini, uerum ambiguas, diuersasq;
litigatorum coniecturas spectare necessum erit. Er-
go cum in omni causa maximopere cauendum est,
ne sine grauissima ratione à legis præscripto di-
scedatur, tum in hac non periculosum modo, uerum
etiam absurdissimum, cum legis uerbis nihil possit
esse dilucidius, sententia nihil æquius, interpreta-
mento, quod præter legis mentem inducatur, nihil pe-
stilentius. An credimus legis huius authorem usque
adeo infantem, & uerborum inopem fuisse, ut di-
cere non potuerit, qui quouis modo tyrannidem su-
stulerit, huic præmium esto, si modo istuc sensisset?
Neq; uero fugit illum totam tyrannidem per satel-
lites, & præfectos exerceri solere, permultosq; in
his esse uel tyrannis ipsis sceleratiores, atq; ut ita

E. J. P

dixerim, tyrannicos magis, & omnino supplicio di-
gniores, nisi & omnium omnia ministrorum sce-
lera tyranno imputarentur. In unum tamen il-
lum, qui hoc nomine, censetur, tibi ferro grassan-
di facultas data est. In reliquos non tibi permitti-
tur idem. non quod illos uita dignos iudicet lex,
sed quod unius cæde totam tyrannidem tolli uelit,
non multorum cæde reddi duriores. Tuum erat
legi simpliciter parere, neq; eius uerba quasi plum-
beam quandam regulam ad tuum facinus accom-
modare, uerum ad illius præscriptum factorum
tuorum rationem instituere. Præsertim in hoc exem-
plo, quo non aliud potest admitti pestilentius, ut
ex legis arbitraria interpretatione, quem uelis in-
terficiendi tibi pro tua libidine licentiam sumas?
Non illud hoc spectandum loco iudices, quàm inui-
sus Reip. sit, qui occisus est, quàm maiore etiam
supplicio dignus, uerum id etiam, atque etiam per-
pendere oportet, exemplum præter leges iugulan-
di homines, semel in ciuitatem receptum, semel ue-
stris sententijs approbatum, denique præmio com-
pensatum, quo tandem licentiæ sit processurum.
Quod iste sibi in tyranni filium licere uoluit, hoc
alius sibi uolet in ditissimum quenq; ciuium lice-
re. Quisquis pauper à locuplete contumelia afficie-
tur, protinus tyrannum eum appellabit, & uene-
no, aut ferro adoriatur. Postremo sicui magistratus
non placebit, sicui iudex erit inuisus, non du-
bitabit è medio tollere. Porro ad facinoris defen-
sionem, sophistam quempiam, aut sycophantam

consulat (si ipse ingenio stupidiore fuerit) & no-
 uam legis interpretationem uobis adducet, dicet nil
 aliud sensisse legislatorem, quàm ut huiusmodi ci-
 uium genus non nomine sed re tyrānidem agentium
 ferro, igni, ueneno tollatur è medio. Atque ita bre-
 ui futurum est, ut quod in uno factum semel et pro-
 bauimus, & gauisi sumus, id in multis sæpius et do-
 leamus, & improbemus. Credite mihi non medio-
 cre discrimen, neq; conuenter accipiendum, ut titu-
 lo reperto, priuatus hominem indemnatum interfici-
 at. Id ita esse facile liquebit. Siquidem animaduer-
 timus, nihil omnino esse, quod lex parcus, circun-
 spectiusq; permiserit. Etenim (si meminimus) tribus dū
 taxat temporibus lex indulget, ut quis atra iudi-
 cium hominem occidat, primum adulterum, sed in
 uxore deprehensum, id quod intemperanti, & in su-
 perabili mariti dolori donatum est. At ita si cor-
 pus utrunq; pariter interimat. Si argumentis ido-
 neis deprehensum fuisse doceat, deinde in ui depel-
 lenda. At ita si demonstres, te mortem effugere ne-
 quisse, nisi mortem intulisses, id lex ita interpre-
 tatur, quasi sese tueri potuisset istuc, quàm alium oc-
 cidere. Vterq; tamen facti sui rationem reddere cō-
 pellitur, statim sese prodere, nec expectare donec
 in ius trahatur, atq; (ut ita dicam) ultro semet re-
 um facere cogitur. Quod si omnia constabunt ar-
 gumenta, ita denuum à lege dimittitur, ut uenia,
 non laude dignus esse uideatur. Postremo in ty-
 rannicidio, ubi propter periculi suscepti magni-
 tudinem lex præmium quoque proponit, at ita se

eum, quem tibi lex isto uelut insigni
minis denotauit, fortiter occideris, non si scelustum
alio scelere sustuleris, neque patietur te ius occiden-
di permissum, latius quam ad unicum tyranni co-
put trahere, nisi si quis obsistat, ut per illius necem
tibi necesse sit ad illum penetrare. Iamque hoc fa-
ctum tuum secunda illa ratione defenditur. Huic
tertio generi fortasse proxima uideatur, hostem in
bello ferendi facultas, quam tuæ tamen libidini lex
non permisit. Nisi palam hostis sit declaratus, in
imperatoris uerba iuraris, nisi ille in aciem edu-
xerit, nisi signa canere iusserit, tibi fraudi futurum
est, hostem interfecisse. Tu dicturus es. Hostem occi-
di, nam plus quam hostilia faciebat, nomen hostis
tantum aberat, re hostem agebat. Lex respondebit,
suarum partium fuisse, hostem declarare. ac tuo
fortasse scelere fructur, uerum ne serpat exemplum,
poenas de te sumet. Quid autem aliud abs te fa-
ctum est? Vnum tibi lex nominatim designaue-
rat, tu illius uocabulum tuapte autoritate in ali-
um transfers, quod nisi in unum non potest com-
petere, neque traduci debet ab eo, cui lex attribue-
rit, ne tibi fas sit aliquando quem uoles magistra-
tum, quem uoles iudicem, quem uoles autem tyran-
num appellare. Neque uero sine grauissimis cau-
sis lex tot uinculis astrinxit, hanc in uitam alte-
rius licentiam. Perpendit nihil maius eripi cui-
quam posse, quam uitam, uidit in extinctum faci-
le uarias causas confingi etiam impune posse, quan-
doquidem ille non sit refutaturus, qui iacet. Vi.

dit quàm multis titulis suum quisq; dolorem posset prætexere, si post occisum hominem ulla causa recipiatur, præter eas, quæ legibus sint expressæ. Quid, quod grauatim sibi quoque lex permisisse uidetur, ut homini uitam eripiat, quàm comperta, quàm multa requirit argumenta, quàm multa concedit reo, quàm maligne agit cum actore, quem non nisi suo periculo uult accusare, quantum spatij largitur ei, qui defertur, quàm liberam iudicium reiectionem. Quantum igitur à mente legis abesse putas, ut cuilibet permittat uel pro suo priuato dolore, uel domestica iuris interpretatione, hoc est subuersione in cuiusquam uitam grassari? Neque ad rem pertinet, quantum criminum aceruum exaggeres, quantumuis etiam uerorum, addo notorum, dicas paricidam, sacrilegum, incestum, proditorem, peculatorem, ueneficum interficere. Tyrannum lex iubet occidi, at hic unus multis tyrannis erat sceleratior, pestilentiorq; ciuitati. Ad ista tam multa crimina lex tibi uerbo respondit. Nihil moror quàm fuerit scelerosus, qui perijt, in unum tyrannum tibi ius feceram occidendi. In reliquos in ius trahendi. Si detulisses, auditus, reuictus, damnatus à me palàm poenas dedisset, omniq; Reip. salubri exemplo fuisses. Nunc tu priuata libidine interficiens, pro saluberrimo exemplo, perniciosissimum in ciuitatem induxisti, & legum instaurationem à legis uiolatione auspicias, hoc est malus malo mederi studes. An me clàm esse putas, quàm multi sint in hac turba uita indi-

gni, morte dignissimi? At eos meae cognitioni non
tuis manibus seruo, sunt fora, sunt tribunalia, sunt
iudices, sunt carceres, securae, carnifices. Cur tu mi
hi praere conaris? cur nullo mandate magistratum
occupas? Et dum tyrannicida uideri uis, tyran-
num imitaris? Nam quo alio nomine tantopere mi
hi est inuisus ille, nisi quod mihi parere recusaret
praere conatur. Ei demum ferrum tractare licebit,
cuius manibus ego permisero. Si iuuenem occidisses,
quod non alia patuisset ad tyrannum uia, darem
ueniam necessitati, nunc occidisti, non obstantem,
non auxilium ferentem patri, sed patris opem im-
plorantem. Huius unius caede contentus discessisti,
tyrannum nec impetisti, in quem unum tibi ius
feceram. Meum erat expendere utrum ex usu
Reip. fuerit, an iuuenis occideretur, malueram il-
lum exquisitoribus excruciatum supplicijs exem-
plum omnibus edere. Neque haec dico iudices, quasi pa-
rum gaudeam pariter cum patre sublatum filium, uti
nam eadem opera simul omnes sint oppressi, qui-
buscunque tyrannus placet. Sed quis prohibet simul
et gaudere, quod deorum bonitas nobis hanc rem
bene uerterit, et tamen non committere, ut huius
temeritas si iudicio comprobetur, in legem, atque in
exemplum trahatur? Nec de iuuenis iniuria uindi-
cata nunc agitur, sed de legis uiolatae maiestate.
Non enim par est, ut cuiquam personae praeter ius
extincti odium in scelere suffragetur. Neque tam spe-
ctandum in quem commissum sit facinus, quam quo
exemplo commissum. Alioqui cur non eadem ope

ra, fas sit in tyranni nepotes, pellacis, pueros, uxores, libertos, lenones grassari? Bonam tyrannidis partem uxor saepenumero suggerit. Ad summam immanitatem, nonnunquam libertus aliquis, aut uernula instigat, cur non & hos iugulas? Si tibi ius est aestimatione priuata meritorum ciuem iugulare? Quid, quod est aliquid tyranno nocentius, in quod tamen haudquaqua tibi ius sit occidendi? Finge esse qui totam hanc urbem, templa, domos, curiam conatus sit incendere, immo qui iam compluribus locis ignem subiecerit, sed incendium subito exorto imbri relictum, authorem non obscurum, uerum abditum latitare. Eum forte fortuna repertum manu tua trucas. Num lex tuum factum approbabit? Non opinor. Atqui tyranno ille quanto erat nocentior? Tanto nimirum quanto est atrocius ciuitatem semel funditus euertere, quam expilare, ciues uniuersos, uno igni finire, quam in pauca quaedam seuire capita. Et tamen in unum tyrannum stringendi ferri potestas priuatim permittitur. Illum deferendi modo ius habes. Hic in re tam aperta legis mentem calumniari, & nouo interpretamento tuum facinus palliare, quid tandem aliud est, quam legum auctoritatem euertere, atque id per cuniculos quosdam agere, quod tyrannus palam, ac ui facere consuevit? In recipienda lege fas est populo causam, aequitatemque legis excutere, ceterum receptae, & longo iam usu comprobatae simpliciter oportet obtemperare. Neque enim existimandum est maiores illos nostros uiros sine controversia sapientissi-

mos, ita sine grauissimis rationibus instituisse, ut
privatim interficiendi tyranni facultas unico capi
te finiretur. Primum ad iugulandi licentiam fene
stram aperiendam quibus non putauerunt, dein
de perspiciebant tyrannidem fatale quoddam esse
Reip. malum, quod minore noxa toleraretur,
quàm male exagitaretur. Neque posse semel tolli,
nisi tyranni ipsius cæde. Quo submoto uidelicet,
qui legibus imperabat, non parebat, ià nihil opus
esse privata audacia, nimirum illis in Reip. admi
nistrationem uindicatis. Quod si tyrannus in ius
uocari potuisset, ne hunc quidem tuæ dextræ arbi
trio permisissent. Videbant & illud. Tyrannidem
nonnullam habere monarchiæ legitimæ speciem,
hoc tantum interesse, quod in monarchia, populus
regi pareat, Rex legibus. in tyrannide omnia uni
us libidini subiecta sunt. Rex publicam spectat
utilitatem, Tyrannus privatam suam, unde publi
tus expedit, ut tyranno ueluti principi legitimo ci
uitas pareat, donec idoneus aliquis uindex exite
rit, qui legum auctoritatem in pristinum statum re
stituatur, atq; id unius (si fieri potest) capitis iactura.
Nā hac moderatione in fatalibus illis pestibus, quæ
totum Reip. quasi corpus corripunt, legum prudentia
consuevit uti, ut exemplo magis, quàm admissi talio
ne, morbo medeatur, ne, dum ciuitatē sanare studet,
magnam ciuitatis partem interimat. Hinc est, quod
in seditionibus publicis, nō nisi in ipsos auctores con
suevit animaduerti, reliquis, quos tempestas illa
commouerat, dari uenia, aut uix etiam dari uenia,

qui in publico Reip. tumultu quietē egissent. Quæ
potest autem pestis esse fatalior, q̄ tyrannus? Quæ
se se latius in ciuitatis membra diffundit? Quota
quæq; urbis pars ab hoc uitio syncera potest esse?
Omitto iam quicquid est ambitiosorum, ære alie-
no obstrictorum scelere contaminatorum, Barba-
rorum (nam hæc tota sentina hominum tyrannide
gaudet, ut in qua nullis maiora quàm sceleratis sint
præmia) bonos etiam ciues hoc malum inuoluit,
dum uel timent fortunis suis, uel rectum iudicāt
seruire tempori. In hoc itaq; rerū statu leges non
extinctæ, sed oppressæ modo, cautim, & circumspi-
cienter agunt, intelligunt hoc ulcus citra summam
ciuitatis perniciem exasperari non posse, unius ci-
pitis dispendio commode sanari posse. Quare do-
cto cuiuspiam medico præmium ostendunt, digito de-
monstrant, quod membrum secari uelint, quibus
abstineri. Caput iudicant illæ, tu dexteram secui-
sti. Illæ tyrannum, tu tyranni satellitem occidisti.
Quo præmio dignus? Nempe eo, quo qui morbo in-
sate exagitato, totum hominem in extremum uitæ
discrimen adducat, quo qui hominem legibus ue-
tantibus occidat. Neq; ego nunc te cædis reum ago,
aget alius fortassis, cuiusq; lubitum erit, uerum il-
lud modo consilium fuit, ostendere tibi quàm in-
signita sit impudentiæ in ea causa, tam eximiam
tibi uendicare laudē, tam egregia poscere præmia,
in qua nequeas obtinere, si modo tecum exactius,
ac seuerius agatur, ut graues poenas effugas. I-
nunc, et curiosum me uoca, qui tam candide, tamq̄

LIBRARIUS
civiliter tecum agam, ut cum te possim in graue di-
scrimen uocare, sat habeam legis, & Reip. causam
defendere, ne circumuenta præmiū dare cogatur ei,
qui nihil boni sit promeritus. Id quod non iudica-
bus modo, quibus istuc iandudum liquere puto, ue-
rum tibi etiam ipsi cupio persuadere. & factu-
rum me confido, si modo tantisper animum possis
attendere. Vm igitur, ut quæadmodum tu faciebas,
itidem & nos summam totam causam ob oculos
reuocemus.² dispiciamusq; quàm multa tuo in facto
desyderentur ad id, ut legi satisfeceris, & quan-
tum tu sis hallucinatus, cum multa diceres etiā su-
pereffe.² Tria quædam requirit lex, & ita requi-
rit, ut si quodlibet horum desit, aut poenam te, aut
certe nihil gratiæ debere se credat. Quorum ego
non unum aliquod, sed unumquodq; deesse docebo.
Quod si facio, utrum æquo animo cedes præmio,
an impudenter petere persistes.² Ergo rem acce-
pi. Nisi tria hæc tibi constiterint, non est, quod tyran-
niaciæ præmium petas. Animus, uia, & effectus.
Animus duo quædam complectitur, uel quid spera-
ris, uel quid proposueris. Nam si tyrannum per
impudentiam occidisses, si præter propositum, non
magis profecto præmium tibi debeatur, quàm si-
quis tyranno amicissimus idem fecisset. nam idem
potuit occidere. Tu porro quid propositi in arcem
attuleris, ipse uideris, ita demum legi persuasum
erit, te uoluisse occidere tyrannum, si occideris. Non
occidisti, atq; id etiam cum tibi in manu fuerit (ut
ais) si libuisset interficere. Lex negat sua referre,

utrum tyrannici di propositum in arcem non attuleris, an allatum repente mutaris. Iam quid speraris excutiamus. Quamquam istuc leges non ita ualde curiose pensculantur, sed tamen in tam absoluto fauore partes omnes constare oportet. Quid enim si tyrannum interfecisses, quo tyrannidē ipse occupares, utrum præmium sperares? an supplicium metueris? Quid si quo priuatum animi tui dolorem ulascereris, tyrannum occidisses? atq; id esset palam? Num præmium auderes postulare? Quid, si latrones tyrannum forte fortuna obuium obtruncassent, num ad hunc honorem aspirarent? Quid, si quis tyranno priuatim infensus, magna te pecunia conduxisset, quo ei tyranno uenenum dares, dedissesq; num quæso tyrannici dæ præmium postulares? Ego hic tecum non ago coniecturis, nihil dico in uitam tuam, quæ quidem obscurior est, quam ut tu, alioqui tam gloriosus, quicquam de ea ausus fueris dicere, illud unum affirmare non dubitem, qui tyrannum, cum tuto licuerit, non occidit, plane noluit occidere. Qui eum occiderit, cuius mors extremum exitium Reip. uideretur allatura, potius quam ullam commoditatem, is aut priuatim dolorem ulasceri uoluit, non libertatem publicam uendicare, aut emolumentum suum secutus est Reip. periculo, non suo periculo Reip. studuit prodesse. Postremo, non potest nisi gloriæ ieiunio adductus uideri, qui tam insolenter se iactat. Non potest non uideri lucrum secutus, q tam improbe præmium flagitat. An non uides igitur quantopere hac parte

tota legis mente dissentias, quem illa tuæ uitæ periculo, sua causa uoluit occidere, eum tu non solum uolens præteristi, uerum etiam periculose in Remp. irritasti, quem sua causa noluit occidi, eum tu maximo nostro periculo tui compendij, aut animi fortasse gratia iugulasti. Sed finge te animum tyrannicida dignum ad facinus attulisse, lucri perinde ut uitæ contemptorem, magni tamen refert, quæ ratione tyrannidem tollere aggrediaris. Iam enim omnia tibi ex animi tui libidine largior, quæ tamen nemo alius tibi concessurus est. te in filio iugulasse patrem, in non tyranno tyrannum. Largior istuc Delium aliquem tibi prædixisse, ut certum præscire potueris, quod ipse etiã uix diuinare Delius potuerit. Licuisse tibi patrem occidere, si libuisset, uerum hoc pænæ genus tibi magis placuisse. Sustuleris sanè tyrannidem, idq; noua quadam, & inusitata ratione. Vides quàm multa tibi dono? Tamen obsistam tibi, nec sinam ferre præmium, propterea quod ea uia sustuleris, quæ legi non probatur, quæ non expediat moribus ciuitatis, quæ non sit forti uiro digna. Age quid si tyranni filium infantem in cuius iugulasses, et rursus adfuisset Delius ille, per quem certum præscire posses fore, ut necato puero, pater sibi mortem accerferet, atq; id euenisset. Vtrum te tanquam tyrannicidam suspiceret Respublica, an potius tanquam immanem, & ferum hominem execraretur, qui in eam sæuieris ætatem, cui etiam ab hoste armato paratur, quæ leonibus etiã miseranda uideatur? Quid ergo? Vtetur tuo ma-

leſicio Reſp. Ceterum exemplum haudquaquam probabit. Quid, ſi tyranni uxorem, quam ille miſere deamaret, per uim conſtupraſſes, atq; ille eius impatiens contumeliæ fugerit e uita. Vtrum tyranni adij laudem ſtagitabis, an raptus, & adulterij ſupplicium potius formidabis? Reſ. obſcura non eſt. Cõferam tuo facto propiora. Quid, ſi tyranni medicus cum eſſes, ueneno ægrotanti dato, illum ſuſtuliffes, utrum ut ueneficum oderit te Reſ. an ut uirũ fortem admirabitur? tyrannum ſublato gaudebit, facti rationem, modumq; deſtabitur. Quid, ſi cum te tyrannus familiariter uteretur, tu in conuiuium, prætextu neceſſitudinis uenenum porrigeres. deniq; ſi per magicas imagines, ac maleficas quasdam deuotiones tyrãno uitam ademiffes, uirum a lege præmium, an pœnam expectares? Atqui tyrannidem utcuq; ſuſtuliffi. Euentu gaudet lex. Verum exemplum tam pernicioſum in Remp. non reapit, ut conſueſcant aues ſælus ulasçi ſcelere, patrem in filio iugulare. uides quantum monenti ſit in modo, uiq; ut factum tuum approbetur? Quod lex permittit, ut fiat, non ſtatim permittit, ut id uia quali bet efficias. A dulterũ ferro occidere licet, ueneno, aut incantamenti non licet. Cur ita? Quia peſtilens exemplum omnino tractare uenena. Nec id ulla cauſa quantumuis honeſta, ſinit in ciuitatem irrepere. Quid, quod ne hoſtem quidem ueneno, aut malis artibus interficere fas eſt? Nam niſquam nõ improbat malefica lex, & ueneno tincta tela etiã in bellis interdicta ſunt. Quod ſi modus facti ſpe

ratur in his, in quibus nullum petitur præmium,
quanto magis id fiet in his, in quibus summum pe-
titur? Lex triumphum statuit ei, qui certum hosti-
um numerum fuderit. Fuderit aliquis non acie,
sed aquis, & pabulo ueneno tinctis. Vtrū ciues hūc
æquis oculis spectare poterunt triumphantem, an
potius sicuti ueneficum oderint, auersabuntur, exe-
crabuntur? Quid, quod priuatis etiā in rebus uia,
modusq; perpenditur, quo magis idem oportebit,
tum in publico, tum in splendidissimo fauore, ut
a quo conueniat omnem sceleris suspicionē abesse?
Age illud tecum reputa, si medico mercedem pa-
ctus esses, quo te morbo leuaret, atq; ille non phar-
macis, sed maleficijs, & incantamentis morbum ex-
emisset, utrum præmium dabis, an magis hominem
in ius trahes iniuriæ malis artibus datæ reū ages?
Clamabit ille morbo te leuauit, qua uia quid istuc
tua refert? Hoc tantum spectabas, ut morbo liber
esses, ei rei merces est promissa. Ingratum te uoca-
bit, qui nisi sua opera ne esses quidem, qui præmi-
um negare posses. Tu protinus respondebis, opinor,
medico te præmium esse pollicatum, non mago, neq;
deberi quicquam nisi rem malam ei, qui beneficia
um male dederit. Quanquam ne dedisse quidem
uidetur, qui malum malo tollit. Id enim mutare est
incommodum, non amouere. Dices enim animo no-
atum, dum corpori subuenitur. Atq; istam litem
uincas, etiam iniquo iudice. Atqui eadem, aut me-
lior etiam, et uinabilior est tecum causa legi, quā
quæ tibi futura fuerat cum medico. Nam ibi de

pruata mercedula disceptaretur, hic de publico honore. Ibi falsus est unus, hic legi fraus fracta, per quam cautum oportuit ne quicquam ciuium circumueniatur. Ibi salus data, certa quidem, & effica, sed suspecta, & improbata uia, hic nefario scelere (cur enim non sic appellatur homicidium, quod in ciuem contra legem admissum sit?) non libertas restituta, sed in extremum discrimen adducta resp. Quandoquidem tuum factum perinde habet, ac si medicus quispiam ad curam mercede conductus, uenenum pro remedio ministret, quod tamen aegrotanti (ita ut non raro consuevit accidere) per occasionem morbum adimat. Qui reualuit suis fatis acceptum feret, quod uiuat, tibi mortem, tametsi uitarit, tamen imputabit. Neque sua referre putabit, utrum imperitia, an perperam, ac studiose pro pharmaco uenenum porrexeris, propterea quod tui fuerat officij, aut non suscipere negotium, aut fidem simul & artem, & industriam, ac diligentiam, et quicquid a probato artifice solet requiri, ad curam adferre. Sed age sinimus adhuc possidere te, quod dudum sumus largiti, ut plane ista uia tyrannum occideris, contra ullum Reip. discrimen. Lex non approbabit facinus tuum, nisi non tantum a crimine, uerum etiam ab omni criminis specie procul absuerit, ne uidelicet ea, quae in hoc potissimum adhibita est in ciuitatem, ut maleficium omne secludat, incolumitatem suam, quam conueniebat aut deo cuiquam, aut certe dijs simillimo homini acceptam referri, sceleri debere dicatur. Non approbabit inquam nisi

tyrannum ipsum, quem nonnatis indicauit ipsa,
qua; permittit uia sustuleris, ne per rimam istam
periculosum exemplum in Rēp. irrepāt. Postremo
nisi ferro, non clancularijs, ac maleficijs artibus
nisi uirtute, nisi manu, nisi uitæ tuæ manifesto con-
temptu tyrannum trucidaris. Neq; enim huc tantū
spectat lex, ut tyrannus in præsens submoueatur,
uerum illud multo magis respiciat, ut omnes mor-
tales intelligant, in ea ciuitate uiros esse fortes, qui
non uereantur uitæ suæ dispendio, patriæ commo-
dis consulere, ac præclari exemplo fānoris o-
mnes etiam in posterum ab affectatione tyranni-
dis deterreantur, cum uideant in ea ciuitate nul-
lum esse tyrannus satis tutum præsidium, quando-
quidem illud nemo scit, qui uitæ suæ sit contemptor,
cum esse alienæ uitæ dominum. Nam quod omni-
no satellitiū, quæ excubiæ, qui parietes, quæ arx,
quæ arma aduersus huiusmodi animum, tyranni
caput defendant, qui patriæ libertatem sua uita be-
ne credat emi? Postremo autem, ut maxime tibi con-
stet animus, ut constet uia, id quod est totius nego-
tij caput, non effecisti. tantum enim abest, ut tyran-
num occideris, ut quantum in te fuit, tyrannidem
maiores in modum auxeris, interfecto tyranni fi-
lio. Quid autem refert, malitia, an stultitia Remp.
in discriminē adduxeris? Nā illo, quod uulgo, dicunt
nihil uerius. Intempestiuam beneuolentiam nihil à
simultate differre. Tantum abest, ut occideris tyran-
num, ut ne suspicari quidem potueris id euēturum,
ut ipse semet occideret. Sed iuuenem occidisti, patre
insolentiorē,

insolentiorē, quid tum postea? si patri & huius
scelera lex imputat? magnum proinde tyranni sa-
tellitem, non tyrannum occidisti. sed paratum tyrā-
nidis heredem occidisti, in tyrannidem succedit, qui
prior, qui potior est in occupando. verum esto sa-
nē, certum heredem sustuleris, igitur qui tyrānus
erat futurus interemisti. Atq; quod futurum est, id
nō dū est. Porro lex eum, q; iam tyrannus sit, tolli
iubet, non quē aliquando futurū diuines. An q; sta-
tuam ex pacto debeat, & rudem truncum præsti-
terit, fidem persoluisse uideatur? Non arbitrator.
Vbi nunc igitur sunt illa tam multa, quæ tibi ad
præmium postulandum supererant? Vides quā
ne unum quidem omnium tibi constet, quorum ni-
hil oportebat deesse. Vului inquis, id demum uolu-
isse te lex credit, quod effeceris. Postea ē re nata, pro-
positum est commutatum. Hoc igitur præmij, tibi de-
betur, quod ei, qui in Olympijs medio ē cursu reli-
cta meta, ad carceres reflectit habenas. At pericli-
tatus es. proinde id laudis auferes, quod is, qui su-
dauit in Olympijs, nec uiat. sed occidisti denique,
uerum eum, quem neque lex permittebat arbitrio
tuo, neque ex usu publico fuerat, occidi. At bene
uertit ciuitati, quod fecisti, numini igitur gratia de-
betur, tali qualem Pallidē Atticis fuisse ferunt, de
qua prouerbiū extat, quod Atheniensium male
consulta, in bonum exitum uertere consuevit. Non
tu leges seruasti, sed sustulisti. non libertatem resti-
tuisi, sed numen aliquod huic urbi propitiū, quod
euentum tuæ temeritati debitum, sua commoditate

Erasmus

q

112
STASIT 1370
a' nobis auertit. quod tuam stultitiam nobis uertit
in ocaſionem reſtituendæ libertatis. Non ego ingra-
tum erga te populum conſtituo, immo tu populum
ingratum in deos reddere laboras, quem cum ſemel
in periculum uocaris, ne pro ſimplici tyrannide
duplicatam pateretur, nūc ruruſum in diſcrimen tra-
here conaris, ne ab iratis ſuperis in priſtinam ſerui-
tutē, aut grauius aliquod infortunium retrudatur.
Quid tu te facis, & phaleratis dictis in alienum
meritum inſinuas? Quid tibi in eo negotio laudem
uniuerſam uendicis, ex quo præter pœnam temeri-
tatis nihil ad te redire merito poſſit? Si Reip. ſi iu-
dicibus probare poteſ animum tuum tyrannicida
dignum, qui nullum periculum uitæ Reip. cauſa
recuſarit, ſi ſciamus non ſcelere, non pernicioſo exē-
plo, ſed legitima uia peregreſti, ſi fortuna tuiſ egre-
gijs conatibus bene expetitur dedit euentum, aude
tyrānicidam te uocare, aude pulcherrimum, ac pe-
nè diuinum munus a' Rep. poſcere, aude nobis ſer-
uatas leges, reſtitutam ciuitatem, aude templa, aras,
focos, fortunas omnes, tutos pueros, inuiolatas uirgi-
nes, im polluta matrimonia, deniq; hoc ipſum, quod
hic lege, & apud iudices agimus exprobrare, aude
mihi minari, quod obſiterim, aude ciuitatem ingra-
titudinis inſimulare, niſi laudem promeritam per-
ſoluerit, aude Iudices uel iniquos, uel corruptos cla-
mitare, niſi ſuis ſententijs præmium tibi decreue-
rint. Contra ſi ſuſpectum, quid uolueris, ſi pericu-
loſum, ſi contra leges, ſi cum ſcelere coniunctum,
quod feceris, ſit pudor, ac deſine tandem improbe

præmium flagitare, quod nulla ratione promerueris, poenam, si sapias, incipe deprecari. Istuc fortassis ab æquitate iudicium, a ciuitate deorum munere læta queas impetrare. Neq; enim putes, unum me, te à præmio deterrere. Imaginare istac in causa, pariter & leges, & Remp. & deos tibi aduersari. Picta leges his tecum uerbis agere. si nos uere restitutas uideri uis, sine nostram auctoritatem primum in hac tua causa ualere. Longe plus laudis ex hoc iudicio referes, si nobis cesseris, si parueris, si tuam cupiditatem nostro submiseris arbitrio, si primum exemplum in te ciuibus edideris, reuixisse nos. Si monstraris ciuitati iam non ex sceleratorum libidine, sed ex nostro præscripto cuiq; uiuendum esse. Atq; altera ex parte Remp. hac tecum oratione uti puta. si ciuem bonum mihi præstare studes, noli hanc stultitiæ notam mihi inurere, ut in posterû re cognita, dicar ebrietate quadam gaudiorum ei præmium decreuisse, cui pœna magis deberetur, noli mihi deos, quos uix denuq; tam diutinis uotis, tot sacris, tot precibus, tot meis malis placui, commoui, propitios reddidi, denuo per ingratitudinem iratos, atq; infensos reddere. Sine ut mihi per te liceat, saltem illorum beneficio frui. Quid si te neq; leges, neq; Resp. commouet, certe deorum orationem uereri debes, quos ita tecum agere putato. Quid tu te in nostræ laudis possessionem ingeris? Quid honori nostro inuides? Cur non sinis nos in hanc ciuitatem perpetuo benignos esse? Cur tu ipse tam ingratus existis? Ciuitas hæc semel mihi restitutam li

bertatem debet, tu bis debes. commoditati nostrae,
et quod Remp. seruauimus, cuius tu pars es, et quod
commoditate nostra, tuam periculosam stultitiam,
uel scelus potius, in maximam felicitatem uerteri-
mus. Etenim nisi nos dextri, propitijq; adfuissimus,
quid aliud tu, quam perieras, et per te Resp. Quod
si plane contendis, ut praemium aliquod feras, abun-
de magnum praemium a nobis persolutum est, quod
per nos res a te male instituta bene uerterit. A le-
gibus merito maior relata gratia, si nostrae prospe-
ritatis respectu, temeritatis simul, et sceleris ueniam
condonarint. A ciuitate satis amplam laudem fe-
res, si ea patiat, ut in restitutae libertatis historia
tuum quoq; nomen admisceatur. Hac laudis par-
te contentus desine nobis debitum uelle praeripere,
ciuitati munus nostrum eripere, legibus aut autho-
ritatem adimere. Sed finem facio nimirum extilla-
ta iam aqua. Quod superest, nunc uestrae partes
sunt iudices statuere, utrum secundum leges, secun-
dum deos, secundum Remp. sententiam dicere, an
secundum hunc gloriosum ostentatorem pronun-
tiare uelitis. Vtrum hanc urbis felicitatem, huius
temeritati, huius sceleri acceptam ferre malitis, sa-
pius exprobandam, et breui fortassis a superis
iratis (id quod abominor) auferendam, an in deos,
quibus sine controuersia tota debetur referre, eorun-
dem pietate, seruandam, agendam, beneq; fortun-
dam. Vtrum magis ex usu sit, ut primo hoc iudi-
cio, statum leges circumuentae dicantur, an ut appa-
reat, legum restitutarum seueritatem, et iudicium sa-

123
pientiam aduersus unius iniquam postulationem
ualuisse.

M. IO-
ANNI PALVDANO RHETORI
LOVANIENSIVM S. P. D.

¶ intelligas humanissime Paludane
Erasmum illum tuum, tametsi per
omnes terras, mariaq; uolitantem,
tamen tui memoriam perpetuo secum
circumferre, mitto quasi symboli ui-
ce Luciani dialogum, cui titulus. περὶ τῶν ἐπὶ μὴ
ὁμῶντων. Quem in Italiam profecturus.
in ipso penè proactum latinum feci. In eo non si-
ne uoluptate tanquam in speculo uidebis, aulicæ
uitæ incommoda, quæ tu mihi sæpenumero comme-
morare solebas, nimirum expertus, & ueluti nau-
fragio eiectus, ac uix isti liberæ, literariæq; uitæ
redditus. Idq; feci eo studiosius, ut meo exemplo te
promocarem, uti iandiu græcisticis in literis uer-
satus incipias & ipse aliquando audere aliquid.
Cur enim non dicam audere? Cum nullum sit mea
sententia, facinus audacius, quàm si coneris ex be-
ne Græcis bene latina facere. Vale, meq; tui aman-
tissimum mutuum ama.

LVCIANI LIBELLVS DE IIS, QVI
MERCEDE CONDVCTI IN DI
VITVM FAMILIIS VI-
VVNT, INTERPRETE.

e Cquid tibi primum amice, aut qd
postremum (quemadmodum vulgo
dici consuevit) recensẽã ex ijs, quẽ
tum facere, tum pati coguntur, qui
mercedis gratia sese in alienas do-
mos, conuictumq; tradunt alienum, quiq; in locu
pletum istorum amicitiam accersentur, si modo eius
modi illorum seruitutem conuenit amicitiam appel-
lare. Non enim permulta, atq; adeo pleraq; omnia,
quẽ illis ibi soleant accidere, nõ quod ipse ea expe-
rimento cognorm (neq; enim mihi unquam expe-
riundi incidit necessitas, ac nequando inadat dũ
prohibeant) sed quod complures, qui in hoc uitæ ge-
nus inaderant, apud me soliti sint commemorare,
partim qui in ipsis etiamdum malis constituti, quẽ,
et quanta ferrent, deplorabant, partim qui tan-
quam e carcere quodam profuqi, non absq; uolu-
ptate recordabantur, cõmemorabantq; ea, quẽ sue-
rant perpeffi. Immo iuuabat reuocare ob oculos,
quas erumnas effugissent. Atq; hi quidem dignio-
res mihi uisi sunt, quibus fides haberetur, ut q eius
sacri ritus (ut ita dixerim) omneis, omniaq; myste-
ria perdidissent. Hos igitur haudquaquam indili-
genter, nec oscitanter audire soleo, ueluti naufragũ

quoddam, ac præter spem obiectam salutem enar-
 rantes. Cuiusmodi sunt isti, qui in templis dera-
 so capite, in frequenti mortaliū cœtu, immanes un-
 das, procellas, sublatos in cœlum fluctus, iactus,
 malos fractos, gubernacula reuulsa narrant. In pri-
 mis autem geminos Castorem, & Pollucem appare-
 tes (nam hi peculiariter ad hanc tragœdiam per-
 tinent) aut alium deum quempiam repente (quem
 admodum in fabulis fieri consuevit) exortum, sum-
 misq; antennis confidentem, aut iuxta clauum adse-
 stentem, qui nauim inualidam ad litus aliquod di-
 rexerit, in quod illisa ipsa quidem sensim, ac commo-
 de dissolueretur, illi uero tuto in solū descenderint,
 idq; ope, fauoreq; diuino. Atq; isti igitur permul-
 ta id genus ad præsentem commoditatem exaggerā-
 tes commemorant, quo uidelicet a pluribus stipem
 accipiant, si non calamitosi modo, uerum etiam dijs
 chari esse uideantur. Porro ij, dum eas, quas in te-
 stis tulerunt, tempestates referrent, atq; immanes il-
 las undas, quin etiam decumanos fluctus, & quē-
 admodum primum a litore soluerint mari tran-
 quillo, quantumq; molestiarum perpetua nauigatio
 ne sint perpeffi, dum sitiunt, dum nauseant, dum sa-
 lo perfunduntur. Deniq; quēadmodum infelicia na-
 uigio in cauem quampiam sub undis latentem, aut
 in scopulum aliquem præruptum, & asperum
 illiso, fractoq; miseri ægre enatarint, nudi, cun-
 ctarumq; rerum inopes. Hanc unquam cum re-
 ferrent, mihi quidem uisi sunt, permulta, præ pu-
 dore subtrahere, uolentesq; ac scientes obliuisci. At

De iis, qui mercede
ego etiam illa, præterea autem et alia nonnulla ex
illorum narrationibus coniectans apprehendi, quod
quid erumnarum cum eiusmodi conuictibus con-
iunctum est. Quæ quidem omnia haud gravabor,
optime Timocles tibi percensere. Iam pridem enim
mihi uideor animaduertisse, te de capeffenda hac
uitæ ratione cogitare. Nam olim cum his de rebus
sermo incidisset, mox ex iis, qui præsentibus erant,
quispiam (mercenarium hoc uitæ genus) laudare
cœpit, fortunatissimos eos affirmans, quibus conti-
gisset, horum familiaritate, qui apud Romanos es-
sent optimates, tum conuiujs adesse opiparus, idque
immunes, præterea splendidis in ædibus diuersari,
tum peregrinari omnigena cum commoditate, uolu-
ptateque alba interim in rheda, si forte libeat, resu-
pinatos. Insuper ob hanc annuatiam, obque commodi-
tates, quibus afficiuntur, etiam præmium ferre. Id
uero non mediocriter uideri, istis enim haud dubie a-
tra sementem, ac atra culturam, quod aiunt, con-
secta prouenire. Hæc igitur, atque id genus alia cum
audires, animaduerti, quemadmodum ad ea inhære-
ris, quaque uide ad ostentatam, imminentemque escam
os porrexeris, proinde ne quid mihi certe in posterum
possis imputare, neque ex postulare queas, quod cum te
conspiceremus tantum una cum esca deglutientem ha-
num, non corriperimus, neque prius quam in guttur de-
mergeretur, reuulserimus, neque præmonuerimus. ue-
rum postea quæ cessassemus, donec iam adacta, atque infixi
trahi iam, ac ui ducta conspiceremus, tum cum nihil
opis afferri possit, frustra adesse nos, atque illachry

mari. Hæc inquam nequando possis dicere, quæ si dicantur, merito profecto dicantur, neq; a nobis refelli possent, quo minus peccasse uideremur, ut q̄ prius ista non indicassemus, audi nūc ordine omnia.

Ac rete quidem ipsum cuiusmodi sit, quamq; nullum habeat exitum, non intus medijs in sinibus inuolutus, sed foris tutò, atque per otium ante contemplator, unci aeris aculeum, reflexam hami aciem, ac eridentis cuspides, manu tentans, malaq; admotas experiens. Quod nisi uehementer acuta, nisi sic illigantia, ut effugiendi nulla sit facultas, nisi dira uulnera factura uideantur, acriter trahentia, et inexplicabiliter retinentia, nos quidem inter formidolosos, atq; ob id etiam pauperes, famelicosq; ascribito, ipse uero sumpta fiducia, uenatum istum, si uidetur, aggredior. Lari in morem totam esatm hiatu deglutiens. Atq; in uniuersum quidem forsitan tua causa omnis hic sermo dicetur. Quamquã non solum de uobis philosophis, aut his, quicunq; uitæ institutum sibi delegerunt, cum uirtutis studio coniunctius, uerum etiam de grammaticis, rhetoricis, musicis, breuiter de omnibus, qui in doctrinæ professione uersari, quæstumq; facere proposuerūt. Cæterū, cum omnia sint inter istos communia, eademq; prorsus accidant omnibus palàm est, philosophorū conditionem non esse a reliquis eximiam. Immo hoc illis turpius ista contingere, cum sint cum alijs communia, si ij, qui conducunt, nō alijs præmijs eos quàm reliquos dignos iudicēt, nihiloq; magis q̄ cæteros in honore habeant. Itaq; cum re reperietur

De ijs, qui mercede

id quod hac narratione recensetur, eius culpam potissimum in ipsos conferre par est, qui eiusmodi faciunt. deinde in eos, qui talia sustinent. Ego uero culpari non debeo, nisi forte ueritas, & libertas in cōmemorando reprehensionem mereatur. Ac reliquum quidem hominum uulgus, puta palæstricos quospiam, aut adultores imperitos, sordidoq; animo, ac suapte ingenio humiles, & abiectos homines ne operæpretium quidem fuerit ab eiusmodi conuictu dehortari, quippe nequaquam obtemperaturos, neq; rursum æquum sit illis uitio uertere, quod non relinquunt suos conductores, etiam plurimis ab illis contumelijs affecti. sunt enim ad eā uitæ rationem accommodati, factiq; neq; ea uidelicet indigni. præterea ne habeant quidem aliud quippiam, ad quod sese conuertant, & in quo sese exercent, adeo ut si quis eam uitam illis adimat, ignaui ilico, consiliūq; inopes, desidiosi, atq; inuiles reddantur. Quamobrem, nec ipsi rem indignam aliquam patiantur, nec illi contumeliose facere uideantur, si (quod aiunt) in matellam immunxerint. Etenim ad eas ipsas contumelias iā inde initio præparati, conferunt sese in familiam. Atq; hæc sola illis ars suppetit, ferre, & perpeti quicquid acciderit. Cæterum eruditorum nomine, de quibus in situeram loqui, merito indignandum, enitendumq; ut quàm maxime fieri potest, eos inde reuocatos, in libertatem uindicemus. Videor autem recte facturum, si quibus de causis se quidam ad hoc uitæ genus conferunt, eas causas excussero, parumq; ido

neas, atq; efficaces esse demonstrauero. Siquidem eo pacto omnis illis præripietur excusatio, summusq; ille titulus, quo suam spontaneam seruitutem solent obtexere. Iam igitur pleriq; paupertatem, et rerum necessariarum inopiam proponunt, atq; eâ umbram satis idoneam existimant, qua suum factum prætexant, quod ultro ad eam uitam acceſſerint. Ac sibi sufficere credunt, cum aiunt, se quidam ignoscendum facere, qui id, quod est in uita molestissimum, nempe paupertatem, studeant effugere. Postea in promptu Theognis, atq; illud plurimum in ore.

• Nam quencunq; uirum paupertas illigat.

Et siquæ alia terricula abiectissimi quiq; poetæ de paupertate sunt commenti. Equidem si uiderem ex huiusmodi conuictu paupertatis effugium ali quod uere contingere, non admodum anxie cum eis de uehementer amplectenda libertate disceptarem. At posteaquam eiusmodi quædam accipiunt, cuiusmodi sunt ægrotantium alimenta (quæ admodum egregius ille dixit orator) qui queant effugere, quo minus in hoc ipsum parum recte sibi consuluisse uideantur, nimirum semper illis manente eodem uitæ illius argumento. Semper enim manet paupertas, semper accipiendi necessitas, nihil, quod seponatur, nihil superest, quod reſeruetur. Verum quicquid datum fuerit, ut detur, ut uniuersim etiam capiatur, prorsus omne insumitur, ita tamen, ut ne id quidem in usus sufficiat. Rectius autem futurum fuerat, si nequaquam causas eiusmodi

De ijs, qui mercede
di comminiscerentur, quæ paupertatem seruant,
aluntq; atq; eatenus duntaxat opitulantur, uerū
quæ illam tandem aliquando tollant. Ac forsitan
tibi hoc uolebas Theogni, cum diceres, eam in altū
mare, ac præruptis de scopulis præcipitem dari
oportere. Quod si quis semper pauper, semper e-
gens, cum semper mercede conductus mereat, hoc
ipso sese arbitretur aufugisse paupertatem, non ui-
deo, qui fieri possit, quo minus hic ipse sese fallere
uideatur. Rursum alij negant sese paupertatem for-
midaturos, si modo reliquorum hominum in mo-
rē possint suo labore, suaq; industria uictum sup-
peditare. At nunc sibi fractas esse corporis uires,
seu senio, seu morbis, eoq; ad eam uitam mercena-
riam facilem uidelicet, atq; commodam confuge-
re. Age igitur, inspiciamus num uera prædicent,
et num ea, quæ dantur, ex facili illis suppetant,
neq; maiore labore constant, quàm uulgo suus ui-
ctus. Nam id quidem etiam uotis expetendum, uti-
citra laborem, citra sudorem, nullo negotio paratū
argentum accipias. Verum quàm hæc absint a ue-
ro, istud profecto ut dignum est, ne dicam quidem sa-
tis potest, tantum laborum, tantum sudorum in eius-
modi conuictibus exhauriendum, ut ex eo tempore,
cum pluribus etiam egeant rebus, tum præcipue
bona ualetudine, quippe cum quotidie sexcenta non
desint negotia, quæ corpus conficiāt, adq; extremā
usq; defectionem delassent. Verum hæc suo loco
dicemus, cum etiam reliquas illorum incommodita-
tes commemorabimus. In præsentia sat erit leuiter

ostendere, qui se aiunt hac de causa in seruitutem addicere sese, ne istos quidem uerū dicere. Superest iam, ut eam causam referamus, quæ quidem ut est uerissima, ita ab illis minime profertur. Nepe ipsos uoluptatis gratia, & amplius illis spebus incitatos ultero innuadere familias diuitum, auri, argentiq; uim, & copiam admiratos. præterea quod felices sibi uideantur ob conuiuia, reliquasq; eius uitæ delicias, sperantes futurum, uti mox, nemine uetante, affatim auro sese proluant. Hæc nimirum sunt, quæ illos adducunt, atq; ex liberis seruos constituunt. Nō rerum necessariarum usus, quem prætexebant, sed rerum non necessariarum cupiditas, atq; ingentium illarum, & ampliarum opum admiratio. Enimvero quemadmodum miseros istos, atq; infelices amantes callidi quidam, & ueteratores amassū receptant, et fastidienter ducunt, lactantq; uide licet, quo iugiter amantes ambiant ipsos, atq; inserviunt. Cæterum ex amoris fructu, ne summo quidem osculo impertiunt. Intelligunt enim copia facta dissoluendum amorem. Id igitur ne fiat præcauent, diligenterq; sui copiam subtrahunt. Alio qui spe semper retinent amantem, metuentes, ne desperatio minuat cupiditatis ardorem, amantemq; ab se alienet. Proinde semper arrident, pollicenturq; semper facturi sint, semperq; gratificaturi, semperq; magnificas de rebus curæ habituri, donec imprudentes ambo repente senuerint, atque utriq; iam præterierit ætas, huic ad amandum, illi ad dandum. Atq; ita omni uitæ, nihil illis per-

De ijs, qui mercede

actum est, ultra spem meram. At qui uoluptatis cupiditate nihil non ferre, id quidem forsitan non usque adeo uitio uertendum, quin magis uenia dāda, si quis uoluptate capiatur, & hanc undequaq; consecetur, quo possit ea potiri, quanquam turpe forsitan, ac seruile, si quis ea gratia semet in ius tradat alienum, propterea quod uoluptas, quæ ex libertate percipitur, multo suauior est quàm ea, quam ille libertatis iactura sectatur. At tamen hoc quoq; aliquo pacto ignoscendum illis sit, si modo consequatur. Verum enim uero ob solā uoluptatis spem, multas perferre molestias, equidem et deridiculum arbitror, & stultum maxime, cum uideant labores certos esse, manifestos, & inuitabiles, porro illud, quod speratur, quod quidem nihil aliud tandē est quàm uoluptas, ne tam longo quidem tempore contigisse. Præterea autē, nec uerisimile uideri, ut contingat aliquando, si quis modo rem rectā reputet uia. At Ulyssis socij, dulci quadam gustata loto reliqua negligebant, ac præsentī uoluptate delinīti honesta contemnebant, ut non prorsus cum ratione pugnaret in illis honestatis obliuio, nimirum animo uoluptatis illius sensu occupato. Verum si quis famelicus alij cuiuspiam loto sese ingurgitanti, neque quicquam inde impertinenti assistat, idq; solam ob spem, quod credat fore, ut & ipsi aliquando degustandam lotum porrigat, assistat inquam ad hūc modum, recti, atq; honesti oblitus, dī boni quādam hoc ridiculum, planeq; uerberibus quibusdam hominibus dignum. Ergo quæ istos ad diuitum conui-

etiam adducunt, et quibus impulsī sese illis dedūt,
ad quodcūq; lubitum fuerit utendos, hęc sunt,
aut his fermē simillima. Nisi si quis & illos comme
morandos esse iudicat, quos hęc una res ad id com
mouet, quod gloriosum arbitrantur, cum illustri
bus, atq; opulenti uiris habere consuetudinem. sūt
enim qui hoc quoq; pręclarum, ac magnificum, su
pręq; plebem esse existiment. Nam ego quidem, qđ
ad me proprie attinet, recusarim uel cum Persarū
rege conuiuere duntaxat, conuictorq; uideri, si nul
lus ex eo conuictu fructus ad me redeat. Cū itaq;
causa eius uitę suscipiendę sic illis habeat, age iā
consyderemus apud nosmetipsos, primum cuius
modi sint illis perferenda prius, quā admittan
tur, prius quā obtineant. Deinde cuiusmodi in
ipsa iam uita constituti patiantur. Postremo si qua
deniq; catastrophe, si quis fabulę exitus illis contin
gat. Neq; enim illud dicere possunt, hęc tametsi mo
lesta sint, tamen assuesci facile, neq; ad id multo opus
esse labore. sat esse, si uelis modo, postea reliqua o
mnia factu fore facilia. Immo necesse est, ut primū
diu sursum, ac deorsum cursites, mane exatatus as
sidue pro foribus obuerseris, ut perdures, cum pro
truderis, cum excluderis, cū improbus interdum,
atq; importunus uideris ianitori male syristanti,
cumq; tibi nomen inditur Cleori Libyco, cumq;
nominis tui memoriam mercede redimere cogeris,
cum etiam uestitus tibi est apparandus supra tuę
rei facultatem, pro dignitate eius, cuius conuictum
ambis, deligendus color, quo ille potissimum gaude

De ijs, qui mercede
at, uti ne discrepes, ne ue oculos illius offendas. Po-
stremo uti gnauius affectere necesse est, uel antee-
das potius, à famulis protrusus, ac ueluti pompam
quandam expleas. At ille interim complures iam
dies ne aspicit quidem te. Quod si quando res tibi fe-
licissime uerterit, si te respexerit, si accersuerit, di-
xeritq; quicquid illud fuerit, quod illi forte in buc-
cam uenerit, tum deniq; tum plurimus sudor, tum
singultus crebri, tum intempestua trepidatio, tum
sanè eorum, qui adsunt, hæsitantiam tuam, ac per-
plexitatem ridentium. Qua quidem non raro aci-
dit, ut cum oportuerit respondere, quis fuerit rex
Achiuorū, mille naues illis fuisse respondeas. Atq;
id, si qui sunt modesti, pudorem uocant, immodesti
timiditatem nominant, improbi inscitiam. Ita fit,
ut tu primam hanc diuitis comitatem, tibi pericu-
losissimam expertus, ita discedas, ut tantam animi
tui imbecillitatem ipse condemnes. Porro ubi mul-
tas iam noctes insomnes duxeris, ubi plurimos di-
es cruentos egeris, haud quidē Helenæ gratia per
Iouem, neq; ob priameia pergamæ, uerum spe qnq;
obolorum. Contigerit autem si deus quispiam tragi-
cus, qui tibi sit auxilio, iam illud restat, ut explo-
reris, excutiarisq; num literas noris. Nā tuus con-
uictus non iniucundus est diuiti, probat enim, ac
felicem se reddit. At tibi uidetur, de uita ipsa, deq;
omni fortuna certamen esse paratum, propterea qd
tibi uenit in mentem, idq; merito futurum, ut alius
nemo sit admissurus, si prius ab hoc reiectus, ac
repudiatus uideare. Interim in uarias curas distra-
haris oportet,

haris oportet, partim dum inuides ijs, qui pariter
ex æquo tecum æstimantur. Finge enim & alios es-
se, qui eiusdem fortunæ tibi sint competitores, te ue-
ro tibi uideri cuncta parum absolute respondisse,
metuentem interim, simul & sperantem, ac mise-
re de illius uultu pendentem, qui, siquid parum
probet eorum, quæ dixeris, peristi. Sin arridens
auscultat, hilarescis, & spe bona fultus consistis. Por-
rò consentaneum est, esse non paucos, quorum alij
tibi aduersentur, maleq; cupiant, alij tibi sint op-
positi uti refellant. Horum unusquisq; clanculum
uelut ex insidijs in te iaculatur. Iam uero illud cō-
sidera, quale sit uirum promissa barba, cana coma,
examinari, nunquid bonæ rei didicerit, & alijs
quidem didicisse uideri, alijs secus. Superior inte-
rim uita, & omnis contracta ætas tua curiosius di-
squiritur. Quod si quis aut cuius inuidia, aut uici-
nus leui quapiam de causa prouocatus, te deferat,
& adulterum dicat, uel puerarium, is protinus,
iuxta uetus illud prouerbum, ex Iouis tabulis te-
stis. Porro si pariter omnes bene de te prædicent,
suspecti leues, pacta q; salarij parte ad hoc ipsum
redempti uidebuntur. Nam admodum omnia tibi
constent oportet, Nihil prorsus sit, quod tibi queat
obstistere. Alioqui nunquam obtinueris. Age sané.
Hoc quoq; contigit, ac bona quapiam fortuna cun-
cta tibi feliciter cesserunt. Probauit ipse tuam ora-
tionem, non dehortantur amici, qui sunt præcipui,
quibusq; ille huiusmodi in rebus plurimam habet
fidem. Ad hæc uult etiam uxor, Non refragatur

De iis, qui mercede
domus praefectus, neque item dispensator. Nemo tu
am insinulauit uitam, dextra omnia, & omni ex
parte bene promittunt sacra. Visti igitur o fortu-
nate, & coronatus es olympia. Quin Babylonem
magis cepisti, aut sardorum arcem occupasti. Habe-
bis copiae cornu, & gallinaceum lac emulgebis, par-
est, ut aliquando praemia capias, maxima uideli-
cet, & quae laboribus tantis respondeant, ne coro-
na tua frondea duntaxat sit, simul ut merces haud
quaquam contemnenda praestituatur, eaq; commo-
de ad usum, citraq; negotium persoluatur, utq; re-
liquus item honos tibi praeter ministrorum vulgus
suppeditetur. Ceterum a laboribus illis, a luto, a
cursitationibus, a uigijs, in otium te recipias, uti,
id quod uulgo solent optare mortales, porrectis pe-
dibus dormias, nihilq; iam facias praeter ea sola,
quorum gratia primum receptus es, & in quae
conductus. Ita enim consentaneum fuerat Timocles,
neq; ingens malum erat futurum, si quis subdita cer-
uice ferat iugum, leue nimirum, & portatu facile,
quodq; omnium maximum, auro illitum. Atq; lon-
ge secus res habet, immo nihil horum reperietur.
Siquidem in medijs ipsis id genus conuictibus sex-
centae res accidunt, uiro ingenio neuti quam tole-
randa, quae cum audieris, ipse tecum ordine repu-
tato, num quisquam ea perpeti queat, cui quidem
cum eruditione uel minimum commercij fuerit.
Exordiar autem, si uidetur, a primo conuiuio. unde
consentaneum est te consuetudinem illam conspici-
turum. Primum igitur, adest tibi quispiam, qui te

degunt.

130

iubeat ad conuiuium accedere, famulus, non inco-
mis, qui tibi prius placandus datis in manum, ne
uidearis inciuilis, ut minimum quinq; drachmis.
At ille AciZans, seq; cum maxime cupiat, cupere
dissimulans, A page inquit, Ego ne quicquam abs
te? Addit & illa, absit, dij prohibeant. Tandem
flectitur atq; obtemperat, ac discedit, te diducto ri-
ctu subsannans. Tu porro nitida sumpta ueste, mu-
dissimeq; cultus, lotus accedis, solicius interim, ne
prior alijs aduenias. Nam id inurbanum, quemad-
modum postremum uenire, graue, proinde media
inter utrumq; obseruata opportunitate ingrederis,
teq; sane quam honorifice excipiunt, tum arrepta
manu te quispiam iubet accumbere, paulo infra di-
uitem, inter duos ferme ueteres amicos. At tu, per-
inde atq; in Iouis aedes ueneris, nihil non admi-
raris, & ad omnia, quae geruntur, suspensus inhi-
as, propterea quod noua tibi, atq; inuisa sint cun-
cta. Interim familia te spectat, omnesq; qui prae-
sentes sunt, quid agas obseruant. Neq; uero ea res
curae non est ipsi diuiti, quippe qui famulis aliquot
praemonitis negotium dederit, ut oculis obseruent,
queadmodum te geras in pueros, aut in uxorem,
num subinde ex obliquo respectes. Ac reliqui qui-
dem conuiuae, simulatq; te uident, propter imperi-
tiam ad ea, quae fiunt, attonitum, ac stupefactum,
derident clanculum, coniectantes te nunquam an-
tea apud alium quempiam coenasse, nouumq; ti-
bi esse, ut mantile apponatur. Proinde, sicuti ueri-
simile est, prae haesitantia sudas oportet, ac neque

r 2

De iis, qui mercede

cum sitias, audeas potum pascere, ne uinosus uideare, neque uarijs appositis obsonijs, & in ordinem quendam extructis, scire posses, cui prius, aut posterius manum admoneas. Quare ad eum, qui proximus accumbit, respectes necesse est, atq; eundem imitatus, conuiuij rationem, & ordinem discas. Alioqui anceps sedes, & uarians, animoq; penitus perturbato, & ad omnia, quæ illic geruntur, obstupescens. Atq; interim qdē, diuitis admirari felicitatē propter auri uim, et, eboris, tātasq; delicias interim tuā ipse deploras infelicitatē, q̄ cū nullius sis rei, tñ uiuere te credas. Nonnunq̄ et illud in mentem uenit, fore, ut admirandā, & expetendā quandam uiuas uitam, quippe qui sis omnibus delitijs illis fruiturus, cunctorumq; ex æquo futurus particeps. Arbitraris enim te semper bacchanalia festā celebraturum. Quin & adolescentuli formosi præministrantes, ac silentio aridentes, suauius in posterum hoc uitæ genus pollicentur, ut Homericum illud nunquam desinas in ore habere.

- ” Haud uitio uerti debet, si troia pubes,
- ” Armatisq; simul Danaï, sub Marte, laborum
- ” Pondera tanta ferant.

Ob tantam uidelicet felicitatem.

Accedunt ad hæc inuitatiunculæ ad bibendum. Ac postulato perquam ingenti scypho, quispiam præbibit tibi, præceptorem, aut aliud quiddam deniq; te appellans. At tu recepto scypho, quid uicissim oporteat respondere, propter eiusmodi morum imperitiā ignoras. Iamq; rusticanus, & inelegans

esse uideris. Cæterum ea propinatio multorum ueterum amicorum inuidiam in te concitauit, e' quibus nonnullos iandudum tuus accubitus urebat, quod modo cum adueneris, ijs antepondere, qui multorum annorum seruitutem exhauferint. I rotinus itaq; talia quædam de te inter illos dicta feruntur. Illud scilicet malis nostris deerat, ut etiam ijs, qui nuper in familiam commigrarunt, posthabeamur. Et solis græculis patet urbs romana. Et quid habent, quamobrem nobis debeant anteponi? Num mirificam quandam utilitatem adferre uidentur, cum uerbula quædam misera dicunt? Rursum alius hæc. An non uidisti, quantum biberit, quemadmodum cibos appositos auide corripies deuorarit? Homo inelegans, ac fame enectus, qui ne per somnum quidem unquam fuerit albo pane saturatus, multo minus aue numidica, aut phasiano, e' quibus nobis uix ossa reliqua fecit. Porro tertius, stultus inquit prius quam quinque abeant dies, uidebitis hunc nihilo pluri fieri, quam nos. Nam nunc quidem non secus, atque calcei noui solent, in pretio est, & habetur charus. uerum ubi crebro iam fuerit calcatus, lutoq; deformatus, tum misere sub lectica abijcietur situ, quemadmodum nos, oppletus. Atque inter illos talia permulta de te iactantur. Ex quibus aliquot iam tum etiam ad calumniandum, insimulandumq; te incitantur. Omne igitur illud conuiuium tui plenum, ac pleriq; de te sermones. Tu uero propter insolentiam, atq; insuetudinem, plus quam sat est hauris uini tenuis, &

acris, eoq; iandudum aluo tibi cita, discruciaris, ue-
rum neque decorum tibi, ante alios è conuiuio di-
scedere, neque rursum manere tutum. At produ-
cta interim in longum potatione, dum sermo alius
ex alio nascitur, dum spectacula alia post alia pro-
feruntur in conuiuium (Nam uniuersum fortune
sue strepitum tibi cupit ostentare) non mediocri-
ter discruciaris, cui non liceat, neque uidere, quæ
geruntur, neque auscultare, si quis uoce, citharâ ue-
canat egregie formosus adolescentulus. At laudas
tamen inuitus, cæterum animum illud optas, ut aut
terræmotus repens ortus ea cuncta discutiat, aut
incendium aliquod renuntietur, quo simul conuiui-
um tandem aliquando dirimatur. Habes amice pri-
mum illud scilicet, & suauissimum conuiuium,
quod mihi quidem haudquaquam suauius sit ce-
pis, candidoq; sale, libere, cum uelim, ex iis, et quan-
tum uelim edenti. Verum ut ne tibi commemorem
ructus acidos, qui deinde sequuntur, ut ne noctur-
nos uomitus, mane uobis erit de mercede pactorâ
figendum quantum, & qua anni parte te oportet
accipere. Ergo præsentibus duobus, aut tribus
amicis, accersito te, & considerare iusso, sic loqui in-
cipit. Facultates nostræ cuiusmodi sint, iam prospice-
re potuisti, quàm nullus in his strepitus, aut osten-
tatio, sed mediocria omnia, ac plebea. Sic autem
animum inducas uelim, ut existimes omnia nobis
fore communia. Nam ridiculum profecto, si cum
charissimam possessionum mearû partem puta me-
am ipsius uitam, aut per Iovem, liberorum etiam

(si fors illi liberi fuerint erudiendi) tibi credam,
non aliarum item rerum te mecum ex aequo do-
minum, ac possessorem existimem. Cæterum quan-
do certi quippiam est præfiniendum, age consyde-
remus, quid aptum, quidq; tuis moribus sit satis.

Atque equidem intelligo non mercedis adductum
spe, te in nostram uenisse familiã, uerum aliarum
gratia rerum, puta nostræ in te beneuolentiæ cau-
sa, tum honoris, qui tibi præter cæteros omnes con-
tinget. At tamen præfiniendum est aliquid. Quin
ipse magis, quod uidebitur statuito, habita ratione,
uir amicissime, munerum etiam illorum, quæ quo-
tannis festis diebus à nobis accepturus uideris. Neq;
enim uel ista nobis fuerint neglectui futura, eti-
am si nunc hæc pactio non complectamur. Scis
autem complures per annum eiusmodi, munerum
ocasiones incidere. Horum igitur habita ratione,
moderatus nimirum præmium nobis præscribas.
Præterea decet etiam uos homines eruditos, pecuni-
am negligere. Hæc ille dicens, totumq; te uaria spe
labefactans, mitem sibi, ac tractabilem reddidit.

Tu porrò, qui dudum talenta, ac multa nummum mil-
lia somniaras, solidos agros, et familias, sentis qui-
dem tacitus apud te hominis sordes, ac parcimoni-
am, nihilominus blanditur tibi pollicitatio tamen,
atque illud communia futura, sunt omnia ratum,
et uerū fore arbitraris, ignarus, eiusmodi dicta
» Summis è labijs, non imo è corde profecta.
Tandem præ pudore ipse statuendi ius desers, uerū
ille facturum sese negat. Cæterum ex amicis præ

De ijs, qui mercede

sentibus quēpiam in eo negotio ueluti medium in-
tercedere iubet, qui salarij modum pronuntiet eū,
qui neq; ipsum grauet, ut cui plurimas, tum alias
in res, magis his necessarius sumptus sit faciendus,
neq; rursus ei, qui laturus est, sit omnino indignus.
Atque is seniculus quispiam, diuitis æqualis, unā
cum illo à pueris, adulando educatus. Eho tu in-
quit, num inficias ire potes, quin unus sis, qui in
hac urbe uiuunt, omnium fortunatissimus, cui pri-
mum contigerit, quod pluribus misere cupientibus,
uix à fortuna dari possit, nempe, ut in huius ho-
minis consuetudinem admittaris, ut communes pe-
nates habeas, ut in familiam, inter Romanos prima-
riam recipiaris? Id nimirum tum Cræsi talenta,
tum Midæ diuitias superat, si modo sapere didica-
sti. Equidem non paucos noui magni nominis uiros,
qui cupiissent, etiam siquid ultra dandum fuisset,
gloriæ duntaxat causa, cum isto uiuere, & fa-
miliares apud hunc, atq; amici uideri. Quapro-
pter haud inuenio, quibus modis tuam prædicem
felicitatem, quiquidem ad hanc tam expetendam
fortunam, etiā præmio addito admitteris. Proinde,
mihi satis esse uidetur, nisi plane es insolens, si tan-
tum accipias, simulq; pronuntiat, sanè minimum
quiddam, præsertim ad spes illas tuas, attamen bo-
ni consulas necesse est. Neq; enim iam possis effugere,
cum intra retia tenearis. Frenū igitur reapis, mus-
sitans, ac dissimulans, ac initio quidem non magno
pere illi reluctans, facileq; sequeris, ut quod non
admodum te torqueat, neque stringat, donec illi

tandem paulatim assueueris. Tum uero ij, qui for-
tis sunt, mortales, hoc ipso nomine tuam fortunam
admirantur, quod te conspiciant intra cancellos uer-
santem, ac nullo prohibete introeuntem, prorsusq;
præclaris illis opibus, delitijsq; domesticum quen-
dam, ac familiarē esse factum. At ipse nequaquā
uidere potes, quam obrem illi te felicem existiment,
nisi quod gaudes tamen, teq; ipse fallis, semper futu-
ra meliora fore existimans. Cæterum contra atq;
speraris euenit, et, quemadmodum adagio dicitur,
iuxta Mandrabuli morem negotium procedit, in
singulos (ut ita dixerim) dies, deterius, ac retro re-
labens. vnde paulatim uelut in luce dubia, tum de-
num dispiciens intelligere in apis, aureas illas spes,
nihil aliud fuisse, quā ampullas quasdam inau-
ratas, porro graues, ueri inenitabiles, perpetuiq;
labores. Sed qui nam isti sint, forsitan me rogabis.
Neq; enim uideo inquires, quid in hac consuetudi-
ne sit adeo molestum, neq; intelligo ista, quæ com-
memoras, grauiā, atq; intolerāda. Audi igitur uir
egregie, non molestiam modo negotij perpendens,
uerum foeditatem, humilitatem, prorsusq; seruituta-
tem, uel præcipue interim consyderans. Principio
memineris ex eo tempore, te iam neq; liberū, neq;
ingenuū posse uideri. Noueris enim te hæc omnia
genus, libertatem, progenitores, ante limen relinque-
re, cum in huiusmodi seruitutem temetipsum addi-
cens in ædes ingrederis. siquidem libertas tibi co-
mes ire recusarit, ad uitam tam indignam, tam hu-
milem te conferenti. Seruus itaq; (tametsi nomine

De ijs, qui mercede

ipso grauiter offenderis) seruus inquā, uelis nolis, ficturus es, neq; unius seruus, uerum complurium, operamq; seruilem praestare cogeris, obstricto capite, a diluculo in uesperam usq; idq; mercede uili, atq; indigna. Adde, quod ne placebis quidem admodum, neq; domino satisfacies, neq; ab illo magni fies, ut qui non a puero fueris ad seruitium institutus, sed sero didiceris, atq; aetate multum aliena coeperis ad id erudiri. Excruciat autem te pristinae libertatis memoria, animo recursans, facitq; ut interdum resilire conere, relucterisq; atq; ob id ipsum fit, ut seruitus tibi molestior acideat. Nisi forte illud tibi ad libertatem sufficere putas, quod non fueris Pyrrhia aut Zopyrione patre prognatus, aut quod non sic, uti bythinicum aliquod mancipium uociferante pracone diuendaris. At qui tum uir egregie, cum instante nouilunio, Pyrrhijs, et Zopyriombus immixtus, manum iidem, ut alij seruuli protendus, capisq; quodcunq; illud tandem est, quod datur, haec uidelicet est auctio. Nam pracone nihil opus erat homini, qui ipse sui fuerit praeco, quiq; ipse ultro sibi multo tempore dominum ambierit. Age iam o scelestes (cur enim non dicam praesertim in eum, q se philosophum esse dicat) si quis te pyratae internauigandum captum, aut si quis praedo in seruitutem tradidisset, te ipsum deplorares, tanquam indignam fortunae iniuriam patientem. Aut si quis manu iniecta, te duceret in seruitutem asserens, leges inclamares, omnia faceres, acerbe ferres, et o' terra, o' dij, magno clamore uociferareris. Nunc uero, cum ipse

te ob paucos obolos, id ætatis, in qua etiam si ser-
uus natus esses, tamen tempestuum fuisset iam ad
libertatem aspirare, ipso uirtutis, ac philosophiæ
titulo uendideris, nihil illa reueritus, quæ permul-
ta ab egregio Platone, Crysippo, Aristotele differū-
tur, cum libertatem laudant, seruitutem damnant.

An non te pudet, cum inter homines assentatores, et
emptitios, ac scurras uersans ex æquo cum illis æsti-
maris, cum in tanta Romanorum turba, solus pere-
grino in pallio uersaris, cumq; romanam linguam
perperam, ac barbare sonas, præterea, cum agitas
conuiuia, tumultuosa, magna hominum turba con-
ferta, quorum pleriq; collectitij quidam sunt, et im-
probi. Atq; inter hos laudas odiose, bibisq; præter
modum, deinde mane ad tintinabulum expergefa-
ctus discussa ab oculis dulcissima somni parte, una
sursum, ac deorsum deambulas, hesternò luto etiã
dum tibijs adhærente? Vsq; adeo ne te lupini, aut
olerum agrestium tenuit penuria? Vsq; adeo
tibi defuerunt fontes frigida manantes aqua, ut p
desperatione ad ista deuenires? Haud puto. Quin
potius palàm est, te non frigida aquæ, neq; lupi-
ni, sed bellariorum, atq; obsoniorum, uiniq; odora-
ti cupiditate captum eò uenisse, quæ dum lupi pi-
scis in morem auidiùs appetis, tuo merito euenit, ut
hamus tibi fauces transfixerit. Ita q; in oculis sunt
huius intemperantiæ, gulæq; authoramenta. Ac
perinde atq; sinia à trunco reuinctus, reliquis qui-
dem omnibus risui es, at ipse tibi delitijs affluere
uideris, cui contingerit, affatim expleri carias. Cæte-

De ijs, qui mercede

rum libertas, ingenuitas, unâ cum ipsis gentilibus,
ac tribulibus, hæc nimirum evanida cuncta, atq;
istarum rerum ne memoria quidem ulla, quanquâ
hoc quoq; ferendum, si uita ista cum hac turpitudi-
ne duntaxat esset coniuncta, quod è libero seruum
uideri fiat non labores etiam accederent, cum illa
seruorum colluue communes. Sed uide, num quæ ti-
bi imperantur, leuiores sint ijs, quæ Dromoni, aut
Tybio mandantur. Nam doctrinæ quidē, cuius rei
cupidine simularat te in familiam suam accersisse
se, perquam exigua illi cura est. Quid enim (ut
dici solet) commercij asino cum lyra? An non ui-
des uidelicet, quàm misere macerentur immodico
desyderio, uel homericæ sapientiæ, uel demostheni-
cæ grauitatis, ac uehementiæ, uel platonice subli-
mitatis? Quorum mehercle ex animis siquis au-
rum, argentum, atq; harum rerum curas tollat, ni-
hil fuerit reliquum, præter fastum, molliam, lasci-
uiam, luxum, ferocitatem, imperitiam. Atq; ad ista
nihil prorsum opus te. Verum quoniam tibi barba
ingens propendet à mento, quoniamq; uultu ipso
grauē quiddam, & uenerandum præ te fers, tum
quia pallio græcanico decenter amictus es, norūq;
iam omnes te grammaticum esse, seu rhetorem, seu
philosophum, pulchrum ille sibi putat, ut & eius
modi quispiam, anteambulorum suorum pompæ
permistus esse uideatur. Futurum enim hac re, ut
græcanicarum disciplinarum studiosus, reliquæq;
omnis doctrinæ, neq; negligens, neq; rudis esse pu-
tetur. Vnde fit ut in periculum uir egregie uenias,

ne non tam ob admirandas illas artes, quin magis ob barbam, palliumq; conductus esse uideare, proinde ut perpetuus apud illum conspicaris oportet, neq; absis unquam, uerum ut diluculo relictis stratis, in famulatio temet exhibeas conspiciendum, neq; locum in acie deferas. Porro ille iniecta nunquam tibi manu, quicquid forte in mentem inderit, de hoc tecum nugatur, obuijs ostentans, q̄ ne per uiam quidem ingrediens, incurius sit literarum, quin ut illud ipsum etiam otium, quod inter inambulandum datur, in re quapiã honesta collocet. At tu miser interim, nunc cursim, nunc gradatim, nunc scansim plerunq; nunc descensim (Nã scis huiusmodi esse urbem) obambulans, tum sudas, tum spiritum anhelus trahis. Deinde illo intus cū amico quopiam, cum libitum fuerit confabulante, cum tibi interim locus desit, ubi uel assidere queas librum uidelicet in manum sumis, quoq; fallas tædium, legis. Post ubi ieiunium te, sitientemq; nox occuparit, incommode lotus, intempestiue, puta nocte ferme concubia, ad coenam accedis. Haud perinde deinceps in pretio habitus, neq; conspiciendus ijs, qui adsunt. Verum si quis aduenerit recentior, tu post tergum reijceris. Itaq; in angulum aliquem abiectissimum retrusus, accumbis, testis duntaxat, ac spectator eorum, quæ apponuntur, canum ritu ossa circumrodens, si fors ad te perueniat, uel aridum maluæ folium, quo reliqua corripuerint, si fâsidiatur ab ijs, qui supra te accumbunt, præ fame libenter arrepturus. Audi iam & aliud contra

De ijs, qui mercede
meliae genus. Quid, quod ne ouum quidem soli ti-
bi apponitur. Neq; enim conuenit, ut tu semper ea-
dem requiras, quæ hospitibus, atq; ignotis mini-
strantur, quandoquidem hæc tua sit inscitia atque
inurbanitas. Neq; auis eiusmodi tibi apponitur,
qualis alijs. Verum diuiti illi, pinguis, et succulen-
ta, tibi pullus dimidiatus, aut palumbus aliquis
aridus, atq; insipidus, non auis uidelicet, sed mani-
festa contumelia, ludibriumq;. Neq; uero raro fit,
ut si quando desit alibi, minister repente, te inspe-
ctante, submouens ea, quæ tibi erant apposita, alijs
apponit, illud tibi ad aurem immurmurans, tu pro-
fecto noster es. Quod si quando interim dissecetur
uel porca foeta, uel ceruus, aut structorem tibi mo-
dis omnibus propiciam habeas oportet. aut certe
Promethei partem feres, nempe ossa adipe circun-
tectæ. Nam quod ei, qui supra te accumbit, patina
sinitur adstare, quoad satiatus repudiet, te contra
tam celeriter prætercurrat, quis tandem istuc ferat,
qui modo sit ingenuus, cuiq; tantum insit bilis quã-
tum uel ceruus adest. Atq; illud equidem non dum
dixi, quod reliquis suauissimum, ac uetustissimum
uinum bibentibus, tu solus malum quoddam, et
pingue bibis, proinde illud semper curas, ut auro,
argento ue bibas, ne colore prodente, palàm fiat,
te usque adeo contemptum, neglectumq; esse conui-
uam. Quamquam bene tecum ageretur, si uel illud
ipsum ad satietatem usq; bibere liceret. At nunc,
ubi crebrius poposceris, minister audisse dissimu-
lat. Adde iam multas interim, et alias esse res, quæ

te discrucient, immo nihil esse ferme, quod non sit
acerbum maxime, cum tibi anædus aliquis antefer-
tur, quin pluris te sit is, qui saltandi docet artem,
qui iocos ionicos contextit, Alexandrinus quispian
homunculus. Nam qui tibi speres, tu ut in accubi-
tu æqueris ijs, qui uoluptates, & amatoria submi-
nistrant, qui literulas in pectore gestant? proinde
in obscuro quopiam conuiuij latibulo tectus, præq;
pudore abstrusus, suspiras, uti coniectandum est.
teq; ipsum deploras, ac fortunam incusas tuã, quæ
tibi ne paucillulum quidem leporis, ac uenustatis
asperferit. Ac prorsus ita uideris affectus, ut optes
poëta fieri, ut amatorias conscribas cantiones, aut
si id non contingit, uel eam assequi facultatem, ut
possis ab alijs conditas digne canere. Vides enim
quibus in rebus situm est, ut quis offeratur, pluri-
miq; fiat. Quin et illud ferre queas, ut magi quoq;
aut arioli personam (si necesse sit) in duas, ex ho-
rum genere, qui amplas hæreditates, qui impe-
ria, qui cumulatæ opes pollicentur. Quandoquidẽ
hos quoq; uides non mediocriter a diuitibus ama-
ri, plurimiq; fieri. Ea q; uel unumquodlibet horum
fieri percipias, uti ne prorsus ridiculus, atq; in-
utilis appareas. At qui ne ad ista quidem docilis es
infelix, proinde submittas te oportet, mussitesq; ac
tacitus feras, clàm apud te plorans, ac neglectui ha-
bitus. Etenim si te famulus aliquis su surro, defe-
rat, qui solus omnium non laudaris, puerum he-
ræ saltantem, aut cithara canentem, ista scilicet ex-
re non leue discrimen impendet. Quapropter ter

De ijs, qui mercede

restris in morem ranæ, sitiens uocifereris necesse est, id operam dans, ut in laudantium numero insignis, ac præcipuus appareas. Quin sæpicule, silentibus reliquis, tibi ficta quædam laus proferenda, quæq; multam sapiat assentationem. Iam uero magnopere ridiculum est, cum esurias interim, sitiasq; unguentis collini, ac uertice gestare coronam. Siquidem id temporis non dissimilis uidere, sepulchrali columnæ, uetusti cuiuspiam cadaueris, quæ gestare solet ea, quæ manibus inferuntur. Nâ huic infuso unguento, impositaq; corona, ipsi et bibunt, et edunt apparatus epulas. Porro si etiam Zelotypus quispiam fuerit, sintq; illi uel pueri formosi, uel uxor puella, neq; tua ætas adhuc omnino defloruerit, proculq; abfuerit à rebus ueneris, profecto non satis tuta res, neq; periculum negligendum, propterea quod regis plures sunt oculi, qui quidem non uera solum uident, sed semper ueris aliquid addunt ad cumulum, ne conuiuere uideantur. Quas ob res, uultu demisso tibi est accumbendum, quemadmodum in Persias conuiujs fieri mos est, uerito, nequis eunuchus sentiat te, in concubinâ aliquam conuiuentem oculos, moxq; alter eunuchus, cui iandudum arcus in manu tensus est, quæ uidetur, quæ uidere nefas, inter bibendum, malam iaculo transfigit. Iam peracto conuiuio, ubi dormieris, ad galli cantum expergefactus. O me miserum inquis, o infortunatum, cuiusmodi quondam conuictus, quos amicos reliqui, tum uitam tranquillam, et otij plenam, somnum, quæ me apte paulisper cupiditate

cupiditate metiri soleo, deambulationes liberas,
atq; ex his in quale barathrum memet præcipitem
dedi? Et deum immortalem, cuius tandem rei gra-
tia? Aut quodnam istud magnificum præmiū?
At ne fieri quidem potuit, ut mihi unquam aliās
plures commoditates suppetere, quàm tum sup-
petebāt. Tum autem accedebat libertas, atq; omnia
pro meo arbitrio faciendi facultas. Nunc porro
iuxta id, quod proverbio iactatum est, Leo chordis
la uinctus sursum, ac deorsum arcū feror. Quodq;
omnium est miserrimum, maximūq; deplorandū,
neq; efficere possum, ut placeam, neque gratiam
emereri queo, propterea quod harum rerum sum
imperitus, ac rudis maxime compositus, collatusq;
cum iis, qui hæc uelut artem profitentur. Proinde
iniucundus sum, ac neuiquam aptus conuiuijs, q-
pe q- ne risum qdē conatari norim. Quinetiā sen-
tio me nō raro molestum esse, et importunū, cū ad-
sum, maxime, cū ipse meipso festiuior esse conor. Nā
illi tetricus uideor. In summa nullā inuenio uia,
qua me illi accomodem. Etenim si meā ipsius au-
thoritatem, ac seueritatem tueri pergo, iniucundus
uideor, ac propemodum horrendus, ac refugien-
dus. Contra si risero, uultūq; quā possum maxi-
me ad hilaritatem composuero, fastidit illic ille, ex-
auersatur. Ac prorsus tale quiddam mihi uidetur,
quale sit, si quis in persona tragici Comædii age-
re tentet. Postremo quam tandem aliam uitam mi-
hi uiuam demens, posteaquam hanc præsentem al-
teri uixerim? Dum hæc tecum loqueris, iam so-

De ijs, qui mercede

viuit tintinabulum, iamq; ad eadem tibi redem-
dum est, obambulandum, standum, sed ceromate
inunctis ante femoribus, poplitibusq; si modo uelis
par esse certamini, præmioq; tollendo idoneus. De-
inde conuiuium idem, & eadem apparatus hora,
iamq; adeo diuersa uiuendi ratio, superiori-
traria. tum insomnia, sudor, defatigatio, paulatim
quasi suffossis cuniculis inducunt uel tabem, uel pul-
monis exulcerationē, uel intestini tormina, uel egre-
gram illam podagram. Reluctaris tamen sedulo,
ac frequenter, cum ualetudo poscat uti lecto decum-
bas, ne hoc quidem licet, eo quod assimulari mor-
bus, quo munia, officiaq; iusta defugas, existimatur.
Hinc præter omnes perpetuo palles, semperq;
iamiam morituro uidere similis. Et hætenus qui-
dem de ijs, quæ domi ferenda sunt. Quod si quan-
do fuerit peregrinandum (ut ne interim referam
alia incommoda) sæpe fit, ut pluuio cælo, ubi po-
stremus ueneris (Nam is locus tibi sorte contigit)
uehiculum opperiaris, donec nullo iam reliquo lo-
co ubi sedeas, proxime coquum, aut heræ com-
ptorem te reclinant, ne stipulis quidem affatim
substratis. Neque uero tibi referre grauabor,
quod mihi Thesmopolis iste stoicus narrauit sibi
accidisse, rem profecto nimis quàm ridiculam, quæ
tamen eadem possit & alij cuius accidere. Con-
uiuiebat enim cum opulenta quadam, ac delicia-
ta muliere ex illustribus istis, & urbanis. Eam,
cum aliquando peregre profisceretur (nam id
primum aiebat sibi maximopere deridiculum ac

tidisse) in curru sibi uiro nimirum philosopho adiunxisse anædum quempiam picatis cruribus, de rassa barba, quem illa honoris (ut conijcio) gratia secum ducebat. Quin nomen quoque anædi commemorabat. Aiebat enim Chelydonium uocari. Iam primum illud cuiusmodi fuerit uide, iuxta uirum seuerum, tetricumq; , tum senem, canoq; mento, assidere nihili hominem, & effoeminatum, picturatis oculis, lubrico uultu, fracta ceruice, non Chelydonem per Iouem, idest hirundinem, sed vulturem magis, reuulsis barbæ plumis.

Quod ni magnopere illum fuisset deprecatus, ne faceret, futurum fuisse, ut flammæum etiam in capite gestans assideret. Præterea autem perpetuo hoc itinere molestias innumerabiles pertulisse sese, illo cantillante, garrienteq; , demum (nisi idem hominem coërcuisset) in rheda etiam saltante. Addebat secundo loco tale quiddam sibi fuisse mandatum. A cersito illi mulier Thesmopoli inquit, ita tibi dii bene faciant, magnum quoddam officium abs te requiram, quod caue recuses, neque expectes, ut quicquam te sim rogatura studiosius. Atque hoc (ut est credibile) omnia se facturum pollicito, hoc inquit te rogo, quandoquidem uideo te uirum probum, diligentem, & amantem Caniculam, quam nosti, Myrrhinam, in uehiculum reape, camq; mihi serua, curans ne quid illi desit. Nam misera grauida est, atque adeo propè modum iam propinqua partui.

At isti scælesti, & immorigeri ministri, non dicam

De ijs, qui mercede

huius, sed ne mei quidem ipsius magnopere rationem habent in peregrinationibus. Quare ne te putet mihi mediocre beneficium facturum, si carissimam mihi, iucundissimamq; Caniculam seruari. Recepit Thesmopolis, cum illa tantopere roicaret, ac propemodum etiā fleret. Porro spectaculū erat supra modum ridiculum, Canicula ē pallio prominens, prospectansq; paulo infra barbam, ac sub inde immeiens (Tamet si hęc quidem Thesmopolis reticuit) ac gracli uoce latrans (huiusmodi enim catellæ iam in delitijs sunt) neque non philosophi mentum oblingens. maxime siquid pridiani iurus inhereret. Porro anædus assessor ille, cum nō in se super conuiuium dicteria quædā iecisset in eos, qui aderant, ac denique & ad Thesmopolim usq; dictatas peruenisset, de Thesmopolide (inquit) unū hoc possum dicere, eum ē stoico cynicum iam nobis esse factum. Equidem audiui Caniculam etiam peperisse in Thesmopolidis pallio. Huiusmodi delitijs illudunt, uel (ut uerius dicam) huiusmodi contumelijs, ac ludibrijs tractant eos, qui cum ipsis uiuūt, paulatim eos ciures, ac mansuetos ad ferendas contumelias reddentes. Præterea autem & Carcharorum oratorem noui, qui iussus super cœnam declamabat, neutiquam inerudite per Iouem. immo grauius, & absolutissime, ac laudabatur interim ab illis bibentibus, cum non ad aquæ modum, sed ad uini amphoram oraret. Atque eam molestiam obducentas drachmas perpeti ferebatur. Verum hęc quidem fortassis utcunque toleranda. Porro si di-

nes ipse, aut poëticus fuerit, aut historicus, qui sua
ipsius scripta in conuiuio recitare gaudeat, tum
uero maxime futurum est, ut discrucieris, ac dirū-
paris. Nempe cum admirari, cum assentari, cum no-
uos quosdam laudandi modos comminisci necesse
habet. Sunt autem qui & formæ nomine studeāt
admirandi uideri. Eos nunc Adonidas, nunc Hya-
anthos appelles necesse est, etiamsi illis naris non-
nunquam cubitali hiet magnitudine. Quod ni lau-
davis protinus in lapidicinas dionysiacas asportabe-
ris, tanquam qui illi tum inuidcas, tum insidieris,
maleq; uelis. Ad hæc & sapiētes, & rhetores sine
necesse est. Quod si etiam rustice quippiam dixe-
rint, tum uero iuxta illud, quod dici solitum est,
Atticæ, atq; Hymetti plenam orationem uideri uo-
lunt, atque in legem abire, ut deinceps ita loquan-
tur homines. Quancquam in his quoque uiri for-
san, ut cunque, fieri queant. At uero mulieres (nam
mulieribus etiam illud studio est, ut doctos aliquot
in suo conuictu conductitios habeant, quiq; sese mer-
cede affectentur) quandoquidem hoc quoq; ad reli-
quum cultum, elegantiamq; pertinere putant, si di-
cantur eruditæ, si philosophi, si carmina compone-
re sapphicas haud multo inferiora, ob hæc eadem
hæ quoq; conductitios rhetores, grammaticos, philo-
sophos circunferunt. Hos autem adire solent (id qđ
ipsum est ridiculum) tum temporis, cum uel comun-
tur, aut capillos in orbem religant, uel in conuiuio.
Nam aliās non suppetit illis otium. Porro sæpenis-
mero fit, ut interim dum philosophus quippiam dis-

De ijs, qui mercede
serit interueniens ancilla literulas ab adultero por-
rigat. Ac præclari illi de pudicitia sermones inter-
mittuntur opperientes, donec illa rescripserit adul-
tero, atq; ita redeat ad auditionem. Porro si quando
post multum temporis instantibus saturnalibus, aut
panathenæis misera quæpiam umbella tibi mit-
tatur, aut tunica semiputris, ac detrita, tum deniq;
plurima missitentur oportet. Atq; aliquis, qui sta-
tim subauscultarit herum id facere destinantem,
præcurrit primus, adiensq; non exiguum pretium
aufert, qui renuntiarit. At mane plus tredecim te
adeunt idem reputantes nuntij, quorum quisq; cō-
memorat, quàm multa dixerit, quemadmodum
submonuerit, quemadmodum adhortans commo-
diora subiecerit. Omnes itaq; donati præmio disce-
dunt, at non sine murmure tamen, qui non plura
dederis. Porro salarium ipsum, sex fermè obolo-
rum. Idq; si tu postules, grauis, atq; importunus ha-
beris. Proinde quo illud aliquando auferas, Pri-
mum ipsi hero adulteris, supplexq; fias necesse est.
deinde captandus & dispensatoris fauor. Nam hoc
quoq; quoddam est seruitutis genus. Neq; uero ne-
gligendus is, quem in consilium adhibet, neq; item
amicus. Deinde quod acceperis, iandudum debe-
batur uel uestiario, uel medico, uel cerdoni cuipi-
am. Vnde fit, ut sera, atque intempestiua, eoq; inu-
tilia præmia tibi accedant. Cæterum inuidia in-
gens. Iamq; etiam calumniæ quædam paulatim
struuntur in te, apud hominem, qui iam non inui-
tis auribus accipiat, siquid aduersum te dicatur.

Quippe qui perspicat te laboribus assiduus iam detritum, & ad obeunda munia famulatus claudicantem, atque obaudientem, ac podagra subinde grauari. Proinde posteaquam id, quod erat in te florentissimum decerpserit, cuiq; partem maxime frugiferam, ac præcipuum corporis uigorem detriuit, iamq; te lacerum panniculum reddiderit, tum modis omnibus circumspectat, in quod sterquilinum te deportatum abijciat, atque alium perferendis laboribus idoneum in tuum substituatur locum. Ibi insinulatus uel quod pusionem illius tentaris, uel quod homo senex uxoris ancillam uirginem uitia- ris, uel alio quouis imposito crimine, noctu obuolatus, ac præceps datus extruderis, discedisq; desertus ab omnibus, atque omnium inops rerum optimam podagram unâ cum senecta comitem ducens. Cum interim quæ quondam sciueris, tanto temporis spatio dedideris, tum uentrè culleo reddideris ampliorem, tibiq; paraueris inexplebile quoddam, & intolerabile malum. Etenim gula ea, quibus assueuit, flagitat. Quæ cum negantur, indignatur. Adde quod præterea nemo te posthac recepturus est in familiam, utpote cuius iam præterierit ætas, quiq; similis euaseris equis senio affectis, quorum ne pellis quidem perinde ut aliorum animalium est usus. Quin ex hoc ipso, quod eiectus es, calumnia, quàm potest proxime ad ueri similitudinem conficta, fiat, ut aut adulter, aut ueneficus, aut aliud quippe tale uidearis. Nam accusatori uel tacenti fides habetur. In uero Græculus, moribus

De ijs, qui mecede

leuibus, & ad omne facinus facili. Siquidem huiusmodi nos omnes esse dicunt, idq; iure optimo, uideor enim mihi causam aduertisse, quamobrem eiusmodi de nobis obtineant opinionem. Nam pleriq; qui in familiis accedunt, propterea quod alioqui nihil bonæ rei didicerunt, diuinationē, ac maleficia profitentur, conaliationem amorum, immisiones in hostes, atque id cum faciunt, doctos sese affirmant, pallijs amicti, barbisq; neuiquam contemnendis onusti. His rebus fit, ut non iniuria eandem de reliquis omnibus habeant opinionem, quando eos, quos præcipuos esse iudicant, uideāt tales, Maxime uero posteaquam animaduuerint quā sint in cōuiuijs, reliquoq; conuictu adulantes, quā ad lucrum humiles, ac seruales. deinde ciectos eosdem iam oderunt, neq; id iniuria. ac modis omnibus adnituntur, ut eos funditus perdant, si quomodo possint. Verentur enim, ne cuncta illa uitæ suæ mysteria in uulgus efferant, quippe qui nihil non exacte norint, quiq; illos nudos conspexerint. Ea res igitur illos male angit. Omnes enim similes sunt pulcherrimis istis libris, quorum aurei quidem umbilici, purpurea foris membrana. Cæterum intus aut Thyestes est liberos in conuiuium comedens, aut Oedipus matris maritus, aut Tereus cum duabus pariter sororibus rem habens. Eiusmodi sunt & illi, splendidi, conspicuiq;. Porro intus sub purpura uarias occultant tragœdias. Quorum unumquemq; si euolueris, explicuerisq;, fabulam non mediocriter longam reperies Euripi-

dis cuiuspiam, aut Sophoclis. Contra foris nil nisi
purpura splendida, aurei q; umbilici. Harum itaq;
rerum sibi conscij oderunt illos, atq; insidias pa-
rant, si quis penitus ab illis defecerit, qui eos probe
cognitos depingat, qualesq; sint euulget. Iam uero
libet mihi Cebetis illius exemplo et imaginem quã
dam huius uitæ tibi depingere, ut eam contempla-
tus scire queas, num ex usu tuo sit eam adire. E-
quidem magnopere cupiam uel Appellem quẽpiam,
uel Parrhasiam, uel Etionem, uel Euphranorẽ ad
hanc depingendam tabulam adhibere. Verum quo-
niam fieri potis non est, ut aliquem artificem tam
egregium, atq; absolutum nanciscamur in præsen-
tia, tenuem quandam pro mea uirili imaginem ad-
umbrabo. Ergo pingatur uestibulum sublime, atq;
inauratum, neq; id humi situm in solo, uerum pro-
cul à terra in edito collis fastigio. Præterea inac-
cessum ferme, & abruptum, lubricoq; aditu, ita ut
plerunq; qui se iam ad summum usq; uerticem pe-
netrasse sperarant, lapsa pede præcipitati ceruicem
frangant. Intus autem opulencia sedeat, tota (sicuti
uidentur) aurea, maiorem in modum formosa, atq;
amabilis. Porro amator ubi uix tandẽ conscendit,
iamq; ad fores accesserit, obstupescat, oculus in au-
rum defixus, deinde spes, quæ et ipsa specioso ul-
tu est, ac uersicoloribus amicta, manu prehensa in-
troducatur, mire iam ipso ingressu attonitum. Atq;
ab eo quidem tempore spes usq; illum antecedit,
ducatq; tum aliæ mulieres illum exapientes, putæ
fallacia, seruitusq; tradant labori. At is miserum

penitus renudatum tandē senectae tradat, iam mor-
bidum, coloreq; commutato. Postremo contumelia,
arreptum illum ad desperationem pertrahat, &
hoc quidem tempore spes auolans euanescat. Tum il-
le non per aureum illud atrium, per quod ingres-
sus fuerat, sed per posticum quoddam, & occultum
exitum extrudatur, nudus, uentricosus, pallidus, se-
nex, laeva quidem pudorem occultans, dextra ue-
ro seipsum strāgulās. Occurrat autem exeunti pœ-
nitudo frustra lachrymans, & miserum bis etiam
conficiens. Atq; hic quidem esto picturæ finis. Cæ-
terum tu Timocles optime ipse consideratis singulis
expende, num è re tua sit, ut in hanc imaginem p-
aureas illas fores ingressus, per illas longe dissimi-
les tam turpiter excutiaris. Quicquid autem feceris
memineris sapientis illius, qui dixit, deum in
culpa non esse, uerum qui sua sponte delegerit.

CNEMONIS, AC DAMIPPI
DIALOGVS, PRIMO
INTERPRETE

Cnemon.

h

Occilicet est, qđ uulgo dici consue-
uit, hinnulus leonem. Da. qđ
istuc est, qđ tecum stomachare Cne-
mon? Cne. Quid stomacher ro-
gas? Egdem hæredem reliq quēdā,
præter animi sententiam, uidelicet

astu delusus miser, ijs, quos maxime mea cupiebam
habere, præteritis. Da. sed istuc quinam euenit?
Cne. Hermolaū nobilē illum diuitē, cum orbus
esset, imminente morte æptabam, assidens, atq; in-
seruiens. Neq; ille grauatim officiū meum admittere-
bat. At interim illud quoq; mihi uisum est scitum,
consultumq; ut testamentū proferre, ac publicare,
quo illum rerū mearū insolidū hæredē instituerā,
nimirum, ut ille uicissim idē faceret, meo prouocatus
exēplo. Da. At quid tandē ille? Cne. Quid
ille suo in testamento scripserit, id quidem ignoro.
Cæterum ego repente, atq; insperato è uita decessi,
tecti ruina oppressus. Et nunc Hermolaus mea pos-
sidet, lupi cuiuspiam in morem ipso hamo cum
esca pariter auulso. Da. Immo non escam mo-
do cum hamo, gnetiam te quoq; piscatorē simul ab-
stulit. Itaq; technā istam, in tuum ipsius caput stru-
xeras. Cne. Sic apparet, idq; adeo deploro.

ZENOPHANTAE, ET CALLIDEMIDAE
DIALOGVS
EODEM INTER
PRETE.

Zenophantes.

Tu Callidemides, quo pacto interisti? Nam ipse quemadmodum Di-
niae parasitus cum essem, immodi-
ca ingurgitatione praefocatus fue-
rim, nosti, aderas enim morienti.

Cal. Aderam Zenophantes.

Porro mihi nouum quiddam, atq; inopinatum ac-
cidit. Nam tibi quoq; notus est Ptæodorus ille se-
nex. Zeno. Orbem illum dicas, ac diuitem,
apud quem te assidue uersari conspicebã? Cal.
Illum ipsum semper captabam, colebamq; id mi-
hi pollicens fore, ut meo bono quamprimum mo-
reretur. Verum cum ea res in longum proferretur,
fene uidelicet uel ultra tithonios annos uiuente, cõ-
pendiariam quandam excogitavi uiam, qua ad hæ-
reditatem peruenirem. Siquidem empto ueneno, po-
callatori persuaferam, ut simulatq; Ptæodorus po-
tum posceret (bibebat autem prolixius) praesentius
in calicem inijceret, haberetq; in promptu, porre-
cturus illi. Quod si fecisset, iureiurando confirma-
bam, me illum manu missurum. Zeno. Quid
igitur accidit? nam inopinatum quiddam narratu-
rus mihi uideris. Cal. Vbi iam loti uenisse-

mus, puer duobus paratis poculis, altero Ptæodoro, cui uenenum erat additum, altero mihi, nescio quo modo errans, mihi uenenum, Ptæodoro porrexit innoxium. Mox ille quidem bibit, at ego protinus humi porrectim stratus sum, supposititium uidelicet illius loco finis. Quid hæc rides Zenophanta? Atqui non conuenit amici malis illudere.

Zeno. Rideo profecto, nam eleganter, ac lepide tibi hæc res euenit. Porro senex ille quid interim?

Cal. Primum ad casum subitum, atq; inexpectatum, sane conturbatus est. Deinde simulatq; intellexit id, quod aciderat, puta pocillatoris errore factum, risit & ipse. Zeno. Recte sane. Tametsi non oportuit ad compendium illud diuertere. siquidem uenisset tibi populari, uulgataq; uia, tutius, certiusq; etiam si paulo serius.

MENIPPI ET TANTALI
DIALOGVS EODEM
INTERPRETE.

Menippus.

q Vid eiulas o' Tantale, aut quid tuam deploras fortunam, stagno imminens? Tan. Quoniam siti enecor Menippe. Me. Vsq; adeo piger es, atq; iners, uti non uel pronus incumbens bibere noris, uel cana uola hauriens? Tan. Nihil pro-

fecero, si procumbā. Refugit enim aqua, simulatq;
me propius admoueri senserit, quod si quando hau-
sero, oriq; coner applicare, prius effluxit, q̄ summa
rigem labia. Atq; inter digitos effluens aqua, haud
scio quomodo rursus manum meam aridam relin-
quit. Me. prodigiosum quiddā de te narras
Tantale. Verū dic mihi, istuc ipsum quorsum opus
est bibere? cum corpore careas? Nā illud, quod esu-
rire poterat, aut sitire, in Lydia sepultum est. Cete-
rum tu, cum sis animus, quinam posthac aut sitire
queas, aut bibere? Tan. Atq; hoc ipsum sup-
plicij genus est, ut anima perinde quasi corpus sit,
ita sitiāt. Me. Age hoc ita habere credimus,
quandoquidem affirmas te siti puniri. At qd hinc
acerbi tibi poterit accidere? Num metuis ne potus in-
opia moriā? At equidem haud uideo alteros in-
firmos, siq; hoc relinquat, neq; locum aliū, in quem
morte demigret q̄spiciā. Tan. Recte tu quidē di-
cis. Verū hoc ipsum supplicij genus est, sitire, cum
nihil sit opus. Me. Desipis Tantale, et uti ue-
rum tibi fatear, non alio potu uideris egere q̄ uera-
tro mero. Nā diuersum quiddā pateris ijs, quos ca-
nes rabiosi momorderint, ut qui non aquam, quē-
admodum illi, sed sitim horreas. Tan. Ne ue-
ratrū qdē recusarim bibere Menippe, si liceat mo-
do. Me. Bono es animo Tantale, certum habēs,
nunq̄ fore, ut uel tu, uel reliquorum manū q̄spiam
bibat, neq; enim fieri potest. Quāquam non omni-
bus, quemadmodum tibi, poena adiudicata est, ut
sitiānt, aqua illos non expectante.

MENIPPI, AC MERCVRII
DIALOGVS
QVOQVE INTER-
PRETE.

Menippus.

T ubi nam formosi illi sunt, ac
formosæ MERCURI? Duato me, do-
cetoq; ut pote recens huc profectum
hospitem. MER. Haud mihi li-
cet per otium Menippe. quin tu istuc
ipso è loco detrorsum oculos defle-

cte. Illic & Hyacinthus est, & Narassus ille, &
Nireus, & Achilles, & Tyro, & Helena, & Le-
da, breuiter quicquid est ueterum formarum. ME.
Equidem præter ossa nihil uideo, caluariasq; atr-
nibus renudatas, inter quæ omnia nihil fit omni-
no discriminis. MER. Atqui hæc sunt, quæ
poetæ cuncti mirantur, ac celebrant, ossa scilicet,
quæ tu uidêris contemnere. ME. At Helenâ
saltem mihi commenda. Nam ipse quidem haud
queam dignoscere. MER. Hæc uidelicet cal-
uaria, Helena est. ME. Et huius scilicet ossis
gratia, mille naues ex uniuersa Græcia, actò dele-
ctu sunt impletæ, tantaq; tum Græcorum, tum Bar-
barorum multitudo conflavit, tot urbes sunt euersæ?
MER. Cæterum Menippe non uidisti mulierem
hanc uinam. quod si fecisses, forsitan diceres tu quoq;
uitio dandum non esse,

• *Pro tali muliere diu tolerare labores.*

*Alioqui si quis flores etiam arefactos, maridosq;
contempletur, posteaquam coloris decus abiecerint,
deformes nimirum uideantur. At ijdem, donec flo-
rent, coloremq; obtinent, sunt speciosissimi. Me.
Proinde illud iam demiror Mercuri, si Græci non
intellexerunt, sese pro re usque adeo momentanea,
quæq; tam facile emarcesceret, elaborare. Mer.
Haud mihi uacat tecum philosophari, quare dele-
cto loco, ubicunq; uelis, prosterne temet, ac recum-
be. Mihi iam aliæ sunt traducendæ umbræ.*

MENIPPI AMPHILOCHI TRO-
PHOMI DISCEPTATIO
EO DEM INTER-
PRETE.

Menippus.

*Os nimirum Trophome, atq; Am-
philoche, cum sitis mortui, tamen
haud scio quonam modo, phanis
estis donati, uatesq; credimini, ac
stulti mortales deos esse uos arbi-
trantur. Tro. Quid? an nobis
igitur imputandum, si per inscitiam illi de mor-
tuis huiusmodi opinantur? Me. Atqui non ista
fuisent opinati, ni uos, tum cum uiueretis, eiusmodi
quædam portenta ostentassetis, tanquam futurorū
fuissetis præscij, quasiq; prædicere potuissetis, siq;
percontarentur.*

perconctarentur. Trophomus. Menippe, Nove-
rit Amphilochns hic, ipsi pro sese respondendum
esse. Cæterum ego heros sum, nationorq; si quis ad
me descenderit. At tu uidere nunquam omnino
Lebadiam adÿsse, neque enim alioquin ista non
crederes. Menippus. Quid ais? Equidem ni-
si Lebadiam fuisset profectus, ac linteis amictus,
offam ridicule manu gestans, per angustum adi-
tum in specum irrepsissem, nequaquam fieri po-
tuisset, ut te defunctum esse cognoscerem, perinde
atque nos, solaq; præstigiatura reliquos antecelle-
re. sed age per ipsam diuinandi artem, quid tan-
dem est heros, neque enim intelligo. Tropho-
mus. Est quiddam partim ex homine, partim ex
deo compositum. Menippus. Nempe quod
neque sit homo, quemadmodum audio, neque de-
us, uerum pariter utrunq;. Ergo dimidia illa tui
pars quod nunc recessit? Trophomus. Red-
dit oracula Menippe in Lebadia. Menippus.
Haud intelligo quid dicas Trophome, nisi quod il-
lud plane uideo, te totum esse mortuum.

CHARONTIS, AC MENIPPI DIA
LOGVS EX EIVSDEM IN=
TERPRETATIONE.

Charon.

Edde naulum sceleris. Menip-
pus. Vociferare, siquidem istuc
tibi uoluptati est Charon. Cha-
ron. Redde inquam quod pro
traiectione debes. Menippus.

Haudquaquam auferre queas
ab eo, qui non habeat. Charon. An est quis
quam, qui ne obolum quidem habeat? Menip-
pus. Si ne alius quispiam praeterea, equidem
ignoro. ipse certe non habeo. Charon. Atqui
praefocabo te per Ditem, impurissime, ni reddas.
Menippus. At ego illi so baculo tibi comminuam
caput. Charon. Num ergo te tam longo tra-
iectu gratis transuexero? Menippus. Mer-
curius meo nomine tibi reddat, ut qui me tibi tra-
diderit. Mercurius. Belle mecum agitur per io-
uem, siquidem futurum est, ut etiam defunctorum
nomine persoluam. Charon. Haud omittam.
Menippus. Quin tu igitur hac gratia perge, ut
facias, nauum trahere, quanquam quod non habeo,
quinam auferas? Charon. At tu nesciebas,
quid tibi fuerit adportandum? Menippus. Scie-
bam quidem, uerum non erat. Quid igitur? num
ea gratia erat mihi semper in uita manendum?

Charon. solus ergo gloriaberis, te gratis fuisse transiectum? Menippus. Haud gratis, o praeclare, siquidem & sentinam exhausti, & remum arripui, & uectorum omnium unus non euilui. Charon. Ista nihil ad naulum, obolum reddas oportet. neque enim fas est, secus fieri. Menippus. Proinde tu me rursum in uitam reuehe. Charon. Belle dicis, nimirum ut uerba etiam ab Aeaco mihi lucrifaciam. Menippus. Ergo molestus ne sis. Charon. Ostende, quid habeas in pera. Menippus. Lupinum si uelis, & Hecatae coenam. Charon. Vnde nobis hunc canem adduxisti Mercuri? tum qualia garriebat inter nauigandū, uectores omnes irridens, ac dictoriis incessens, unusq; cantillans, illis plorantibus. Mercurius. An ignoras Charon, quem uirum trāsuekeris, plane liberum, cuiq; nihil omnino curae sit? Hic est Menippus. Charon. Atqui si unquam posthac te recepero.

Menippus. Si receperis o praeclare, ne possis quidem iterum recipere.

AD GVLIELMVM COPVM MEDI
corum Eruditissimum EVAstan^{ti} R^oman^o m^o
Sacrae Theologiae professoris, de Sene
ctute subrepente, deq; reliquo
uitae, Christo, cui totum de
beatur, dicando
Carmen.

Nata nobiliū medicorū gloria Cope,
Seu quis requirat artem,
Siue fidem spectet, seu curā, in quo-
libet horum
Vel iniquus ipse nostro
Præcipuos tribuit Gulielmo liuor honores.
Cedit, fugitq; morbi
Ingenio genus omne tuo. teterrima porro
Senectū, morbus ingens,
Nullis arceri ue potest, pelli ue medelis,
Quin derepente oborta
Corporis epotet sucos, animiq; uigorem
Hebetet, simul trecentis
Hinc, atq; hinc stipata malis, qbus omnia carpiim
Vellitq; deteritq;
Commoda, quæ secum subolescens uexerit ætas,
Formam, statum, colorem,
Partem animi memorē, cū pectore lumina, somnos,
Vires, alacritatem,
Authorem uitæ igniculum decerpit, & huius
Nutritium liquorem.
Vitales adimit flatus, cum sanguine corpus,

Risus, iocos, lepores.

Deniq; totum hominem paulatim surripit ipsi
Neque de priore tandem,
Præterquam nomen, titulumq; relinquit inanem.
Cuiusmodi tuemur

Passim marmoreis insculpta uocabula bustis.

Vtrum hæc senectæ quæso,

An mors lenta magis dicenda est inuida fatæ, &
Impendio maligna,

Vt quæ deteriora labantis flamina uitæ,
Pernicitate tanta

Accelerare uelint, rapidusq; allabier alis,

At floridam iuuentam

Vsq; adeo male præcipiti decurrere filo,

Vt illius prius quàm

Cognita sat bona sint, iam nos fugitiua relinquât.

Et citius atque nosmet

Planè uiuere senserimus, iam uiuere fracti

Repente desinamus.

At ærui, uolucres, & cornix garrula uiuunt

Tot sæculis, uigentq;

Vni porro homini post septima protinus, idq;

Vix dum peracta lustra,

Corporeum robur cariota senectæ fatigat.

Neque id satis, sed ante

Quàm decimum lustrum uolitans absoluerit ætas

Tentare non ueretur,

Immortalem hominis, ductamq; ex æthere partem.

Et hanc laceffit audax,

Nec timet ingenij sacros incescere nervos,

DE SENECTUTE

sua si fides probato
 Constat Aristoteli, sed quorsum opus obsecro tanto
 Authore, quando certam
 Ipsa fidem, heu numum, facit experientia certam.
 Quam nuper hunc Erasimum
 Vidisti media uiridem florere iuuenta?
 Nunc is repente uersus
 Incipit urgentis senij sentiscere damna,
 Et alius esse tendit,
 Dissimilisq; sui, nec adhuc phæbeius orbis
 Quadragies reuexit
 Natalem lucem, quæ bruma ineunte calendas.
 Quinta antequam novembres.
 Nunc mihi iam raris sparguntur tempora canis,
 Et albicare mentum
 Incipiens, iam præteritis uernantibus annis,
 Vitæ monet cadentis
 Aduentare hyemem, gelidamq; instare senectam.
 Eheu fugacis, ohe
 Pars ueluti melior, sic & properantior aui,
 O sæculi caduca
 Flos ninnum brevis, & nulla reparabilis arte,
 Teneræ o' uiror iuuentæ,
 O' dulces anni, o' felicia tempora uitæ,
 Ut clanculum exadistis,
 Ut sensum fallente fugat, lapsuq; uolucris,
 Furtim auolastis, ohe.
 Haud simili properant undosa relinquere cursu
 Virides fluentia ripas.
 Impete nec simili fugiunt cana nubila, sicis

Quoties aguntur Euris.

Sic sic effugiunt tacitæ uaga somnia noctis,
simul auolante somno,

Quæ desyderium, curas & præter inanes
sui nihil relinquunt.

sic rosa, quæ tenero modo murice tincta rubebat,
Tenui senescit austro.

Atq; ita (me miserum) nuabus dum ludo puellus,
Dum literas ephebus

Ardeo, dum scrutor, pugnasq; uiasq; sophorum,
Dum rhetorum colores,

Blanda q; mellifluæ deamo figmenta poësis,
Dum necto syllogismos,

Pingere dum meditor tenui sine corpore formas,
Dum sedulus per omne

Authorum uoluo genus impiger, undiq; carpo
A pis in modum Matinæ

Pedias solidum cupiens absolvere cyclum
Sine fine conatanti

singula correptus dum circumuector amore,
Dum nil placet relinqui,

Dumq; profana sacris, dū iungere græca latinis,
Studeoq; moliorq;

Dum cognoscendi studio, terra q; mariq;
Volitare, dum niuofas

Cordi est, & iuuat, & libet ereptare per alpes,
Dulces parare amicos

Dum studeo, atq; uiris iuuat innotescere doctis,
Furtim inter Istra pigrum

Obrepfit senium, & subito se gnescere corpus,

DE SENECTV'T

Mirorq; sentioq;
 Vixq; mihi spatium iam defluxisse ualentis
 Persuadeo iuuentæ.
 Cur adeo circumspecte, paræq; lapillis,
 Cur purpuris, & ostro
 Mortales utuntur, & ætas aurea, tanto
 Pretiosior lapillis
 Et quouis auro, quouis pretiosior ostro
 Prodigitur, inq; nugis
 Conteritur miseris, nullo uecorditer usu?
 Siniturq; abire frustra?
 Adde quod illa queant sacari perdita, Crassos
 speres tibi licebit,
 Et Lydos speres Cræsos, iam Codrus, & Irus.
 Sed quod semel seuera
 Pensilibus fufis Clotho deuoluerit æuum,
 Id nec uenena Circes,
 Nec magicum Maia nati gestamina, sæptum
 Neq; dira Thessalorum
 Medæ sucis reuocare precatina possint.
 Non si uel ipse diuûm
 Nectare te saturet pater, ambrosioq; liquore.
 Nanq; his ali iuuentam
 Arceri senium scripsit nugator Homerus.
 Non si tibi effica
 Rore riget corpus Tithoni luthea coniux.
 Non si ter octiesq;
 Phaon per siculas venerem transuexeris undas.
 Non si tibi ipse Chiron
 Omnis admoueatur, quas tellus proferit, herbas.

Nec annulus, nec ulla
Pharmaca cum nervus annos remorantur euntes.
Atqui ferunt magorum
Monstrifico sisti torrentia flumina cantu,
Iisdem ferunt relabi
Præcipes amnes uerso in contraria cursu,
Et Cinthiæ uolucres.
Et rapidas Phæbi sisti, figiq; quadrigas.
Sed ut hæc stupenda possint
Carmina, non speres in improbus, ut tibi quondã
Aut iam peracta uitæ
Sæcla iterum referunt, aut prætereuntia sistant.
Sol mergitur, uicissimq;
Exoritur nouus, et nitido redit ore serenus.
Extincta luna rursus
Nascitur, inq; uices nunc decrescente minuta
Sensum senescit orbe.
Nunc uegeta arridet tenero iuueniliter ore.
Redit ad suam inuentam
Bruma ubi consenuit, Zephyris redeuntibus annus,
Et post gelu, niuesq;
Ver nitidum, floresq; reuersa reducit hirundo.
At nostra poste aquam
Fervida præterijt sæclis labentibus æstas,
Vbi tristis occupauit
Corpus hyems, capitisq; horrentia tempora postq;
Niue canuere densa.
Nulla recursuri spes, aut successio ueris.
Verum malis supremum
Imponit mors una, malorum maxima, finem.

DE SENECTUTE

More Phrygum inter ista
 Incipimus sero sapere, & dispendia uitæ
 Incogitanter actæ
 Ploramus miseri, & consumptos turpiter annos
 Horremus, execramur.
 Quæ quodâ heu nimium placere, et quæ uehementer
 Mellita uisa dudum,
 Tum tristi cruciant reuolentia pectora felle.
 Frustraq; maceramus
 Tam rarum sine fruge bonum fluxisse, quod omni
 Bene collocare cura
 Par erat, & nullam temere disperdere partem.
 At nunc mihi oscitanti
 Qualibus heu nugis, quanta est data portio uitæ.
 Satis haftenus miselle
 Cessatum, satis est dormitum, pellere somnos
 Nunc tempus est Erasine
 Nunc expergisci, & tota resipiscere mente.
 Velis dehinc, equisq;
 Et pedibus, manibusq;, & totis deniq; nervis
 Nitendum, ut anteacti
 Temporis, ut studio iactura uolubilis æui
 Vigilante sarcatur,
 Dum licet, ac dum tristes adhuc in limine primo
 Consistimus senectæ.
 Dum noua canices, & adhuc numerabilis, & dū
 Pilis notata raris
 Tempora duntaxat spatium effluxisse uirentis
 Iam clamat iuuentæ,
 Nec tam præsentem iam testificantur adesse,

Quàm nuntiant citatum
Ferre gradum, et sterilē procul aduentare senectā.
Cuiusmodi uidetur
Tum rerum facies, cum autumnī frigore primo,
Iam uernus ille pratis
Decessit decor, ac languescunt lumina florum.
Iam iam minus nitentes
Herbas, affirmes, Boreasq; geluq; nocentis
Iam prætimere brumæ.
Ergo animus dum totus adhuc, constatq; uigetq;
Et corporis pusillum
Detrimenta nocent, age iam meliora sequamur.
Quicquid mihi deinceps
Fata æui superesse uolunt, id protinus omne
Christo dicetur uni.
Quo cui uel solidam decuit sacrariet, ut cui
Bis terq; debeatur
Principio gratis donata, hinc reddita gratis.
Totiesq; uindicta,
Huic saltem pars deterior, breuiorq; dicatur.
Posthac ualere nugæ,
Fucataq; uoluptates, risusq; iocq;
Lusus, et illecebræ
splendida nobilium decreta ualete sophorum,
Valete syllogismi.
Blandæ Pegasides, animosq; trahentia Pithus
Pigmenta, flosculiq;
Pectore iam soli toto, penitusq; dicato
Certum est uacare Christo.
Hic mihi solus erit studium, dulcesq; amana,

Honos, decus, uoluptas.
Omnia solus erit, neq; quicq̃ ea cura (qđ aiunt)
Mouebit Hippoclydem,
Terrea si moles, compagoq; corporis huius,
Marcesset obsolescens,
Mens modo pura mihi, scelerumq; ignara, per illū
Niteatq; floreatq;,
Donec summa dies pariter cum corpore mentem
Ad pristinum nouata
Conuictum reuocabit, & huic iam uere perenni
Pars utraq; fruatur.
Hæc facit ut rata sint, uitæ exorabilis author,
Vitæq; uindictor.
Quo sine nil possunt unquam mortalia uota, &
Vires labant caducæ.

LOGOS LVCIANI RECENTIVS
VERSOS PRAEFATIO.

HIERONYMO BUSLIDIANO

præposito Ariensi Consiliario

regio

S.P.D.

vmor iam pridem hic perseverat
acerbior, quàm ut uerum esse li-
beat credere, sed constantior tamē,
quàm ut uanus credi possit, Phi-
lippum principem nostrum e' ui-
uis exæssisse. Quid querar mi Bus-
lidiane, quid uociferer, quem incusem, hominum ue-
deumue? Quæ comploratio, Tragoedia, quæ huic
tam atroci uulneri sufficiat? Nimio, heu nimio con-
stitistis Hispaniæ. quæ quidem primum Franciscū
Buslidianum Archiepiscopum Byzantium nobis
ademistis, neq; tanti uiri iactura contentæ, prin-
cipem etiam eum absorbuiſtis, quo (si uiuere modo li-
cuisset) nihil unquam habuit hic orbis neq; maius,
neq; melius. Quanquam qd quæso supererat etiā
adolescenti, nisi uti iam ipse sese superaret? sed o
dirum fortunæ ludum. O nouam fātorum inui-
dentiam, o mors quàm iniqua, tam etiam inuida,
ut semper præstantissima quæq; quamocysſime
tollis e' medio, uixq; oculis ostensa protinus subdu

222
cis. Cuius ego uicem hic potissimum deplorem? Ma-
ximilianusne patris, qui tali sit orbatus filio; quē
unum multis etiam imperijs anteponebat? An li-
berorum magis, quibus ætate tam immatura, tam
pius sit ereptus pater? An patriæ potius, cui de cha-
rissimo principe tam seruum gaudium, tam præ-
properus contigerit luctus? An orbis demum uni-
uersi? cui tam singulare lumen sit ademptum? idq;
tam ante diem. Hoc nimirum hoc tempestas illa
fatalis, qua medio e' cursu in Britannia depulsus est,
portendebat, uidelicet fatis illum palam ab Hispa-
nia reijacentibus. Equidem panegyrico qualicunq;
laudaui iuuenem. Tum autem bone deus, quot mi-
hi panegyricos, quam copiosos pollicebar? Et en re-
pente commutatis rebus epitaphium paro miser.
Eamus nunc nos homunculi, et fortunulis nostris
fidamus, cum eos etiam pro sua libidine mors ra-
piat, quos quamdiutissime uiuere tantopere omni-
um refert. Sed quid ego mi Hieronymus, dum
meo indulgeo dolori, tuum exulcero? Quod reli-
quum est precor, ut superi propitij liberis pater-
nam quidem felicitatem, sed cum diui Federici ui-
uacitate copulatam largiantur. Tibi item in mode-
randis illis fraternos successus, sed uitam fraterna
diuturniorem. Literis his, ne ad tantum, tamq; do-
ctum amicum nullo literario munusculo comitate
uenirent dialogos aliquot Luciani comites addidi,
quos pauculis his diebus, dum obsidionis metu Flo-
rentiam profugeremus, latinos feci, hoc nimirum

agens; ne nihil agerem. Nam in praesentia quidē
 in Italia mire frigent studia, feruent bella. Sum-
 mus pontifex Iulius belligeratur, uincit, trium-
 phat, planeq; Iulium agit. Vale & Amplis-
 simo patri Nicolao Ruterio episcopo Atrebatensi
 etiam atque etiam Erasmus commendato. Bono-
 niae. XV. Cal. Decemb. M. D. VI.

CRATETIS, AC DIOGENIS.

Crates

m Oerichū diuitem noueras ne Diogenes, illum inquam supra modū diuitem, illum Corincho profectū, cui tot erant naues onustae mercibus. cuius consobrinus Aristes, cum ipse quoq; diues esset, homericum illud in ore solebat habere.

90 Aut me confice tu, aut ego tete. Diog.

Cuius rei gratia sese captabant inuicem Crates?

Crat. Hæreditatis causa, cum essent æquales, uterq; alterum captabat. Iamq; testamenta publicauerant ambo, in quibus Mærichus (si prior moreretur) Aristem omnium rerum suarum dominū relinquebat. Mærichum uicissim Aristes, siquidē ipse prior ē uita decederet. Hæc igitur cum essent in tabulis scripta, illi inter sese captabant, et alter alterū adulationibus, obsequijsq; superare contendebat. Porro diuini, haud scio utrum ex astris id, quod futurum sit coniectantes, an somnijs, quem admodum Chaldaei faciunt, quin et Pithius ipse, nunc Aristem uictorem fore pronuntiabat, nunc Mærichum, ac trutina quidem interim ad hunc, interim ad illum propendebat. Diog. Quid igitur tandem euenit? Nam audire est operæpretium Crates. Crat. Eodem die mortui sunt ambo. Cæterum hæreditates ad Eunomium, ac Thrasyblem deuenerunt, quorum uterq; cognatus illis erat.

illis erat. Atqui de his nihil prædixerant diuini futurum, ut tale quippiam accideret. Etenim cum sicyone Cirrham uersus nauigarent, medio in cursu, obliquo orto Iapige eò sunt depulsi. Diogenes. Recte factum. At nos, cum nos essemus in uita, nihil eiusmodi alter de altero cogitabamus. Neq; enim ego unquam optabam, ut moreretur Antisthenes, quo nimirum baculus illius ad me rediret hæredem (habebat autem egregie ualidū) quem ipse sibi parauerat oleaginum, neq; tu Crates opinor desyderabas, ut me mortuo, in possessionum mearum successionem uenires puta doli, ac peræ, in qua quidem lupini chænices inerant duæ.

Crates. Neque enim mihi quicquam istis rebus erat opus. immo ne tibi quidem Diogenes. siquidē quæ ad rē pertinebant, quæq; tu Antistheni succedens accepisti, deinde ego succedens tibi, ea nimirum multo sunt potiora, multoq; splendidiora, quàm uel Persarum imperium. Diogenes. per Iouem nemini me in istiusmodi opum hereditatem Antistheni, successisse, tibiq; eas lōge etiam maiores reliquisse. Crates. Verum reliqui mortales hoc possessionum genus aspernabantur, neq; quisq; nos ob spem potiundæ hereditatis obsequijs captabat, sed ad aurum omnes intendebant oculos.

Diogenes. Nec iniuria. Neq; enim habebant, quo facultates eiusmodi a nobis traditas acciperent, q̄p pe rimosi iam, uitiatiq; delitijs, non aliter quàm uasa carie putria. Quo fit, ut siquando quis in illos infundat uel sapientiam, uel libertatem, uel ue

ritatem, effluat ilico, pſilletq; ſundo quod immiſſum eſt continere non ualēte. Cuiusmodi quiddam & Danaï filiabus aiunt accidere, dum in dolium pertuſum hauſtam aquam important. At ijdem aurum dentibus, & unguibus, omniq; ui ſeruabant. Crates. Proinde nos hic quoq; noſtras poſſidebimus opes. Illi ſimulatq; huc uenerint, obolum duntaxat ſecum ferrent, ac ne hunc quidem ulterius, quā ad portitorem.

NIREI, THERSITAE, AC MENIPPI.

Nireus.

O ſtremo uel Menippus hic iudex erit, uter noſtrum ſit formoſior. Dic Menippe, an non tibi uideor forma præſtantior? Menippus. Immo quinam ſitis prius arbitror indicandum. Nam hoc opinor, ſcito eſt opus. Nireus. Nireus, ac Therſites. Menippus. Vter Nireus, uter Therſites? Nō dum enim uel hoc ſatis liquet. Therſites. Iam unum hoc uinco, quod tibi ſum ſimilis, neq; tanto pere me præcellis, quanto pere te cæcus ille Homerus extulit, unum omnium formoſiſſimum appellans. Quin ego faſtiſcato uertice, rarisq; & impexis capillis ille, nihilo te inferior uiſus ſum arbitro. Iam uero contemplare Menippe, utrum altero formioſiorem exiſtmes. Nireus. Mirum nū me Aglaia, Charopéq; proſignatum,

Qui vir pulcherrimus unus

Omnibus e Graijs priameia ad pergamam ueni.

Menippus. Atqui non item sub terram opinor, pulcherrimus uenisti, quippe qui reliquis quidem ossibus, aliis appareas assimilis. Porro caluaria hoc uno insigni à Thersitæ caluaria distingui possit, quod tua delicata est, ac mollicula. quandoquidem istuc habes effoeminatum, ac neutiquam uiro decorum. Nireus. Attamen Homerum præconferre, quæ specie tum fuerim, cum inter Græcorum copias militarem. Menippus. Tu quidem somnia mihi narras. At ego ea specto, quæ uideo, quæq; tibi adsunt in præsentia. Cæterum ista norunt, qui id temporis uiuebant. Nireus. Quid igitur tandem? An non ego huic formosior Menippe? Menip. Neque tu, neq; quisquam alius formosus hoc loco. Siquidem apud inferos æqualitas est, paresq; sunt omnes. Thersit. Mihi quidem uel hoc sat est.

DIOGENIS, AC MAVSOLI.

Diogenes.

He tu Car, quare tandem insolens es, tibiq; places, ac dignum te credis, qui unus nobis oïbus antepinare? Mausolus. Primum regni nomine, O' tu Siopensis, quippe qui Cariae impera uerim uniuersæ, præterea Lydiæ quoq; gentibus aliquot. Tum autem et insulas nonnullas subege

rim, Miletum usq; peruenierim, plerisq; Ioniæ par-
tibus uastatis. Ad hæc formosus erā, ac procerus,
ac bellicus in rebus præualidus. Postremo, quod est
omnium maximum, in Halicarnasso monumentū
erectum habeo, singulari magnitudine, quantum
uidelicet defunctorum alius nemo possidet, neq; pa-
ri etiam pulchritudine conditum, uiris scilicet, atq;
equis pulcherrimo e' saxo, uiuam formam absolū-
tissimo artificio expressis, adeo ut uel finum ali-
quod simile haud facile quis inueniat. Num iniu-
ria tibi uideor has ob res mihi placere, atq; efferri?
Diogenes. Num ob imperium ais, ob formam, atq;
ob sepulchri molem? Mausol. per Iouem ob hæc
inquam. Diogenes. Atqui o' formose Mausole
neq; uires iam illæ, neque forma tibi iam adest.
Adeo ut siquem arbitrum de formæ præcellentia
delegerimus, haudquaq; dicere potis sit, q̄obrem tua
caluaria meæ sit anteferenda, siq̄dē utraq; pariter
tum calua, tum nuda, utriq; dētes prominulos pari-
ter oñtanus, pariter oculis orbatī sumus, piter nari-
bus simis, ac sursum hiātibus deformati. Cæterū se-
pulchrum, ac saxa illa pretiosa Halicarnasseis for-
sitan iactare licebit, et hospitibus gloriæ causa
ostentare, tanquam qui magnificam quandā apud
se structuram habeant, uerum quid hinc commo-
ditatis ad te redeat uir egregie, nequaquam uideo,
nisi forsan illud commodum uocas, quod plus one-
ris atq; nos sustines, sub tam ingentibus saxis pres-
sus, ac laborans. Mausolus. Itā ne nihil illa mi-
hi conducant omnia? planeq; pares erunt Mausolus

lus, ac Diogenes. Dioge. Immo haud pares in-
quam. Nam Mausolus discrucabitur, quoties earū
rerum in mentem ueniet, quibus in uita florere con-
suevit. At Diogenes interm̄ eum ridebit. Atq; ille
quidem de suo illo monumento, quod est in Hali-
carnasso, memorabit, ab uxore Artemisia, atq; so-
rore parato, contra Diogenes ne id quidem suo de
corpore nouit, nunquid habeat sepulchrum. Neq;
enim illi res ea curæ est, uerum apud uiros excellē-
tissimos sui memoriam, famamq; reliquit, ut qui
uitam peregerit uiro dignam, tuo monumento Carū
abiectissime, celsiorem, ac tutiore in loco substructā.

SIMYLI, AC POLYSTRATI.

Simylus.

Enisti tandem & tu Polystrate ad nos,
cum annos uixeris haud multo pau-
ciore centum opinor. Polystratus.

Nonaginta octo Simyle. Simylus.

Sed quinam triginta istos annos egi-
sti, quibus mihi fueras superstes. nam ipse peri-
te ferme septuagenario. Polyst. Quam suauissi-
me profecto, etiam si hoc mirum tibi uidebitur. Si-
mylus. Mirum uero, si quidem tibi primum seni,
deinde inualido, postremo etiam orbo quicquam
poterat esse in uita suaue. Polyst. Principio nihil
erat, quod non possem. praeterea pueri formosi com-
plures aderant, tum mulieres nitidissimæ, unguen-

ta, uinum mire fragrans, postremo mensæ, uel sicu-
lis illis lautiores. Simylus. Noua narras. Nam
ego te planè sordidum, ac parassimum esse scie-
bam. Polystratus. Atqui uir præclare, ex alie-
nis arcas opes mihi subscatebāt. Tum diluculo pro-
tinus quamplurimi mortales ad fores meas uenti-
tabant, simulq; ex omni rerum genere, quæ terra-
rum ubiuis pulcherrimæ reperiuntur, munera de-
portabantur. Simylus. Num me defuncto regnū
gessisti? Polystratus. Minime, uerum amantes ha-
bebam innumeros. Simylus. Non possum non ri-
dere, Tu'ne amantes, tantus natu cum esses, uixq; ti-
bi dentes superessent quatuor? Polystratus. Ha-
bebam per Iouem, equidem optimates ciuitatis.
Cumq; essem tum senex, tum caluus, sicuti uides,
præterea lippiens etiam, ac senio cæcutiens, postre-
mo naribus mucosis, tamen cupidissime mihi infer-
uebant, adeo ut is felix uideretur, quencunq; uel
aspexissem modo. Simylus. Num tu quoq; quem
admodum Phaon ille, uenerem aliquam ē Chio
transuexisti, ut ob id optanti tibi illa dederit, rur-
sum ad iuuentam redire, ac denuo formosum, atq;
amabilem fieri? Polystratus. Haudquaquam.
Quin magis cum talis essem, qualem dixi, tamen
supra modum adamabar. Simylus. A enigmata
narras. Polystratus. Atq; notissimus est hic amor,
cum uulgo sit frequens. nempe erga senes orbos,
ac diuites. Simylus. Nunc tua forma, unde tibi
profecta fuerit intelligo uir egregie, nimirum ab au-
tea illa uenere. Polystratus. Veruntamen non

parum multas commoditates ab amantibus tuli Simyle, propé modum etiam adoratus ab illis. Porro sæpius etiam quasi prociis illis illudebam, excludens interdum nonnullos eorum. Interim illi inter sese decertabant, & in ambiendis primis apud me partibus, alium alius anteire nitebatur. Simylus.

sed age, de facultatibus tuis qd tandem statueras? Polystratus. Palàm quidem affirmabam, me unū quēq; illorum relicturum hæredem. Idēq; illi cum crederent futurum, certatim se quisq; obsequentiorē, atque adulantiorē præbebat. Cæterum alteras illas ueras tabulas, quas apud me seruaueram reliqui, in quibus omnes illos plorare iussi. Simylus. At postremæ illæ tabulæ, quem pronuntiabant hæredem? Num ē cognatis quempiam? Polystratus. Non per Iouem, immo nouitium quendam ex formosis illis adolescentulis, natione Phrygem. Simylus. Quot annos natum Polystrate? Polystratus. Viginti fermē. Simylus. Iam intelligo quibus obsequiis ille te demeruerit. Polystratus. Attamen multo illis dignior, qui scriberetur hæres, etiam si barbarus erat, ac perditus. Quem iam ipsi etiam optimates colunt, captantq;. Is igitur mihi extitit hæres. Tamq; inter patritios numeratur, subraſo mento, barbaroq; cultu, ac lingua. Quin eum Codro generosiorē, Nireo formosiorē, Ulyſſe prudentiorē eſſe prædicant. Simylus. Non laboro, uel totius Græciæ ſit imperator, ſi libet, modo ne illi potiantur hæreditate.

VENERIS, ET CVPIDINIS.

Venus.

9 vid tandē in causa est Cupido, ut cū
reliquos deos omnes adortus expugna-
ris, Iouem ipsum, Neptunum, A polli-
nem, Iunonem, me deniq; matrem, ab
Minerva temperes, utq; aduersus hanc nec ul-
lum habeat incendium tua fax, & iaculis uacua
sit pharetra, tum & ipse arcu, ac reas neq; iacu-
lari noris. Cupi. Equidem hanc metuo mater.
est enim formidabilis, truculentoq; aspectu, ac fe-
roacitate quadam supra modum uirili. Proinde si
quando tenso arcu petam illam, galeæ cristam qua
tiens, expauescat me, moxq; formidine tremere oc-
cipio, sic ut arma mihi ē manibus exadant. Ve-
nus. Atqui Mars an non erat hac formidabilior?
Et hunc tamen superatum exarmaſti. Cupido.
Immo ille cupide me recipit, atque ultro etiam in-
uitat. Verum Minerva semper adductis superalijs
obseruat. Quin aliquando temere ad illam aduo-
laui facem propius admouens. At illa siquidem ad
me acceſſeris inquit, per parentem Iouem quouis
modo te confectero, aut lancea te transfigam, aut pe-
dibus arreptum in tartara dabo præcipitem, aut
ipsa te disſerpam, plurima item id genus commi-
nabatur. Ad hæc acribus obtuetur oculis, postre-
mo & in pectore faciem quandam gestat horren-
dam, uiperis capillorum uice comatam. Hanc nimi

rum maximopere formido. Territat enim me, fu-
 goq; quoties eam aspicio. Venus. Esto sane'.
 Minervā metuis, ut ais, atq; huius gestamen Gorgo-
 na reformidas, idq; cum Iouis ipsius fulmen non
 formidaveris. Cæterū Musæ quam ob causam abs-
 te non feriuntur, atq; à tuis iaculis tutæ agunt?
 Num et hæ cristas quatiunt, aut Gorgonas præten-
 dunt? Cupido. Has quidem revereor mater.
 Sunt enim vultu pudico, ac reuerendo, præterea
 semper aliquo tenentur studio, semper cantionibus
 animum intentum gerunt. Quin ipse etiam non ra-
 ro illis assisto, carminis suauitate delinitus. Ve-
 nus. Esto nec has adoriris, propterea quod sint
 reuerendæ. At Dianam qua tandem gratia non
 vulneras? Cupi. Vt breuiter dicam, hanc
 ne deprehendere quidem usquam sum potis. quip-
 pe perpetuo per montes fugitantem. Ad hæc alteri
 us cuiusdam sui Cupidinis illa tenetur cupidine.
 Venus. Cuius o' gnate. Cupi. Nèpe uenatu cer-
 uorum, & hinnulorum, quos insectatur, ut capiat, ac
 iaculo figat. Ac prorsum tota rerū huiusmodi stu-
 dio tenetur. Tametsi fratrem eius, qui nimirum ar-
 cu ualet & ipse, feritq; eminus. Venus. Te
 heo gnate, eum sæpenumero sagitta vulnerasti.

MARTIS, AC MERCVRII

Mars.

vdistiⁿ Mercuri cuiusmodi nobis mi-
 natus sit Iupiter? quàm superba,
 quàmq; dictu absurda? Ego inquit, si
 uoluero, catenam ex æthere demut-
 tam. Vnde si uos suspensi me ui detrudere concemi-
 ni, luseritis operam. Nunquam enim me deorsum
 trahetis. Contra si ego uos uelim in altum attra-
 here, non uos modo, uerum etiam tum terrã ipsam,
 tum mare pariter subuectum in sublime sustulero.
 Ad hæc alia permulta, quæ tu quoq; audisti. At
 ego siquidem cum uno quolibet singulatim confera-
 tur, ita præstantiorem eum esse, uiribusq; superio-
 rem, haudquaquam negauerim, uerum unum tam
 multis pariter in tantũ antecellere, ut eum ne pon-
 dere quidem uincere queamus, etiam si terram, ac
 mare nobis adiunxerimus, id neuiquam credide-
 rim. Mercuri. Bona uerba Mars. Neq; enim
 sat tutum est ista loqui. nequid forte mali nobis hæc
 petulantia conaliet. Mars. An uero credis
 apud quenlibet hæc dicturum me? Immo apud
 te solum id audeo, quæ linguæ continentis esse scie-
 bam. sed quod mihi maxime ridiculum uideba-
 tur, tum cum hæc minitantem audirem, haud quæ-
 apud te reticere, etenim meminera, cum non ita mul-
 to ante Neptunus, Iuno, ac Pallas, mota aduersus eũ
 seditione machinarentur comprehensum illum in

uincula coniungere, quanto pere formidavit, atque id
 creis dūtaxat deos, quod ne Thetis misericordia cō-
 mota, Briareum Centimanum illi auxiliatum ac-
 cersuisset, ipso pariter cum fulmine, ac tonitru uin-
 ctus erat. Hæc reputanti mihi ridere libebat, eius
 magniloquentiam, iactantiamq; . Mercur. Tace.
 Bona uerba. Neq; enim tutum est ista uel tibi dice-
 re, uel audire mihi.

MERCVRII, ET MAIAE

Mercurius.

St uero mater deus quisquam in cœ-
 lo me miserior? Maia. Caue ne
 quid istiusmodi dixeris Mercuri.

Mercur. Quid non dicam, qui qui-
 dem tantum negotiorum solus sustineam, quibus
 delassor, in tam multa ministeria distractus? Nam
 mane protinus surgendum est mihi, statimq; uer-
 rendum coenaculum, ubi dii compotant. Tum ubi
 curiam, in qua consultant, undiq; strauero, ac sin-
 gula ita, ut oportet, composuero, Ioui necessum est
 assistere, ac perferendis illius mandatis toto die sur-
 sum, ac deorsum cursitare, insuper cum redeo, pul-
 uerulentus adhuc ambrosiā apponere cogor. Por-
 rō prius quàm nouitiis iste pocillator aduenisset,
 ego nectare etiam ministrabam. Quodq; est omni-
 um indignissimum, soli omnium ne noctu quidem
 agere quietem licet, uerum id quoq; temporis ne-

esse habeo defunctorum animas ad Plutonium de-
ducere, maniumq; gregi me ducem præbere, tum
autem & tribunalibus assistere. Neq; enim mihi
sufficiebant scilicet diurna negotia, dum uereor in
palæstris, dum in conaonibus præconis uices ago,
dum oratores instruo, ni hæc quoq; provincia acce-
dat, ut simul etiam umbrarum res disponam? Atq;
Lede filij alternis inter ipsos uicibus apud superos,
atq; inferos agitant. Mihi necesse est quotidie tum
hoc, tum illud pariter agere. Deinde duo illi Alcme-
na, ac Semele miseris prognati mulieribus, otiosi in
conuiujs accumbunt, at ego Maia Atlantide pro-
genitus illis ministro scilicet. Quin nunc cum recēs
à Sidone Cadmi filia reuersus essem (nam adhuc
me legatrat, uisum quid ageret puella) prius quàm
respirassem, & adhuc anhelum de uia uersum ad
Argos emandauit uisurum, qui cum Danaë agere
tur. Rursum inde in Bæotiā profectus inquit, obi-
ter Antiopam uisito. A deo ut planè iam pariturū
me negarim. Quod si mihi licuisset, lubens profe-
cto fecissem, id quod solent ij, qui in terris durā ser-
uiunt seruitutem. Maia. Missa fac ista gnate.
Decet enim per omnia morem gerere patri, cum sis
iuuenis. Ac nunc quod iussus es, Argos contende, De-
inde in Bæotiam, ne, si cessaris, fuerisq; lēnior, pla-
gas etiam auferas. Nam iracundi sunt, qui amant.

VENERIS, ET CUPIDINIS

VENUS.

Vpido Gnate, uide quæ facis flagitia.

Non iam de ijs loquor, quæ te impul-

sore mortales in terra uel in se quisq;

uel inuicem alij in alios faciunt, uerū

de ijs ago, quæ apud superos quoq; designas, qui
quidem Iouem ipsum cogis uarias assumere formas,
in quodcunq; tibi pro tempore uisum fuerit, eum
uertens. Tum Lunam e' coelo deuocas, quin & so-
lem aliquoties compellis lentum apud Clymenen
cessare aurigandi muneris oblitum. Nam quicquid
iniuriæ in me matrem etiam committis, audacter,
ac tãquam tuto' facis. Verum tu quidem o' deorum
omnium confidentissime, Rheam insuper ipsam iam
anum, præterea deorum tam multorum paren-
tem, eò perpulisti, ut pusionem adamet, atq; in Phry-
gium illum adolescentulum depereat, ac tua iam
opera insanit, iunctusq; leonibus, adhibitis item
Corybantibus, quippe qui & ipsi furore quodam
sunt afflati, per Idam montem sursum, ac deor-
sum oberrat, ipsa quidem A tis amore eiulans. Cæ-
terum Corybantum, alius suum ipse penem ense
desecat, alius dimissa coma per montes fertur insa-
nus, alius cornu catnit, alius tympano tonat, alius
cymbalo pstrepit. breuiter omnis undequaq; Ida
tumultus, atq; insanix plena est. Proinde cuncta ti
meo. Metuo ne tale quid accidat, quandoquidem te

produxi, malū ingens, ut si quando resipiscat Rheā,
uel potius, si pergat insanire, Corybantibus impe-
ret, ut te correptum discerpant, aut leonibus obſa-
ant. Hic me sollicitat metus, quod uideam tibi peri-
culum imminere. Cupido. Otioso animo esto
mater, siquidem leonibus etiam ipsis iam familia-
ris sum factus. ita ut sæpenumero conscensis eorum
tergis, prehensaq; iuba, equitis ritu insidens illos
agitem. At uero illi interim mihi caudis adblan-
diuntur, ac manum ori insertam receptant, lam-
buntq; deinde mihi reddunt innocuam. Porro
Rheā ipsi quando tandem uacauerit, ut me ulascat
tur, cum in Atte sit tota? Postremo quid ego pecco, cū
res pulchras, ut sunt, offero, ac demonstro? uos ne ap-
petite res pulchras. Quare his de rebus ne in me
crimen conferte. Num uis ipsa tu mater, uti neq; tu
posthac Martem ames, neq; ille te? Venus. Ve-
es peruiçax, & nulla in re non superas. Attamē
horum, quæ dixi, fac in posterum memineris.

DORIDIS, ET GALATEAE

Doris.

f Ormosum amantem Galatea, nem-
pe siculum istum pastore, aiunt amo-
re tui deperire. Galat. Ne ride
Doris, etenim qualis qualis est, Neptu-
no patre prognatus est. Doris. Quid tum po-
stea, si uel Ioue ipso sit progenitus, cum usque adeo

agrestis, atq; hispidus appareat, quodq; est omnium
 deformissimum, unoculus. An uero credis genus
 illi quicquam profuturum ad formam? Galat.
 Ne istuc quidem ipsum, quod hispidus est, atque
 agrestis, ut tu uocas, illum deformat. Quin uirile
 magis est. Porro oculus media in fronte decet etiā,
 quo quidem nihilo segnius cernit, quā si duo fo-
 rent. Doris. Videris Galatea non amantem
 habere Polyphemum, sed illum potius adamare,
 sic hominem prædicat. Galatea. Equidem
 haud adamo, sed tamen insignem istam uestram
 insultandi, opprobrandiq; petulantiam ferre non
 queo. Ac mihi nimirum inuidencia quadam istuc
 facere uidemini, propterea quod ille, cum forte ali-
 quando gregem pasceret suum, nosq; è litorali spe-
 cula ludentes cerneret, in prominentibus Aetnæ
 pedibus, quā uidelicet inter montem, & mare li-
 tus sese in longum porrigit, uos ne aspexerit qui-
 dem, at ego omnium una uisa sim formosissi-
 ma, eoq; in unam me coniecerit oculum. Ea res uos
 male habet. Nam argumentum est, me forma præ-
 stantiorē esse, ac digniorē quæ amer. uos con-
 tra fistiditis esse. Doris. An istud tibi putas
 inuidendum uideri si primum pastori, deinde lu-
 sco formosa uisa sis? Quanquam quid aliud ille po-
 tuit in te probare, præter solum candorem? Is illi
 placet opinor, quod caseo, & lacti assueuerit. pro-
 inde quicquid his sit simile, id protinus pulchrum
 iudicat. A lioqui ubi libebit scire, qua sis facie, de
 scopulo quopiam in aquam, si quando tranquilla

steterit despectans, temetipsam contemplare, vide-
bis aliud nihil, nisi perpetuum candorem. Verum
is quidem non probatur, nisi rubor admistus illi,
decus illi iunxerit. Galat. Atqui ego illa
immodice candida, tamen eiusmodi habeo aman-
tem, cum interim è uobis nulla sit, quã uel pastor,
uel nauta, uel portitor aliquis miretur. Ceterũ Po-
lyphemus, ut alia ne dicam, etiam canendi peritus
est. Dor. Tace ó Galatea. Audiuimus illum
canentem, cum nuper pruriret in te. Sed ó sancta
Venus, A sinum rudere dixisses. Nam lyre corpus,
simillimum erat ceruino capiti, ossibus renudato,
tum cornua perinde quasi cubiti prominebant, ijs
colligatis, inductisq; fidibus, ne sinui quidem lyrã
ad mouens agreste quiddam, atq; insuauis cantilla-
bat, cum aliud interim ipse uoce caneret, aliud il-
la sucineret. Ita ut temperare nobis nequierimus,
quin rideremus amatoriam illam cantionem. Siqui-
dem lyre sonitus adeo loquax, ac garrulus erat,
ut nollet illi balanti respondere. Immo puduisset,
si uisa fuisset stridulum illius, et ridiculum cantum
imitari. Ad hæc gestabat in ulnis amasius iste deli-
tias suas, ursti catulum, pilis hirtis, ipsi non dissimi-
lem. Quis autem non inuideat tibi amicum istum
Galatea? Galat. Quin tu igitur tuum ipsi
us amicum nobis commonstra, qui meo sit formosi-
or, quiq; doctius, ac melius uel uoce canat, uel citha-
ra. Doris. Mihi quidem nullus est amator,
neq; me hoc nomine iacto, quasi sim uehementer
amabilis, ueruntamen istiusmodi amicum, qualis
est Polyphemus

est Polyphemus, nempe totus hircum olens, tum crudis uictitans carnibus, & hospites, si qui appulerint, deuorans tibi habcas, eumq; tu mutuum ames.

DIOGENIS, ET ALEXANDRI.

Diogenes.

q

Vid hoc rei est Alexander? Ita'ne, defunctus es tu quoq; perinde atq; nos omnes? Alexander. Vides nimirum Diogenes. Tametsi mirandum non est, si homo cum fuerim, defunctus sim.

Diogenes. Num ergo Iupiter ille Ammon mentiebatur, cum te suum filium esse diceret. An uero tu Philippo patre prognatus eras? Alexan. Haud dubie Philippo. Neq; enim obissem, si Ammone parente fuisset progenitus. Diogenes. Atqui de Olympiade etiam consimilia quaedam ferebantur, puta Draconem quendam cum ea fuisse congressum, uisumq; in cubiculo, Ex eo grauidam peperisse te. Porro Philippum errare, falli q; qui se tuum patrem esse crederet. Alexan. Inaudieram quidem & ipse ista, quemadmodum tu, at nunc uideo neq; matrem, neq; ammonios illos uates sani quamquam, aut ueri dixisse. Dioge. At tamen istud illorum mendacium Alexander, ad res gerendas haudquaquam tibi fuit inutile, propterea quod uulgus te uerebatur, metuebatq; cum deum esse crederet. Sed dic mihi, cui nam tam ingens illud imperium

I. S. C.

x

moriens reliquisti? Alexan. Id equidem ignoro.
Celerius enim è uita submouebam, quàm ut esset
otium de illo quicquam statuendi, præter id unum,
quod moriēs Perdiccæ annulum tradidi. sed age,
quid rides Diogenes? Dioge. Quid ni rideam?
An non meministi, quid Græci fecerint, cum nuper
tibi arrepto imperio adularentur, principemq; ac
ducem aduersus Barbaros deligerent? Nonnulli ue-
ro in duodecim deorum numerum referrent, ac fæ-
na constituerent, deniq; sacra facerent tanquã Dra-
conis filio? sed illud mihi dicito, ubi te sepelierunt
Macedones? Alexã. Etiamdum in Babylone ia-
ceo, tertium iam diem. Porro Ptolemæus ille satelles
meus, si quando detur otium ab his rerum tumultu-
bus, qui nunc instant, pollicetur in Aegyptum de-
portaturum me, atq; inibi sepulturum, quo uidelicet
unus fiam ex dijs ægyptijs. Dioge. Non possum
non ridere Alexander, qui quidem te uideam etiã
apud inferos desipientem, sperantemq; fore, ut ali-
quando uel Amubis fias, uel Osiris. qn tu spes istas
omittis o' diuinissime, neq; enim fās est reuerti quē
quam, qui semel paludem transmiserit, atq; intra
specus hiatum descenderit, propterea quod neq; in-
diligens est Aëacus, neq; contemnendus Cerberus.
Verum illud abs te discere peruelim, quo feras ani-
mo, quoties in mentem redit, quanta felicitate apud
superos relictā, huc sis profectus, puta capitis cu-
stodibus, satellitibus, duabus, tum auri tanta ui, ad
hoc populis, qui adorabant. Præterea Babylone,
Bactris, immanibus illis belluis, dignitate, gloria,

deinde quod eminebas conspicuus, dum uestareris,
dum amiculo candido caput haberes reuinctum,
dum purpura circumamictus esses? Nunquid hæc
te discruciant quoties recurrant animo? Quid la-
chrymas stulte? An non id te sapiens ille docuit
Aristoteles, ne res eas, quæ à fortuna proficiantur,
stables, ac firmas existimares? Alexan. Sapiens
ille, cum sit assentatorum omnium perditissimus.
Sine me solum Aristotelis facta scire, quàm
multa à me petierit, quæ mihi scripserit, deinde
quæ admodum abusus sit mea illa ambitione, qua
cupiebam eruditione cæteris præstare, cum mihi
palparetur interim, ac prædicaret me, nunc ob for-
mam, tanquam & ipsa summi boni pars quædã
esset, nunc ob res gestas, atque opes. Nam has quoq;
in bonorum numero collocandas esse censebat, ne
sibi uitio uerteretur, quod eas acciperet. Planè præ-
stigosus uir ille qdem erat, ac fraudulentus o Dio-
genes. Quanquam illud fructus scilicet ex illius
sapientia fero, quod nunc perinde quasi summis de
bonis excrucior, ob ista, quæ tu paulo ante com-
morasti. Dioge. At scin quid facies? Ostendam
tibi molestiæ istius remedium. Quandoquidem his
in locis ueratrum non prouenit, fac ut Lethei flu-
minis aquam auidus faucibus attrahens, bibas, ite-
rumq; ac sæpius bibas. Atq; eo pacto desine de
bonis illis Aristotelicis discrucari. Verum enim
cletum etiam illum, & Calisthenem uideo, cumq;
his alios complures raptim huc sese ferentes, quo te
discerpant, pœnasq; sumant, ob ea, quæ quondam

in illos commisisti. Quare fac in alteram hanc ripam te conferas, & crebrius (ut dixi) bibas.

MENIPPI, ET CHIRONIS.

Menippus.

Quidem inaudiui Chiron, te, deus cum esses, tamen optasse mortem.

Chiron. Vera nimirum sunt ista, quæ audisti Menippe, planèq; mortuus sum, sicuti uides, cum mihi licuit immortalem esse. Menippus. At quænam te mortis cupido tenebat, res uidelicet, quam uulgus hominum horreat? Chiron. Dicam, apud te, uirum neutiquam stultum, atq; imperitum, iam mihi desierat esse iucundum, immortalitate frui. Menippus. Quid? An iniucundum erat, te uiuere, lucemq; tueri? Chirō. Erat inquam Menippe. Nā quod iucundum uocant, id ego neutiquam simplex, sed uarium quiddam esse arbitror. Verum cum ego semper uiuerem, atq; iisdem perpetuo rebus uterer, sole, luce, cibo, tum horæ eadem recurrerent, reliqua item omnia, quæcunq; contingunt in uita, reatproco quodam orbe redirent, atq; alijs alia per uices succederent, satietas uidelicet eorum me cepit. Neq; enim in eo uoluptas est sita, si perpetuo fruaris iisdem, sed omnino in permutando posita est. Menippus. Probe loqueris Chirō. Cæterum hæc, quæ apud inferos agitur, uita, qui nam tibi procedit, po

steaquam ad hanc tanquam ad potio-
rem te contuli
sti. Chiron. Haud insuauius Menippe, siquidē
æqualitas ipsa quiddam habet admodum popula-
re. Nihil autem interest utrum in luce quis agat, an
in tenebris præterea neq; sitiendum est nobis quē
admodum apud superos, neq; esuriendum, sed eius-
modi rerum omnium egentia uacamus. Menippus.

vide Chiron ne temet ipse inuoluas, neue eodē ti-
bi recadat oratio. Chiron. Quamobrē istuc ais?
Menippus. Nempe, si illud tibi fastidio fuit, quod
in uita semper iisdem, similibusq; rebus utendum
erat, cum hic itidem similia sint omnia, eundem
ad modum parient fastidium. At de integro tibi
quærenda erit uitæ commutatio, atq; hinc quopiam
aliam in uitam demigrandum, id quod arbitror
feri non posse. Chiron. Quid igitur faciundum
Menippe? Menippus. Illud nimirum, uti sapiens
cum sis, quemadmodum opinor, & uulgo prædi-
cant, præsentibus rebus sis contentus, neq; quicquā
in his esse putes, quod ferri non queat.

MENIPPI, ET CERBERI.

Menippus.

h
Eus Cerbere, quandoquidem mihi
tecum cognatio quædam intercedit,
cum & ipse sim canis, dic mihi per
stygiā paludem, quomodo sese ha-
bebat socrates, cum huc accederet?

x 3

Verisimile est autem te, deus cum sis, non latrare modo, uerum etiam humano more loqui. si quando uelis. Cerberus. Cum procul adhuc abesset Menippe, uisus est constanti, atque interrito adire uultu, perinde quasi mortem nihil omnino formidaret, ac tanquam hoc ipsum uellet ijs, qui procul à specus ingressu stabant, ostendere, uerum simulatq; despexit inhiatum, uiditq; profundum, atq; atrum antri recessum, simulq; ego contantem etiam illum, ac nito mordens pede correptum detraherem, infantium ritu eiulabat, suosq; deplorabat liberos, nihilq; non faciebat, in omnem speciem se se conuertens. Menippus. Num igitur fucate sapiens erat ille, neque uere mortem contemnebat? Cerberus. Haud uere. Cæterum ubi uidit id esse necesse, audaciam quandam præ se ferebat, quasi uero uolens id esset passurus, quod alioqui uolenti nolenti tamen omnino fuerat ferendum, uidelicet, quo spectatoribus esset miraculo. Equidem illud in totum de uiris istiusmodi, uere possim dicere, ad fauces usque specus intrepidi sunt, ac fortes, porro intus cum sunt, nihil mollius, neque fractius. Menippus. Cæterum ego quo nam animo tibi uisus sum subijisse specum? Cerberus. Vnus mortalium Menippe sic mihi uisus es subire, ut tuo dignum erat genere, et prior te Diogenes, propterea quod neuitquam adaecti subieritis, aut intrusi, uerum tum ultronei, tum ridentes, atque omnibus plorare renuntiantes.

PRAEFATIO, SEV HERCVLES GAL
LICVS LVCIANI ERASMO
INTERPRETE.

*h*erculem Galli lingua gentis uere
nacula Ogmium uocant. Porro
deum ipsum noua quadam, atq;
inuitata figura depingunt. Se-
nex apud illos est, ad extremum
usque occipitium recaluus, reli-
quis capillis, siqui reliqui sunt canis, cute rugosa,
& in aterrimum exusta colorem, cuiusmodi sunt
nautæ isti senes. Charontem potius, aut Iapetum
quempiam ex iis, qui apud inferos uersantur, di-
ceres. In summa, quiduis potius quàm Hercu-
lem esse coniceres ex imagine. Atque tali specie
cum sit, tamen Herculis ornatum gerit, ut qui tum
leonis exuiuium indutus sit, tum clauam dextra
teneat, tum pharetram humeris aptatam portet,
tum arcum læua prætendat. Denique modis omni-
bus Hercules est. Hæc equidem arbitrabar in
Græcicorum deorum contumeliam perperam fa-
cere Gallos, cum eum cuiusmodi fingerent effigie,
quo nimirum illum talibus picturis ulascerentur,
quod olim in regionem ipsorum incurfasset, præ-
das agens id temporis, cum Geryonis armenta ue-
stigans occidentalium gentium plerasq; regiones
peruastaret. At non dum etiam dixi id, quod
erat in imagine maxime nouum, atq; mirandum.

Siquidem Hercules ille senex ingentem admodum
hominum multitudinem trahit, omnibus ab aure
reuictis. Porro uincula chatenulæ tenues auro, ele-
ctro ue confectæ, pulcherrimis istis monilibus ad-
similes. Atqui cum uinculis usque adeo fragilibus
ducantur, tamen neque de fugiendo cogitant, cum
alioqui commode possint, neque prorsus obnituntur,
aut pedibus aduersus trahentem obtendunt sese re-
supinantes, uerum alacres, ac læti sequuntur, du-
centem admirantes, ultro festinantes omnes, & la-
xatis funiculis, etiam anteuertere studentes, perin-
de quasi grauiter laturi, si soluerentur uinculis.
Ne illud quidem pigebit referre, quod mihi uide-
batur omnium absurdissimum. Etenim cum non
inueniret pictor unde chatenularum summam ansam
necteret, uidelicet dextera iam clauam, læua ar-
cum tenente summam Dei linguam perterebrauit,
atque ex hac religatis chatenulis eos trahi fecit.
Ipse nimirum ad eos, qui ducebantur, uultum, &
oculos conuertebat, arridens. Hæc ego cum diu-
tius assistens essem contemplatus, admirans, hæ-
sitans, indignans Gallus quispiam, qui propius
astabat, nostratum literarum non indoctus, id
quod declarauit, cum græcicam linguam abso-
lute sonares, philosophus opinor, ex eo genere philo-
sophorum, quod apud illos esse fertur. Ego tibi hospes
inquit, picturæ istius ænigma explicabo, nam uide-
re uehementer ad eam attonitus, ac stupefactus.
orationem nos Galli nequaquam arbitramur esse
Mercurium, quemadmodum uos Græci, uerum

Herculi illam tribuimus, propterea quod hic Mercurio longe robustior extiterit. Nam quod senex fingitur, nihil est, quod mirere. Siquidem una facundia consuevit in senecta demum absolutum uigorē ostendere, si modo uerum uestri dicunt poëtae.

» Obdura iuuenum densa caligine pectus.

» Contra senectam posse quiddam dicere

» Rudi iuuenta melius, ac præclarior.

Hinc uidelicet apud uos Nestoris lingua melle profluit. Et Troianorum concionatores liriocessant edunt uocem, uidelicet floridam quandam uocem. Nam liria, si satis commemini, flores appellantur.

Proinde quod ab auribus uinctos, ad linguam trahit senex hic Hercules, qui non aliud, quàm ipse est sermo, ne id quidem debes admirari, qui quidē non ignores linguæ cum auribus esse cognitionē. Neq; uero ad contumeliam illius illud pertinet, quod ea pertusa est. Nam menini inquit, et iambicos quosdam uersiculos e' comædijs apud uos discere.

» Siquidem uiris loquacibus

» Extrema lingua perforata est omnibus.

Quin de eodem hanc habemus opinionem, ut quicquid egit, id oratione, facundiaq; confecisse putamus, utpote uirum sapientem, ac persuadendo pleraq; sibi subegisse. Iam tela illius nimirum rationes sunt, acutæ, missiles, citæ, atq; animum sauciantes. Vnde penigera dicta uos quoq; nominatis. Hactenus Gallus. Ac mihi quidem cum huc me conferens mecum inter eundem perpenderem, num decorum iam esset, ut tam grandis natu, quiq; iâ pri

dem ab his doctrinae certaminibus memet abdicaf-
sem, rursum metam multorum iudicium calculis ex-
ponerem iudicandum, in tempore subiit animum
meum eius picturae recordatio. Nam antehac uere
bar, necui uestrum uiderer hæc admodum puerili-
ter agere, quasiq; præter ætatem iuuenari. Proin-
de nequis Homericus adolescentulus, illud mihi im-
pingeret dicens.

- ” Aetas iam perijt tua. Tum illud.
” Ac te corripuit cariota senecta, minister
” Inualidusq; tibi, & se gnes, tardi q; caballi,
Videlicet eo scommate pedes meos notans. Verū quo-
ties senex ille Hercules recurrit animo ad quid-
uis adducor, ut faciam, neq; me pudet hæc audere,
cum sim ipsi æqualis imagini. Itaq; robur, celeri-
tas, forma, & si qua sunt alia corporis bona, uale-
ant, cumq; his tuus o Teie uates, Cupido, ubi me-
mento subcano uiderit, auro rutilantibus alis si ui-
debitur, uel aquilas præteruolet, neq; laborabit
Hippoclides, immo nunc uel maxime tempestuum
fuerit, facundia repubescere, florere, uigere, &
quàm licet plurimos ab auribus ducere, ac sæpius
arcu ferire, quandoquidem periculum non est, ne
quando quis præter spem pharetram inanem repe-
riat. Vides quibus modis ætatem meam, meamq;
senectutem ipse consoler, animemq;, adeo ut non
sim ueritus, nauim iam olim in terram subductam
denuo reuellere, suisq; instructam armis, medium
in pelagus demittere. Contingant autem à uobis o
dij, afflatus secundi, quando nunc uel maxime præ-

sente bono, atq; amico uento nobis est opus. Quod si
digni modo uidebimur, in nos quoq; dicat aliq;
Homericum illud.

• Quos profert senior pannis è uilibus armos.

EVNVCHVS, SIVE PAMPHI
LVSV LVCIANI TRASPADO
INTERPRETE

Nde nobis aduenis Luciane? seu qd
nam rei rides? semper tu quidem
et aliàs consueuisti nobis hilaris,
ac festiuus occurrere, uerum istuc
maius aliquid solito uidetur esse,
de quo risum nec compescere que-

as. Lucianus. E' foro tibi adsum o Pamphile,
porro' mox efficiam, ut tu quoq; mecum rideas, si-
mulatq; audieris cuiusmodi litis adfuerim actioni
duobus philosophis inter sese contendentibus.

Pamph. Iam istuc ipsum profecto ridiculum
est, quod ais, philosophos inuicem lites agitare. Nā
etiam siquid magni fuisset negotij, inter ipsos mo-
deste, atraq; pugnam, controuersiam compositam
oportuit. Lucia. Quid ais. Tranquille com-

ponant illi, qui qdem solida plaustra conuictis onu-
sta alter in alterum effuderint, uociferātes, mirāq;
peruicacia contendentes. Pamph. videlicet de
disciplinis, atq; opinionibus, ita ut assolent, dissen-
tiebant, quod erant diuersæ factionis. Lucia.

Immo aliud quiddam erat hoc, de quo dissidebāt.

Nam eiusdē sectæ erant ambo, eiusdemq; scholæ.
Et tamen orta inter eos lis erat. Porro iudices, qui
cognoscebant primates erāt huius Reip. natuq; ma-
ximi, ac sapientissimi. Breuiter, quos habere quis
gaudeat, siquid parum concinne, parumq; modu-
late sonuerit, nō autem si ad tantam, tamq; insignē
impudentiam, ac fœditatem labatur. Pamph.
Quin tu igitur litis argumentum exponis, quo ui-
delicet ipse etiam cognoscam, quæ res tibi tantum
risum concitarit. Lucianus. Scis Pamphile,
salarium, idq; neutiquam exiguum ab imperato-
re fuisse constitutum, singulis philosophorum generi-
bus, puta, Stoicas, Platonias, Epicureas. cumq; his
etiam Peripateticas, ita ut unicuiq; sectæ præmi-
um esset æquale. Cæterum demortuo ex his quopi-
am, alius aliquis in eius locum subrogandus est,
qui sit optimatum calculis probatus. Porro præmi-
um illud, neq; bacula erat quæpiam, quemadmo-
dum ait poëta, nec hōstia, uerum singulos in annos
decies mille drachmæ, quas accipiunt, uti cum adole-
scentulis habeant consuetudinem. Pamph. Me-
mini quidem ista. Quin aiunt nuper ex illis diem
obysse quempiam, alterum ni fallor ē Peripateticas.
Lucia. Hæc ipsa Pāphile Helena, propter quā
illi inter sese singulari certamine conflictabant. Et
hactenus quidem nihil etiam ridendū erat in illis
præter hoc, quod cum philosophos esse se profiterē-
tur, ac pecunias pro nihilo ducere, tamen earum
gratia perinde atq; pro patria in discrimen addu-
cta, pro religione maiorum, pro monumentis pro-

genitorum, decertarent. Pamph. Atqui Peripateticorum istud est decretum, non admodum esse negligendas pecunias, uerum eas in tertio quodam bonorum ordine esse ponendas. Lucia. Recte dias. Dicunt hæc illi. Proinde bellum hoc ex maiorum iudicio, sententiâq; illis extitit, uerum quæ postea consecuta sint, iam ausculta. Primum complures quidem alij in defuncti illius funebribus ludis decertabant, sed inter hos præcipue duo, uiribus pares, puta Diocles ille senex, nosti quem dicam contentiosum illum inquam, præterea Bagoas, qui quidem ea specie est, ut Eunuchus esse uideatur. Inter hos initio de doctrina, deq; philosophiæ decretis, atq; opinionibus est decertatum, & uterq; sui specimen, ac documentum dedit. quod esset aristotelicæ factionis, quodq; eius placita sequeretur ostendit. At per Iouem in hoc certamine, neuter altero superior erat. Lis igitur huc deflexit. Diocles desinens iam eruditionis suæ periculum, ac specimen ostendere, ad Bagoam descendit, ac uitam illius in primis carpere est aggressus. Bagoas itidem huius uitam uicissim taxabat. Pamph. Idq; merito Luciane. Siquidem eius rei magis erat habenda ratio. Proinde si ego forte iudex causæ sedissem, magis in hoc, ut mihi uidetur, futurus eram occupatus, potiusq; spectassem, uter moribus esset præstantior, quàm uter ad disputandum, ac dicendum promptior, atq; illi potius quàm huic uictoriam adiudicassem. Lucianus. Equidem isti tuæ sententiæ meum et ipse calculum addo. Verum ubi iam con

uitijs, ubi maledictis essent satiati, tandem Diocles
illud crebat nefas esse, uel conari, aut proponere
Bagoam, uti cum philosophiæ studio, cumq; præstā
tissimis eius professoribus commercium haberet, q
quidem eunuchus esset. Immo hoc hominum ge
nus, non solum ab eiusmodi contubernio secludi
oportere, uerum ab ipsis etiam sacris, ac uasis puris,
breuiter ab omnibus publicis cœtibus eici, osten
dens inauspicatum quoddam, et occur su infaustum
spectaculum fore, si quis mane domo egressus, uel
uideat istiusmodi quippiam. Atq; hac de re multis
uerbis differebat, affirmans eunuchum neq; uirū
esse, neq; mulierem, sed quiddam utrinq; composi
tum, & conflatum, planeq; monstrum ab hominum
natura, speciei q; alienum. Pamphilus. Nouam
accusandi rationem nobis narras Luciane. Iamq;
& ipse ridere compellor, crimen audiens tam inau
ditum. sed alter ille quid? Num obticebat? An uicis
sim & ipse quiddam ausus est ad ista respondere?
Lucianus. Initio quidem pudore, ac metu (nam
id est istis familiare) diutius obticebat, erubescens in
terim, palamq; præ se ferens, quod laboraret, tan
dem autem tenuem quandam, ac muliebrem edens
uocem, negabat æquum facere Dioclē, qui se, quod
eunuchus esset, ob id à philosophia secluderet, cū
qua fœminis etiam esset commercium. A llegaban
tur Aspasia, Diotima, Thargelia, quæ causam illi
us adiunabant. Præterea Academicus quidam eu
nuchus natione gallus, qui paulo ante nostrā æta
tem maximè nominis floruisse. Porro Diocles etiā

illum ipsum, siquidem extaret, ac simili negotio sese
 misceret, prohibitorium sese respondit nihil expa-
 uesfactum opinione, quam apud vulgus obtinebat.
 Ad hæc cum ipse quædam dictæria in illum iacie-
 bat, tum referebat in eum quæ a stoicis, maximeq;
 cynicis dicta ad risum conatandum erant idonea
 de corpore mutilo, atq; imperfecto. Hac in re iu-
 dicum cognitio uersabatur. Deniq; totius causæ iam
 illud caput esse cœpit, num eunuchus idoneus esset
 censendus, qui ad philosophiam admitteretur, q̃q;
 iuuenibus præficia postularet, cum alter interim
 formam etiam, ac corporis integritatem, in philoso-
 pho requirendâ esse diceret. Maxime uero uti bar-
 bam altam, ac promissam gerat, quo uidelicet ijs, q;
 discendi cupidi aduenirent, uir grauis appareat,
 Et is, cui fides haberi debeat, neq; indignus uidea-
 tur decem illis drachmarum millibus, quæ forent
 ab imperatore capienda. Cæterum eunuchorum
 conditionem etiam quàm spadonum esse uiliorem.
 Nam illos aliquando uirile quiddâ expertos fuis-
 se, at hunc ab ipso statim ortu fuisse exortum, pla-
 neq; animal esse quoddam uarium, atq; anceps nō
 aliter quàm cornices, quæ neq; inter columbas, neq;
 inter coruos numerari queant. Alter contra respō-
 deret eo iudicio non de corporis agi figura, uerum
 de animi uirtute. proinde mentis qualitatem expen-
 di oportere, deq; dogmatum cognitione quærendū
 esse. Eius rei testis citatus Aristoteles, qui quidē Er-
 meam eunuchum A tarne oriundum tyrannum
 supra modum sit admiratus, adeo ut illi perinde

atq; dijs sacra fecerit. A usus est & illud addere
Bagoas, multo magis idoneum esse eunuchum, cui
adolescentes erudiendi credantur, quod ab hoc nul
la in illos calumnia possit hærere. neq; socraticum
illud crimen in hunc competat, quod adolescentu
los corrumpat. Deinde quæ ille potissimum in men
tum imberbe fuerat cauillatus, ea hic facete, ut ipsi
quidem uidebatur, reiecit. Etenim si e' barbæ proli
xitate inquit, philosophos æstimare conuenit, nimi
rū hircus ante omnes primas tenebit. Hic tertius
quidam assistens (nomen hominis silebitur) Atqui
iudices inquit, hic malis leuibus, ac fœminea uoce,
reliquoq; corporis habitu eunucho adsimilis. Sigs
uestes detrahat, egregie uir esse uidebitur. Alioq;
mentiuntur, qui ferunt eum aliquando in adulte
rio deprehensum, membra in membris, ut legum
tabulæ loquuntur, habentem, atq; id quidem tem
poris ad Eunuchum confugisse, eaq; reperta late
bra absolutum fuisse, cum iudicibus crimen persua
deri non posset, ut qui e' specie hominem iudica
rent eunuchum. At nunc mihi palinodiâ cantatu
rus uidetur, idq; propter ostentatum præmium.
Hæc cum dicerentur omnibus, ut par erat, risus est
obortus. Porro Bagoas magis etiam perturbabatur
omnem in speciem sese uarians, atq; in innumerabi
les uersus colores, tum frigido sudore fluens, ac neq;
decorum sibi existimabat adulterij crimen agnosce
re, neq; rursus eam accusationem inutile ad præ
sens certamen arbitrabatur. Pamph. Profe
cto deridicula sunt ista Luciane, neq; uulgarem uo
bis uti

bis, uti coniectandum est, uoluptatem praeberunt.
 Verum quo tandem res euasit? Et quid super his
 pronuntiarunt iudices? Lucia. Non erat eadem
 omnium sententia. Verum alijs quidem uisum est
 uti nudato illo, quemadmodum in emptijs ser-
 uis fieri consuevit, inspicerent. num in ijs, quae ad
 penem pertinent, philosophari posset. Alii uero
 sententiam dixere, multo magis etiam hac ridiculā,
 nempe, ut accersitis e lustro mulieribus aliquot, in-
 berent illum cum illis congregari, ac uiri officio fun-
 gi, astante interim e iudicijs quopiam, qui quidē
 esset natus maximus, fideq; spectatissima, qui inspi-
 ceret num philosophum praestaret. Haec ubi omni-
 um risu essent excepta, neq; quisquam adesset, cui
 non uenter doleret risu distortus, statuerunt ut cau-
 sa utriusque in Italiam reijceretur. Ac nunc al-
 ter (ut aiunt) quo possit ea, quae dixit, docere, senect
 ad causam exercet, atq; apparat, summoq; ingenio
 accusationem meditatur. Iamq; adulterij crimen la-
 besctat, ut quod sentiat sibi maxime aduersari,
 idq; facit iuxta pestilentiam istorum oratorum, mo-
 rem ex ipsa colligens accusatione, quo aduersarium
 refellat. Contra Bagoas diuersa affert, causam, ut
 uidebatur omnibus, uiri agit, ac negotium prae ma-
 nibus habet. Postremo uincere litem sperat, si modo
 docere possit, se nihilo deteriore esse equis ineun-
 tibus asinas. Siquidem rem amare uisam, est optimū
 philosophiae documentum, unaq; probatio, cui non
 possit contradici. Proinde optauerim, ut filius, qui
 mihi est adhuc admodum adolescens, non ani-

Erasmus

γ

mum, & linguam, sed penem haberet ad philosophiam idoneum.

DE SACRIFICIIS.

Nimvero si quis recensere uelit, quæ
stultissimi mortales factitant, in sa-
cris, in festis diebus, in adeundis, sa-
lutandisq; dijs, tum quas res ab illis
petant, quæ uota faciant, cuiusmodi
sint, quæ de illis sentiunt, statuuntq; equidem haud
scio sit ne quisquam animo curis ita confecto, usque
adeo mœsto, quin risurus sit, ubi perpenderit nego-
tii tum absurditatem, tum amentiam. At multo ante
quàm ridere inapiat opinor, secum illud expen-
det, utrum pios istos appellari conueniat, an con-
tra dijs inimicos, atque infelices, ac genios malos,
qui quidem numen ipsum rem usqueadeo humi-
lem, atque abiectam existiment esse, ut humanis
egeat obsequijs, utq; adulatione capiatur, ac gau-
deat, rursum ut stomachetur, atque iracunde ferat,
si negligatur. Nam Aetolica illa mala, simulq; Ca-
lydoniorum calamitates, totq; hominum cædes, ad
hæc & Meleagri interitum, hæc omnia à Dia-
na authore profecta esse prædicant, quæ uidelicet
grauiter ferret, quod ab Oeneo non esset ad sa-
crificium adhibita. Usqueadeo nimirum alte do-
lor hic animo illius insederat, quod sacris epulis
esset frustrata. Quin illam iam mihi uidere ui-
deor, ut erat id temporis, in cælo solitariam, re-

liquis dijs ad Oenei conuiuium profectis foras,
miseris modis gerentem sese, ac miserabiliter eiu-
lantem, quod ab eiusmodi festo esset ab futura.

Contra Aethiopes illos fortunatos, ac multis modis
felices quis dixerit, si modo Iupiter meminerit hu-
manitatis, ac benignitatis illorum, quam in initio
poëmatici homerici in ipsum exhibuerant, duo-
decim perpetuos dies epulis acceptum, idq; cum re-
liquis etiam dijs comitatus ad conuiuium ueniret.
Vsq; adeo nihil, ut apparet, quicquid faciunt illi,
gratis faciunt, uerum sua bona uendunt morta-
libus, atque emere quidem ab illis licet omnia, pra-
ter bonam ualitudinem, bucula, diuitias bobus qua-
tuor. tum regnum bobus centum, Praeterea sospi-
tem ab Troia in pylum reditum, tauris nouem.
iam ex Aulide ad illum transmittendi faculta-
tem, regia puella. Nam alius quidam, ne id tem-
poris urbs caperetur, a Minerva mercatus est bo-
bus duodecim, ac peplo. Verisimile est autem, es-
se praeterea quaedam, quae uel gallo, uel corolla,
uel solo thure ab illis redimi queant. Hæc igitur
cum non ignoraret, opinor, Chryses ille, utpote
tum sacerdos, tum senex, diuinarumq; rerum egre-
gie peritus, posteaquam re infecta redisset ab Aga-
memnone, tanquam qui pridem Apollini mutu-
um dedisset beneficium, ita nunc imputat, ac
reposit recompensam, quin conuitiatur etiam
propemodum, nempe cum sic ait. Equidem
Apollo egregie, templum tuum, cum id temporis
adhuc esset incoronatum, sæpenumero coronis orna-

ui, deinde tam multas tibi in aris adoleui coxas
taurorum pariter, atq; caprarum. At tu contra me
negligis, cum huiusmodi patiar iniurias, proq; ni-
hilo ducas hominem bene de te meritum. Qua qui-
dem oratione intantum ille pudefactus est, ut proti-
nus arrepto arcu, ac supra nauium stationem sese
collocans, pestem in Græcorum copias iacularetur,
ne mulis quidem, et canibus intactis. Sed quoniam
de Apolline incidit mentio, referam de eodem et
alia, quæ de illo sapientes isti tradunt, non illa qui-
dem, quoties quàm infelicitè amarit, non Hyacin-
thi cædem, neq; Daphnes superbiam, uerum quæ-
admodum damnatus etiam fuerit, et ob Cyclo-
pes interfectos, in exilium exactus. Vnde factum,
ut e cælo in terram demitteretur, humana iam for-
te usus, nostrusq; malis factus obnoxius. Præter-
ea autem quemadmodum in Thessalia mercena-
riam operam suam locarit apud Admetum, tum
item in Phrygia apud Laomedontem, atque apud
hunc quidem haud solus, uerum cum Neptuno,
cum ambo propter egestatem, lateres componerent,
inq; construendis mœnibus operam præstarent. Ac
ne mercedem quidem solidam à Phryge illo tuler-
unt, uerum debebat illis adhuc de summa, ut fe-
runt, plus triginta drachmas Troiani nomismatis.
Quid enim? An non hæc in deorum honorem
fabulantur poëtæ? atque his etiam multo diuinio-
ra de Neptuno, de Prometheo, de Saturno, de Rhea,
denique de uniuersa ferme Iouis familia, idq; inuo-
catis, ut adsint canentibus, in exordio poëmatarum

Musis, à quibus tandem uelut afflati numine,
 id quod apparet, huiusmodi quædam cantant,
 quemadmodum Saturnus, ut primum cælum pa-
 trem suum executisset, ipse in eo regnauerit, dein-
 de liberos suos deuorarit, sicuti ferunt fecisse. Et
 Arguum illum Thyestem. Deinde quemadmo-
 dum Iupiter furtim occultatus à Rhea. Saxum
 pueri loco subijciente in Cretam sit allegatus, atque
 inibi à Capella nutrice sit alitus, itidem uidelicet,
 ut Telephus à cerna, Cyrus Persa, is, qui prior re-
 gnauit, à cane narratur enutritus. Postea quemad-
 modum expulso patre, atque in uincula coniecto,
 ipse potitus sit imperio. Duxerat autem uxores
 complures quidem alias, sed postremo loco Iuno-
 nem germanam, idq; iuxta Persarum, Et Assy-
 riorum institutum, Tum autem quod esset in amo-
 res propensus, atque in uenerem effusus, facile cæ-
 lum liberis explenerit. Quorum alios ex suæ sortis
 deabus creauit, alios contra nothos, ex mortali,
 terrestriq; genere sustulerit. Cum interim gene-
 rosus ille, nunc in aurum, nunc in taurum, nunc
 in cygnum, aut Aquilam uerteretur, ac in summa
 plures sibi formas assumeret, quàm uel Proteus
 ipse. Porro Minervam è suo ipsius capite proge-
 nuit, hanc planè sub ipso cerebro complexus.
 Nam Bacchum, ut aiunt, è matre etiamdum
 conflagrante surreptum, in suum femur illa-
 tum defodit, deinde urgente partu, execut.
 Nec his dissimilia, de Iunone etiam canunt.
 Nempe hanc atra uirilem congressum, sub-

mentaneo conceptu gravidam puerum edidisse vul-
canum, atque eum quidem non admodum fortu-
natum, uerum excusorem, ac fabrum ærarium,
quiq; perpetuo tum in igni, tum in fumo uersetur,
ac sintillis oppletum, quippe cuius ars in fornaci-
bus exerceatur. Tum autem ne pedibus quidem
integris, claudicare enim è ruina, cum à Ioue præ-
ceps datus esset è cælo. Quod ni Lemnii pro sua
bonitate eum, dum adhuc ferretur in aëre, susce-
pissent, perierat nobis Vulcanus. non aliter quàm
Asteranax è turri deiectus. Quanquam quæ de
Vulcano narrant, toleranda uideantur. Cæte-
rum de Prometheo, cui non cognitum est, quàm
atrocia sit passus, propterea quod supra modum
humanæ gentis amans fuerit. Siquidem hunc Iu-
piter in Scythiam deportatum, super Caucasum
montem cruci suffixit, adhibita illi Aquila, quæ
iecur illius assidue circumroderet. Hic itaque pœ-
nas pendit. Porro Rhea (nam sunt hæc quoque
simul referenda) an non indecore, atque indigne
facit. Iam anus cum sit, & ætate exacta, ijsq;
rebus intempestua, deinde tam multorum ma-
ter deorum, dum pueros adhuc adamat, eosq; Ze-
lotypia prosequitur, dumq; Atten ipsum leonibus
secum circumuectat, præsertim cum iam utilis es-
se non queat. Itaque quinam posthac uitio uer-
tat aliquis, uel Veneri, quod adulteretur, uel Dia-
næ, quod ad Endymionem frequenter medio è cur-
su diuertens descendat. sed age missas faciamus
has fabulas, atque ipsum cælum conscendamus,

poëtico illo more subuolantes, ea nimirū uia, quam
 unam pariter cum Homero Hesiodus demon-
 strat, contemplaturi quem in modum singula apud
 illos sint ordinata. Ac primum quidem quod fo-
 rinsecus sit ferreum, uel ab Homero, qui id ante
 nostram ætatem dixit, audiuius. Quod si supe-
 rans, ac sublato paulum capite, sursum aspexeris,
 ac plane in ipsum quasi dorsum perueneris, ibi si
 mul & lumen apparet candidius, & serenior sol,
 & astra fulgentiora, nihilq; usquam oculis oc-
 currit nisi clarus dies, ac solum undiq; aureum.
 Cæterum introgredienti, primo loco mansitant ho-
 ræ, quippe quæ portas seruant. Post eas Iris, ac Mer-
 curius, utpote ministri Iouis, & internuntij. Dein
 de Vulcani fabrilis officina, omnigena referta arti-
 ficio. Postea deorum ædes, ac Iouis ipsius regia,
 quæ quidem omnia Vulcanus pulcherrime fabri-
 catus sit. At uero dū iuxta Iouem assidentes (con-
 uenit enim opinor, ut in supernis illis sedibus ma-
 gno strepitu, fastuq; uiuatur) in terram despicunt,
 & quoquoersum intento capite, circumspectant,
 sicunde subuolantem ignem uideant, aut nidorem
 in aëra surgentem, circaq; fumum rotantem sese.
 Quod si quis forte sacrum faciat, epulantur omnis
 fumo inhiantes, ac muscarum in morem sangui-
 nem exuentes circum aras effusum. Alioqui si
 domi cibum capiant, nectare, atque ambrosia uicti-
 tant. Nam olim homines etiam ab illis in conui-
 uium sunt adhibiti, unaq; cum eis potarunt, nepe
 Ixion, ac Tantalus, uerum illi quoniam uim, & ra-

ptum pararent, essentq; futes, & garruli, ob id in
hunc quoq; diem poenas luunt. Porro reliquo mor-
taliu generi celum iam inaccessum est, atq; ocul-
tum. Et in hunc quidem modum uiuitur à dijs. Pro-
inde uidelicet, & iam mortales ipsi in colendis illis
consimilia quædam, atq; istis consentanea moliuntur.
Nam primum lucos illis attribuerunt, tum et mon-
tes dicarunt, præterea aues consecrarunt, deinde
suam cuiq; arborem assignarunt. His factis, per re-
giones illos distributos colunt, eosq; uelut in ciuita-
tem suam receptant. Nempe Apollinem Delphi,
Delijq; Minervam Athenienses, quæ quidem Græ-
cis Athena dicta, uel ipso uocabulo se ei Reip. fami-
liarē esse testatur. Argui Iunonem, Mygdonij Rhe-
am, Venerem Paphij. Rursum autem Cretenses Io-
uem affirmant non modo uixisse apud sese, nutri-
tumq; fuisse, uerum etiam sepulchrum illius osten-
dunt. At nos scilicet interim tam multis iam secu-
lis fallimur, qui quidem opinemur Iouem tonare,
pluere, reliquaq; omnia peragere. Et illud nos latu-
it, eum iam olim fuisse defunctum, & apud Cre-
tenses sepultum. Deinde uero fanis in honorem il-
lorum erectis, ne tectis uidelicet, aut penatibus ca-
reant, formas illorum exprimunt adhibito ad-
id uel Praxitele, uel Polycleto, uel Phydia. At ij
quidem artifices, haud scio ubinam uisam eo-
rum effigiem repræsentant. Ac Iouem quidem
barbatum fingunt, Apollinem uero semper pue-
rum. Mercurium iam pubescentem, primamq;
ducentem lanuginem. Neptunum nigro capilli-

tio, cæcis oculis Mineruam, At tamen qui templa in-
 grediuntur, non iam arbitrantur sese uidere uel
 ebur ab Indis aduectum, uel è Thracum uenis ef-
 fossum aurum, uerum ipsum Saturni, Rheæq; fili-
 um à Phydia in terram hospitem adductum, ius-
 sumq; Pisanorum in solitudine custodem, ac specu-
 latorem assistere, idq; hoc contentum præmio, bo-
 niq; consulentem, si intra quinque perpetuos annos,
 dum Olympia celebrantur, interim obiter illi sa-
 crificet aliquis. Tum autem constitutis aris, desi-
 gnatis sacrorum septis, puris uasis collocatis, uicti-
 mas offerunt, bouem aratorem agricola, agnum
 opilio, capram caprarius. Est qui thus, est qui pla-
 centulam offerat. At si quis pauper, is ita deo litat,
 ut dexteram dūtaxat illius exosculetur. Iam ue-
 ro cum immolant (nā ad illos redeo) primum ser-
 tis coronant pecudem, multoq; ante explorant, nū
 legitima sit, et sacris idonea, nequid forte mactent,
 ex iis, quæ religio repudiat, deinde ad aram ap-
 plicant, ac sub oculis dei iugulant. flebile quiddā
 emugientem, beneq; sicuti licet coniungere, ominatum,
 iamq; uoce submissiore sonans, quod ad rem diuī-
 nam sit accommodatum. Quis uero non facile con-
 iectet gaudere deos, cum ista spectant? Quin ante
 sacrum denuntiationem aiunt fieri, nequis intra
 pura uasa consistat, qui manibus sit impuris. Atq;
 sacrificus ipse, sanguine fœdatus, neq; aliter quā
 Cyclops ille pecudem inadit, intestina eduat, cor
 reuellit, cruorem aræ circumfundit. Ecquid tandem
 non obiens, peragensq; quod ad pietatem, sacro-

rumq; ritum pertineat. Post omnia demum, incenso
igni, capram ipsa pariter cum pelle deportatam im-
ponit, ipsam item cum lanis ouem. Nidor interim
ille sacer, atq; diuinus sursum fertur, atq; in ipsum
usq; cælum subuectus paulatim diffunditur. Iam
uero Scythæ reliq; omnibus hostijs ommissis, ut quas
uiles, atq; humiles existiment, ipsos homines ma-
ctant Artemidi, atq; eo ritu deam placant. Verum
hæc fortassis modesta uideantur, cumq; iis ea, quæ
facilius A syrii, quæ Phryges, quæ Lydi. Verum
si in Aegyptum proficiscaris, ibi demum, ibi uide-
bis permulta religiosa, planèq; cælo digna. puta
Iouem arietino uultu, Mercurium illum optimū
facie canina. Panem uero totum hircum. Ad hæc
alium Ibim, alium Crocodilum, alium etiam
Simiam. Quod si his quoq; de rebus,

■ Quo planè pernosse queas, didicisse libebit,
complures sophistas audies, tum scribas, ac pro-
phetas, mento raso, qui tibi narrent. Sed prius (ut di-
ci solet.)

” Foras ab itote profani.

Quemadmodum uidelicet quondam ea seditione
territi, quam mouerant hostes, atque gigantes in
Aegyptum deuenerint, ut illic in posterum tuti ab
hostibus latitarent. Et ob eam causam alius hircum
induerit, alius arietem, nimirum præ formidine,
alius feram, alius auem. Atque hinc esse, ut di
nunc etiam eas obtineant formas, quas id tempo-
ris assumpserant. Nam hæc diligenter mandata li-
teris, idq; ante annos plus decies mille in adytis il-

lorum reposita servantur. Porro sacrorum peragen-
 dorum idem ferme apud illos ritus, nisi quod ho-
 stiam luctu prosequuntur, iamq; mactatae circun-
 fusi membra laniant. Sunt qui sepeliant dūtaxat,
 posteaquam occiderint. Nam A pis ille, qui quidē
 deus apud illos est maximus, si quando moriatur,
 quis usque adeo magni faciat cæsariem suam, qui
 non eam detondeat, ac nudo capite luctum præ-
 se ferat, etiam si uel purpuream Nisi comam habue-
 rit? Est autem hic A pis deus ex armento iam antea
 suffragiis designatus, utpote multo formosior, ac ue-
 nerabilior reliquis illis priuatis, & gregariis bu-
 bus. Hæc igitur cum sic habeant, & tamen a' uul-
 gœ uera, seriâq; credantur, mihi quidem postulare
 uidentur, non qui reprehendat, sed uel Heracli-
 tum potius aliquem, uel Democritum, quorum hic
 amentiam eorum rideat, ille deploret inscitiam.

LVCIANI CONVIVIUM, SEV
LAPITHAE ERASMO IN
TERPRETE.

PHILON LVCIANVS.

Philon.

u *Quam quandam, & uariam uitae
faciem Luciane, uariumq; coetum
uobis fuisse narrant super cenā
apud Aristanetum, tum philoso-
phicas quasdam disceptationes ha-
bitas, summamq; inter ipsos conten-
tionem exortam fuisse. Quod ni mentitus est Cha-
rinus, etiā ad uulnera usq; res processisse. Deniq;
sanguine conflictum fuisse diremptum. Lucanus.
Atqui undenā Philō ista rescit Charinus? neq;
enim is nobiscum aderat in conuiuio. Philon.
È Dionico medico aiebat audisse sese. Porro Dioni-
cus etiam ipse è conuiuarum numero fuit opinor.*

*Lucia. Fuit maxime. Verum ne is quidem ab
initio rebus omnibus fuit praesens, sed serius adue-
nerat, media ferme pugna, pauloq; ante uulnera.
Proinde demiror, siquid comperti, certiue referre
potuit, qui non ordine spectarit illa, unde inter il-
los natalis, postea ad sanguinem usq; deducta est.*

*Philon. Verum hinc adeo Luciane Charinus
etiam ipse, si rem compertius uellem cognoscere, et
quo singula modo sint gesta, doceri, te adirem ius-*

sit. Nam Dionicum etiam ipsum fassum fuisse, ne se
 quidem toti negotio praesentem adfuisse. Te uero
 quicquid esset actum, id omne comperto, certoq; sci
 re, tum etiam quae dicta inter illos fuerint, memi
 nisse, quippe qui eiusmodi non obiter, neq; negle
 cti audire, sed per otium, atq; attente auscultari sis
 solitus. Proinde nunquam effugies, qn nos hoc sua
 uissimo accipias epulo, quo mihi quidem haud scio,
 an ullu possit accidere iucundius, praesertim, quod
 sobrij per otium tuto, ac citra sanguinem, extraq;
 teli (quod aiunt) iactum constituti, sumus epulaturi.
 siue senes aliquid super caenam sunt debacchati.
 siue etiam iuuenes a mero compulsi sunt, quae
 neutiquam fas erat tum dicere, tum facere. Lu
 cianus. Iuuenilius tu quidem Philon, atq; incon
 sultius haec nos iubes in uulgus efferre, eaq; refer
 re, quae inter pocula ab ebrjjs sunt acta, cum haec
 magis oporteat obliuioni tradere, eaq; omnia Bac
 cho deo uelut authori imputare, qui quidem haud
 scio, an quenquam suis non afflatum orgijs, et
 Bacchanaliu expertem praeterierit. Proinde uide
 ne hominis sit parum bene morati, eiusmodi ada
 missim exquirere, quae rectius erat in conuiuio re
 liquisse, atq; ita discedere. Siquidem odi (sicut inqt
 uersus poeticus) memorem compotorem. Ne a Dio
 nico quidem recte factum, qui haec apud Chari
 num effutiuerit, immodicamq;, et pridianam dis
 siparit temulentiam hominum philosophorum. Cae
 terum ego absit, ut istiusmodi quippiam sim dictu
 rus. Philon. Nugas agis Luciane, cum ista di

cis. Quamquam haudquaquam oportebat ad istum
modum apud me praesertim agere, ut qui certo scia,
te multo cupidiorum esse narrandi, quam ego sim
audiendi. A deo ut mihi uidearis, si desint, qui te
audiant, uel ad columnam aliquam, aut statuam
libenter accessurus, quod cuncta pariter euomas. quod
si nunc coner discedere, non fines, ni te prius audie-
ro, abire, uerum ultro aderis, confectabere, rogabis.
At tum ego te uicissim lusero. Iamque adeo, si ita
uis, abimus ex alio quopiam haec eadem auditu-
ri. Tu uero ne dicito. Lucianus. Age nequid
succenseas. Equidem dicam, quandoquidem usque-
adeo cupidus es audiendi, uerum heus ea lege, ne
passim in uulgus efferas. Philon. Ni prorsus
ignoro Lucianum, tute istuc potius feceris. Nam pri-
or ipse denarrabis omnibus, ut me quidem ad id
nihil futurum sit opus. Sed illud mihi primo re-
sponde loco, Aristanetus num filio Zenoni dabat
uxorem, atque ita in nuptiis eius uos accepit? Lu-
cianus. Non, immo filiam suam ille locauit Cle-
anthidem, idque Eucriti numularij filio, qui philoso-
phiae dat operam. Philon. Formoso admo-
dum per Iouem adolescentulo, tametsi tenero adhuc,
et uxoriae rei non admodum maturo. Lucianus.
uerum, at non inueniebat alterum generum
magis idoneum. Hunc igitur, qui tum modestus ui-
deretur, tum ad philosophiae studium propensus,
praeterea autem unicus Eucriti diuiti ex omnibus
delegit filiae suae maritum. Philon. Causam
neutiquam leuem dixisti, nempe quia diues sit Eu-

eritus. Verum heus Luciane, qui nam erant con-
 uivæ? Lucianus. Reliquos illos quorsum atti-
 nuerit tibi recensere? Verum è philosophorum nu-
 mero, ac literatorum, quos potissimum opinor, au-
 dire cupis, Zenothemus erat, senex ille stoicus, u-
 naq; cum hoc Diphilus, cui cognomen Labyrin-
 thus, & hic quidem, quod esset Aristæneti filio
 præceptor. Deinde peripateticæ factionis Cleode-
 mus, nosti hominem, nempe dicacem illum, & argu-
 tum, atq; ad refellendum instructum. Discipuli
 gladium, ac bipennem nominant. Quin & Her-
 mon aderat Epicureus, uerum hunc, cum ingrede-
 retur, Stoici toruis obtuebantur oculis, & auersabā-
 tur, palamq; perinde quasi paricidam quempiam,
 atq; impium, ac funestum detestabantur. Et hi qui
 dē tanquam Aristæneti ipsius amici, familiareq;
 fuerant ad cœnam uocati, quos comitabatur &
 Isthæus grammaticus, et Dionysodorus rhetor. Iā
 uero propter sponsum Cheream unā cum illo ad
 conuiuium accesserant, Ion ille platonius, quod is
 iuueni præceptor esset, uir uenerandus aspectu, ac
 maiestatis quiddam præ se ferens, multumq; digni-
 tatis ipso ostendens ore. Vnde nonnulli propter ani-
 mi constantiam, ac rectitudinem regulā illum ap-
 pellant. Huic simul ut ingrediebatur assurgebant
 omnes, ac ueluti præcipuum quendam, ac prima-
 rium hominem comiter, atq; officiose exceperunt,
 adeo ut planē numen aliquod præsens esse uidere-
 tur, cum adesset Ion admirandus ille. Tandem
 uero, cum iam omnes fermē conuiuæ præsen-

tes essent, tempus erat, ut discumberetur. Itaque
ad dextram ingressus totam illam spondam mu-
lieres (erant autem complures) occupabant.
Inter quas erat et sponsa, summo studio culta, hinc
atque hinc stipata foeminis. Porro ex aduerso ostij,
altera turba, pro cuiusque dignitate locas distributis.
Porro e regione mulierum, primo loco accumbe-
bat Eucritus, secundo Aristænetus. sub hac ambi-
gi coeptum, utrum altero priorem oporteret ac-
cumbere Zenothemi ne stoicum, quippe senem,
an Hermonem Epicureum. (Nam hic erat Casto-
ris, ac Pollucis sacerdos) uerum eam hæsitacionem
sustulit Zenothemis, si me inquit Aristænete, mi-
noris ducas Hermone, uiro uidelicet isto, ut neqd
aliud mali dicam, epicureo, discedo, totumque conui-
uium uobis relinquo. Et puerum protinus aduocat,
discedere parans. Tum Hermon, Immo habeto in-
quit, tibi priores partes Zenothemi. Quauquam
etiam si nihil aliud uel hoc nomine mihi par erat
concedi, quod sacerdos sim, ut plane contemnas Epi-
curum. Rideo inquit Zenothemis, sacerdotem epi-
cureum. simulque cum dicto accumbebat. Post hunc
tamen Hermon. Deinde Cleodemus peripateticus.
pone hunc Ion. proxime hunc sponsus. post eum
ego, iuxta me Diphilus, huic assidebat Zenon di-
scipulus. Postremo Rhetor Dionysodorus cum Isti-
æo grammatico. Philon. Pape Lucane musa-
rum conuentum quendam mihi narras fuisse istud
conuiuium, quippe plurimis sapientibus, ac doctis
uiris refertum. Ego uero laudo Aristænetum, qui,
cum optatissimam

cum optatissimam illam, ac splendidissimam solennitatem celebraret, præ cæteris sapientissimos viros adhibere uoluerit, idq; adeo delectis ex unaquaq; philosophiæ secta præcipuis non hos aduocans, illos præteriens, uerum promiscue uocans omnes. Lucianus. Is uero nequaquam est è uulgari umistorum diuitum numero, uerum et literarum est studiosus, ac maximam uitæ partem in his rebus uersatus est. Cœnabamus igitur initio quidem taciti, et quieti, uariisq; erat apparatus, et omni iugus. Neq; enim arbitror operæpretium, ut numero recenseam etiam illa condimenta, cupedias, aromata, atq; id genus illectamenta. Cuncta siquidem affatim suppetebant. Inter hæc Cleodemus admo- to ad Ionus aurem ore, non uides inquit, senem illum Zenothemum dicebat (subauscultabam enim) ut sese obsonijs ingurgitat, utq; iure uestem oppleuit, tum quàm multa puero a tergo stanti porrigit, putans interim se aliorum oculos fallere, neq; quid se deceat memor. Hæc igitur fac et Luciano com- monstres, quo testis esse possit. Mihi uero nihil i one monstratore opus erat, quippe qui hæc multo ante limis iam oculis præuideram. Hæc simul atq; dixisset Cleodemus, irruit in conuiuium et Alcidas Cynicus, atq; is quidem inuocatus uulgatum illud festiuitatis gratia præfatus de Menelao, qui ul- tro ad fratris conuiuium accessisset. Itaq; plerisq; turpiter, atq; impudenter uisus est fecisse, et quod cuiq; tum forte in mentem ueniebat, in eum torque- ant alius illud

83 **Insanis Menelaë.** **Alius rursus.**
84 **Verum** Agamemnoniae menti non ista placebant.
Ad hæc alia, quæ pro tempore salse, lapideq; dia-
poterant in eum obmurmurabant. Nā palam nul-
lus audebat quicquam dicere, propterea quod me-
tuerent Aladamanthem, ut pote conuiuiatorem egre-
gium, unumq; è Cynicis omnibus clamosissimum.
Qua quidem re adeo uisus est reliquis antecellere,
ut nulli non esset formidandus. At Aristænetus
collaudatum illum, quod inuocatus aduenisset, ius-
sit accepta sella, iuxta istæum, ac Dionysodorum
accumberet. At ille Apage inquit, muliebri quid-
dam, ac molle dicas, uti in scamno, aut sella sedeam,
quemadmodum facitis uos, mollibus in stratis penè
supini recumbentes, purpura circumfulti. Quin ego
tibi uel stans cœnauero in ipso interim conuiui-
o etiam obambulans. Quod si defatigatus fuero, tum
humi substrato pallio, cubito innixus cubuero, qua-
lem uidelicet Herculem pingunt. Ita fiat inquit
Aristænetus siquidem istuc mauis. Sub hæc Ala-
damas in orbem conuiuium lustrans, cœnabat, scy-
tharum ritu, ad uberiora pascua subinde sese trās-
ferens, unaq; cum iis, qui inferebant edulia, arcū
iens, atque obambulans. Atq; interim tamen, dum
cibum caperet, haudquaquam negotio uacabat,
de uirtute obiter, de uitio differens, tum in aurum,
atq; argentum dicteria iaculans, iamq; Aristæne-
tum percunctabatur, quid nam sibi uellent tam mul-
ta, tam magna pocula, cum non minus usui pos-
sent esse fictilia. Verum Aristænetus iam obtur-

bantem, molestumq; esse pergentem, in præsens quĩ
dem compescuit, ministro innuens, ut ingentem cali-
cem, infuso meracissimo uino, illi porrigeret. Ac si-
bi quidem uisus est rē utilissimam fecisse, non dum
etiam intelligens, quantorū malorū is calix esset au-
thor futurus. Hunc igitur ut accepisset Alcidas,
aliquantisper silentiū agebat. ac solo sternens sese
cubabat seminudus, quēadmodum facturum sese
fuerat pollicatus cubito humi fixo innitens, simulq;
dextra scyphum sustinens, qualē Herculem apud
Pholum pictores effingunt. Iam uero & inter alios
calix assidue arcum agebatur. tum inuitatiunculæ
ad bibendū, et confabulationes ortæ, demū & lucer-
næ illatæ. Interim ego cum puerū, q̄ iuxta Cleode-
num adstabat (erat autē is pocillator egregie formo-
sus) subridentem uidissem (nam arbitror, q̄cqd obi-
ter inter cœnandū obtingit, cōmemorari oportere, ma-
xime, siquid sit elegantius, ac scite factum) iam ad-
modum attentus obseruare cœpi, quid nam rei ri-
deret. Ac paulopost, accedebat puer, tanquam cali-
cem a Cleodemo recepturus. At ille simul & digi-
tum illius substringebat, & drachmas duas unā
cum calice tradebat. Porro puer, ad substrictū digi-
tum rursus arridebat. Cæterū, de pecunia, cū nō sen-
sisset opinor, eoq; nō reciperet, in terrā delapsis dra-
chmis, strepitus est cōcitatus, moxq; ambo pariter ru-
bore suffundebantur, idq; ita palām, ut nemo non
animaduerteret. Ambigebatur igitur inter eos, quĩ
proxime sedebāt, cuius nā essent illi numi, cū et pu-
er negaret a se proiectos, & Cleodemon itē, iuxta

quem strepitus aciderat sibi exadisse dissimularet.
Verū ea res tum neglecta est, ac conuenter omis-
sa, propterea quod id, quod aciderat, non ita mul-
ti uidissent, præter unum (ut mihi quidem uisum
est) Aristænetum. Nam is paulopost puerum loco
mouit, clanculum ablegans, & alij cuidam innu-
it, uti Cleodemo pocillator assisteret, uidelicet ex
exoletis illis, ac robustis milioni, aut equisoni cui-
piam. Ad hunc modum ea res utrinq; abiit. Sum-
mum alioqui illatura pudorē Cleodemo, siquidem
ad omnes permanasset, ac non protinus occupans
Aristænetus eam sepelisset, petulantiam ciuilitate,
commodēq; ferens. Cæterum Alcidas (iam enim
potus erat) punctatus, quodnam esset nomen puel-
læ nubenti, tum clara uoce indicto silentio, simul
& ad fœminas conuerso uultu, præbibo inquit,
tibi Cleanthi, Hercule duce, atq; auspice. Sub hæc
cum risissent omnes, Ridetis inquit, sacrilegi, quod
sponsæ Herculis dei mei nomine propinauerim.
Immo illud scito opus est, ni scyphum à me tradi-
tum accipiat, nunquam futurum, ut illi filius ob-
tingat talis, qualis ego sum, uirtute interritus, ani-
mo liber, tum corpore adeo robusto. simulq; cum
dicto sese magis etiam renudabat, etiam usq; ad il-
la, quæ sunt maxime pudenda. Ad ea cum iterum
arrisissent conuiuæ, indignatus ille surrexit, tor-
uus iam, atq; effratis obtuens oculis, uultuq; ipso
testans iam neq; pacem, neq; quietem acturum am-
plius. Quin ilico baculum illisisset alicui, ni com-
modum id temporis placenta prægrandis fuisset

illata. Nam hanc simulatq; conspexit, lenior, ac me-
nor esse cœpit, ac stomachari desuit, obambulans
interim, ac placentam auide uorans. Iam uero ple-
riq; temulenti esse cœperant, et clamoribus undiq;
perstrepebat conuiuium. Nam & Dionysodorus
rhetorem illic agens, orationes quasdam pronun-
tiabat, laudabaturq; à ministris, qui à tergo assi-
stebant. Et Isthæus grammaticus uicissim, qui post
illum accumbebat, uersuum centones quosdam re-
citat Pindari, Hesiodi, et Anacreontis carmi-
na simul contexēs, atq; consarcinans ita, ut ex omni-
bus unicam redderet cantilenam, oppidoquam ri-
diculam, in primis autem illa, perinde quasi uati-
anans de iis, quæ postea acciderunt.

Commisere simul clypeos. Tum illud quoq;
Tum uero clamorq; uirum, luctusq; coortus.

At uero Zenothemis, libellulum quempiam minus
tis conscriptum literulis, à puero acceptum legebat.
Verum cum ij, quorum partes erant edulia infer-
re, aliquantisper, ita ut solent, cessarent, moraren-
turq; Aristænetus, sedulo curans, ne uel id interea
temporis, aut otiosum esset, aut uoluptatis expers, ac
cersitum intro morionem, iussit ridiculum aliquid
uel dicere, uel facere, quo magis etiam exhilararen-
tur conuiuæ. Moxq; ingressus deformis quidam,
derasione capite, pauculos capillos in uertice gestans,
eosq; cristæ in morem erectos, hic saltabat, atque
inter saltandum quo maiorem concitaret risum, ro-
tatu sese circumagebat, distorquebatq;. Tum cym-
balo concusso, sonabat interim quiddam imitans

Aegyptiorum, postremo dicteria quaedam iacula-
batur in eos, qui aderant. Ac reliqui scommate ta-
cti ridebant. Verum ubi et in Alcimantem simi-
le quiddam torsisset, catulum illum in delitijs haben-
dum appellans, indignatus ille (iā dudum autem
præ se ferebat, quod inuideret illi, dū probaretur,
ac conuiuarū oculos retineret) abiecto pallio, ut se
cum luctaretur, prouocauit. Quod ni faceret, hunc
inquit, baculum tibi impingam. Atq; ita miser ille
Satyrion (nam id erat Morioni nomen) congressus
cum eo, pācratio decertabat. Erat id spectaculi, mul-
to iucundissimum, q̄ppe cum uiderent hominem phi-
losophum cum Morione compositum, cum ferire,
tum uicissim feriri. Proinde q̄ aderant partim tacti
gaudebant, partim ridebant, donec iamictus Ala-
damas, pugnā detrectaret, ab homuncione omniū
plausu cōprobato certamine superatus. Hæc igitur
cum essent non mediocri risu excepta, ibi tandē in-
gressus et Dioniscus medicus haud multo post pactā
concertationem. Aiebat autem in mora fuisse, Poly-
prepum tibicinē, dum hunc phrenesi correptū cu-
rādi gratia uiseret. Ac plane quiddam risu dignū
cōmemorabat. Dicebat. n. in ædes illius uenisse sese
ignarū etiam hominem iam eo morbo teneri. At il-
lum protinus surrexisse, foribusq; oclufis, ac nu-
dato gladio, tibias ipsas sibi tradidisse, ijsq; uti ca-
neret iussisse. Deinde ubi id non posset, illū percussis-
se, scutum sublata manu gestantem. sese porro in
tanto periculo tale quiddam fuisse commentum. Nē-
pe ad canendi certamen prouocasse hominem, idq;

ea lege ut victus præscriptum, certumq; plagarū
 numerū acciperet. Ac sese priorem cenasse, praeue,
 atq; imperite, deinde traditis illi tibijs, scutum ab
 illo recepisse, gladiū autem ex templo p̄ fenestras in
 arē abiectū. Dein cum minore iam discrimine cū
 illo luctaretur, auxilio aduocasse uicinos. Eos reuul-
 sisse belluam, atq; ita illorum opera seruātū sese.
 ostendebat autē et plagarū uestigia quaedā, nōnul-
 laq; in facie tubera linētia. Ergo cū Dionicijs ob hu-
 iusmodi fabulā non minus placuisset, q̄ Morio ipse,
 proxime istaē reclinans sese, de reliquijs cœna-
 bat, atq; hic q̄dem haud absq; numine quodā no-
 bis aduenerat, immo prorsum usui futurus ad ea,
 quæ postea contigerunt. Nā prodiens in mediū cō-
 uiuiū puer qdā, q̄ se ab Etæmocle stoico uenire di-
 ceret, epistolū quoddā adferens, aiebat ab hero sibi
 mandatum, ut eo palām omnibus audientibus ple-
 cto, rursus domū sese reciperet. Hic igitur p̄mitten-
 te Aristæneto, admotus ad lucernam legebat. Phi-
 lon. Num orationē Lucane in sponsæ laudē cō-
 positam, aut carmen nuptiale, qd̄ genus p̄multa fā-
 ciunt. Luca. Quin nos quoq; istiusmodi qdā
 facere consueuimus. Verum nihil his rebus simi-
 le, siquidem in literis ita scriptum erat.

» Etæmocles philosophus Aristæneto. Quā nō mo-
 » uear conuiuijs omnis anteaēta uita mea fuerit te-
 » stis. Qui quidem cum quotidie mihi complures ea
 » causa molesti sint, te multo ditiores, tamen haud un-
 » quam adduci quiuerim, ut illuc me conferrem, ac
 » cœnis me dederem, perpendens nimirum, quan-

tum sit in eiusmodi computationibus tumultus, quan-
tum licentiae, petulantiaeque; uerum aduersus unum
te mihi uideor meo iure stomachaturus, qui, cum
tantum temporis à me officiosissime cultus, et ob-
seruatus, tamen indignum habueris, quem uel inter
reliquos amicos tuos numerares, sed solum ex omni-
bus praeterieris, quodque cum uicinus essem, proinde
tua causa magis discretior, qui quidem te tam in-
gratum praebueris. Nam ipse felicitatem nequaquam
in hoc statuo, si quis mihi impertiat uel suam syl-
uestrem, uel leporem, uel placentam, quae mihi af-
fatim contingunt apud alios, qui quid cuique compe-
tat, norunt. Quandoquidem etiam hodie cum apud
discipulum Pammanem coenare mihi licuerit, opi-
param (ut uocant) coenam, non annui tamen uehe-
menter obsecrati, tibi scilicet demes ego memetipsum
re seruans. At tu nobis praeteritis, alios acipis con-
uiuio. idque merito facis. Neque enim ullo modo potes,
quid sit rectius dignoscere, nec apprehensam illam
phantasiam habes. Caeterum haud sum nescius, unde
mihi ista sint profecta, nempe ab egregijs istis
philosophis tuis Zenonem, et Labyrintho. Qui-
bus equidem (absit inuidia dicto) uel unico syllo-
gismo mihi uideor os protinus obturare posse.
Alioqui respondeat istorum aliquis, quid sit phi-
losophia, aut haec, quae inter elementa traduntur,
quid habitio differat ab habitu, ut nequid in-
terim de perplexis illis rogationibus proponam,
quid sit syllogismus cornutus, quid aeternalis, quid
metuens. Verum tu quidem istis fruaris licet.

Nam ego, qui solum in bonis ducam, quod sit hone-
 stum, facile tulero contumeliā. At qui ne possis post
 hac ad istam excusationem confugere, ut dicas te
 mei oblitum fuisse, nimirum in tanto rerum strepi-
 tu, tantisq; occupationibus, bis te hodie sum allo-
 cutus, primum mane domi tuæ, deinde rursum in
 Castoris, ac Pollucis templo, rem diuinam faciētem.
 Ac his quidem de rebus hæc responderim. Quod
 si tibi uidere cœnæ gratia suæcensere, quid Oeneo
 acciderit cogitato. Videbis nimirum ipsam etiā Dia
 nam indignantem, quod ille se solam non adhi-
 buerit ad sacrificiū, cum reliquos deos omnes ac-
 aperet conuiuio. Nam hac de re sic alicubi memi-
 nit Homerus.
 seu quia non norat, seu non succurrerat illi.
 At dedit ingentes animi socordia clades.
 Item Euripides.
 Calydon quidem hæc pelopeij rego soli,
 Qua parte sæuum spectat aduersa fretum
 Argos habens tum diuites, tum fertiles.
 Rursum Sophocles.
 Immanis apri, triste monstrum, in Oenei
 Immisit agros gnata Latonæ dea
 Docta eminus missis ferire spiculis.
 Hæc tibi e plurimis pauca proposuerim, ut intelli-
 geres, cuiusmodi præterito uiro, Diphilum ad cœ-
 nam adhibeas, cui & ipsi filium commiseris tuum.
 Idq; recte, Est enim incundus adolescenti, & ita
 cum eo uiuit, ut placeat, atq; obsequatur, atq; adeo
 ni mihi turpe dictu fuerat, addidissim & aliud

» quiddam. Quod quidem tu, si libebit, e' Zopyro
» eius pædagogo uerum esse cognosces. Verum non
» conuenit obturbare in nuptijs, neq; accusare quenq;
» præsertim criminibus usque adeo fœdis, ac puden-
» dis. Tametsi Diphilus dignus, in quem id face-
» rem, quippe qui duos iam discipulos à me traxe-
» rit, ego tamen ipsius philosophiæ causa reticebo. Por-
» rò famulo huic mandavi, ut si quam ipsi partem da-
» re uelles uel apri, uel cerui, uel placentæ mihi de-
» portandam, ut istoc pacto te mihi de coena purga-
» res, ne reaperet, ne ad hoc ipsum à nobis missus
» fuisse uideatur. Hæc amice cum legeretur, sudor
interim undiq; mihi manabat præ pudore, si-
mulq; iam illud, quod uulgo dici solitum est, opta-
bam, ut terra mihi dehisceret, cum uiderem eos,
qui præsentés aderant, ad singulas epistolæ par-
tes inter se ridentes, potissimum autem hos, qui no-
uerant Etæmoclem uirum canum, quiq; tantum
seueritatis, ac modestiæ præ se ferat. Admiraban-
tur igitur, quod eiusmodi uix esset. Hactenus fugis-
se sese, barba uidelicet, ac uultus austeritate dece-
ptos. Cæterum Aristænetus mihi quidem haud ui-
debatur hominem contemptu, negligentia uel præ-
terijisse, uerum quod desperasset, si fuisset inuita-
tus, unquam adduci posse, ut annueret, utq; ad eius-
modi res se morigerum præberet. Eoq; ne tentan-
dum quidem esse putasse. Ergo posteaquam puer
iam legere desisset, uniuersum conuiuium in Di-
philum, ac Zenonem torquebant oculos, quod hi
iam metu trepidi sederent, ac pallidi, ipsaq; uultus

inconstantia, ac perplexitate, crimen agnoscentes,
 ab Etæmocle intentum. Porro Aristænetus, quā
 quam esset sanè perturbatus, uehementerq; conster-
 natus animo, tamen nos iubebat bibere, conans ni-
 mirum id, quod euenerat, commode uertere, subri-
 dens interim, ac puerum redire iussit, respondens,
 ea sibi curæ fore. paulo autem post, surgens & Ze-
 no clanculum sese subduxit è conuiuium, submoni-
 tus à pædagego, ut discederet innuente, idq; tan-
 quam patris iussu. Ibi uero Cleodemus, qui ian-
 dudum occasionem quæritabat (Nam gestiebat o-
 mino cum stoicis conflictari, uerum dirumpeba-
 tur, quod non reperiret causam ad id satis ido-
 neam) tum igitur, ansam præbente epistola, Hu-
 iusmodi, inq̃t, facit egregius ille Chrysippus, & Ze-
 non ille mirabilis, neq; non Cleanthes, uerbula
 misera, neque quicquam præter rogantiunculas,
 & umbras duntaxat philosophorum. Cæterum
 Etæmocles sunt quamplurimi, ut uidetis, quā
 sint seniles epistolæ scilicet postremo Aristænetus
 hic Oeneus est. Etæmocles Diana. Dii boni, quā
 bene auspiciata omnia, quāq; congrua celebrāde
 festiuitati. Ita per Iouem inquit Hermon supra
 hunc accumbens, inaudierat autem, ut opinor, a-
 prum quēdam Aristæneto paratum, ut in conuiuium
 proponeretur, eoq; putabat non intempestiue factā
 mentionē apri illius Calydonij, per lares Aristæne-
 te fac q̃primū sacri partē mittas, ne senex interim
 ille fame pereat, tanq̃ Meleager tabefactus. Tam-
 esi nihil queat acerbum accidere, q̃nquidē Chry-

sippus hæc indifferētia censet esse, ita ne uos Chrysippum nominatis inquit Zenothemis? erigens sese, maximaq; uoce intonans, aut ex uno homine, qui non legitime philosophiā exerceat, nempe præstigiatore isto Etæmocle, Cleāthem, ac Zenonem minime uiros sapientes? Atqui tandem esis ipsi uos, qui hæc dicatis, an non tu Hermon Castor, et Pollux cæsariem, quam habebant auream, arcutondisti? Cuius quidem facti pœnam dabis carnis traditus. Tu porro Cleodeme, non ne sostrati discipuli tui uxorem stuprasti? Non ne in adulterio eo deprehensus nefandissima passus es? An nõ igitur silebitis, cum huiusmodi dedecorũ uobis sitis conscij? Atqui non sum meæ ipsius uxoris leno, Cleodemus inquit, quemadmodum tu, neq; discipuli diuersantis apud me uaticum sustuli, eoq; facto rapuisse me per canticum deierans abnegasti, neq; quaternis drachmis fœnero, neq; discipulos obtorto collo in uincula duco, nisi in tempore mercedē persoluerint. Verum illud inquit Zenothemis, haudquaquam possis inficias ire, te Critoni uenenum, quo patrem necaret, ministrasse. Hæc cum diceret forte bibebat, quicquid autem erat in calice reliquum (erat autem ferme semiplenus) in duos illos profundebat. Porro conspersus est pariter et Ion, idq; præmij tulit, quod illis uicinus accumberet, alioqui eo malo non indignus. Hermon igitur demisso uertice merum è capite depluebat, eos interim, qui præsentibus erant, attestans, quod id genus contumelijs esset affectus. Cleodemus autem cum non haberet cali

æm inuadēs, primum conspuebat Zenothemidi, de
 inde læua comprehensum à barba, plagam in tem-
 pus erat illisurus, ac senem fortasse necasset, ni Ari-
 stænetus dextrā sublatam retinuisset. Is mox trā-
 scenso Zenothemide, inter utrunq; medius affedit,
 ut eo ueluti muro dirempti, pacem inter ipsos age-
 rent. Hæc igitur dum gerebantur Philon, equidem
 uaria meo cum animo uolebam. Primum illud
 statim occurrebat, nullum esse operæpretium, siq;
 disciplinas perdiscat, ni simul & uitæ rationes, ad
 id, quod est optimum, accommodet, atque componat,
 cum uiderem illos, qui uerbis alios antecellerent, q̄
 factis ipsis sese ridiculos exhiberent. Deinde & il-
 lud ueniebat in mentem, ne forte uerum esset, quod
 uulgo pleriq; dictarent, uidelicet eruditione à re-
 cta ratione, bonusq; institutis abducere istos, qui so-
 los libros spectarent, quiq; solitudine, curaq; quā
 illi adferrent, perpetuo tenerentur. Quandoquidē
 cum ibi tam multi præsentessent philosophi, ne
 casu quidem ullum erat ærnere à peccando im-
 munem. Verum alij faciebant turpia, alij dicebant
 turpiora. Neq; enim iam poteram eorum, quæ fie-
 bant, culpam uino authori imputare, mecum repu-
 tans, cuiusmodi essent, quæ Etæmocles neq; cibo, neq;
 potu etiam dum gustato scripserat. Itaq; rerum ui-
 ces præposteræ, atque inuersæ uidebantur, siqui-
 dem uidisses idiotas illos, summa cum modestia con-
 uuiuium agitantes, neq; uino petulantes, neq; indeco-
 re sese gerentes. At ridebant duntaxat, & iam da-
 mnabant eos opinor, quos dudum suspexerant, ex

habitu iudicantes eos alicuius esse pretij. Contra
sapientes illi, & in libidinem ferebantur, & con-
uitijs certabant, & supra modum sese potu, a-
bisq; explebant, postremo uociferabantur, & ad
manus usq; conferendas rapiebantur. Cæterum
admirāndus ille Aladamas etiam meiebat sub oca-
lis omnium, nihil reueritus fœminas. Ac mihi qui-
dem, si quis hæc, quæ in eo conuiuio gerebantur, re-
ctissime uoluisset conferre, simillima uidebantur ijs,
quæ de Eride dea poëtæ fabulantur. Nempe hæc,
quod non esset ad Pelei nuptias aduocata, malum
in medium conuiuium abiecit, ex quo tam ingens
apud Troiam bellum fuerit ortum. Idem Etæmo-
cles mihi uisus est, epistola illa, quasi malo quopi-
am in medium proiecta, non minus malorum, q̃
Ilias habeat, excitasse. Neq; enim finem contentio-
nis faciebant Zenothemis, ac Cleodemus, quanquā
medius inter utrunq; intercesserat Aristænetus.
Age inquit Cleodemus, in præsentiarum quidem
sat est, si literas nescire conuinamini. sed crastino
die uos ulascat, quibus conueniet modis. Responde
mihi Zenothemi, uel tu, uel elegantissimus iste Di-
philus, qua tandem gratia pecuniæ possessionem
inter indifferentia ponendam esse censetis, nisi quod
ex omnibus nil aliud spectatis quàm ut ipsi quam
plurimum pecuniæ possideatis? Atque ob id cau-
sæ, semper apud diuites hæretis, fœneratis, atq; usu-
ris incumbitis, neq; non mercede docetis. Rursum
cum uoluptatem detestemini, atq; hac de causa Epi-
cureos in ius uocetis, cum ipsi uoluptatis gratia, tur

pissima tum facitis, tum patimini, indigne ferentes,
 si quis uos non uocarit ad cœnam, rursus si uoce-
 mini, non sat est tantum uorare, ut abo turgeatis,
 nisi & famulis tantum donetis. Atq; hæc cum di-
 ceret, pariter & linteum reuellere conatus est, qđ
 Zenothemidis puer tenebat, omni carniū genere
 refertum, planeq; futurum erat, ut apertum illud,
 ac solum medium in solum abijceret, nisi quia
 puer non mittebat e manibus grauiter aduersus
 erahentem retinens. Hic Hermon, Euge Cleode-
 me, respondeant qua gratia damnent uoluptatem,
 cum ipsi supra ceteros omnes studeant uoluptati?
 Quin magis inquit Zenothemis, tu Cleodeme re-
 spondeto, quamobrem diuitias inter indifferentia
 numeres. Immo tu potius, atque hunc ad modum
 diutius est altercatum, donec non capite tandem in
 apertum prolato, desistite inquit. Ego, si libet, sermo-
 num argumenta proponam in medium conuiuii,
 nuptijsq; digna. Vos porro atra contentione uias-
 sim & dicite, & auscultate, quē admodum et apud
 Platonem nostrum alternis dicendi uicibus res ut
 plurimū agitur. Id dictum probabant cum oēs,
 q̄ aderant, tum in primis Aristænetus, atq; Eucry-
 tus, nimirū in spem erecti fore, ut eo pacto ab odio-
 sis illis contentionibus discedi posset. Et Aristænetus
 priorē i locū sese recepit, iā ptam eē pacē ratus. Iāq;
 nobis iferebatur ea conuiuij pars, quā secundas mē-
 sas uocat singulæ singulis aues, carnes aprugnae, pul-
 pa leporina, piscis Tagenicus, placetæ, breuiter illa
 quæcūq; liberū ē, seu uelis in aliu cōdere, seu domū

asportare malis. Apponebatur igitur non sua cuique
quadrula, uerum Aristæneto, atque Eucrito eadem
in parte mensæ, una ambobus communis, ita ut de
sua utriusque parte, quæ se spectaret, esset edendum,
aut tollendum. Deinde altera Zenothemidi stoico,
et Hermioni Epicureo, et his item inter ipsos com-
munis. Deinceps Cleodemo, atque Ioni. Post hos spon-
so, ac mihi. Porro Diphilo duorum pars apposita,
propterea quod Zeno iam discesserat. Hæc facto
Philon, uti memoria teneas, nam paulo post, ad in-
tellectum narrationis erunt usus. Phi. Memi-
nero. Lu. Tum Ion, primus igitur exordiar
inquit, siquidem uidetur. Deinde ubi paulisper in-
ter siluisset, Conueniebat inquit fortassis, ut apud
eiusmodi uiros de Ideis, atque incorporeis substan-
tijs, deque animi immortalitate sermo haberetur,
uerum ne mihi contradicant illi, qui diuersam phi-
losophiæ sectam sequuntur, de nuptijs dicam, ea,
quæ congruunt. Atque illud quidem optimum fue-
rat futurum, si nuptijs opus non haberemus, sed
Platonis, ac Socratis dogma secuti à foeminarum
commercio nos penitus abdicaremus. Etenim qui ita
fecissent, illi demum ad absolutam illam uirtutem per-
tingere potuissent. Quod si uiris omnino ducendæ
sint uxores, ut eas iuxta platonice sententiæ inter
se communes habeant, uidelicet, quo Zelotypia uace-
mus. Hæc cum essent risu excepta, ut quæ nimis in-
tempestiue dicerentur, Tum Dionysodorus non tu de
sines inquit, barbarica ista nobis occinere? Nam ubi
Zelotypiam istam reperiās, aut apud quem? At
tu etiam

tu etiam hiscere audes inquit, sterquilinum? Ad
hæc Dionysodorus iam erat conuitia, quæ conue-
niebat, regesturus, uerum grammaticus Istæus
uir optimus ille, Desinite inquit. Ego uobis epitha-
lamion recitabo, simulq; cœpit legere. Erant autem
elegiaci uersus hi, si satis memini.

” Nuper Aristæneti in ædibus unica summo

” Nutrita est studio diua Cleanthis hera.

” Virginibus cunctis reliquis præstantior una,

” Vel potior Phœbe, uel potior Venere.

” salue & tu iuuenū ualidissime sponse ualentum,

” Nereo prior, ac fortior Eacida.

” At rursum uobis hoc carmen sæpius olim

” commune ambobus coniugiale canam.

Hæc ita, ut est consentaneum, risus est consecutus.

Reliquum erat, ut sibi tollerentur. Iamq; tollebant

Aristænetus, atque Eucritus ex ijs, quæ sibi fue-

rant proposita, suam uterq; partem. Tum ego quæ

mibi, & Chereas item quæ sibi erant proposita.

Eundem ad modum Ion, & Cleodemus. Por-

ro Diphilus etiam Zenonis digressi partem tol-

lere parabat, affirmans uni sibi ea fuisse propo-

sita, atque hac de causa cum ministris dimicabat,

ac uicissim inter sese trahebant manus utrinque

in auem iniectis, non aliter quàm Patrocli cadauer

hinc, atque hinc attrahere conantes. Postremo uicit

ille, atque abstulit, plurimum interim risum præ-

bens conuiuijs. Maxime cum eam ob rem postea

grauiter stomacharetur, perinde quasi atroci affe-

ctus iniuria. Iam uero Zenothemis, atque Her-

mon, qui pariter, ut dictum est, accumbebant, al-
ter superius, puta Zenothemis, alter infra hunc,
reliqua quidem, quoniam æqualia fuerant appo-
sita, citra pugnam sustulerant. Cæterum auis, quæ
iacebat ad Hermonis partem, erat altera paulo
pinguior, idq; ita casu euenerat, opinor iamq; su-
am uterque sublaturus erat. Ibi Zenothemis (sed
tibi nunc quammaxime fac animum aduer-
tas, iam enim ad ipsum negotij caput peruenimus)
Zenothemis inquam, omissa ea, quæ sese specta-
bat, eam, quæ ante Hermonem iacebat, tollere est
aggressus, quæ quidem (uti iam diximus) erat pin-
guiscula. At ille contra nitens retinebat, haud si-
nens, ut ea in re potiores ferret. Inter hæc clamo-
re coorto, utriq; in alterum irruentes ipsis auibus fa-
cies mutuo cædebant, ac barbis inuicem prehen-
sis, auxilio aduocabant, hic quidem Cleodemum,
puta Hermon, ille uero, nempe Zenothemis, Alci-
damantem ac Diphilum. At cæteri quidem ad par-
tes accesserunt, partim huius, partim illius, præ-
ter unum Ionem, qui sese neutrum, atque anapi-
tem seruabat. Cæterum illi inuicem conferti pugna-
bant, ac Zenothemis quidem scyphum e mensa
sublatum, eum, qui coram Aristæneto stabat, abie-
cit in Hermonem. Atque hunc haud tetigit alio,
sed flexus aberrat. Verum sponsi caput dissecauit
alto, grauiissimoq; uulnere. itaq; mulierum coorta
uociferatio, quæ medium in prælium insiliebant,
cum primis autem adolescentuli mater, cum iã san-
guinem eius aspexisset, præterea et sponsa metu ter-

vita, sese super illum iniecit. Inter hæc Alcidas
 strenuum uirum præstitit, cum Zenothemidi fer-
 ret opem, & illiso suo baculo, Cleodemi quidem
 caluariam Hermonis uero maxillam comminuit,
 ad hæc è famulis aliquot opitulari parantes, nul-
 nerauit. Quamquam illi nihil his rebus territi ces-
 serunt. Verum Cleodenus intentato digito, Zeno-
 themidi oculum effodit, tum admotus narem mor-
 dicens auulsit. Porro Hermen Diphilum Zenothe-
 midis suppetias ferre conatum, è sponda in terram
 præcipitem dedit. sauciatus est & Isthæus gram-
 maticus, dum interuentu suo eos studet dirimere,
 calce uidelicet in dentes illius illiso, idq; à Cleode-
 mo, cum hunc Diphilum esse credidisset, non Isthæ-
 eum. Iacebat igitur miser ille, iuxta suum ipsius
 Homerum.

• Purpureum uomitum proiectans, ore cruorem.
 Præterea tumultus, atque lachrymarum plena un-
 diq; erant omnia, dum & mulieres eiularent Che-
 reæ sponso circumfusæ, dumq; alij, has student com-
 pescere. Porro maxima malorum omnium pars
 erat Alcidas, posteaquam semel pro sua uiri-
 li irruisset, feriens quicumque forte in ipsum inca-
 disset. Neque uero pauci in eo prælio cecidissent, sci-
 to, ni baculum is fregisset. Ego porro iuxta parie-
 tem erectus assistens, spectabam omnia, neque me
 ei negotio admiscebam, nimirum Isthæi iam doctus
 exemplo, quàm esset periculosum eiusmodi consti-
 ctus uelle dirimere. Lapithas itaq; centaurosq; ui-
 disses, eueriti mensas, effundi sanguinem, proijci scy-

phos. Denum Alcidas subuersa lucerna magnas
induxit tenebras. Iamq; res, ut est coniectu facile,
atrociior etiam multo esse coepit, praesertim cum
haud esset proclive, lumen copiam alicunde recu-
perare, sed multa interim, ac saeva parata sunt
in tenebris, post ubi accederet nescio quis lucernam
tandem adportans, Alcidas quidem repertus est,
tibianae uestem sustollens, uiq; cum illa congregi
pugnans, Dionysodorus autem in alio quodam ri-
diculo faanore deprehensus est, iam ut surrexe-
rat, scyphus e sinu illius elapsus, in solum de-
cidit. Id ita factum, Ion admodum solcite quasi
patronum agens asseuerabat. His rebus dimissum
est conuiuium. a lachrymis denuo in ridiculum
exitum conuersum. idq; Aladamantis, Dionysodo-
ri, atque Ionis gratia. Porro qui erant sauci,
sublati sarcinae ritu, foras deportabantur miseris
affecti modis, maxime senex ille Zenothemis pa-
riter tum oculo, tum nare mutilatus, enecari se pra-
eruciati clamitans. A deo ut Hermon, quanquam
ne ipse quidem expers malorum (na huic duo den-
tes fuerant excussi) palam attestaretur, Memineris
inquiens o Zenothemis, ne posthac dolorem in me
dijs habendum ducas. At sponsus iam uulnere a
Dionico curato, domum reuectus est fasciis reuin-
cto capite, eidem impositus uehiculo, quo sponsam
fuerat abducturus. Atque ita miser ille nuptias
acerbas celebrarat. Deinde et alijs item Dionicus
pro sua uirili remedium adhibuerat. Postremo ac-
bantes asportati sunt, pleriq; medijs in uijs uomen

tes. Cæterum Aladamas inibi remanebat. Neque enim ualebant hominem extrudere, posteaquam semel sese in sponsam abiecerat, atque ibi transuersus accubisset. Hic erat ó bone Philon eius exitus conuiuij, de quo rectissime illud dici possit, quod in fine Tragœdiarum frequens est. Sunt Fortunæ uarij casus. Plurima, quæ haud speraueris unquam, ea consiciunt numina diuûm. Rursus quæ certo speraris, ea frustrato non contingunt. Siquidem hæc planè præter expectationem, atque inopinato exierunt. Præterea illud iam didici, non esse tutum, cui non sit opus, cum eiusmodi philosophus agitare conuiuium.

ORNATISSIMO, DOCTISSIMO QVE
VIRO MAGISTRO RVTHALO
REGIO APVD ANGLOS SE
CRETARIO THOMAS
MORVS. S. P. D.

I quisquam fuit unquam uir do-
ctissime, qui Horatianum præce-
ptum impleuerit, uoluptatemq; cū
utilitate coniunxerit, hoc ego certe
Lucianum in primis puto præstitis-
se. Qui & superalioſis abſtinens philoſophorum
præceptis, & ſolutionibus poëtarum luſibus, hone-
ſtiſſimis ſimul & facetiſſimis ſalibus uitia ubiq; no-
tat, atque inſectatur mortalium. Idq; facit tam ſci-
te, tantaq; cum fruge, ut cum nemo alius pungat,
nemo tamen ſit, qui non æquo animo illius acule-
os admittat. Quod cum nunquam non egregie fa-
ciat, feaſſe tamen mihi ſingulari quodam modo
uidetur in tribus his dialogis, quos ob idipſum è tã-
to feſtuiſſimorum numero potiſſimum delegi, quos
uerterem, alijs tamen alios fortasſe longe prælatu-
ris. Nam ut è uirginibus non eandem omnes, ſed
alius aliam pro ſuo cuiusque animo præfert, de-
amatq; non quam præcipuam tuto poſſit aſſere-
re, ſed quæ ſibi uideatur, ita è lepidiſſimis Luca-
ni dialogis, alius alium præoptate, mihi certe iſti
præcipue placuerunt, neque temere tamen (uti ſpe-
ro) neque ſoli. Nam ut à breuiſſimo incipiam, qui
Cynicus inſcribitur, quiq; poſſe uideatur ipſa bre-

uitate contemni, nisi nos Horatius admoneret, sæpe etiam in exiguo corpore vires esse præstantiores, ipsiq; minimas etiam gemmas esse uideremus in pretio. In eius ergo delectu, honorifico calculo mecum suffragatus est diuus Ioannes Chrysostomus uir acerrimi iudicii, doctorum ferme omnium Christianissimus, et Christianorum (ut ego certe puto) doctissimus, quem usque adeo dialogus hic delectabat, ut bonam eius partem in Homeliæ quandam, quam in Ioannis euangelium commentatus est, inseruerit. Neque id immerito. Quid enim placere magis uiro graui, uerèq; Christiano debuit, quàm is dialogus, in quo dum aspera, paruq; contenta Cynicorum uita defenditur, mollis, atque eneruata delicatiorum hominum luxuria reprehenditur. Necnon eadem opera Christianæ uitæ simplicitas, temperantia, frugalitas, denique arcta illa, atque angusta uita, quæ ducit ad uitam, laudatur. Iam Necromantia (nam hic secundo dialogo titulus est) non satis auspiciato uocabulo, sed materia tamen felicissima, quàm false taxat uel magorum præstigias, uel inania poëtarum figmenta, uel incertas quauis de re philosophorum inter se digladiationes? superest Philopseudes, qui non sine socratica ironia totus uersatur (id quod titulus ipse declarat) in ridenda, coarguendaq; mentiendi libidine, dialogus, nescio certe lepidiorne an utilior. In quo non ualde me mouet, quod eius animi fuisse uidetur, ut non satis immortalitati suæ confideret, atque in eo fuisse era

rore, quo Democritus, Lucretius, Plinius, plu-
rimi; itidem alij. Quid enim mea refert, quid sen-
tiant his de rebus Ethnicus, quæ in præcipuis ha-
bentur fidei christianæ mysterijs. Hunc certe fru-
ctum nobis afferet iste dialogus, ut neque magias
habeamus præstigijs fidem, & superstitione carea-
mus, quæ passim sub specie religionis obrepit, tum
uitam ut agamus minus anxiam, minus uidelicet
expauescentes tristia quæpiam, ac superstitiosa men-
dacia, quæ plerumq; tanta cum fide, atque autho-
ritate narrantur, ut beatissimo etiam patri Au-
gustino, uiro grauissimo, hostiq; mendaciorum acer-
rimo, nescio quisnam ueterator persuaferit, ut fa-
bulam illam de duobus spurinis, altero in uitam
redeunte, altero decedente, tanquam rem suo ipsi-
us tempore gestam pro uera narraret, quam Lu-
cianus in hoc dialogo, mutatis tantum nominibus,
tot annis ante quàm Augustinus nasceretur, irrisit.
Quo minus mireris si pinguioris uulgi mentes su-
is figmentis afficiant, qui se tum denuum rem ma-
gnam confecisse putant, Christumq; sibi deuinxis-
se perpetuo, si commenti fuerint aut de sancto ali-
quo uiro fabulam, aut de inferis tragædiam, ad
quam uetula quæpiam aut delira lachrymetur,
aut pauida inhorrescat. Itaq; nullam ferè mar-
tyris, nullam uirginis uitam, prætermiserunt, in
quam non aliquid huiusmodi mendacorum inse-
ruerint, pie scilicet, alioqui enim periculum erat,
ne ueritas non posset sibi ipsa sufficere, nisi fulcra-
tur mendacijs. Nec ueriti sunt eam religionem con-

taminare figmentis, quam ipsa ueritas instituit, & in nuda uoluit ueritate consistere. nec uiderunt usque adeo nihil istiusmodi fabulas conducere, ut nihil perniciosius officiat. Nempe (ut memoratus pater Augustinus testatur) ubi admistum subolet mendacium, ueritatis ilico minuitur, ac labefactatur auctoritas. Vnde saepe mihi suspicio suboritur, magnam huiusmodi fabularum partem, a uasris, ac pessimis quibusdam nebulonibus, haeticisq; confictam, quibus studium fuit, partim ex incauta, simplicium potius quam prudentium credulitate uoluptatem capere, partim fabularum fictarum commercio, fidem ueris Christianorum historijs adimere. quippe qui frequenter quaedam ius, quae in sacra scriptura continentur, tam uicina confingunt, ut facile se declarent, adludendo lusisse. Quamobrem quas scriptura nobis historias diuinitus inspirata commendat, eis indubitata fides habenda est. Ceteras uero ad Christi doctrinam, tanquam ad Critolai regulam applicantes caute, & cum iudicio aut recipiamus, aut respuamus, si carere uolumus & inani fiducia, & superstiosa formidine. Sed quod progredior epistola? ferè iam librum superat, nec interim tamen uerbum de tuis laudibus ullum. in quas alius fortasse totus incubuisset, quarumq; citra ullam adulandi suspensionem uberriam mihi materiam praeuissent (ut ceteras uirtutes tuas omittam) uel egregia doctrina tua, summaq; in rebus agendis prudentia, quam tot in diuersis nationibus in tam arduis negotijs, tam feli-

citer actæ legationes declarant, uel singularis fi-
des, grauitasq; quam nisi satis perspectam, explo-
ratamq; habuisset, nunquã te prudentissimus Prin-
ceps sibi a secretis esse uoluisset. Sed cæterarum
uirtutum tuarum prædicationi unica modestia tua
reluctatur, quæ facit, ut cum laudanda tam liben-
ter facias, fecisse te tamen non libenter audias. Par-
co igitur pudori tuo hoc unum duntaxat abs te
precatus, ut has in græcis literis studiij mei primi-
tias æquo animo suscipias, sinasq; ut quaecunq;
apud te sint amoris, officijq; in te mei monimen-
tum. quas tibi sum ausus eo maiora fiducia com-
mittere, quod etsi tam acre tibi iudicium sit, ut
quicquid erratum fuerit, nemo penetrantius ui-
deat, is tamen est ingenij tui candor, ut nemo liben-
tius conuiueat.

LVCI
MO
T

ne matri
made, m
era solo
mtriam
mi. filo
q; cum
mtr facili
id in quæ
pzi ne off
modum.
na. admo
videt m
mes, eos
mtr. C
mhi, sed
n, atq; m
m obum m
mtriam (q
m inopia

LVCIANI CYNICVS THOMA
MORO INTERPRETE IN
TERLOCVTORES LV
CIANVS ET CY
NICVS.

Lucianus.

q

Vid tu tandem? barbam quidem
habes, & comam, tunicam non ha
bes, nudusq; conspiceris, ac sine cal
ceis, delecta nimirum uaga, inhu
manaq; ac ferali uita, tum proprio

corpore, contra quam faciunt cæteri, semper usus,
incom mode, nunc huc, nunc illuc arcus, in arido
prætere a solo cubans, adeo ut plurimum etiam sor
dium tritum istoc palliū referat, aliog nec ipsum,
nel tenui filo, uel molle, uel florulentum. Cyni.

Neq; enim indigeo, siquid est huiusmodi, ut com
paretur facillime, dominoq; minimum exhibeat ne
gotiū, id inquam mihi sufficiat. At tu per deos dic mi
hi, putas ne esse in luxu uitii? Lucianus. Immo

admodum. Cyni. Contra in frugalitate uirtutē?

Lucia. admodum. Cyni. Cur igitur tandē cum
me uideas uiuentem frugalius quā uulgo faciunt
homines, eos uero sumptuosius, me non illos arguis?

Lucianus. Quia non frugalius per Iouem uide
ris mihi, sed egentius uiuere, immo uitā omnino ege
nam, atq; inopem. Nam tu nihil à mendicis differs,
qui cibum medicant in diem. Cynicus. Vis ergo
uideamus (quandoquidem huc processit oratio) qd
nam inopia sit, quidq; rursus copia? Lucianus.

CYNICVS

Si tibi quidem ita uidetur. Cyni. Nunquid ergo satis, id cuique est, quicquid ipsius explet necessitatem? an aliud quippiam dicis? Lucia. Esto istud. Cyni. Indigentia uero quicquid cuiusquam usui deest, nec eo, quod sit necesse peruenit? Lucianus. Salicet. Cyni. Nihil igitur meis in rebus deest. Nihil enim in his est, quod necessitatem non expleat meam. Lucia. Quo pacto istud ais? Cyni. Scies, si consideres, in quem usum eorum quodque paratum est, quorum egemus, ut domus, an non tegumenti gratia? Lucia. Maxime. Cyni. Quid uestis, cuius gratia? non ne tegumenti etiam ipsa? Lucia. Sané. Cyni. At ipso per deos tegumento, cuius rei gratia indiguerimus, non ne ut melius se habeat id, quod tegitur? Lucia. Mihi quidem sic uidetur. Cyni. Vtrum igitur tibi peius se habere hi uidentur pedes? Lucia. Nescio. Cyni. Atque hoc pacto didiceris, quodnam pedum officium est? Lucia. Ingredi. Cyni. An deterius ergo ingredi pedes tibi uidentur mei, quam aliorum? Lucia. Istud uero fortasse non. Cyni. At non possent seu sese melius, seu deterius haberent, officium suum prestare? Lucia. fortasse. Cyni. Pedibus ergo nihilo peius affectis uideor, quam alij? Lucianus. Non uideris. Cyni. Quid corpus uero meum? Num deterius quam reliquorum? Nempe si deterius se haberet, esset idem imbecillius corporis quippe uirtus robur est. An meum ergo debilius? Lucia. Non uidetur. Cyni. Neque pedes ergo tegumento uidentur egere, neque reliquum corpus. Quippe si ege

rent, male haberent. Egestas etenim omnino mala, ac peius habere se facit, ea quibuscunque adsue- rit. At ne ali quidem deterius corpus uidetur me- um, quod quibilibet cibus alitur. Lucia. Mani- festum est id quidem. Cynu. Nam nec uegetum esset, robustumq; si aleretur male. Mala siquidem alimenta corpus tabesciunt. Lucianus. Ista qui- dem ita se habent. Cynicus. Quo pacto igitur dic mihi his ita se habentibus, me arguis, uitamq; improbas meam, ac miseram prædicas? Lucianus.

Ideo per Iouem, quod cum natura, quam tu colis, ac superi terram in communi statuerint, ex ea mul- ta nimirum, ac bona ediderint, ut nobis omnia su- peressent abunde, non in necessitatem modo, uerum in uoluptatem quoq; tu tamen horum omnium, aut maximæ saltem partis expers es, nec eorum quo- quam frueris nihilo certe magis, quam feræ. Nem- pe aquam bibis, quam etiam bibunt feræ. Come- dis uero quicquid offenderis, quemadmodum ca- nes, tum cubile nihilo melius canibus habes, quan- doquidem gramen tibi sufficit, quemadmodum et illis, pallium præterea circunfers nihilo mendico decentius. Quanquam si tu his contentus recte sa- pis, tum deus profecto neutiquam recte fecit, pri- mum quod oues effecit pingues, deinde uites dulas uini feraces, ac reliquum deinde apparatus ua- rietate mirabilē, et oleum, et mel reliqua omnia ut nos haberemus, edulia quidem omnigena ha- beremus, potum dulcem haberemus, pecunias ha- beremus, mollem lectum haberemus. Præterea pul-

CYNICVS

chras domus, ac reliqua denuum omnia, mirum
 in modum preparata. Nam & ipsa quoque ar-
 tium effecta deorum dona sunt. At uiuere omni-
 bus huiusce bonis priuatum id fuerit profecto ma-
 serum, etiam si ab aliquo quopiam priueris.
 Quemadmodum ii, qui seruantur in uinculis.
 Longe uero miserius, si quis ipse sese omnibus bo-
 nis priuet. Nam ea denuum manifesta insania
 est. Cynicus. Et recte quidem fortasse dicas.
 Verum istud dic mihi, si quis diuite quopiam
 alacriter, atque humane, quin prolixè quoque
 exhibente conuiuium, tum hospites exaspiente, &
 multos simul, & omnigenos, alios quidem im-
 becallos, alios autem robustos, deinde apponen-
 te multa, atque omnigena. si quis inquam omnia
 corripit, omniaq; deglutiat, non ea tantum, quæ
 uicina sunt, sed ea quoque, quæ procul absunt,
 preparata uidelicet inualidis, ipse tamen ualens,
 cum unum duntaxat uentrem habeat, nec mul-
 tis ut nutriatur indigeat, diutius tamen quàm alijs
 multi immoretur, hic uir cuiusmodi tibi uidetur
 esse? probus ne? Lucianus. Non mihi qui-
 dem. Cynicus. Quid uero, num temperans?
 Lucianus. Ne id quidem. Cynicus. Quid
 uero, si quis eiusdem mensæ particeps multa illa,
 ac uaria negligat, uno quopiam ex iis, quæ pro-
 xime apponuntur, electo, cum satis in suam habe-
 at necessitatem, id decenter edat, eoq; solo utatur,
 cætera illa ne respiciat quidem, an non hunc &
 temperatiorem, & meliorem uirum illo putabis?

Lucianus. Ego certe. Cynicus. Verum ergo iam intelligis, an me oportet dicere? Lucianus. Quidnam? Cynicus. Quod deus illi quidem pulchre conuiuium instruenti similis est, ut qui apposuerit multa, ac uaria, atque omnigena, uti essent, quæ cuiq; conueniant, alia quippe ualentibus, alia rursus ægrotantibus, atque alia quidem robustis, alia uero inualidis, non ut omnibus utamur omnes, sed ut his utantur singuli, quæ suæ cuiusque naturæ conueniunt, & ex his ipsis quacunque re maxime quenque indigere contigerit. At uos illum, qui per insatiabilitatem, atque incontinentiam omnia corripit refertis, ut qui rebus uti uelitis omnibus, & undecunque partitis, non solis contenti præsentibus existimantes propriam quidem neque terram, neque mare sufficere, sed importantes ab ipsis usque terræ finibus uoluptates, patrijsq; rebus peregrina præferentes, sumptuosaq; frugalibus, atque ea, quæ difficile comparantur iis, quæ sunt comparatu facilia. In summa denique molestias, malaq; potius eligentes quàm absque molestijs uiuere. At isti quidem plurimi, ac pretiosi, beatiq; apparatus, quibus exultatis, per magnam ad uos miseriam, erumnamq; perueniunt. Aurum ipsum tam optabile, si libet, argentumq; considera, domus considera sumptuosas, uestes operosas considera, atque eius generis omnia quanto negotio emuntur, quot laboribus, periculis, immo sanguine, ac cæde, quantoq; hominum interitu,

CYNICVS

non ideo solum, quod dum nauigant, propter ista pereunt, ac dum quærunt, parantq; graua perferunt, sed ob id quoque, quod digladiationes multas pariunt, quodq; ob ea insidiantur inuicem, & amicis amica, & parentibus liberi, & maritis coniuges. sic opinor Eriphilen quoque auri gratia prodidisse maritum. Atque hæc quidem omnia fiunt, cum tamen uestes illæ uariæ nihilo magis quicquæqueant calefacere, aurataq; illa ædificia nihilo prorsus magis tegant, nec pocula illa argentea potui quicquam magis conducant. sed nec aurei illi, nec eburnei item lectuli, somnium suauiore præbeant. Immo uidebis frequenter in eburneo lecto, sumptuosiq; stromatibus, beatis illis, somnium contingere non posse. Præterea omnigenæ illæ arcæ edulia curæ nihilo magis alunt. Quin tabescunt potius corpora, iisdemq; morbos ingenerant. Quid autem dicere attinet, libidinis gratia quantas molestias mortales & faciunt, & patiuntur? quanquam facile est isti cupiditati mederi, nisi quis uelit indulgere delitijs. At ne hæc quidem insania, corruptelaq; sufficere uidetur mortalibus. Sed iam rerum etiam usum peruertunt, singulis rebus ad id utentes, ad quod minime paratæ sunt. quemadmodum lecto si quis uti carpenti loco uelit, ac tanquam curru. Lucianus. Quisnam is est? Cynicus. Vos inquam, qui hominibus tanquam iumentis utimini. Nam eos iubetis, ut lecticas tanquæ currus in ceruicibus ferant. Ipsi uero in sublimi residetis delicati, atque homines perinde tanquam asinos

asinis aurigamini imperantes, ut hac non illac eant, & qui hæc facitis maxime, iſdem maxime beati uidemini. Tum iſ, qui piſcium carnibus non tantum ut alimentis utuntur, uerum tincturas etiam quasdam ex his machinantur, eos dico, qui purpuram tingunt, non ne & hi præter naturam his utuntur, quæ à deo præparata ſunt? Lucianus. Non per Iouem, ſiquidem tingere etiam poteſt non comedi tantum purpuræ caro. Cynicus. At non in id tamen nata eſt. Nam & cratere quiſpiam (ſi præter naturam detorqueat) illæ loco poſſet uti, nec in id tamen paratus erat. ſed quo pacto poſſit quiſpiam uniuerſam illorum infelicitatem percurrere, quæ tanta eſt? At tu me quoq; quod uolo eius eſſe particeps, in cuius. Vio ego tamen quemadmodum modeſtus ille, his uidelicet duntaxat, quæ mihi apponuntur, uſcens, ac frugaliffimis utens. Varijs uero illis, atque omniſigenis minime inhians. Ac deinde cum paucas egeam, ac minime multis utar, ferinam tibi uideor uitam uiuere. At qui hac ratione tua, diſ profecto in periculum ueniunt, ne & ipſi ſint feris etiam deteriores, quippe qui rei nullius indigent. Verū ut exactius intelligas, cuiusmodi horum utrumque ſit, uel paucis uidelicet egere, uel multis, conſydera quod pluribus egent, primum pueri, quàm adulti, deinde mulieres, quàm uiri. tum ægroti quàm ualentes, atque omnino in ſumma inferiora quælibet præſtantioribus plurium indigent, proinde diſ omnino nullius egent rei. qui uero ad deos accedunt proxime, quàm minimis egent.

CYNICVS

An Herculem putas omnium hominum præstantissimum, quippe diuinum uirum, deumq; recte creditum, miserum tunc fuisse, cū circuiret nudus pelle duntaxat indutus, harum rerum nostrarum nihil desyderans? At ille miser profecto non erat, quippe qui miseriam ab alijs propulsabat, Neq; rursus pauper, qui terra, mariq; dominabatur. Nempe quocūq; intendisset impetum, omnes quaquauesum superabat, nec in quenquam sui temporis incidit, qui se uel æquarit unquam, uel uicerit, quoad ex humanis excessit. At tu illi stromata putas, calceosq; de fuisse? atq; ob id mundum obambulasse tantum uirum? Dicendum profecto non est. sed continens erat, ac fortis, & moderate uiuere uolebat, non indulgere delitijs. Quid Theseus eius discipulus? An non rex erat Atheniensium omnium, ac filius etiam, ut ferunt, Neptuni? sua certe tempestate fortissimus? Attamen ille quoq; uoluit sine calceis esse, ac nudus ingredi, barbamq; & commam nutrire placuit ei, nec ei tamen solum, sed omnibus etiam ueteribus placuit, nempe meliores erant, quàm nos, atq; adeo ne sustinisset quidem eorum quisquam aliquid huiusmodi, nihilo profecto magis, quàm leo quispiam sese tonderi. siquidem carnis molliam, ac leuorem decere mulieres existimabant. ipsi uero sicuti erant, ita uideri quoq; uiri uolebant. ac barbam quidem cultum uiri dicebant, quemadmodum in equis iubam, in leonibus barbam, quibus deus splendoris quandam, atq; ornamenti uenustatem dedit, sic & uiris barbam

adiunxit. Illos igitur ego æmulor, ueteres inquam illos imitari uolo, huius uero tempestatis homines non æmulor mirabilis huius felicitatis nomine.

Quam in epulis & uestibus habent, dum poliunt, ac leuigant singulas corporis partes, ac ne secretiorum quidem ullam, ita ut instituit natura, dimittentes. At mihi certe pedes opto, ut nihil equinus differant, quales Chironis fuisse ferunt. Tum ut ipse stromatis non egeam more leonum, nec cibo egeam magis exquisito quam canes. Contingat præterea mihi, ut terra quæuis mihi per se pro cubili sufficiat. Domum uero ut mundum hunc existimem.

Alimenta demum ut ea deligam, quæ facillime comparari possint. Aurum uero, argentumq; ne desiderem unquam, neq; ego, neq; meorum amicorum quisquam. Omnia namq; mala inter homines ex horum cupiditate nascuntur, & seditiones, & bella, & insidiæ, & cædes. Hæc omnia fontem habent plus habendi cupidinem. At hæc à nobis abscedat procul. neq; unquam plus satis appetam, minus uero cum habeam, ferre æquo animo ualeam. Nostra quidem ita se habent. Plurimum profecto à uulgi sententiis ista dissentiunt. Neq; quicquam ergo mirandum est, si ab his differimus habitu, à quibus tantum differimus instituto. sed te demiror, quonam pacto, cum suam quandam citharædo uestem tribuas, cultumq; atq; adeo tibicini suum, & tragædo suum, bono uiro cultum, uestemq; propriam nullam existimas, sed eandem ei cum uulgo habendam censes. idq; cum uulgus malum sit.

CYNICVS

Quod si bonorum cultus proprius debet esse ullus, quinam deceat magis quàm hic meus, qui maxime luxuriosis pudendus sit? quemq; illi maxime auerſentur? Cultus ergo meus huiusmodi est, squallidum esse, hirsutum esse, tritum pallium indui, comam producere, ac sine calceis ingredi. Vester uero anædorum ornatui simillimus est, nec dignoscere uos quisquam ab illis possit, neq; colore uestium, neque mollicie, neq; camisiarum numero, neq; lacernis, neq; calceis, neq; capillorum cura, neque odore. Nam & redoletis ut illi, iam præsertim uos, qui estis felicissimi. Et quidem quid facias, cum uir eundem cum anædis odorem oleat? Etenim in ferendis laboribus nihil illis præstatis. Voluptatibus uero nihilo minus, quàm illi superamini, eadem comeditis, eodem modo dormitis, atq; inceditis. Immo uero incedere non uultis, sed gestari potius, tanquam sarcinæ, alij ab hominibus, alij uero à iumentis. At me pedes ipsi gestant quocunque sit opus, Egoq; & frigus tolerare sufficio, & calorem pati, eaq; quæ diu obtulerint, minime moleste ferre, ideo uidelicet, quia miser sum. Vos uero propter hanc felicitatem nulla estis fortuna contenti, sed omnium pœnitet, ac præsentia ferre non potestis, absentia desideratis, hyeme quidem optantes æstatem, æstate rursus hyemem, atq; in calore frigus, in frigore uicissim calorem, quemadmodum ægrotantes, morosi semper, & queruli, quod in illis quidem facit morbus, in uobis uero mores. Atq; hæc ita cum sint, iam nos in uitam uestram tradu-

cerè æquum censetis, nostramq; corrumpere, cum
sæpe male consulta sint, quæ faciatis, ipsiq; sitis in ue-
stris ipsorum negotijs minime circumspecti, nihilq;
eorum iudicio, ac ratione, sed consuetudine cupidi-
tatis faciatis. Quamobrem nihil profecto differtis
uos ab iis, qui torrente feruntur. Illi quippe quo-
cunq; fluxus intenderit, eò rapiuntur, & uos iti-
dem quocunque libidines. At similiter quidem uo-
biscum agitur, ut cum quodā, qui equum insanum
ascenderat. Equus igitur uirum corripiciens abstu-
lit. Hic uero amplius iam desilire equo corrente
non poterat. Quidam uero cum occurrisset ei, ro-
gauit quonam tenderet. hic respondit, quocunque
huic uidetur, equum demonstrans. Quod si uos
quisquam roget, quò feramini, si uerum uultis di-
cere, dicetis in uniuersum quidem quocunque ui-
deatur affectibus, sigillatim uero, interdum quo-
cunq; uoluptati, interdum quocunq; ambitioni, in-
terdum rursum quò lucri studio. Quin interdum
ira, interdum metus, interdum aliud quippiam hu-
iusmodi uos auferre uidetur. Neq; enim unum dū-
taxat equum uos, sed multos insilientes, nunc hūc,
nunc illum, furiosos quidē omnes, auelimini. Au-
ferunt ergo uos in barathrum, ac prærupta. Vos
tamen prius quā cadatis, casuros uos esse nescitis,
at hoc detritum pallium, quod uos ridetis, comaq;
habitusq; meus tantam habet uim, ut uitam mihi
quietam præbeat, utq; agam quicquid uolo, uer-
serq; cum quibus uolo. Nempe ex indoctis, atque
ineruditis hominibus nemo me adire uoluerit, ob

CYNICVS

hunc habitum . At molles etiam qui sunt, adhuc
admodum procul declinant. Congrediuntur uero
scitissimi, atque modestissimi, & qui uirtutem cupi
unt, hi potissimum congreduuntur mecum, horum ego
consuetudine delector. Eorum uero fores, qui homi
nes uocantur, non obseruo, tum coronas aureas, ac
purpuram pro fastu habeo, atque homines ipsos
derideo. At ut cultum hunc intelligas, non bonos
modo uiros, sed ipsos etiam deos decere, atq; eum
deinde si libet, irrideas, deorum statuas considera,
utri uideantur tibi ne an mihi similiores, neq; Græ
corum solum, sed Barbarorum etiam templa cir
cumspectas, utrum ipsi dii, ut ego, comati, barbatiq;
sunt, an quemadmodum uos, rasi finguntur, atque
pinguntur? quin plurima etiam sine tunicis conspi
cues, ut me nunc esse uides. Quo pacto igitur aude
as posthac hunc habitum uitio dare, cum deos eti
am decere uideatur?

SNIPP
CIA
TERP
IO

habet. At
ut Clauis
et Solue
me in urbe
interdixit
meq; tristi
re uel infer
males. O
matus est
sed me ad
males. Q
incredibil
me ira
um pro iu
siste o b
sic potius
que causa
in naq; in

MENIPPVS, SIVE NECROMANTIA
LVCIANI THOMA MORO IN
TERPRETE. INTERLOCV
TORES, MENIPPVS,
PHILONIDES.

Menippus.

Alue atriū domusq; uestibulū meæ,
vt te lubens aspicio luci redditus.
Philonides. Num nam hic Menip
pus est canis ille? Non hercle alius,
nisi ego forte ad Menippos omnes

hallucinor. At quid sibi vult habitus huius inso
lentie? Claua, lyra, leonis exuvie. A deundus ta
men est. Salue Menippe. Vnde nobis aduenisti? diu
est, quod in urbe non uidimus. Menippus.

Adsum reuersus mortuorum è latibulis,
Foribusq; tristium tenebrarum nigris,
Manes ubi inferi manent superis procul.
Philonides. O Hercules clam nobis Menippus ui
ta functus est, renixitq; denuo? Menippus.

Non, sed me adhuc uiuum recepit tartarus.
Philonides. Quenam tibi causa fuit nouæ huius,
atq; incredibilis uie? Menippus.

Iuuenta me incitauit, atq; audacia
Quam pro iuuenta haud paululum impotentior.
Phi. siste ó beate Tragica, et abiambis descen
dens sic potius simpliciter eloquere, quæ hæc ue
sus, quæ causa tibi itineris inferni fuit, cum alio
quin neq; incunda, neq; delectabilis sit uia. Me.

bb 4

MENIPPVS, SEV

- Res dilecte grauis me infernas egit ad umbras,
- Consulerem manes ut uatis Tiresiai.

Philonides. Atqui deliras, alioqui non hoc pacto caneres apud amicos consarcinatis uersibus. Menippus. Ne mireris amice, nuper enim cum Euripide, atq; Homero uersatus, nescio quo pacto uersibus sic impletus sum, ut numeri mihi in os sua sponte confluant. Verum dic mihi quo pacto res humanæ hic se habent in terris? & quidnam in urbe agitur? Philonides. Nihil noui, sed, quemadmodum prius actitabant, rapiunt, peierant, fœnerantur, ustras colligunt. Menippus. O miseri atque infelices. Nesciunt enim qualia de nostris rebus nuper apud inferos decreta sunt, qualesq; sorte iacti sunt in diuites istos calculi, per quos Cerberum nullo pacto poterunt effugere. Philonides. Quid ais? Noui'ne aliquid apud inferos nostris de rebus decretum est? Menippus. Per Iouem, et quidem multa, uerum prodere non licet, neq; arcana quæ sunt reuelare, nequis forte nos apud Rhadamanthum impietatis accuset. Philonides. Nequaquam Menippe per Iouem, ne amico sermonem hunc inuideas. Nam apud hominem tacendi gnarum, & initiatum præterea sacris edisseres. Menippus. Dura profecto iubes, & neuiquam tutum, uerum tui gratia tamen audendum est. Decretum est ergo, diuites istos, ac pecuniosos aurum tanquam Danaën seruantes abstrusum. Philonides. Ne prius o' beate quæ sunt decreta dixeris, quam ea percurras omnia, quæ abs te audire libentissime ue

lim. Quæ uidelicet descensus causa fuerit, q̄s itine-
ris dux, deinde ex ordine, & quæ illic uideris, et
quæ audieris omnia. Verisimile est enim te, cum
res pulchras uidendi curiosus sis eorum, quæ uisu,
aut auditu digna uidebantur, nihil omnino præter-
misisse. Me. Parendum etiam in his tibi est.
Nam quid facias, urgente amico? Ego igitur, cum ad
huc puer essem, audirem q̄s Homerum, atq̄ Hesio-
dum, seditiones ac bella canentes, non semideorum
modo, sed ipsorum etiam deorum adulteria quoq̄,
uiolentias, rapinas, supplicia, patrum expulsion-
es, & fratrum & sororum nuptias, hæc meher-
cle omnia bona, pulchrâq̄; putabam, & studiose
erga ea afficiebar. Postquam uero in uirilem iam
ætatem peruenirem, hic leges rursus iubentes audio
pœtis apprime contraria, neque uidelicet adulteria
committere, neq̄; seditiones mouere, neq̄; rapinas
exercere. Hic igitur hæsitabundus constiti, incertus
omnino quo me pacto gererem. Neq̄; enim deos un-
quam putavi mæchatu-
ros, aut seditiones inuicem
fuisse moturos, nisi de his rebus perinde ac bonis iu-
dicassent. Neq̄; rursus legumlatores his aduersa ius-
suros, nisi id conducere existimarent. Quoniam igitur
in dubio eram, uisum est mihi philosophos istos
adire, atq̄; his me in manus dedere, rogareq̄; uti
me, ut cunq̄; liberet, uterentur, uitæq̄; uiam aliquam
simplicem, ac certam ostenderent. Hæc igitur mecū
reputans ad eos uenio, imprudens profecto, quod
me ex fumo (ut aiunt) in flammam conijcerē. Apud
enim hos maxime diligenter obseruans summā re-

MENIPPVS SEV

peri ignorantiam, omniaq; magis incerta, adeo ut
præ his ilico mihi uel idiotarum uita iam aurea ui-
deretur. Alius etenim soli me iussit uoluptati stu-
dere, atq; ad eum scopum uniuersum uitæ cursum
dirigere. In eo ipsam sitam esse felicitatem. Alius
rursus omnino laborare, corpusq; siti, uigilijs, ac
squalore subigere, misere semper adfectum, contu-
melijsq; obnoxium assidue, Hesiodi sedulo incul-
cans celebria illa de uirtute carmina, Et sudorem
uidelicet, et accliuem in uerticem montis ascensum.
Alius contemnere iubet pecunias, earumq; possessio-
nem indifferentem putare. Alius contra bonas
ipsas etiam diuitias esse pronuntiat. De mundo ue-
ro quid dicam? de quo ideas incorporeas substan-
tias, athomos, et inane, ac talem quandam pug-
natum inuicem nominum turbam in diem audiebam,
Et quod absurdorum omnium maxime fuit absur-
dum, de contrarijs unusquisq; cum diceret, inui-
abiles admodum rationes, ac persuasibiles adfere-
bat, ut nec ei, qui calidum, nec ei, qui frigidum idē
prorsus esse contenderent, contra quicquam hiscere
potuerim. atq; id cum tamen manifeste cognoscere,
fieri nunq̃ posse, ut eadem res calida, simulq; fri-
gida sit. Prorsum igitur tale quiddam mihi acide-
bat, quale solet dormitantibus, ut interdum capite
annuerem, interdum contra abnuerem. Præterea,
quod multo erat istis absurdius, uitam eorum dili-
genter obseruans, comperi eam cum ipsorum uerbis,
præceptisq; summopere pugnare. Eos enim, q̃ sper-
nendum censebant pecuniam, audivisse conspexi

colligendis diuitijs inhiare, de fœnore litigantes,
 pro mercede docentes. Omnia deniq; numorum gra-
 tia tolerantes. Ii uero, qui gloriam uerbis asperna-
 bantur, omnem uitæ suæ rationem in gloriam refe-
 rebant. Voluptatem rursus omnes fermè palàm in-
 cæssabant. clanculum uero ad eam solam libenter
 consuebant. Ergo hac quoq; spe frustratus magis
 adhuc ægre, molesteq; tuli. Aliquantulum tamen
 inde memet consolabar, quod unà cum multis et sa-
 pientibus, & celeberrimis uiris ipse, insipiensq; es-
 sem, atq; uere adhuc ignarus oberrarem. Perui-
 lanti mihi tandem, atq; hisce de rebus mecum cogi-
 tanti, uenit in mentem, ut Babylonē profectus ma-
 gorum aliquem ex Zoroastri discipulis, ac suæssio-
 ribus conuenirem, audieram siquidem eos inferni
 portas carminibus quibusdam, ac mysterijs aperi-
 re, & quem libuerit illuc tuto deducere, ac rursus
 inde reducere. Optime ergo me facturum putauì,
 si cum horum quopiam de descensu paciscens Tyre-
 siam Boetium consularem, ab eoq; pdiscerem (quip-
 pe qui uates fuerit, & sapiens) quæ uita sit optima,
 quamq; sapientissimus quisq; potissimum elegerit.
 Ac statim quidem exiliens quàm poteram celerri-
 me Babylonem uersus recta contendì. Quò cum ue-
 nio, diuersor apud Chaldæorum quendam homi-
 nem certe sapientem, atq; arte mirabilem, coma qui-
 dem canum, admodumq; pronissâ barba uenera-
 bilem. Nomen autem illi fuit Mithrobarzanes. O-
 rans igitur, obsecransq; uix exorauì, ut quauis mer-
 cede uellet, in illam me uiam deduceret. at tandem

MENIPPVS SEV

homo me suscipiens primum quidem dies nouem ac
uiginti cum luna simul incipiens abluuit ad Euphra
tem, mane solem orientem uersus perducens, ac ser
monem quempiam longum mussitans, quem non
admodum exaudiebam. Nam (quod in certamine
præcones inepti solent) uolubile quiddam, atque
incertum proferebat, nisi quod quosdam uisus est
inuocare demones. Post illam igitur incantationem
ter mihi in uultum spūs deducit rursus, oculos nus
quam in obuium quenquam deflectens. Et cibus qui
dem nobis glandes erant, potus autem lac, atque mul
sum, et Choaspi lymphæ. lectus uero in herba sub
dio fuit. At postquam iam præparatis hac di
cta sumus, medio noctis silentio ad Tigredem me flu
uium ducens, purgauit simul atque absterfit, facemque lu
strauit, ac squilla, tum pluribus itidem alijs, et ma
gicam simul illud carmen submurmurans, deinde
totum me iam incantans, ac ne aspectus læderer ar
cumens reducit donum, ita ut eram reciprocantem
ac reliquum iam navigationi dedimus. Ipse igitur
magicam quandam uestem induit, Medorum
uesti ut plurimum similem, ac me quidem iis, quæ
uides, ornauit claua uidelicet, ac leonis exuijs,
atque in super lyra. Iussit præterea ut nomen, si quis
me roget, Menippum quidem ne dicerem, sed Her
culem, uel lyssæm, aut Orpheum. Philo. Quid
ita o Menippe? neque enim causam aut habitus, aut
nominis intelligo. Me. At qui perspicuum id
quidem est, ac neuiquam arcænum. Nā ii, qui an
te nos ad inferos olim uiui descenderant, putauit,

si me his assimilaret, fore ut facilius Aëaci custo-
dias fallerem, atq; nullo prohibente transirem, ut
pote notior tragico admodum illo cultu emissus.
Iam igitur dies apparuit, cum nos flumen ingressi
in recessum incumbimus. Parata siquidem ab illo
fuerant. Cymba, sacrificia, mulsæ, & in id myste-
rium deniq; quibusq; opus erat. Hæc postquã
ergo quæ prompta erant imposuimus. Tum nos
quoq; anxij, ac uagentium more lachrymantes in-
gredimur, atq; aliquantisper quidem in fluuio fe-
rimur, deinde in syluam delati sumus, ac lacum
quendam, in quem Euphrates conditur. Tum hoc
quoq; transmissio, in regionem quandam perueni-
mus solam, syluosam, atq; opacam, in quam descen-
dentes (præibat enim Mithrobarzanes) & puteum
effodimus, & oues iugulamus, & foveam sangui-
ne conspergimus. At magus interim accensam facem
tenens, haud amplius iam summisso murmure, sed
uoce quàm poterat maxima clamitans, demones si-
mul omnes conuocat, Pænas, Erynnas, Hecaten, no-
cturnam, excelsamq; Proserpinam, simulq; poly-
syllaba quædam nomina barbara, atq; ignota cõ-
miscet. Statim ergo tremere omnia, et rimas ex car-
mine solum ducere, ac porro Cerberi latratus au-
diri, & iam res plane tristas, ac mæsta fuit. Ac
protinus quidem inferorum patebant plurima, la-
cus, pyriphlegethon, ac Plutonis regia. Tum per il-
lum descendentes hiatus Rhadamanthum propé-
modum metu, reperimus extinctum. Ac Cerberus
primum quidem latrabat, commouitq; sese. At cū

MENIPPVS SEV

ego lyram celeberrime correptam pulsassem, cuncti
statim sopitus obdormit, deinde posteaquam ad
lacum uenimus, tranare ferè non licuit. Iam enim
onustum erat nauigium, & eiulatu certe plenum.
Vulnerati quippe in ea nauigabant omnes hic fe-
mur, ille caput, alius alio quopià membro luxatus.
usque adeo, ut mihi certe ex bello quopiam adesse
uiderentur. At optimus Charon cum leonis uideret
exuias, esse me ratus Herculem recepit, transq;
uexit libens, tum exeuntibus quoq; nobis monstra-
uit semitam. Sed quoniam iam eramus in tenebris,
præcedit quidem Mithrobaranes, ego autem à ter-
go continuus illi comes adhæreo, quoad in pratum
quoddam uenimus, maximum, asphodelo consitū,
ubi circumfusæ undiq; mortuorum stridulæ nos se-
quuntur umbræ. Tum paulo procedentes longius
ad ipsum Minois tribunal accessimus. Erat ipse q-
dem in solio forte quodam sublimi sedens. Asta-
bant autem illi Poenæ, Tortores, mali genij, furie.
Ex altera parte plurimi quidam adducti sunt ex
ordine longa fune uincti, dicebantur autem adulte-
ri, lenones, mæchi, homicidæ, adulatores, sycophan-
tæ, ac talis hominum turba quiduis in uita patran-
tium. Seorsum autem diuites, ac fœneratores prodi-
bant pallidi, uentricosi, ac podagrica, quorū quisq;
trabe uinctus erat. ferri pondere duorum talen-
torum imposito. Nos igitur astantes, & quæ sunt
omnia conspiciamus, & quæ dicuntur auscultamus.
Accusant autem noui quidam, atq; admirabiles
rhetores. Phi. Quinam ergo ū per Iouem

sunt, ac ne istuc quidem te pigeat dicere. Me.
 Vmbra's ne unquam istas nosti, quas opposita soli
 reddunt corpora? Phi. Quid ni. Me. Hæ
 nos igitur, cum primū functi uita sumus, accusant,
 testantur, atq; redarguunt quicquid in uita peccā-
 uimus, & sanè quædam ex his dignæ admodum
 fide uidentur, utpote nobiscum uersatæ semper,
 nostrisq; nusquā digressæ corporibus. Minos igitur
 curiose quelibet examinans impiorum, relegat
 bat in cœcum, poenas ibi sceleribus suis dignas luitu-
 rum. In hos præcipue tamen incenditur, quos opes
 dū uiuerent, ac dignitates inflauerant, quiq; ado-
 rari se ferè expectabant, nimirū perituram eorū
 superbiam. fastumq; detestatus, quippe q non memi-
 nissent, mortales ipsi cum sint, sese bona quoq; mor-
 talia consecutos. At nunc splendida illa exuti oia,
 diuitias inquam, genus, munia, nudi, ac uultu de-
 missos terunt tanq̃ somniū quoddā humanam hæc
 felicitatem recogitantes, adeo ut hæc dum conspici-
 rer nimis q̃ delectatus fuërim. Et si quem eorū for-
 te agnoueram, accessi, atq; in aurem silenter admo-
 nuī, qualis in uita fuerat, quanto perēq; fuerat in-
 flatus, tum cum plurimi mane fores eius obsiden-
 tes, pulsī interim, exclusiq; à famulis illius expecta-
 bant egressum. At ipse uix tandem illis exoriens
 puniceus, aureus, aut uersicolor, felices, ac beatos
 se facturum salutantes putabat, si pectus dextrā
 ue porrigens permitteret osculandam. Illi uero au-
 dientes ista moleste ferebant. At Minos quiddam
 etiam iudicauit in gratiam. Quippe Dionysium

MENIPPVS, SEV

sicalie tyrannum multis, & atroabus criminibus,
 & à Dyone accusatum, & graui stoicorum testi-
 monio conuictum, Cyreneus Aristippus interueni-
 ens (nam illum ualde suscipiunt inferi, eiusq; plu-
 rimum ibi ualet autoritas) ferme iam Chimææ
 alligatum absoluit à pœna, asserens illum erudito-
 rum nonnullos olim inuisse pecunia. Tum nos à
 tribunali discedentes ad supplicij locum perueni-
 mus. Vbi ô amice & multa, & misera audire
 simul ac spectare licuisset. Nam semel & flagorum
 sonus auditur, & eiulatus hominum in igne fla-
 grantium, tum rotæ, & tormenta, catenæ, Cerbe-
 rus lacerat, Chimæa dilaniat, crucianturq; pari-
 ter omnes, captiui, Reges, præfecti, pauperes, mendi-
 ci, diuites, & iam scelerum omnes pœnitebat. Et
 quosdam quidem eorū dum intuenur, agnouimus,
 uidelicet qui nuper è uita decesserant. At hi se pu-
 dentes tum occulebant, nostroq; subtrahebant aspe-
 ctui, aut si nos aliquando respiciebant, id seruiliter
 admodum, abiecteq; faciebant, atq; hi quidem
 quàm olim putas onerosi, fastosiq; in uita? At pau-
 peribus malorum dimidium remittebatur, et cum
 interquieuissent, denuo repetebantur ad pœnam.
 Sed illa quoq; quæ fabulis feruntur, aspexi, Ixionē,
 Sisyphum, Phrygiumq; grauiiter affectum Tanta-
 lum. genitumq; terra Tityum, dī boni quantum? In
 tegrum stratus agrum occupabat. Hos tandē præ-
 tereuntes in campum uenimus Acherusium, ubi se
 mudeos, heroidasq; reperimus, atque aliam simul
 mortuorum turbam in gentes, tribusq; dispositam,
 alios quidem

alios quidem uetulos quosdam, ac maridos, atque
 (ut Homerus ait) euanidos, alios uero iuueniles,
 & integros, & hos potissimum ob illam condien-
 di efficaciam Aegyptios, uerum dignoscere quem
 libet haud proclive fuit, adeo nudatis ossibus, oēs
 erant inuicem simillimi, nisi quod uix tandem eos
 diu intendentes agnouimus. Quippe conferti con-
 sidebant, obscuri, atq; ignobiles, nullumq; seruan-
 tes amplius pristinae formae uestigium. Cum igitur
 multi simul ossei consisterent, inuicem omnino simi-
 les, qui terrificum quiddam per cauos oculorum
 orbes transpicerent, dentesq; nudos ostenderent, hæ-
 sitabam certe mecum quonam signo Thersitem à
 Nireo illo formoso discernere, aut mendicum Irū
 a' Pheacum rege, aut Pyrriam coquum ab Ag-
 memnone. Quippe quibus iam nihil ueteris per-
 mansit indicij, sed ossa fuerunt inter se similia, in-
 cognibilia nullis inscripta titulis, nulliq; usquam
 dignoscenda. Hæc igitur spectanti mihi, persimilis
 hominum uita pompæ cuiuspiam longæ uidebatur,
 cui præsit, ac disponat quæq; fortuna ex ijs, qui
 pompam agunt, diuersos, uariosq; cuiq; habitus ac-
 commodans. Alium siquidem Fortuna delicens re-
 gijs ornat insignibus, & tiaram imponens, & sa-
 tellites addens, & caput diademate coronans.
 Alium serui rursus ornatum induit, hunc formo-
 sum effigiat, hunc deformem, atque deridiculum
 fingit. Nam omnigenum, ut opinor, debet esse spe-
 ctaculum. Quin habitus quorundam plerumque
 in media quoq; pompa demutat, neque perpetuo

MENIPPVS SEV

eodem finit ordine, cultuq; progredi, quo prodie-
rant. Sed ornatu commutato, Cræsum quidem coë-
git serui, captiuq; uestes induere. Meandrium au-
tem olim inter seruos incidentem, Polycratis uicis-
sim ornat tyrannide. Et aliquantisper quidem eo
cultu permittit uti, uerum ubi iam pompæ tempus
præterijt, apparatus quisq; restituens, & cum cor-
pore simul exutus amictu, qualis ante fuit affia-
tur, nihilo à uicino differens. Quidam tamen ob
inscitiam, cum suos fortuna cultus exigit, ægre fe-
runt, atq; indignantur tanquam proprijs quibus-
dam bonis priuati, ac non potius alienis, quibus
paulisper utebantur, exuti. Quin in scena quoque
uidisse te plerunque puto histriones istos tragicos,
qui, prout fabulæ ratio poscit, modo Creontes, mo-
do Priami fiunt, aut Agamēones, Idemq; (si fors
tulerit) paulo ante tam grauitè Cecropis, aut Ere-
chthei formam imitatus, paulo postea seruus (pœ-
ta iubente) progreditur. At cum fabulæ iam finis
affuerit, quisque auratas illas uestes exutus per-
sonam deponens, & ab altis illis crepidis descen-
dens, pauper atque humilis obambulat, haud am-
plius Agamemnon ille Atreo prognatus, aut Cre-
on Menecæi filius. Sed Polus filius Chariclei su-
niensis, aut Satyrus filius Theogitonis Maratho-
nius. Sic se mortalium res habent, quemadmo-
dum mihi tum spectanti uidebatur. Philonides.
Dic mihi Menippe, isti, qui magnificos, altosq; tu-
mulos habent super terram, & columnas, imagi-
nes, titulos, nihilo ne sunt apud inferos plebeis

quibuslibet umbris honoratiores? Menippus.
Nugaris tu quidem, nam si uidisses Mausolum, Ca-
rem illum dico pyramide celebrem, sat scio, nun-
quam ridere desisses, ita in antrum quoddam ab-
strusum despectim abiectus est, in reliqua mortuo-
rum turba delitescens. Hoc tantum commodi mi-
hi uidetur ex monimento referre, quod imposito tan-
to pondere laborat magis, et premitur. Nam cum
Aeacus o' amice locum cuiq; metitur, dat autem
cui plurimum, haud amplius pedem, necesse est
eo iacere contentum, seseq; ad loci modum contra-
here. At uehementius multo risisses, opinor, si reges
hosce nostros, Satrapasq; uidisses, apud eos mendi-
cantes, et aut salsamenta uendentes, aut primas
ipsas literas, urgente inopia, profitentes, et quem-
admodum contumelijs a quouis afficiantur, atque
in faciem cadantur, perinde atque uilissima man-
cipia. Itaq; Philippum Macedonem conspiciatus, con-
tinere me certe non potui. Ostensus est mihi in an-
gulo quodam, detritos calceos mercede resarciens.
Quin alios praeterea multos erat uidere mendi-
cantes in triuijs, Xerxes uidelicet Darios, ac Poly-
crates. Philonides. Admiranda narras ista de re-
gibus, peneq; incredibilia. Socrates autem quid fa-
at? ac Diogenes, et si quis est sapientium alius?

Menippus. Socrates profecto etiam ibi obuer-
satur, omnesq; redarguit. Versantur autem cum il-
lo Palamedes, Ulysses, et Nestor, et quis quis est
alius inter defunctos garrulus. Instantur autem illi
etiānum, atq; intumescunt exhausto ueneno crura.

MENIPPVS, SEV

At optimus Diogenes sardanapalo uicinus Assyrio, Midæq; Phrygio, atque alijs item pluribus ex istorum sumptuosorum numero manet, quos cum euilantes audit, ueteris fortunæ magnitudinem cogitantes & ridet, & delectatur, ac supinus cubans, ut plurimum cantat, aspera nimis, atq; iniucunda uoce illorum eiulatus obscurans, adeo ut id ægreferentes, nec Diogenem ferre ualentes, de mutanda sede deliberent. Philonides. De his iam satis quidem. Cæterum quodnam illud decretum est, quod initio dixeras aduersus diuites esse sancitum? Menippus. Bene admones. Nescio enim quo pacto cum hac de re dicere proposuissem, ab instituto sermone procul aberravi. Dum igitur ibi uersabar, magistratus concionem aduocauerunt, his uidelicet de rebus, quæ in commune conducere. Conspiciens ergo multos concurrere, me quoq; cum illis simul immiscens, unus de numero eorum, qui in concione aderant, effiaor. Agitata sunt igitur & alia multa. Postremo uero de diuitibus negotium, in quos posteaquam plurima fuissent obiecta, uiolentia, superbia, fastus, iniuriæ, assurgens tandem ex populo primas quidam huiusmodi decretum legit. Quoniam (inquit) multa diuites perpetrant in uita, rapientes, ac uim inferentes, inopesq; omnimodo despectui habentes, Curia, populoq; uisum est, ut cum sancti uita fuerint, corpora quidem eorum pœnas cum alijs sceleratorum corporibus luant, animæ uero sursum renissæ in uitam, in Asinos demergent. donec in tali rerum statu quinquies

ac uices decem annorum millia transegerint, asini
semper ex asinis renati, onera ferentes, atq; à pau-
peribus agitati. Deim ut liceat illis è uita excede-
re. Hanc sententiam dixit Caluarius, patre Ari-
dello, patria Manicensis, tribu stigyana. Hac igitur
lege recitata, approbaucrunt principes, sciuit
plebs, adfremuit Proserpina, allatrauit Cerberus.
sic enim rata, quæ inferi statuunt, authenticæq; fi-
unt. Quæ igitur in concione agebantur, erant hu-
iusmodi. Tum ego statim, cuius gratia ueneram,
Tyresiam adeo, atque illi re, uti erat, ordine nar-
rata, supplicavi ut mihi diceret quodnam optimum
uitæ genus putaret. hic uero subridens (Est autem
seniculus quispiam cæcus, pallidus, uoce graali)
ó fili inquit causam tuæ perplexitatis scio, à sa-
pientibus istis profectum, haud quaquam idem in-
uicem iisdem de rebus sentientibus, uerum haud
fas est, id tibi proloqui, siquidem quod Rhadaman-
thus interdixit. Nequaquam inquam ó Patercu-
le, sed dic amabo, neque me contemnas, qui in ui-
ta te etiam ipso cæcor oberro. Abducens ergo me
procul ab alijs auferens, ad aures mihi inclinans,
optima est inquit, idiotarum, priuatorumq; uita,
ac prudentissima. Quamobrem ab hac uanissi-
ma sublimium consyderatione desistens. Mitte prin-
cipia semper, ac fines inquirere, et uafros ho-
scæ syllogismos despuens, atque id genus omnia, nu-
gis æstimans, hoc solum in tota uita persequere,
ut præsentibus bene compositis minime curiosus,
nulla re sollicitus, quamplurimum potes hilarijs uis

Menippus, seu Necromantia.

am, ridensq; traductis. Hæc cum dixisset, rursus
aspidelorum in pratum sese corripuit. Ego igitur
(nam & nunc uester erat) age inquam o Mi
throbarzane, quid cunctamur? ac non hinc rursus
abimus in uitam? Ad hæc ille, confide inquit, o
Menippe, breuem quippe, facilemq; tibi monstrabo
semitam, & me protinus abducens in regionem
quandam magis priore tenebricosam, manu pro-
cul ostendens subobscurum, tenuemq; ac ueluti per
rimam influens lumen. Illud inquit, Torphoni tem-
plum est, atque illac ad inferos e' Bæotia descen-
ditur, hac ascendas, atque ilico fueris in Græcia.
Ego igitur hoc sermone gauisus, salutato mago dif-
ficile admodum p angustas antri fauces subrepēs,
nescio quo pacto, in Lebadiam perueni.

CIAN
incedu
nam
res

minuend
a nonnull
m uideret
theque a
vix post
m laude p
hæc sefe
omato nfi
in vlyses
orum redu
lio, qui n
m longe a
aque m e
i ergo scir
mon. Phil
prehendit
Tychia

LUCIANI PHILOPSEVDES, SIVE
 INcredulus ab eodem Thoma Moro in lati-
 nam linguam traductus. Interlocuto-
 res, Tychiades, & Philocles.

Tychiades.

Potes mihi Philocles dicere, quid-
 nam id tandem sit, quod multos
 in mentiendi cupiditatem addu-
 cit, ut pariter gaudeant, cum &
 ipsi nihil sani loquuntur, & his
 qui talia narrant, maxime ani-
 mum intendant. Philocles. Multa Tychiade sunt,
 quæ nonnullos mortales mentiri compellunt, quia
 in rem uident conducere. Tychiades. Nihil ad
 rem hæc (ut aiunt) neq; enim de iis rogabam, qui,
 cum usus postulat, mentiuntur. uenia nimirum hi,
 immo laude pleriq; eorum digni sunt, quicumque
 uel hostes fefellerunt, uel ad salutem tali quopiam
 pharmaco usi sunt in necessitatibus. Cuiusmodi
 multa Vlysses etiam fecit, ut & uitam suam, &
 sociorum reditum redimeret. Sed de illis uir opti-
 me dico, qui nulla necessitate mendacium ipsum ue-
 ritati longe anteponunt. ipsa re uidelicet delecta-
 ti, atque in ea sine ulla idonea occasione uersati.
 Isti ergo scire cupio cuius commodi gratia istud
 agunt. Philocles. An alicubi tales aliquos iam
 prehendisti, quibus hæc insita sit mentiendi libi-
 do? Tychiades. Et quidem admodum multi sunt

PHILOPSEVDES, SEV

huiusmodi. Philocles. Quid aliud ergo in causa sit, quod mentiuntur, nisi dementia? Siquidem rem pessimam, optimi loco præoptant. Tychiades. Hoc nihil est. Nam ego tibi multos ostenderim ad cætera prudentes, ac sapientia mirabili, nescio tamen quo pacto captos hoc malo, mendacijsq; studio, adeo ut ego certe moleste feram, quod uiri tales, omnibus cæteris in rebus optimi, gaudent tamen & se, & eos, in quos inciderint, fallere. Nam ueteres illi, id quod tibi notius est, quàm mihi, Herodotus, Ctesiasq; Cnidius, atque his superiores, denique Homerus ipse uiri cælebres, mendacijs etiam scriptis utebantur, ut non solum eos fallerent, à quibus tunc audiebantur, uerum usque ad nos etiam mendacium per manus traditum perueniret in pulcherrimis uersibus, metrisq; seruatum. Me ergo sæpe illorum uersuum nomine subiit pudor, si quando cæli sectionem, ac Promethei uincula recensent, gigantumq; rebellionem, atque omnem illam de inferis tragædiam. Et quo pacto ob amorem Iupiter in Taurum, & agnum uersus sit, & quemadmodum ex muliere quispiam in auiculam, ursam uel mutatus sit. Pegasus præterea, Chimærasq; Gorgonas, ac Cyclopas, atq; id genus omnia, admodum absurdas, monstrosasq; fabulas, & quæ mentes afficere puero- rum queant, qui laruam adhuc, lamiamq; metuant, quanquam poetica sint fortasse tolerabilia. At urbes iam, gentesq; totas una uoce, ac publicus mentiri, an non hoc ridiculum? Veluti

cum Cretenſes ſepulchrum Iouis oſtendere non pu-
det. Athenienſes Erichthonium editum è terra fe-
runt, primosq; illos homines in Attica olcrum mo-
re è terra emerſiſſe. Hi tamen multo uerecundio-
res quàm Thebani, qui ex ſerpentis dentibus ſati-
uos quosdam progerminaiſſe narrant. quod ſiquis
hæc, cum ſint ridicula, uera eſſe non credat, ſed ea
prudenter examinans Choræbi cuiuſpiam, aut Mar-
gitæ exiſtimet eſſe, ſiquis aut Triptoleum credat
in alatis draconibus per aërem uertum eſſe, aut
Pana quendam ex Arcadia in Marathonem ueniſ-
ſe auxilio, uel Orithyiam à Borea raptam eſſe,
impius nimirum hic, atq; inſanus uideatur eis, q̃p
pe q̃ tam manifeſta, ueraq; non credat, uſque adeo
obtinet mendacium. Phi. At poëtis Tychia-
de, urbibusq; fuerit fortaiſſis ignoſcendum. Nam
illi delectationem illā, quæ ex fabula proficiſcitur,
ut quæ maxima ſit illecebra, poëmatibus ſuis im-
miſcent, qua potiſſimum erga auditores opus habet.
Athenienſes uero, Thebaniq; & ſiqui ſunt aliꝝ, pa-
triæ ſuæ plus maiestatis ex huiusmodi figmentis,
conciliant, quod ſiquis fabulas auferat è Græcia, ni-
hil obſtiterit, quo minus earum narratores fame in-
tereant, quando iam nemo futurus ſit hoſpitum, qui
uerum uel gratis audire uelit. At ſiqui nulla tali
cauſa, gaudent tamen mendacio, hi omnino ridiculi
merito uideantur. Tychi. Recte dicis. Nā ego
protinus ab Eucrate illo celebri uenio, ubi multa in-
credibilia, ac fabuloſa cum audiſſem, immo uero
medio in ſermone, diſceſſi, non ferens narrationem

PHILOPSEVDES, SEV

tam supra fidem, sed me uelut furiae quaedam abegerunt, dum monstrosa multa, atq; absurda referrent. Phi. Atqui Tychiade, uir grauis Eucrates est, et nemo certe crediderit illum tam promissa barba uirum sexagenarium, & qui praeterea sit plurimum in philosophia uersatus, sustinuisse, ut alium quenquā audiret se praesente mentientem, nedum ut ipse tale quicquam audeat. Tychia. At nescis amice qualia referebat. Tum ea q̄ constanter asserebat, praeterea quā sancte in plerisq; iurabat, admotis etiam filiis adeo, ut ego, cum eum respicerem, uaria mecum cogitarem, interdum quidem illum insanire, neq; animo constare, interdum uero ita cogitabam, fugisse me, quod impostor esset. ac tantum temporis sub leonis pelle ridiculā quādam simiam circuntulisset, adeo absurda narrabat. Phi. Quenam illa (per lares) sunt Tychiade. Nam cupio cognoscere quamnam praestigiaturam sub tam longa barba oculuerit. Tychia. Solebā quidem etiam aliās Philocles aliquoties eū interuifere, si quando uidelicet multo otio abundare. Hodie uero, cum opus esset mihi conuento Leonticho (Est autem, ut scis, amicus mihi) edoctus à puero, eum se ad Eucratem mane contulisse, ut eū morbi inspicendi causa uiseret, amborum nomine, nempe ut & Leontichum conuenirem, & Eucratem uiderem (ignoraueram autem quod aegrotaret) ad eum prouenio. At Leontichum, ibi iā non inuenio. Nam paulo ante, ut dicebant, exiuerat, alios uero confertos reperio, in quibus erat & Cleo

denus peripateticus, et Dinomachus Stoicus, et Ion, nosti uirum, illum dico, qui ex platonica doctrina magnam sui admirationem expectat, ut qui solus mentem uiri deprehenderit, q̄q; eius oracula alijs quoq; possit enarrare. uides quos tibi uiros nomino, nimirum omni sapientia, atq; omni uirtute praeditos, ut pote ipsum ex quaq; secta caput, reuerendos hercle omnes, atq; aspectu propemodum terribiles. Aderat praeterea medicus Antigonus, ut usui in morbo esset aduocatus, opinor. Et melius iam habere se uidebatur Eucrates. Ac morbus quidam ex familiaribus erat. Humor enim rursus in pedes ei descenderat. Sedere me ergo Eucrates in lecto iuxta se iussit uoce languidule remissa paululum, cum me conspiceret, quanquam interim dum ingrederer, uociferantem eum, ac uocem intendentem audieram. Tamen ego admodum curiose cauens ne pedes eius tangerem, ubi me uulgaribus istis uerbis purgaueram, quod eum aegrotare nesciuerim, quod ubi rescissem, curriculo uenerim, ad sedi prope, et illis quidem sermo iam de morbo erat, et quaedam iam ante dixerant, quaedam uero etiam tunc narrabant. Praeterea medicamenta quaedam quisq; proferebat. Cleodemus igitur. Siquis ergo, inquit, sinistra manu tollens humo mustellae dentem, sic interfecit, ut ante dixi, in leonis pelle illigauerit, nupex coriati, ac deinde circum crura posuerit, ilico sedatur dolor. Non in leonis pellem, inquit Dinomachus, ut ego audiui, sed in cernae potius foemellae uirginis adhuc et non dum initae, et res qui-

PHILOPSEVDES, SEV

dem magis est hoc pacto credibilis, uelox enim cer-
ua est, maximeq; ualet pedibus. Et leo quidem for-
tis est, pinguedoq; eius, ac manus dextra, piliq;, qui
recti e barba prominent, magnam uim obtinent.
Siquis uti nouerit, cum proprio cuiq; carmine, at
pedum curam nuncupat pollicentur. Et ipse quoq; (in-
quit) Cleodemus olim sic putabam ceruina pelle
utendum, propterea quod cerua uelox esset. At nu-
per uir quidam Libycus peritus profecto in rebus
huiusmodi, contra, me docuit, ceruis ostendens uelo-
ciores esse leones, quippe qui eas, inquit, etiam per-
sequendo capiunt, laudabant qui aderant tanquã
recte dixisset Libycus ille. Tum ego putatis, inquã,
incantamentis quibusdã sedari talia, aut foris ad-
motis appendiculis cum intus malum grassetur? Ri-
serunt hunc sermonem meum, et palam in me ma-
gnam damnabant amentiam, qui apertissimas res
ignorarem, et quibus nemo, qui sapiat, contradi-
cat, quin sic se habeant. At medicus certe Antigo-
nus delectari mihi uisus est hac rogatione mea. Iã
dudum autem neglectui habitus fuerat, opinor,
cum opem Eucrati ferre ex arte uellet; denuntiãs
uidelicet uino ut abstineret, atq; oleribus uescere-
tur, et uigorem animo omnino minueret. Cleode-
mus ergo subridens interim, Quid ais, inquit, Ty-
chiade? incredibile tibi uidetur esse, ut ex rebus hu-
iuscemodi parentur quaedam apud morbos reme-
dia? Mihi certe uidetur inquã ego, nisi naribus
adeo mutosus sim, ut credã ea, quæ foris applican-
tur, nihilq; cum iis, quæ morbos excitant, intus cõ-

municant, per uerbula tamen (ut dicatis) ac prae-
staturam operari, & cum appenduntur, sanitates
immittere, id profecto nunquam fieri possit, nec si-
quis uel in nemei leonis pellem sedeam mustellas
integras insuerit. Ego profecto leonem ipsum è do-
loribus saepe claudicantem uidi in uniuersa sui ipsi
us pelle. Nimum idiota es, inquit Dinomachus, neq;
unquam tibi curae fuit, ut disceres quonammodo
res istiusmodi aduersus morbos cum adhibentur, co-
ferunt, ac mihi uideris ne notissima quidem ista re-
cepturus, febrium uidelicet istarum profligationes,
quae certo quodam ambitu recurrunt, tum serpen-
tum demulsiones, ac bubonum sanationes, & caete-
ra quaecunq; anus etiam iam faciunt, quod si illa
sunt omnia, cur tandem non putabis haec etiam
similibus rebus fieri? Infinita congeris inquam
Dinomache, clauumq; (ut aiunt) clauo extrudis.
Neq; enim constat ea, quae commemoras, eiusmodi ui-
feri. Quamobre nisi reddita ratione persuaferis,
primum natura fieri posse, ut febris, tumorq; uerea-
tur, aut nomen aliquod diuinum, aut dictionem ali-
quam barbaricam, ob idq; ex inguine fugiat, ani-
les adhuc fabulae sunt quaecunq; retulisti. Tu mihi
uideris (inquit Dinomachus) cum ista dicis, ne de-
os quidem esse credere. siquidem putes fieri non pos-
se, ut per sacra nomina remedia morbis adferan-
tur. Hoc, inquam ego, uir optime ne dixeris, nihil
enim prohibet, quo minus, etiam si maxime dii sint,
ista tamen sint uana. Ego uero & deos colo, & me-
delas eorum uideo, & lenamenta, quae laboranti-

PHILOPSEVDES, SEV

bus conferunt pharmacis uidelicet, atq; arte medi-
ca restituentes. Itaq; Aesculapius ipse, eiusq; poste-
ri salutaria pharmaca admoventes medebantur
ægrotis, non leones, aut mustellas circunligantes.
Mitte hunc, inquit Ion, At ego uobis mirabile qd
dam narrabo. Eram adhuc adolescentulus, annos
natus fermè quatuordecim, cum quidam ad patrē
meum uenit nuntians ei Midam uitis cultorem ser-
uum, etiam alijs in rebus robustum, atq; industri-
um, circa plenum iam forum à uipera morsum,
iacere iam putrefacto crure. Etenim dum ligaret
palmites, ac uallis circumplicaret ad repentem be-
stiolam, maximum ei pedis momordisse digitum.
Tum illam quidem ilico aufugisse, & sese rursus
in latebram condidisse. Illum uero eiulare perdi-
tum è doloribus. Hæc ergo cum nuntiarentur, iā
Midam ipsum uidebamus in lectica domum è con-
seruis adportari, inflatum totum, liuidum, ac super-
ficie tabesfactum, uix iam spirantem. Pater ergo, cū
id moleste ferret, inquit, Ego enim uirum quen-
dam Babylonium ex Chaldæis quos uocant proti-
nus huc adducam, qui sanabit hominem, & ne
diem narrando conteram, uenit Babylonius, ac Mi-
dam restituit, effugato ex corpore ueneno quadam
incantatione, & ad pedem eius appenso uirginis
defunctæ lapillo, quem è columna exciderat. Atq;
istud quidem hætenus forsā mediocre fuerit. Tum
Midam iam ipse sublato, in quo allatus erat, scabello,
discessit in agrum. tantum potuit incantatio, & co-
lumnaris ille lapis. At idem iste Babylonius alia

præterea diuina planè fecit. Nempe in agrum pro-
fectus mane, cum pronuntiasset sacra quædam ex
ueto codice, septem nomina, sulphure, ac fæce lu-
strato loco in orbem ter obambulans, serpentes o-
mnes inuitos excauit, quicunq; intra eam regio-
nem erant. Veniebant ergo tanquam ad incanta-
tionem tracti, serpentes multi, atq; aspidēs, & ui-
peræ, & cerastæ, & iaculi, phryniq; ac physali, re-
linquebatur autem unus draco, annosus, prorepe-
re, ut opinor, ob senectam non ualens, qui non fue-
rat audiens dicto. At magus. Non adsunt omnes
inquit. Tum unum quendam ex serpentibus eum
uidelicet, qui nati minimus erat, selectum legatū
mittebat ad draconem. ac paulopost uenit etiam il-
le. At postquam iam collecti constitissent, Babylo-
nius in eas insibulauit. Atq; illi repete admodum
omnes ab eius flatu incensi sunt, nobis interim ad-
mirantibus. Tum ego dic mihi inquam Ion, Ser-
pens ille legatus, iuuenem illum dico, utrum ma-
nu perduxit draconem, qui iam (ut ais) senuerat,
an ille baculum gestans innitebatur? Ludis tu
quidē inquit Cleodemus. At ego, qui et ipse quoq;
olim minus talia credebam q̄ nunc tu, putabam enim
nulla ratione fieri posse, ut ea crederem, tamen
cum uolantem primum conficerem, peregrinum
illum barbarum (erat autem, ut ferebant, ex Hy-
perboreis) credidi, ac uictus sum, cum tamen mul-
tum, diuq; repugnassem. nam quid facerem, cum eū
cernerem in aëre uolantem, atq; id interdū ac su-
per aquam ingredientem. atq; per medium ignem

PHILOPSEVDES, SEV

incedentem, idq; lente ac sensim? Tu ne inquam ego,
ista uidebas, uirum Hyperboreū uolantem, aut su-
per aquas ambulantem, & maxime (inquit ille) car-
batus indutum, quo calciamenti genere illi potissi-
mum utuntur. Nā minutula ista, quid attinet refer-
re, quaecunq; fecit, quo pacto amores immiserit, ac
dæmones exegerit, mortuosq; marados in uitam re-
uocauerit, atq; Heaten ipsam palam conspectibus
exhibuerit, Lunāq; e cælo detraxerit? Quin ego
uobis referam quæ ab eo fieri conspexi in Glaucia
Alexidis filio. Glaucias hic, cum patris nuper de-
functi substantiam suscepisset, Chrysidem amabat
Demeneti filiam, ac me quidem præceptore in di-
sciplinas utebatur, ac nisi amor ille a studio dedu-
xisset eum, uniuersam peripateticorum doctrinam
perdidicisset, ut qui octo & decem cum esset anno-
rum iam absoluerat analytica, tum physicam au-
scultationem in finem usq; percurrerat. A more ta-
men uictus, mihi rem omnem significat. Ego uero,
quemadmodum par erat, quippe qui præceptor
eram, Hyperboreum illum magnum ad eum du-
co, conductum quatuor ilico minis in manum datis,
oportebat enim præparari quiddam ad sacrificia,
tum sedeam præterea, si Chryside potiretur. Ille ue-
ro crescētem obseruans Lunam. (nam tunc ut pluri-
mum huiusmodi sacra peraguntur) fossam cum
effodisset, in aperto quodam loco domus, sub dio cir-
ca mediam noctem, euocauit nobis primum quidē
Anaxiclem Glauciæ patrem, ante septem menses
uita defunctum. Suatensebat autem ob amorem se-
nex, atq;

nex, atq; indignabatur. Tandem tamen ei permisit,
ut amaret. Postea uero Hecaten quoq; eduxit, ad-
ferentem unâ cerberum, tum Lunam detraxit mul-
tiforme quoddam spectaculum, & qđ aliâs aliud
apparebat. Primum quidem muliebrem formam re-
ferebat, deinde in uacram formosam uertebatur.
Postremo uero catula uidebatur Hyperboreus ille
tandem, cum finxisset quendam è luto Cupidinem,
Abi inquit, atq; huc perducas Chrysidem, ac lutum
quidem protinus euolabat, paulo post autem affuit
illa pulsans ostium. Tum ingressâ Glaucom com-
plectitur, eum quam insanissime deperiens, & cum
eo uersata est, quoad gallos canentes audiuius. Tū
uero Luna subuolabat in cœlum, atq; Hecate subijt
terram, cæteraq; spectra disparuerunt. & Chrysi-
dem tandem emisimus circa ipsum ferme diluculū.
Hæc Tychiades si conspexisses, haudquaquam am-
plius dubitasses, esse multa in carminibus istis cōmo-
da. Bene dicis inquam, ego credidissem equidem, si
uidissem ea. nunc uero ignoscendum mihi puto, si
qualia uos uidetis, acute perspicere nō possum. uerū
tamen Chrysidem illam, quam dicis, noui mulierem
planè meretricem ac facilem, nec uideo sanè cuius
gratia ad illam egueritis luteo illo legato, magoq; ex
Hyperboreis usq; atq; ipsa insuper Luna, quippe
quam uiginti drachmis ducere in Hyperboreos
usq; potuisses. Mirifice enim sese offert ad hanc in-
cantationem mulier. Et contrarium quiddam spe-
ctris istis habet. Nam ea quidem æris ferrine sonū
si audierint, fugiunt (nam id uos prædicatis) illa

dd

PHILOPSEVDES, SEV

uero si argentum uspiam sonuerit, accurrit ad tin-
nitum. Præterea ipsum etiam magum admiror,
quod cum ditissimas mulieres in amorem sui possit
elicere, atque ab eis solida talenta suscipere, is ta-
men ob quatuor minas admodum tātilli lucelli aui-
dus Glauciam amoris compotem fecerit. Ridicule
facis inquit Ion, qui nihil credis. Ego te libenter er-
go rogauerim, quid de iis respondeas, qui dæmo-
niacos liberant erroribus, adeo manifeste spectra
illa carminibus eijcentes. Atque hæc me dicere nō
opus est, uerum omnes nouerunt. Syrus ille ex Pa-
lestina, qui harum rerum artifex est, quā mul-
tos mortales suscipiat, qui ad Lunam conadant, ocu-
losq; distorqueant, spumaq; os oppleant, quos ta-
men erigit, ac sanos remittit, magna accepta merce-
de, diris eos malis liberans. Etenim cum iacentibus
instet, rogaueritq;, unde sint in corpus ingressi,
ægroty quidem ipse tacet, at dæmon uero respon-
det, aut lingua græca loquens, aut barbarica, aut
undecunq; fuerit ipse, & quomodo, & unde intra-
uit in hominem. Ille uero adiurans eum, ac ni pa-
ruerit, minitans etiam, expellitq;, abigitq; dæmo-
nem. Quin ego quoque dæmonem quendam exe-
untem uidi nigrum certe, & colore fumidum. Non
magnum erat inquam ego talia te o' Ion cernere,
cui ipsæ etiam apparent I deæ, quas uestre fami-
liæ parens ostendit Plato, rem uidelicet spectatu te-
nuem, atque euanidam, quantum ad nos homines
lusciosos. Itā ne solus Ion, inquit Eucrates, istius-
modi uidit, ac non alij etiam multi inciderunt, in

dæmones, alij noctu alij etiam interdiu? Ego pro-
fecto non semel, sed millies iam talia conspexi, ac
primum quidem turbabar ad ea, iam uero ob
consuetudinem nihil nouum, aut prodigiosum mi-
hi uidere uideor, maximeq; nunc, ex quo annulum
mihi Arabs dedit ex ferro, de cruce quapiam
sumpto, factum, carmenq; docuit nominibus multis
plenum, nisi forte ne mihi quidem fidem sis habi-
turus Tychiade. At qui fieri possit inquam, ut Euc-
crati non credam Dinonius filio, uiro in primis sa-
pienti, ac libere, quæ sibi uidentur, domi in priua-
to suo cum authoritate narranti? Illud ergo de
statua inquit Eucrates, quæ omnibus, qui in domo
sunt, singulis noctibus apparet, tum pueris, tum
adolescentibus, tum senibus, hoc inquam non à me
duntaxat audieris, uerum etiam à nostris omni-
bus. De qua statua inquam ego? Non uidisti, in-
quit, cum ingredereris, statuam quandam in atrio
collocatam, sanè quam pulchram, opus Demetrii,
qui statuas humana specie fingere consuevit?
Non ne illam dicis inquam, quæ discum iacet, quæ
inclinata est ad emissuri gestum reflexa in eam,
quæ discum fert, altero pede modice inflexo,
quæq; se erectura uidetur una cum iactu? Non
illam inquit, nam unum est ex Myronis operibus
ille disci iactator, quem dicis. sed nec eam, quæ est
ei proxima, eam loquor, cui tænijs caput uinctum
est, formosam illam. nam id Policleti opus est. ue-
rum eas, quæ à dextra sunt, egredientibus omitte,
inter quas et tyranniadæ illi stant, Critæ Nesio

PHILOPSEVDES, SEV

te plasmata. tu uero an non ad aquam illam, quæ
influxit, quampiam uidisti uentre prominulo, cal-
nam, seminudatam, uulsis quibusdam barbæ pilis,
insignibus uenis, uero homini simillimam? Pelichus
dux Corinthius esse uidetur. Per Iouem inquam ui-
di quandâ à dextra saturni, quæ ténias, coronasq;
aridas habebat, pectoreq; folia quædam inaura-
ta. Ego inquit Eucrates, ea inauravi, cum me sanas-
set triduo febre pereuntem. Erat ne igitur etiam
medicus inquam ego optimus iste Pelichius? Est,
neq; ride inquit Eucrates, alioquin homo te haud
multo post inuadet. Noui ego certe quantum ualeat
hæc, quam tu ridet, statua. An non eiusdem putas
esse immittere febres, in quos uoluerit, quandoqui-
dem potis est eijcere? Propicia inquam, placataq; sit
hæc statua mihi, quæ tantum ualeat. Quidnam er-
go aliud facientem eam uiderunt omnes, qui in do-
mo sunt? Cum primum nox est inquit, hæc è ba-
se descendens, in qua steterat, in orbem totam do-
mum circuit, omnes occurrunt ei interdum etiam
canenti, nec quisquam est, quem unquam læserit,
diuertere tantum oportet. illa uero præterit nihil in-
tuentes infestans, cum & lauat sæpe, & tota nocte
ludit, ut ex ipso aquæ strepitu licet audire. Vide
ergo inquam ego, ne forte non Pelichus hæc statua
sit, sed Talus potius Cretensis, qui apud Ninoem
fuisse dicitur. Nam & ille æreus quidam Cretæ cu-
stos erat, quod nisi ex ære non autem ex ligno fa-
cta esset, nihil eam prohiberet, cum non opus de-
metrij, sed una potius ex Dædali machinis esse ui-

deatur. È base nãq; (ut ais) etiam ista fugit. Vide inquit, ó Tychiade, ne te posthac scommatis huius pœniteat. Novi equidem ego quid illi euenerit, qui obolos surripuit, quos ei quoq; nouilunio suspendimus. Prorsus atrocia inquit Ion, oportebat accidere, quippe qui sacrilegus erat, quomodo ergo illum ultus est, ó Eucrates? Nam audire cupio, etiam si quammaxime Tychiades iste diffisurus est. Multi inquit ille, ad pedes eius oboli iacebant, aliaq; item numismata quædam argentea ad crus eius affixa cera, ac laminæ quoq; argenteæ, nota cuiusq; aut merces ob sanationem eius, qui ab eo liberatus esset, cum febre detineretur. At erat nobis seruus quidam Libycus sceleratus, equorum curator. Hic noctu aggressus est ea auferre omnia, abstulitq; digressam iam cum obseruasset statuam. At cum primum reuersus intellexit sacrilegio se compilatum Pelichus. uide quo pacto sese ultus est, atq; fur ti prodidit Libycum. Tota nocte atrium obambula bat in orbem miser, exire non ualens, tanquam in labyrinthum incidisset, quoad orta die iam deprehensus est, ea tenens, quæ furto abstulerat. actum quidem comprehensus plagis non paucas recepit. nec temporis multum superstes malus male perijt, uapulans, ut dicebat. singulis noctibus, adeo ut uibices postridie apparerent in corpore. I nunc, & post ista quoque Tychiades Pelichum ride, ac me tanquam coætaneum Minoi iam delirare puta. At ó Eucrates, inquam ego, quãdiu æs erit æs, operisq; plastes Demetrius Alopecense fuerit, qui

PHILOPSEVDES, SEV
non deos, sed homines fingere consuevit, Pelichi
nunquam statuam uerebor, quippe qui nec ipsum
etiam uiuentem, si mihi minaretur, admodum ti-
muissem. Ad hæc medicus Antiochus. Et mihi o
Eucrates (inquit) Hippocrates æreus est, magnitu-
dine fermè cubitali, qui tunc duntaxat, cum lu-
cerna extincta sit, totam in orbem domum ambit,
perstrepens, ac pyxides euertens, pharmacaq; com-
miscens, atque ostia circumuertens, maximūq; si
quando sacrificia præternūttimus, quibus in singu-
los annos ei sacrificamus. Postulat ergo inquam
ego etiam Hippocrates medicus iam, ut sibi sacri-
ficetur, indignaturq; nisi in tempore iustorū sacri-
ficiorum epulis accipiatur. quem nimirum dece-
bat boni consulere, si quis ei libauerit, aut mul-
sum insperferit, aut caput coronauerit. Audi er-
go inquit Eucrates, istud certe etiam testibus pro-
bauero, quod ante annos quinque uidi. Erat fer-
mè uindemiæ tempus. Ego uero in agrum circa
meridiem uindemiatum dimissis operarijs, in syl-
uam solus abibam, cogitans interim quiddam, atq;
consyderans. A. postquam in saltum perueni, ca-
num primo latratus insonuit. Ego uero Mnasona
filium meum cum æqualibus uenientem ludere,
uenariq; (quemadmodum solebat) conijcebam.
At res haudquaquam sic se habebat, uerum pau-
lo post factō terræmotu, sonoq; uelut è tonitru, mi-
lierem aduenientem uideo terribilem, procerita-
te fermè senistadiali. habebat autem in sinistra
facem, in dextra uero gladium uiginti arater cu

bitoru
tius, si
licet, atq;
ambus
lum am
fr. videt
randum
stendit e
on ergo,
er inhiat
uerbus in
redibilem
pntem e
erabam
rebus sa
demratio
nabq; al
on illis ip
u. Dinom
lantes de
pantis in
is factis
um uider
non digiti
ullo. He
ibus solo
rari mag
Deinde pa
presente
u appret

bitorum. Et inferne quidem pedibus erat serpen-
tinis, superne uero Gorgonem referens uultu uide-
licet, atque aspectus horrore, pro coma quidem dra-
conibus tanquam caesarie circumancta, alijs col-
lum amplectentibus, alijs etiam per humeros spar-
sis. Videte inquit, amici, quo pacto etiam inter nar-
randum exhorruui, et simul hæc dicens Eucrates,
ostendit omnibus brachij sui setas erectas metu.

Ion ergo, ac Dinomachus, et Cleodemus uehemen-
ter inhiantes auscultabant eum uiri senes, tanquã
naribus traherentur. adorantes apud sese tam in-
credibilem Colossum, mulierem semistadialem, ge-
ganteum quoddam mormolocum. Ego uero consy-
derabam interim, cuiusmodi erant ij, qui cum u-
uenibus sapientiæ nomine uersentur, uulgoq; in
admiratione habeantur, cum sola nimirum canicie,
barbaq; ab ipsis differant infantibus. Cæterum eti-
am illis ipsis facilius ductiles ad credenda menda-
cia. Dinomachus ergo, dic mihi inquit, Eucrates, il-
li canes deæ, quanta magnitudine erant? Ele-
phantis inquit ille, proceriores indias, nigri et ipsi,
hirsutiq; sordido, squalidoq; uillo. Ego igitur,
cum uiderem, restiti, inuerso protinus in interio-
rem digiti partem (quod Arabs mihi dederat) si-
gillo. Hecate ergo percussio draconicis illis pe-
dibus solo, hiatus effecit maximum, et qui mi-
mani magnitudine penitus æquaret tartarum.
Deinde paulopost abiit in eum desiliens. Ego uero
præsente animo, porrecta ceruice inclinatus, inspe-
xi apprehensa arbore quapiã, quæ uicina stabat ne-

PHILOPSEVDES, SEV

obortis mihi tenebris, ac uertigine, in caput præ-
ceps inciderem, deinde conspexi ea, quæ in infer-
no sunt omnia pyriphlegethontem lacû, Cerberû,
manes, adeo, ut quosdam etiam eorum agnoscerem.
Patrem ergo meum manifeste cernebam adhuc his
ipsis amicum, quibus eum sepeliuimus. Quid age-
bant, inquit Ion, o' Eucrates animæ? Quid aliud,
inquit ille, quam per tribus, familiasq; cum ami-
cis, cognatisq; uersantur, in asphodelo collocati? Con-
tradiciant ergo etiam nunc, inquit Ion, Epicurei sa-
cro Platoni, eiusq; de anima rationibus. At tu nõ ne
Socratem etiã ipsum, Platonemq; uidebas inter ma-
nes? Socratem, inquit, uidi, neq; illum tamen eui-
denter, nisi quod inde conieci, quoniam caluus, ac uē-
tricosus erat. Platonem uero nõ cognoui. Nã apud
amicos nimirũ uera fateri oportet. Simul ergo atq;
ego omnia conspexi, & hiatus cõijt, & ex famulis
meis quidam quærentes me, atque in his Pyrrhias
hic superuenere hiatu non dum planè obducto, dic
Pyrrhia, an non uera narro? Per Iouem inquit
Pyrrhias, & latratum audiui per hiatus, & ignis
quidem a' face mihi suffulgere uidebatur. Tum risi
ego profecto, teste latratum, ignemq; in cumulum
addente, Tum Cleodemus, haudquaquam noua ista
inquit, neq; alius inuisa uidisti. Nam & ipse haud
ita pridem cum ægrotarem, tale quiddam conspe-
xi. Prospiciebat mihi, curabatq; Antigonus hic,
ac septima dies erat. Febrisq; o' qualis? incendio
certe uehementior. Omnes ergo me relinquentes so-
lum, clausis foribus foris manebant. Sic enim iusse

ras Antigone, siquo pacto possem obdormiscere.
Tunc igitur astitit mihi iuuenis quidam uigilanti,
pulcher admodum, ueste circumamictus candida,
Ac me cum exatasset, per hiatum quendam ducit
ad inferos, sicuti ilico cognoui, Tantalum cum ui-
derem, ac Tityum, Sisyphumq; . Ac cætera uobis
quid commemorem? Postquam uero ad tribunal
perueni (Aderat autem & Aeacus, & Charon,
Parcæq; atq; Erynnēs) quidam uelut rex (Pluto
certe mihi uidebatur) assedit, singulorum nomina
percensens, qui morituri erant, quos diem iam ui-
tæ præscriptum præterisse contingerat. Iuuenis er-
go me adducens illi exhibuit. At Pluto tunc incan-
duit, & ad eum, qui me ducebat, non dum illi cō-
pletum est stamen inquit. A beat ergo. Tu uero fa-
brum Demylum adhuc, iam siquidem ultra colum
uiu. Tum ego lætus recurrens, ipse quidem iam
febre liber eram, denuntiabam uero omnibus,
quod Demylus esset moriturus. Manebat autem no-
bis in uicinia ægotans etiam ipse non nihil, ut re-
nuntiatum est. Ac paulopost audimus eiulatum
eorum, qui lugebant eum. Quid miri est, inquit
Antigenus? Ego etenim quendam noui post uige-
simum diem, quàm sepultus est, surrexisse. nam
hominem & ante quàm moreretur, & postquam
surrexit, ipse curau. Et quo pacto, inquā ego, in
diebus uiginti, neq; tabuit corpus, neq; præterea fa-
me corruptum est, nisi fortassis Epimenidem quem-
piam tu curasti? Hæc cum diceremus, protinus in-
grediebantur Eucratis filij e palæstra redeuntes.

PHILOPSEVDES, SEV

Alter quidem iam ex ephebis excesserat, alter uero annos natus erat circiter quindecim. tum salutatis nobis iuxta patrem adsidebant in lecto, ac mihi quidem sella illata est. Tum Eucrates tanquam e conspectu filiorum admonitus, sic his frui mihi contingat inquit, simulq; manum eis iniecit, ut apud te Tychiades uera narrabo. Felicias memoriae uxorem meam horum matrem nouerunt omnes quo pacto dilexerim. Nam declarauit his rebus, quas in eam feci, non modo dum uiueret, uerum etiam postquam uita functa est. Quippe qui mundum eius uniuersum, uestemq; qua, dum uiueret, oblectabatur, in rogam illius iniecerim. Septima uero post mortem die, ego quidem hic in eundem lectum incubebam, quemadmodum nunc, luctum cum mihi committigans, quem de illa conceperam. Legebam enim tacitus Platonis illum de anima libellum. Ingreditur interim Demenete ea ipsa, atq; adsidet iuxta, quemadmodum nunc Eucratides. Hic, minore designans filium. Hic uero ilico tremuit admodum pueriliter, ac dudum ad narrationem pallebat. Ego uero, inquit Eucrates, ut conspexi, amplexus eam singultim lachrymabam. Illa uero me uociferari non patiebatur, uerum incusabat me, quod, cum ei fuisset in reliquis gratificatus omnibus, e sandalijs aureis alterum non cremaueram, superesse autem id dicebat, quod sub arca ceaderat, atq; ob id nos cum non inueniremus, alterum tantum cremaueramus. Nobis autem adhuc differentibus sceleratissimus quidam caniculus, qui mihi in delitijs erat, in lecto cu

bans allatrabat, ea uero ad latratum euauit. At sandalium sub arca repertum est, posteaq; à nobis incensum. An hæc etiam Tychiades recusabis credere, cum tam sint euidentia, quotidieq; seruantur? Per Iouem inquam ego digni fuerint, quibus aureo sandalio nates puerorum more feriantur, si qui ista non credant, atq; usque adeo impudenter uero resistent. Interea Pythagoricus intrabat Arignotus, comatus ille, ab aspectu uenerabilis. Nosti illum doctrinae nomine celebrem, qui cognominatur sacer. Atque ego quidem, ut eum conspexi, respiravi, hoc ipsum, quod prouerbio dici solet, aduenisse mihi ratus, nempe securim quampiam aduersus mendacia, occludet inquam eis ora uir sapiens, adeo monstrosa narrantibus, atque prorsus iuxta uulgatum illud adagium repente deum immissum esse mihi hunc à fortuna putabam. Hic uero postquam adsedit, assurgente ei, ac cedente Cleodemo, primum de morbo percontatus est, seq; audisse dicebat, Eucratem iam se melius habere. At quidnam inquit, inter uos philosophamini? Nam interim, dum ingrediebar, subauscultavi, ac mihi certe uidemini in re quampiam pulchra conuersari. Quid aliud inquit Eucrates, quam ut huic adamantino persuadeamus (me demonstrans) ut daemones credat aliquos esse, phantasmataq; ac mortuorum animas super terrâ obambulare, & sese quibus libitum fuerit ostendere. Ego igitur erubui, uultumq; deieci reueritus Arignotum. At ille uide, inquit Eucrates, num hoc di

PHILOPSEVDES, SEV

sit Tychiades. Eorum tantum, qui uiolenter interierint, animas errare, ueluti si quis suffocatus, aut capite truncatus cruciue suffixus fuerit, aut alio quopiam istiusmodi modo e' uita discesserit, eas uero, quæ fatali morte, naturaliq; discesserint, haudquaquam amplius oberrare. Nam si hoc dicat, non usque adeo absurda dixerit. Per Iouem inquit Diomachus, ne esse quidem istiusmodi, nec presentia cerni putat. Quid ais inquit Ariignotus? in me torue aspiciens? nihil horum tibi uidetur fieri? præsertim cum omnes (ut ita dicam) uideant? Ignosces inquam ego mihi si non credo, nam solus omnium non uideo. Quod si uidissem, profecto & credidissem quemadmodum & uos. At qui inquit ille, si quando Corinthum ueneris, roga ubi sit Eubatidæ domus. Atq; ubi tibi fuerit indicata, nempe circa Craneum, in eam ingressus, dic I anitori Tibio, uel le te uidere, unde demonem Pythagoricus Ariignotus cum adduxisset, abegerit, ac deinceps habitabilem domum reddiderit. Quidnam hoc erat Ariignote, rogabat Eucrates. Inhabitabilis erat inquit, ille diu propter terricula, quod si quis inhabitasset, expauescens ilico fugiebat exactus a quodam horrendo, ac terribili spectro. Deciderat ergo iam, tectumq; rumpebatur, neq; quisquam erat omnino, qui in eam ingredi fuerit ausus. Ego uero, ubi hæc audiui, libellos sumens (sunt autem Aegyptij mihi de talibus rebus admodum multi) ueni in domum circa primam uigiliam, dehortante hospite, ac ferme detinente, postquam didicerat quo iturus essem,

incertum, ut putabat, exitium. At ego sumpta lucerna, solus ingredior, atq; in uastissimo atrio collo-
cato lumine, humi sedens tacite legebam. Adest ue-
ro demon ille, cum quopiam è uulgo se congressu-
rum ratus, ac me quoq; quemadmodum alios, per-
territurum. squalidus, hirsutus, ac tenebris nigri-
or. Atq; hic cum adstaret, undiq; me adsultim pe-
tens tentauit, siqua posset expugnare, ac modo in ca-
nem, modo in taurum, modo in leonem uertebatur.
At ego correpto in manum quammaxime hor-
rendo carmine, simulq; uocem imitatus ægyptiam
incantans eum in domicilij tenebroso angulum quē-
dam compuli. At cum animaduertissem, ubi se in
terram condidit, tum desisti. Mane autem desperan-
tibus uniuersis, ac me, quemadmodum alios, mortu-
um sese reperturos putantibus, præter omniū spem
progrediens Eubatedem adeo, feliciter illi adnun-
tians, quod puram sibi, ac spectris liberā domum
iam liceret incolere. atq; illum assumens, aliosq;
multos (sequebantur autem huius inopinatæ rei
gratia) cum ad locum duxissem, ubi condentem se
demonia conspexeram, iussi ut sumptis ligonibus,
matulisq; suffoderent. Atq; ubi id fecerant, inuen-
tum est fere ad passum defossū cadauer quod-
dam marcidum, ossibus tantum humana specie co-
herentibus. Illud igitur effossū sepeliuimus, do-
mus uero postea turbari prodigijs desijt. Hæc
ubi narrauit Ari notus, uir prodigiosa sapientia,
ac reuerendus omnibus, nemo erat ex ijs, qui ade-
rant, qui non multam mihi imputaret insaniam, q

PHILOPSEVDES, SEV

taliam non credam, narrante praesertim Ari gnato. Ego tamen nihil ueritus, neq; comam, neq; illa, qua de eo habebant, opinionem. Quid hoc inquam Ari gnato. Etiam tu talis eras, in quo mihi sola spes fuit si sumo plenus, ac simulachris? Illud ergo nobis in te, quod dici solet, euenit, ut thesaurum cum sperauerimus, carbones offenderimus. At tu inquit Ari gnatus, si neq; mihi credis narranti, neq; Dinomacho, aut huic Cleodemo, neq; ipsi Eucrati, dic age quemnam digniorem, cui his de rebus fides habeatur, existimas, qui nobis dicat contraria. Per Iouem inquam ego uirum apprime mirabilem. Abdera oriundum illum Democritum, cui tam firmiter erat persuasum eiusmodi nihil esse in rerum natura posse, ut cum se in monumento extra portas clausisset, ibiq; degeret dies, noctesq; scribens, atq; componens, iuuenesq; eum quidam illudere cupientes, ac perterrefacere, nigra ueste in modum cadaueris ornati, ac personis in capita adfectis circumstantes illum circumsilirent, crebro subsilientes, hic neque eorum commenta pertimuerit, neq; eos omnino respexerit, sed inter scribendum, desistite inquit, ineptire. A deo firmiter credidit animas nihil esse postquam e corporibus exierint. Hocine ais, inquit Eucrates, de mentem quempiam uirum esse Democritum, siquidem sic existimauit. Ego uero uobis etiam aliud referam, quod mihi ipsi contingit, non quod ab alio acceperim, fortassis etiam tu Tychiades, cum audieris, compelleris accedere, ipsa narrationis ueritate coactus. Cum in Aegypto uersarer, adhuc adole-

scens à patre uidelicet doctrinae gratia transmissus, cupiebam nauigio profectus in Coptum illinc adiens Memnonem, miraculum illud audire, eum uidelicet sonum reddentem ad orientem solem. Illum igitur audiui non hoc uulgaris modo, quo audiunt alij, sonum quempiam inanem, sed mihi oracula etiam edidit Memnon ipse aperto ore septem uersibus, quod nisi esset supernuacaneum, ipsos uobis uersus recenserem. Internauigandum uero, incidit in nos unà nauigans uir Memphiticus quidā, ex sacris illis scribis, mirabili sapientia, & q̄ uni uersam Aegyptiorum doctrinam callebat. Dicebatur autem tres ac uiginti annos in adytis subterraneis mansisse, Magiā interea doctus ab Iside. Pancratem dicis (inquit Arignotus) præceptorem meum, uirum sacrum, rasum, lineis indutum, doctū, purēq; lingua græca loquētem, procerum, simum, labijs promissis, cruribusq; gracilibus. Illū ipsum inquit ille, Pancratem, ac primum quidem quis esset ignorabam. At postquam uidi eum, siquando in portum appulisset, cum alia multa miracula facientem, tum Crocodilis insidentem agitasse, & cum feris uersantem, illas uero reuerentes eum, cadisq; adulantes, agnoui sacrum quempiam uirum esse, paulatimq; comitate mea me in eius amicitiam, ac familiaritatem insinuauī, adeo ut oīa mihi arcana communicaret, ac tandem mihi persuaderet, ut famulis omnibus in Memphide relictis, se solus consequerer, neq; enim de futuros nobis ministros. Atq; ex eo tempore sic uitam duximus. Cū

in diuersorium quodpiā ueniremus, homo accepto
pistillo, scobinā ue, aut pessulo, uestibus implicans,
cum in id carmen quoddam dixisset, effect ut am-
bularer, utq; alijs omnibus homo uideretur. Illud
ergo abiens, & aquam hauriebat, & cœnam pa-
rabat, instruebatq; atq; in omnibus commode sub-
seruiebat, ministrabatq; nobis. Deinde postquam
iam satis huius ministerij fuit, scobinam rursus sco-
binam, ac pessulum pessulum, aliud recitans car-
men reddebat. Hoc ego uehementer conatus non re-
periebam quo pacto ab illo expiscarer. Nā id mi-
hi inuidebat, quanquam in alijs esset facillimus.

At quadam die in angulo quodā tenebricoso clā
illo delitescens subauscultauī propius incantationē
illam. Erat autem trisyllaba. Tum ille cum pistillo
mandasset, quæ curanda erant, abiit in forum.

At ego postridie illo apud forum occupato, acceptū
pistillum, cum ornassem, syllabas illas simili modo
pronuntians, aquam iussi ut hauriret. Tum imple-
tam amphoram cum tulisset, desiste inquam, neq;
aquam amplius haurito. sed rursus esto pistillum.

At illud mihi haud amplius iam obtemperare uo-
lebat, sed aquam hauriebat continue, quoad hau-
riendo totam domum nobis impleret. At ego cum
resistere huic rei non ualerem, timebam autem ne
Pancrates reuersus (id quod etiam euenit) irascere-
tur, correpta secure Pistillum in duas partes disseco.

At utraq; pars amphoram sumens hauriebat a-
quam, iamq; unius loco duo mihi ministri esse cœ-
perunt. Interea Pancrates superauit, ac re intelle-
cta illas

et illas quidem in ligna rursus, quemadmodum
ante carmen erant, mutauit. At ipse me clanculum
relieto, nescio quò clanculum se subducens abiit.

At possis istud etiam nunc inquit Dinomachus,
hominem ex Pistillo facere? Per Iouem inquit ille,
dimidia ex parte scio, nam in priorem formam nū-
quam à me restitui potest, postquam semel aquari-
us esse coeperit. Sed deferenda nobis domus esset a-
quæ iam impleta. Non desistis inquam ego huius
modi monstrosa narrare uiri senes? A liquin ho-
rum saltem adolescentium gratia incredibiles istas,
ac terribiles fabulas aliud in tempus omittite, ne
clanculum terroribus, ac prodigiosis fabulamentis
impleantur. parcere ergo eis oportet, ne talia con-
suescant audire, quæ eos per totam uitam conuicta
perturbabunt, atq; ad omnem strepitum meticulo-
sos reddent, posteaquam eos omnigena superstitio-
ne impleuerint. Recte admonuisti me inquit Eucra-
tes, cum superstitionem dixisti. Nam quid tibi Ty-
chiade de rebus huiusmodi uidetur, de oraculis lo-
quor, ac uaticinijs, et quæcunq; quidam numine
afflati proclamant, quæ uel ex adytis audiuntur?
aut quæ uirgo numeris eloquens futura prædicat?
an uidelicet nec talia credis? At ego quod annulū
quendam sacrum habeo, Pythij Apollini imagi-
nem exprimente sigillo, quiq; hic Apollo mecum lo-
quitur, non dico, ne tibi uidear ad gloriam meam
res incredibiles narrare. Cæterum quæ apud Am-
philochum audiui in Mallo heroe mecum diu disse-
rente, deūq; meis de rebus consulente, tum quæ ipse

PHILOPSEVDES, SEV

vidi, uolo uobis narrare. Deinde ex ordine & quæ
vidi in Pergamo, & quæ audiui in Patariis. Itaq;
cum ex Aegypto redirem domum, audiremq; illud
in Mallo uaticanium, apertissimum, simulac uerissi-
mum esse, tamen sic oracula dare, ut ad rem respon-
deat iis, quæcunq; prophetæ quispiam in schedulâ
inscripta tradiderit, recte me facturum putavi, si-
dum præternavigarem, experirer oraculum, de-
umq; de futuris quippiam consulerem. Hæc adhuc
Eucrate dicente, cum uiderem quàm longe res esset
processura, quodq; non breuem incepisset de oracu-
lotragædiam, ratus non expedire, uti solus contra-
dicerem omnibus, relinquens eum ex Aegypto ad-
huc in Mallum nauigantem (Nam & intelligebam
molestam illis esse præsentiam meam, utpote qui
dissentirem, refelleremq; eorum mendacia) At qui
ego ab eo inquâ, quæsitus Leontichû, nam opus
habeo cum eo congregari. At uos, quandoquidem pa-
rum sufficere uobis res humanas putatis, ipsos etiâ
deos deniq; in fabularum uobis partem uocare.
Atq; hæc simulac dixi discessi. Illi uero alacres
iam libertatem nacti, ut est uerissimile, mutuo sese
epulis accipiebant, ac mendacijs ingurgitabant.
Talibus ó Philocles apud Eucratem auditis, uenio
per Iouem inflato uentre, non aliter quàm ij, qui
musto poti sunt, opus habens uomitu. Tum libenter
alicunde magno emerim pharmacum aliquod, qd
mihi obliuionem induceret eorum, quæ audiui, ne
me non nihil earum rerum lædat inhærens memo-
ria. Nempe monstra, demones, atq; Hecates mihi

videre uideor. Phi. Quin mihi quoq; ó Tychia
de tale quiddam hic sermo tuus attulit. Aiunt et
enim non solum in rabiem uerti, atq; aquam for-
midare, quoscunq; rabidi canes mordeant, uerum
etiam si quem mordicus homo morsus momorderit,
illum morsum quoque non minus canino ualitu-
rum, atq; eum et etiam eodem modo formidatu-
rum. Quin tu ergo uideris, cum sis ipse apud Eu-
cratem à multis mendacijs morsus, mihi quoq; mor-
sum illum communicasse, adeo mihi mentem demo-
nibus impleuisti. Tychi. At bono animo si-
mus amice, cum magnum aduersus huiusmodi res
remedium habeamus, ueritatem, rectamq; omnibus
in rebus rationem, quo si utamur, nullis huiusmodi
uanis, stultisq; mendacijs turbabimur.

EIVSDEM LVCIANI DECLAMATIO PRO TYRANNICIDA EODEM MORE INTERPRETE.

Argumentum declamationis.

Scendit quidam in arcem, ut Tyrannum occideret, at ipsum quidem non inuenit, filium autem eius cum peremisset, gladium reliquit in corpore, tyrannus ingressus, ac filium iam conspicatus mortuum, eodē gladio se transfixit. is, q̄ ascenderat, ac tyrannu filium interemerat, tanquam tyrannocida præmium petit.

Declamatio.

Um duos tyrānos iudices uno die peremerim, alterum quidem iam ætate defectum, alterum uero florentem, eoq; ad scelerum successio- nem idoneum, adsum tamen unicū ob utrunq; præmium petiturus. idq; cum solus omnium, qui unquam fuere tyrannicidæ, sceleratos duos uno ictu sustulerim, atq; mactauerim, filiū quidem gladio, patrē uero nimio illo, quo in filiū ferebatur, affectu. Tyrannus igitur ob ea, quæ gessit, satis nobis supplicij dedit. quippe qui & uiuens filiū spectauit occisum, &

tandē (quod maxime præter oēm spem fuit) ipse sui
coactus est tyrānicida fieri. Filius igitur à me per
emptus est, inferuivit autem mihi et mortuus, ad ali
am mortem, nam qui uiuens iniurias una cum pa
tre fecit, mortuus patrem ut potuit interfecit. Qui
tyrannidem ergo sustuli ego sum, ensisq; qui per
egit omnia, meus est, ordinem tantum immutauit cæ
dum, ac perimendi sceleratos nouam modum, illū
qui fortior erat, et qui ulasci poterat, amolitus
ipse, senem uero soli relinquens gladio. Ego igitur
ob ista etiam amplius aliquid à uobis expectabā,
sperabamq; me præmia pro peremptorum nume
ro suscepturum, ut quos non præsentibus tantum
malis eripuerim, sed futurorum quoq; metu libera
uerim, ac certam uobis libertatem præstiterim, nul
lo hærede scelerum relicto. At interim tot rebus à
me præclare editis in periculum uenio, ne à uobis
nullo præmio donatus abeā, solusq; mercede frau
der, quā leges à me seruatae statuerunt. Hic itaq;
meus aduersarius, nullo Reipublicæ studio istud
agere uidetur, sed eorum cæde commotus, ut in eū,
qui mortis eis causa fuit, ulascatur. Sed uos iudices
auscultate paulisper, dum tyrannidis mala (quan
quam ipsi probe sciatis) expono. Nam et hoc pacto
melius beneficii mei magnitudinem cognoueritis, et
magis ijdem gaudebitis, reputantes quibus estis ma
lis liberati. Neq; enim, quemadmodum alijs ple
risq; iam sæpe accidit, ita nos quoq; simplicem ty
rannidem, et unicam seruitutem sustinuimus, neq;
unius domini libidinem pertulimus, sed soli omnium

TYRANNICIDA

quos unquam similis pressit infelicitas, duos unius loco tyrannos habuimus, & in duplices miseri in iurias distracti sumus. At moderatior admodum senex erat, et in ira mitior, et ad supplicia seignior, & ad libidines tardior, utpote ætate iam impetus eius uehementiã cohibente, & uoluptatum appetitiones refrenante. Et ad causas quidem facinorum inuitus a filio dicebatur impelli, cum ipse non ad modum tyrannus esset, nisi quod illi parebat. nã in filium (ut iam ostendit) propensus supra modũ fuit. Omnia illi filius erat, illi obtemperabat, & iniuste fecit, quicquid ille iubebat. et puniebat, quos ille uolebat. in omnibus illi morẽ gerebat. ac deniq; sub illius tyrannide uiuebat, & ultroneus filij cupiditatum satelles erat. At iuuenis uero honore ætatis gratia patri esset, & solo imperij nomine abstinuit, cæterum re ipsa tyrannidis caput ipse fuit. Firmitas quoq; ac tutamentum principatus ab illo pendebat. quoniam & quod ex iniurijs provenit solus ipse fruebatur. Ille erat, qui satellites ducebat, qui custodias regebat, qui subditos feriebat, qui insidiatores terrebat. Ille erat, qui epheros rapuit, qui nuptias temeravit. Cui uirgines adductæ sunt, & siquæ cædes erant, siquæ exilia, siquæ pecuniarum expilationes, tormenta, contumeliæ, hæc oia iuuenis fiebant audacia. Nam senex ipse obsequabatur, & comes in malis erat, & tantum filij scelera comprobabat. Et res quidem nobis intolerabilis facta est. nam cum animi libidines ab imperio sumunt licentiam, nullum iniuriarum finem faci

unt. At illud tamen nos urebat maxime, diuturnam, immo æternam potius futuram hanc servitutem sciebamur, & tradendam per successionem esse Rempublicam, populumq; alij post alium domino, ac scelerato hæreditatem cessuram. Alijs profecto non parvam spem hæc res facit, quod perpendere possunt, ac secum dicere. At iam cohibebitur, at iam morietur, ac paulopost erimus liberi. De illis uero nihil tale sperabatur. Sed iam nunc paratum imperij cernebamus heredem. Quamobrem nec suscipere negotium audebat fortium qf quam, qui tamen eadem mecum cupiebāt. sed desperabatur oīno libertas, et inexpugnabilis uidebatur tyrānis, cum necesse esset tam multos aggredi. At me nihil ista deterruerūt. Neq; perpensa negotij difficultate detractavi. Neq; periculum expaui. Solus qdem solus, aduersus tam fortē, ac multiplicem tyrannidē, imo uero non solus, sed cum gladio auxiliari conscendi. sortē etiā tyrānicæ mortem præ oculis habēs, sed propriā tñ cadē cōi libertate compensans. Cū in primā ergo custodiā incidissem, ac satellites haud facile amouissem, obuium quenq; perimens, et quicquid obsisteret conficiens, in ipsum negotij caput ferebar, in ipsum unicum tyrannidis robur, in ipsam nostrarum calamitatum materiam, & in summa arcis custodia sistens, cum illum conspexissem sese generose defendentem, atq; resistentem, uulneribus multis tamen interfecit. ac iam quidem sublata tyrannis erat, facinus cōfectum erat, atq; exinde protinus omnes liberi

TYRANNICIDA

senex relictus est ille, solus, inermis, custodibus
exutus, magno illo satellite suo adempto, nec am-
plius ulla generosa manu dignus. Ibi ego mecum
iudices talia cogitabam. Totum negotium meū bene
se habet. Omnia peracta sunt, omnia strenue perfe-
cta sunt. Quonam ergo iste, qui superest, plectetur
modo? Me siquidem ac dextera mea indignus est.
Præcipue uero facinore tam splendido, ac iuuenili
et generoso confecto. Cuius gloriam addita hac
tam inerte cæde minuerem. Dignū autem quære-
re carnificem quēpiam oportet, uerum post erūnam
tum ne et hanc lucrifaciat, uideat, puniatur, ap-
positum tantum ensē habeat, huic ego reliqua com-
mitto. Hæc ubi statuissem, illinc amolior ille uero,
sicuti ego ante diuinauerā, fecit, ac tyrannum inter-
fecit, fabulæq; meæ supremū actum addidit. Ad-
sum ergo populare uobis gubernationē afferēs, et
oībus securitatem denuntians, ac libertatem felici-
ter annuntians. Nūc igitur factis meis fruimini. Scē-
leratis enim (uti uidetis) arx uacat, imperat autē
nemo, sed et honores tribuere licet, et iudicare, et
ex legibus contradicere, atq; hæc nobis ex me, atq;
hoc facinore meo profecta sunt, atq; ex illa una cæ-
de, postquam pater haud amplius uiuere potuit.
Dignum igitur ob ista censeo debitum a uobis mi-
hi præmiū dari, non quod studiosus lucri sim, aut
q̄ parua magnū pendā. neq; quod ob mercedē de pa-
tria bene mereri in animum induxerim, sed quod
mea officia cupiā uestro præmio esse comprobata,
ne despectus sit, ne ue inglorius fiat meus conatus.

tanquā à uobis mancus, et præmio iudicetur indi-
gnus. At iste contradicit, et me præter æquum ait
facere, qui honorari uelim, ac præmium referre.
Non enim esse me tyrannicidam, neq; factum à me
quicquā secundum legem esse, sed facto meo quid-
dam ad præniū petendum deesse. Rogo igitur eū,
quid reliquū à me desyderas? non uolui? non ascen-
di? non peremi? non liberaui? num imperat quis
quam? num iubet quisquam? num dominus nu-
natur quisquam? num me maleficorum effugit q̃s
quam? non dixeris. sed omnia pax plena, et le-
ges omnes redditæ, et manifesta libertas, et po-
pularis gubernatio firma, et coniugia inuiolata, et
pueri extra periculum, et uirgines tutæ, et festas
agens ferias ob cōmunem felicitatem ciuitas. Quis
est igitur horū omniū causa? quis illa sustulit? ista
præbuit? Etenim si me quisquam est hoc honore di-
gnior, illi hac mercede cædo, ac præmio istoc absti-
neo. Sin uero solus ego cuncta peregi, audens, peri-
clitans, adoriens, occidens, puniens alterum in alte-
ro, ulascens, quid mea calumniaris officia? quid in-
gratum erga me populum facis? At ipsum non occi-
disti tyrannum, lex autem tyrannicidæ præmium
statuit. Interest ergo quicquam, dic mihi, an ipsum
perimas, an mortis ei causam præbeas? Ego certe ni-
hil puto nempe hoc solum legis lator spectauit, li-
bertatem, et popularem statum, ac sceleratorum
amolitionem. istud honorauit, istud gratia dignū
censuit, quod factum à me non esse, non queas di-
cere. Si enim illum occidi, quo occiso, iste non potuit

TYRANNICIDA

uiuere, ipse nimirum mactauit. Cædes mea, manus illius erat. Ne nimium ergo curiose de mortis modo disputes, neq; examines quomodo iterũt. Sed an amplius non sit, an per me est, quod amplius ille non est. Quandoqdem hoc quoq; mihi uideris excussurus, et sycophantam in bene merentes acturus, siq; non ense, sed lapide, ligno ue, aut alio quopiã modo peremisset. Quid uero si tyrannum fame obfessum ad mortis necessitatẽ adegissem? etiã ne tum regeres me amet manu peractã cedere? aliogn deesse adhuc aliqd mihi ad legem implendã diceret? atq; id grauiore supplicio interfecto maleficũ unũ solũ examina, istud mterroga, in hoc curiosus ingre, quis ficanorosorum superest? quis iniuriæ metus imminet? quæ uestigia calamitatum? sin uero purgata sunt, ac pacata oia, sycophantæ est, modũ rerũ calũniantem, uelle præmio ipsis factis debito fraudare. Ego siqdem hoc quoq; in legibus declaratum meminĩ (nisi forsã ob longã seruitutem sim quæ in illis dicuntur oblitus) causas mortis duas esse, siue q; ipse occiderit, seu siq; ipse qdem non occiderit, neq; manu rẽ gesserit, cõggit tamen, atq; occasionem necis dedit, æqualiter hũc etiã lex plectendũ censet. atq; admodũ qdem iuste, nã præbitam interitus causam nihilo iudicauit ipso facto minorẽ. ac reliqua iam de modo necis quæstio superuacua est. Illũ ergo, q; sic occiderit, puniendũ tanq; homicidã æquũ censeas, absoluiq; nullo pacto uelis, quero eodẽ, quo ille, modo, ciuitati benefecerit, indignum bene meritis præmio duces? Neq; enim istud possis dicere, me uideli-

et id fecisse tantum bonū autem exitum quēdam te-
mere non me id destināte consecutū. Quid ergo per-
tinuissē amplius, eo, qui fortior erat, interempto?
Quid in vulnere gladiū reliquissē, nisi id ipsum
oīno, quod erat futurū, prādiuinassē? Nisi hoc for-
tasse dixeris, quod qui pemptus est tyrannus non
erat, neq; hoc nomen obtinebat, neq; multa uos ob
id libetē, si necaretur, prāmia dedissetis, sed hoc nū-
quam dices. Ergo interēpto tyrāno, illi, q̄ necis cau-
sam prābuit, non reddes prāmiū? o curiositatem
quomodo necatus est curas, cū libertate fruaris. Ab
eouero, q̄ Remp. reddidit, amplius quicq̄ desyde-
ras. At q̄ lex (ut dicis) ipsum rerum caput exami-
nat, media autē omnia ualere sinit, neq; ultra curio-
sius inq̄rit. Quid enim, q̄ in exiliū tyrannum com-
pulisset, non honorem iam tyrannicidæ tulisset?
Immo, ac ualde q̄dem iuste. Nā et ille libertatem
pro seruitute prāstitit. At quod à me factum est
non exilium nec redintegrandæ rebellionis metus,
sed omnino perfecta sublatio est, & generis illius
uniuersi internitio, ac totius mali radiatus exa-
sio. Ac nunc per deos omnia mihi ab initio in
finem usque (si uidetur) excutite, an prātermis-
sum quicquam ad implendam legem fuerit, & an q̄c-
quam mihi defuit, quod adesse tyrannicidæ debu-
it. Ante omnia igitur animum adesse generosum
debet, atque Reip. studiosum, paratumq; pericula
pro communi commodo subire, ac propria mor-
te multorum salutem redimere. Ergo ad id mi-
hi quicquam defuit? An animo fractus sum? An

TYRANNICIDA

pericula prospiciens, per quæ mihi uadendum erat, detractaui? Non id dixeris. Mane ergo in hoc solo, ac me finge ex eo solo, quod uolui, atq; isto consilio fui, etiam si nihil inde boni prouenisset, tamen ob mentem ipsam assurgentem præmium tanquam bene merentem petere, cum tamen ego non potuerim, sed alius me secutus tyrannum occiderit. absolum (dic mihi) aut absurdum esset, tribuere, maximeq; si dicerem. O uiri, uolui, cupiui, aggressus sum, atq; animi mei signa dedi. Solus honore dignus sum. quid tum? Nunc uero non id dico, sed et ascendi, et periclitatus sum, atq; innumerabilia prius quam adolescentem peremeram feci, neq; enim rem usque adeo facilem esse suspicemini, custodiam superare, ac satellites opprimere, unumq; tot uiros auertere, sed ferme maximum in tyrannicidio, atq; ipsum rei caput istud est. Nam ipse quidem tyrannus, non magnum opus est, neq; magno negotio conficiendum, neq; expugnatum difficile. sed ea potius, quæ muniunt, ac tuentur tyrannidem, quæ qui uicerit, is omnia peregerit. nam reliquum quidem parum est. siquidem istud ad tyrannum usq; penetrare, nequaquam licuisset mihi, nisi custodum, qui eos angunt, ac satellitum omnium uictori, ac nisi eos omnes prius deuicissem. Nihil amplius adijcio. sed is rursus immoror, custodias superavi, satellites inquam, tyrannum incustoditum, inermem, nudum reddidi. ob hæc ne honore tibi dignus uideor? An adhuc a me cædem postulas? Atqui si cædem etiam quæris, nec istud quidem deest.

Neq; enim incruentus sum, sed perpetraui magnā,
 ac nobilē necem iuuenis florentis, atq; omnibus me
 tuendi, per quem etiam ille tutus ab insidijs erat,
 quo solo confidebat, qui multorum loco satellitum
 sufficit. Quid tum ergo? num præmio dignus sum?
 num tantarum rerum honore fraudabor? Quid
 enim si satellitem unum, si ministrum quēpiam ty-
 ranni peremissem? quid si seruum honoratiorem?
 annon magnum etiam hoc tibi uideretur, ascende-
 re, atq; in media arce, in medijs armis, aliquem ex
 amicis tyranni conficere? Nūc autem etiam illum,
 qui peremptus est, considera. filius erat tyranni,
 immo tyrannus grauior, ac dominus inclementior,
 et tortor crudelior, extortor uiolentior. Tum (quod
 maximum fuit) hæres omnium, atq; successor. Po-
 stremo qui in longum poterat nostras calamitates
 extendere. Vis'ne hoc me solum fecisse. tyrannum
 autem ipsum adhuc creptum fuga uiuere? Munus
 ob ista peto. quid dicitis? non dabitis? Non illū quoq;
 suspexistis? non dominus? non grauis? non intolerā-
 dus erat? Nunc uero etiam caput ipsum intelligite.
 Quod enim iste a' me flagitat, id quamoptime fie-
 ri potuit, peregi, ac tyrannum alterius nece necaui.
 non uulgariter, neq; uno ictu, quod illi post tot sce-
 lera maxime fuit optandum. sed dolore multo pri-
 us exagitans. Et in oculis ostendēs misere prostra-
 ta, quæ illi fuerant carissima, filium quāquam ma-
 lum, tamen ætate florentem, ac patri similem, san-
 guine ac tabo plenum. Hæc sunt patrum uulnera,
 hi legitimorum tyrannicidarū gladij, Hæc tyrann-

TYRANNICIDA

nis crudelibus digna mors. Hoc supplicium sceleribus tantis debitum. Nā ilico mori, ilico nescire, nullum tale spectaculum cernere, nihil habet tyrannica poena dignum. Nō enim ignorabam (te appello) nō inquam ignorabam, immo nec alius quisq̃ quantum ille erga filium gerebat affectum, & quod post illum uiuere ne paululum quidem dignaretur. Atq; oēs fortasse patres sunt in filios eiusmodi. At hic certe aliquid supra ceteros habebat, idq; merito, quippe qui illum solum uidebat ducem, seruatoremq; tyrannidis, solumq; pericula patris praecipuam, ac firmitatem imperio praestantem. Vnde etiam q̃q̃ non ob amorem, at ob desperationem salutem statim illum sciebam moriturum, cum cogitaret, inutilem sibi uitam futuram, securitate, quam illi filius praebat, ablata. Omnibus igitur illum simul circūsepsi, natura, dolore, desperatione, terrore, ac temporum etiā futurorum metu. His in illum cōmulitonibus usus sum, & ad ultimum illud consiliū cōēgi. Interijt nobis orbus, afflictus, dolens, lachrymans, luctum lugens, breuē q̃dem, sed q̃ patri sufficiat, & qd̃ grauissimū est, ipse à seipso, quod mortis genus omniū est miserrimū, multoq; acerbius, q̃ si inferatur ab alio. Vbi mihi gladius est? num q̃s illum agnoscat alius? num cuiusq̃ alterius telum est? Quis illum in arcem duxit? Ante tyrannum quis usus est? q̃s illum tyranno misit? O ens mecum communicans, rerum à me bene gestarum successor, post tot discrimina, post tot mortes despicimur, & indigni praemio uidemur. Si enim ob istud solū

hunc à vobis honorem peterem, si dicerem, O uiri tyranno mortem cupienti, ac tum inermi forte deprehenso, meus iste subseruiuit gladius, atq; operā suam ad consequendā libertatem commodauit omnibus, honore, ac præmio indignum putassetis? dominum tam popularis rei non rethaliassetis, non inter benefactores inscripsissetis? nō inter sacra gladium ipsum reposuissetis? non secundū deos illum coluissetis? Nunc mecum cogitate, qualia tyrānum ipsum ante mortem & fecisse, & dixisse sit uerisimile, cū filium perimerem, ac uulneribus multis in parte corporis conspicua perfoderem, quo uidelicet genitor ureretur, atque aspectu primo stupefceret, miserabiliter exclamauit, atque inlamaruit patrem, non ut auxiliator esset, aut commilito, quippe qui iam senex erat, atque inualidus, sed domesticorum malorum spectator. Ego illinc digredior, totius quidem Tragœdiæ author. Reliqui uero histrioni cadauer, & scenam, & ensē, ac cætera, quæ fabulæ supererant. At ille cum adesset, ac uideret filium, quem habebat unicum, uix respirantem, lacrum, ac morte plenum, uulnera quoque illa densa, ac multa, & letalia gerentem, sic exclamauit, O nate, sublati sumus, interempti sumus, tyranni cæsi sumus, ubi iste interfector est? ad quid mihi parat? cui me reseruat malo, per te iam fili præmortuum? nisi me forte, utpote senem, contemnit, & lente me perimere decreuit, ac mortem mihi producat, ut necem mihi faciat longiorem. Et simul ista dicens, ensē quærebat, ipse

TYRANNICIDA

autem erat innermis, ut qui omnem in filio spem
 reposuerat. At ne is quidem defuit, iandudum
 enim à me ante præparatus erat, atq; ad faciurus
 futurum relictus. ergo ex corpore euellens, & ex
 vulnere gladium eximens iandudum me occidisti,
 peremisti, nunc uero mihi finem facto. ó ensis in-
 quit, patri lugenti consolator ueni, atq; infelicem
 senis manum adiuua. iugula tyrannum, perime,
 ac luctu solue. Vtinam in te prior inadissem. uti-
 nam ordinem cædis incepissem, cecidissem quidem,
 at ut tyrannus tantum, at ultorem sperans, nunc
 uero ut orbus, nunc uero ut etiam carnificis egens.
 & hæc simul dicens, vulnus intulit tremulus, impo-
 tens, cupiens quidem, inualidus tamen ad facinoris
 ministerium. quot sunt ista supplicia? quot vulne-
 ra? quot mortes? quot tyrannicidia, quot præ-
 mia? Et tandem uidistis omnes iacentem iuuenem,
 opus neq; paruum, neq; facile. Senem uero illi cir-
 cumsusum, cruorem utriusq; inhærentem, atq; il-
 lam libertatis, & uictoriæ parentem libitinam
 & nostri ensis operam. Ensem uero ipsum inter
 utrunq; monstratum, declarantem quàm non in-
 dignus domino sit, testantemq; quod mihi sit fide-
 liter obsecutus. Hoc si ergo fecissem, obscurius fuisset,
 nunc uero redditur ipsa nouitate splendidius.
 Qui tyrannidem ergo omnem sustuli, ego sum. o-
 pus autem in multos distributum est. quemadmo-
 dum in fabula. Atq; egi primas quidem partes
 ego, secundas uero filius. Tercias tyrannus ipse, en-
 sis autem subseruiuit omnibus.

Declamatio

225
DECLAMATIO THOMAE MORI,
QVA SUPERIORI DECLAMA
TIONI RESPONDET.

n On putaueram iudices ei, q̄ (id quod
ego nunc facio) publicam causam su-
scēpisset agendam, opus fore, ut cur
id facere instituerit, rationem red-
dat. neq; enim ullum fore periculū,
ne id malitia potius aggressus, quā pietate uideaz-
tur, cum hoc certissimum praebeat magnae integri-
tatis argumentum, quod aliorum omnium commo-
dis elegerit suo privato labore consulere. Quod
quāquam omnes istiusmodi causarum patronos me-
rito posse existimem ab omni calumniae suspicionē
defendere, me tamen omnium meritissime, qui ut
omnibus prosim. non solum hūc mihi laborem de-
sumpsi, sed inimicitias etiam cum eo uiro contra-
xi, qui se tyrannos quoq; iactat occidisse. Sed quo-
niam nihil tam recte cōceptum esse uideo, quod non
improborum uellicet, ac deprauet iniquitas, et quos-
dam iam nunc mussitantes audio, qui istius oratio-
ne persuasi, hoc meum officium in peiorem partem
rapiunt. Statui iudices uobis huius actionis meae cau-
sas exponere, nequis industriae meae malignus in-
terpres, eam dolori, odio, uel inuidiae conetur ascri-
bere. Ac primum, quid est, cur tyranni mortem
dolere puter? nam id iste mihi nuper obiecit, pro-
bationem uero nullam attulit dixisse tantum con-
tentus, & credi sibi sine argumento, sine teste postu-

275

ff

THOMAE MORI

lat. Immo (inquit) nisi doleres, nisi tyranni mortem
 ulasci cuperes, mecum non contenderes. Ergo eo so-
 lo lugere me tyranni mortem probas, quod tibi ob
 eius necem præmium iniuste petenti ego me iuste
 opposui? Vis uidere quàm nihil dicis? Si te tyran-
 num occidisse probes, ego tecum litigare, nec si ue-
 lim possem, nec si possem, uelim. Nunc uero quid
 aliud contra te dicturus sum, quàm quod illum
 non occidisti? Si tu interfecisses, nihil quererem, im-
 mo laudarem, admirarer, ac præmium primus
 decernerem. nunc uero ideo tibi contradico, ideo
 tibi honorem denego, ideo aduersor, ideo quoror,
 quia tyrannum non occidisti. Num igitur occisum
 protinus dolere uideor? Ostendisse potius iudi-
 ces debuit me tyranno fuisse uel sanguine coniun-
 ctum, uel affinitate propinquum, uel beneficijs
 deuinctum, uel scelerum communione fœdera-
 tum. At istorum quicquam ne fingere quidem po-
 tuit. Ergo si neque cognatus illi, neque affinis fui,
 si mea opera nunquam in cuiusquam iniuriâ usus
 est, si me ab illo beneficij nihil in me collatum est,
 si me acerba seruitute cum cæteris simul oppressit,
 si me illius interitus libertati uobiscum unâ restitu-
 it, quid causæ est, ut illius mortem meæ salutis, ac
 libertatis auspiciu doleam? At o' dū certe tan-
 tundem causæ est. Nam quid egit, quod odium in
 illum prouocaret meum? Primo tyranni filium in-
 terfecit. Postea uero tyranno sibi manus inferente
 iste præmium tanquam tyrannicida petijt. Quo-
 rum alterum puta, quod iuuenem peremit, quā-

quam id ipsum parum consulte, parumq; ex communi commodo fecerat, nisi dii nobis fuissent propitij, fecit ille tamen animo (quantum ego certe suspicor) non male. Alterum uero, nempe quod præmium postulat, cum non meruerit, ut nunc sunt hominum ingenia, non miror, & ignosco certe, modo possit auferre. Neutrum istorum odium in illum meum cōtat. Extra hæc nihil unquam fecit, quod ad me ullo modo pertineat. Ergo tam iniquus sim, ut hominem uix tandem satis aut de facie, aut fama notum, qui me nec re offenderat, nec uerbo læserat, gratis odio persequeretur? Restat inuidiæ diluenda suspicio, quæ talis est, ut nullo malo carere uelim libentius. Nam cum omnia uitia sint suapte natura pernitiōsa, nullum tamen est liuore pestilentius, quodq; pectus, cui semel infederit, grauioribus tormentis exagitet. Nempe alterius fortunam suam infortunium ducere, secundis aliorum rebus æstuare, alienis laudibus uri, aliena felicitate torqueri, an non summa miseria, non extrema dementia est? Itaq; si a quoquam alio uitio iudices absūm, ab hoc certe longissime absūm. Cuius unquam fortunas impetij? Cuius res bene gestas eleuauī? Cuius laudibus unquam detraxi? Cuius famam labe respersi? Certe ab huius uitij suspitione si me mediocris ista fortuna mea non asserit, quæ non tam inops est, ut aliorum opibus, ac præmijs inuideam. Si me antea acta uita nō uindicat, quæ non usque adeo est rerum bene gestarum indiga, ut aliena debeam laude tabescere,

ff 2

THOMAE MORI

At ipsa me hercle causa prorsus absoluit, quæ talis est, ut potius omnium ueniam, quàm cuiusquam mereatur inuidiam. Quæso iudices, quod tandem odij signum, quod inuidiæ documentum præ me fero? Non prouoco, non irascor, non accuso, urbem tantum in ius uocatam ab illo defendo. sed cur sedentibus ergo cæteris, ac tacentibus uniuersis, atq; in his multis, & clarissimis uiris, & autoritate præstantibus, & multo ad dicendum instructioribus, ego potissimum surgo, & petenti præmia contradico? Illi ipsi profecto quin mecum sentiant non dubito, & quin ex iis plerique sint, qui hoc ipsum officium, nisi ego iam suscepissem, libenter fuerint obituri. Neque tamen ideo culpandus sum, quod me pro patria primus obtulerim. Quicquid est, alieni silentij causas non debeo. Me certe ad dicendum cum Reip. causa, tum deorum immortalium respectus incitabat. Nempe cum uiderem satis tenues ærarij nostri prouentus, & præsentem pecuniam nimis exiguam, tum instare multas necessarij sumptus occasiones, non ferebam uti ciuitas hoc insuper non necessario sumptu multaretur. Tyrannicij præmium quantum sit non ignoratis, ac merito quidem. Quod enim pretium satis grande sit, quo agri, foca, fortunæ, liberi, coniuges, salus ac libertas omnium, postremo ipsæ deorum aræ, atque templa redimuntur? Quod quo maius, atque urbi onerosius est, eo magis à nobis prospiciendum est, ne temere collocetur. Satis iudices, satis impensæ, ac sumptus imminet. Sa-

tis effundendum est, ut ærariū nostrum tam pro-
 funde, non iste etiam, cui nihil debemus, exhau-
 riat. Præterea cum hoc tyrannicidium sola deo-
 rum clementia prouenerit, qui toties inelamati
 calamitatum tandem nostrarum miserti, crude-
 lissimi nos iugo tyranni soluere, ac libertati red-
 dere uoluerunt. non ferendum putavi, ut ciuitas
 honorem, gratiamq; dijs benemerentibus ablatam
 homini non merenti tribueret. Totum autem hoc
 negotij fortunæ, deorumq; benignitati deberi, huic
 nihil gratiæ, apertissimis argumentis docebo. quod
 dum facio, quæso iudices diligenter attendite. Tres
 sunt, quorum iste quodlibet sufficere sibi ad hunc
 honorem consequendum putat, uel quod tyranni
 peremit filium, uel quod tyrannum tentauit occi-
 dere, uel quod pater filij nece commotus ense,
 quem iste reliquerat, mortem sibi consciiuit. Ergo
 illius adolescentis cædes tyrannicidium uidetur?
 Quid nū? nempe & ille(inquit)tyrannus erat.
 Quis id credat iudices, urbem unam duobus suf-
 fecisse tyrannis? duos tyrannos inuicem concor-
 des eadem incoluisse mœnia? unius urbis ambitu
 potuisse contineri? quorum alterutri uix uel or-
 bis uniuersus suffecerit? Quisquis id credendum
 duxerit, is mihi parum uidetur tyrannicam con-
 sydere naturam. Nam legitimæ quoque pote-
 states, ac non solum legibus gubernantes, sed eti-
 am legibus obtemperantes, & tyrannide tanto
 interuallo mitiores, ambitione tamen ita uincun-
 tur, ut nec uel intimorum amicorum uitæ par-

THOMAE MORI

ant potius quàm eos habeant imperij sui confor-
tes. Quis tyrannum credat natura ferum, ac uio-
lentum, cum imperij sui cuius ardore hominum le-
ges protriuerit, deorum contempserit, uitam negle-
xerit, socium quenquam admittere? Quin bruto-
rum quoque plerunque formæ, quæ (quod tyran-
norum proprium est) rapto uiuet, quibus solius pa-
buli cura impressit aliqua tyrannicæ naturæ ue-
stigia, in proprios foetus sæuiunt potius, quàm so-
cios illos uenationis accipiant. Et hominem tyran-
num putamus, quem fastus inflat, ambitio stimu-
lat, cupiditas urget, gloria sollicitat, suâ cum quoq̃
posse communicare tyrannidem? At iste non so-
lum duos tyrānos facit, uerumetiam adolescentem
plus quàm tyrannum uult uideri. Nam ciuibus
atroces (inquit) iniurias fecit, cæde, rapina, stu-
pro, omnibus denique scelerum formis insignis.
Nomine quidem abstinuit, cæterum re ipsa tyran-
nidis caput erat, ac parente plus potuit, eum ut uo-
lebat, rexit. At longe contra se res habet iudices.
Nimirum impotens semper, ac formidolosa res ty-
rannis est. Neque filius profecto patrem tulisset,
si posset, neque filio tantum permisisset pater, ut
posset. Nemo tyrannis est hærede suspectior, qui
eo maiorem parenti metum incutit, quo magis fero-
cem eius indolem, ac tyrannicos mores expresserit.
Continebat ergo filij sui cupiditates, atque adole-
scenti stringebat potius, quàm laxabat habenas,
ne uiribus nimium inualescens iuuenis, imperij
auidus, atque opibus insolens, nec sibi iam impe-

rans, tandem ne parenti quidem parceret, quin
iam Saturno superi Iouem præferrent. Nam si
iniurias interdum fecit, quid aliud quàm se pa-
renti satellitem præbuit, ex quibus quotus quisq;
est, qui non grassetur, nuptias uiolet, domos com-
pilet, fana dispoliet, obuios cædat, atque optimum
quenq; trucidet? sed quoniam unus est, cuius po-
tentia, atque umbra freti, tam scelerata grassan-
tur audacia, poenas alioquin fæanorum suorum,
uel illi, uel publicis legibus daturi, ipsi quidem la-
trones, homicidæ, fures, adulteri. solus autem unus
ille scelerum princeps sub cuius nomine omnes im-
pune delitescent, tyrannus est. At ille adolescens
si quando patrabat aliquid atrocius, patrem sem-
per sic imperasse dicebat, neque ego quin impe-
rarit, dubito. Nam filius quâquam ea indole fu-
it, ut parentem aliquando uideretur (si ad tantam
peruenisset ætatem) flagitijs, ac sceleribus æquatu-
rus, tamen in hac adolescentia præ illius crudeli-
tate, ac sæuitia, quibus iam à puero semper assue-
tus insenuerat, rudis adhuc miles, ac uix tiro fu-
it, neque fere magnum quicquam nisi à patre
iussus, atque edoctus agebat. sed siue non nisi ius-
sus illa faciebat, siue ipse etiam iniussus audebat,
tamen cum tanquam iussus egerit, cum neq; tyran-
ni nomen usurparit, neq; se pro tyranno gesserit,
sed patri se parère significarit, & ausorum suo-
rum causas in illum retulerit, cum alium se po-
tentiorem esse confessus sit, cuius uiribus fideret,
à quo omnis eius penderet impunitas, furem siue

ff 4

TYRANNICIDA

lis, aut sacrilegum, uel si quod aliud nomen ma-
 nis, appelles, at is profecto non est, in quo fieri ty-
 rannicidium potest. Quod si illum omnia solum po-
 tuisse, ac re ipsa tyrannū fuisse contendas (et quod
 paulo ante iactabas) ilico eius morte liberam fuis-
 se Remp. Fingamus obsecro adhuc parentem uiue-
 re, sed non fugatum tamen, quod nescio cur ipse
 finxisti, quippe quem nec ipse fugaueras, neque
 cur ei fugiendum esset, effeceras. Filio enim tantum
 per insidias adempto, reliquis uiribus integris,
 non uideor cur patri magis desperandum, aut fu-
 giendum fuerit, quam si aut filius ei natus non fu-
 isset, aut peste correptus obisset. Patrem ergo finge-
 mus (ut dixi) uiuentem, ac filio quidem unico orba-
 tum, sed satellitum tamen ceterua cinctum, cædem
 filij lachrymantem, sed interfectori munantem, atq;
 omnia suppliciorum genera destinantem. in forum
 uultu tristi quidem, sed tamen cruci procurrere,
 et prolato, quem tu reliquisti, gladio, ingentia polli-
 ceri præmia, si quis eius ensis dominum prodide-
 rit, hic tum foro iam ab illo, atq; eius satellitibus oc-
 cupato, et in caput tuum quæstione iam haberi cæ-
 pta, in publicum fortis tyrannicida procurrere, et
 in medios globos irruens tyrannum te occidisse pro-
 clamita, libertatem omnibus denuntia, ac tyrann-
 nicidij præmium postula. Quid fugis? Quid la-
 tebras quæris? Quid tyrannicida metuis? An non
 libera est Respublica? An non tyrannus occisus
 est? Neque ergo, is quem peremisti, tyrannus erat.
 sed quidam potius tyranni satelles, neq; eius morte

citatis
 te diceb
 dem, in
 Quid
 mna fu
 si demer
 quam di
 ut, qui p
 um fieri
 in locum
 tyrannus.
 permissum
 no mortuo
 fultura let
 in morte p
 g fecus in
 no, populo
 pauer, du
 in libertate
 populo miri
 quam uel e
 nere q; quis
 si successio
 est tam non
 permissi
 tyrannum
 tyrannicidij
 cuius morte
 sed nolui
 negari na

civitas libertati restituta est, quod solum paulo ante dicebas huius legis spectasse latorem. At hæredem, inquit, occidi. Quid mihi hæredes nominat? Quid in tyrannide leges memorat? Legum ista nomina sunt. Iuris est ista successio. An pirate filiū si demortui patris locum impleuerit, hæredem quæquam dixerit? Intestatus semper tyrannus moritur, quippe legibus ab illo captius, quæ solo ratum facere testamentum possunt. Proinde qui defuncti locum tyranni subit, hæres non est, sed novus tyrannus. Nō enim succedit, sed inuadit, at illi nūc peruissemus. Istud qui constat? Ego contra, tyranno mortuo populum ilico liberū esse dico. Alioquin frustra lex tyranniciæ præmium statuit, si alterius morte in alterius potestatem recidimus. sed longe secus iudices, defuncto enim quolibet casu tyranno, populus iam tum liber, dum amici luctu occupantur, dum stupent eius morte satellites, ilico sese in libertatem asseruisset, neque plus filius aduersus populi vires tum ualuisset, quàm nunc potest quisquam uel ex amicis tyranni potentissimus, aut genere quæquis ei fuit post filium proximus, ad quæ, si successionis nomen, atque hæreditatis audiendum est, tam nunc tyrannis pertinet, quàm ad filium pertinuisset. Qui satellitem igitur, qui amicum, qui cognatum, qui filium tyranni peremerit, frustra tyrannici dium iactauerit. Tyrannus ipse solus est, cuius necem tanto præmio Respublica mercatur. sed uolui (inquit) perituri, periclitatus sum, quod negari ne possit. Filio tyranni perempto, spe futu-

THOMAE MORI

re tyrannidis extincta, præclarum animi mei documentum reliqui, uel hoc solum sufficere mihi ad hunc honorem puto. Hic uide obsecro quàm nihil maleuole, quàm simpliciter agam tecum omnia, quæ ex re tua totum hoc negotium minime suspiciosus interpretor. Nam si alius hanc ageret causam, nec tamen ex inimicis tuis, sed ex acrioribus istis actoribus quispiam, qui locos omnes excutunt, et suspicionibus urgent, ac moleste nimium premunt, sic hercules hunc tractaret locum, ut te nec id tentasse unquam, nec destinasse contenderet. Quod si tu uociferareris mirari te, quenquam, tam insigni esse impudentia, ut talia dicere occiso in ipso conatu tyranni filio audeat, hic ille protinus quasi fieri non potuerit, inquiet, ut non patriam liberaturus, quod non præstitisti, non tyrannum occisurus, quæ non attigisti, sed ipsum potius iuuenem, quem trucidasti, perempturus ascenderis. Illatam tibi priuatim aliquam ulturus, ac retaliaturus iniuriã. Hic si instaret, urgeret, premeret, ac certas aliquas probationes illius animi tui, ac propositi flagitaret, uides (ut opinor) in quantas traheretur angustias. sed ego tecum hoc pacto non agam, quippe qui in rebus (cuiusmodi ista est) uehementer obscurus assueui semper in meliorem partem esse procliuior. Permitto itaque tibi, ut ista fecisse animo in Rēp. propenso uidearis. Voluisti ergo, ac tentasti prorsus auferre tyrannidem. Hoc tibi uidetur isto præmio compensandum? Primum quod uoluisti, quis non uidet quàm sit exiguum? Nam hac ratione omnes

tyrann
frigid
deliss
do uero
rannici
exposi
uidebim
nobis iu
m. Qu
nat, qui
ada non
te, quare
tyrannide
te. Nat
um comp
am, ne qu
cuius si
cing me
ne talent
inductur
cimentis
neri fenge
fu me ia
moleste
quia non
fuit inas
est. At
lius hab
nihil im
mederi

tyrannici di praeuium peteremus. Quis enim tam frigido in Remp. animo fuerit, ut tyrannum crue delissimum non libenter auferre uoluerit? Tentando uero quid aliud declarasti, quam quod esse tyrannicida uoluisti? Quod te praeterea periculis exposuisti, an id praeuium meruerit ullum, postea uidebimus. Quod autem istud non meruit, spero uobis iudices esse uel sola legis recitatione perspicuum. Quae cum praeuium nisi tyrannicidae non statuat, qui uero tyrannum non ceciderit, esse tyrannicida non possit, quantumlibet quispiam tentauerit, quantiscunq; sese periculis exposuerit, frustra tyrannici di praeuium (nisi caeso tyranno) petierit. Nam ei, qui dum conatur occidere, in exilium compulerit, praeuium quidem, sed neq; tantum, neque tanquam tyrannicidae decernam. Et enim si morbo quopiam laborans denuntiem, qui cunq; me sanauerit, ei recuperata ualitudine tria me talenta daturum, ueniat aliquis spe mercedis inductus, qui mei curam suscipiat, deinde medicamentis quibusdam adhibitis, ubi frustra se conari senserit, artem suam morbo uictam confessus, me iam deploratum relinquat, aliqua tamen molestiae parte leuatum, sanitatis illi mercedem, quia non sanauit, non debeo, rursum quia profuit, inanem prorsus a me dimittere haud aequum est. At si post mille pharmaca, nihilo tamen melius habentem destituat, praemij nihil meretur, qui nihil inuit. gratiae uero tantundem fere, qui quod mederi tentauit, sui gratia, non mei fecit. Quod

si insigniter medicæ artis ignarus, rem tamen ag-
gredi fuerit ausus, atq; aliquantisper misere uene-
nis adfectum, postea dimittat, cum iam non mo-
do nihil opis tulit, sed plurimum doloris addi-
dit, etiam si sese gratis obtulerit, utrum amore di-
gnus est, quod me suo labore tandiu nulla præ-
mij spe tam officiose uexauit, an summo potius o-
dio, quod temere sese meo periculo, ei negotio, cuius
erat imperitus, immiscuit? Huic rei indices haud
multum mihi uidetur præsens causa dissimilis. Lex
etenim tyrannicidam conducere uehementer alicun-
de studet, eiq; præmium certum tyranno cæso, pol-
licetur. sed tyrannicidam cum dicat indices, homi-
nem quærit artificem, non manu tantum fortem,
sed pectore quoq; multo magis ualentem, consilio
potius quàm uiribus præstantem, qui insidias ten-
dere, laqueos abscondere, occasiones captare noue-
rit. Ergo hanc prouinciam si quis huiusmodi susce-
perit, qui tyrannum ipsum arte ex insidijs adoria-
tur, adorsum opprimat, oppressum interimat, nec
re coepta semel, nisi perfecta, desistat, hic tyranni-
cidij præmium audacter postulet. sin id quidem
non potuerit, quod autem proximum est, & con-
fine fecerit, tyrannum uidelicet uel in exilium ab-
egerit, uel ad deditionem condonata uita cøgerit,
uel ad deponendam tyrannidem certa conditione
compulerit, hunc ego præmio dignum neq; nul-
lo quidem, neq; tamen tyrannicidæ iudico. At si
quis manu potens, mentis inops, illarū penitus igna-
rus artium, quibus instructum esse tyrannicidam

oportet
filio pu-
similior
sancienti
aliquando
dam sibi
impus
quodam
opiat, se
sibi cæ-
nere cæpe-
rentur in
eo, consil-
in tyrann-
tyrannicida
ne. Volui
sim. v. tyr-
tyrannicida
lam potius
supplicio q-
um frater
uenerit
re, ut po-
tyrannicida
rim. v. id
ste uel se
hiladum
si neq; ne
tyrannus
plus qu-

oportet, qui rem uiribus egere tantum, ac non consilio putet, qui deniq; Aiaci multo sit quàm vlyssi similior. sed Aiaci tamen iam abiudicatis armis insanienti, armenta hominum loco trucidanti. si huiusmodi inquam quispiam rem tantam conficiendam sibi desumpserit, tum nec insidias collocans, nec tempus eligens, nec occasionem expectans, impetue quodam proruat, nec ab ipso tamen tyranno incipiat, sed in satellites eius insiliat, dato interim illi sibi cauendi loco, tum subducto tyranno, re temere cœpta, stulte gesta, per ignauiam relictæ, ac penitus infectæ, sola sibi fugæ abiecto etiam gladio, consulat. Postea uero uel defuncto, uel interfecto tyranno, in publicum prodeat, præmium tanq̃ tyrannicida postulet, atq; huiusmodi utatur oratione. Volui iudices, ausus sum, tentavi, periclitatus sum. Vtrum iudices illi tyrannicidij præmium diceretis, quia tyrannum tentauit occidere. an malam potius gratiam haberetis, ac dignum etiam supplicio duceretis, quod sua temeritate non solum frustra periculis obiecerat, sed urbem etiam uniuersam in summum discrimen una præcipitauerat, utpote qui tyrannum stulte irritando fecerit & ciuibus infestiores, & aduersus insidias cautiores. Videtis ergo iudices quemadmodum id, quod iste uel solum satis esse confidebat, usque adeo nihil adiunxit, ut etiam non nihil officiat. Quãobrem si neq; is, quem peremit, tyrannus fuit, nec satis tyranni filium occidisse fuit, tentasse uero temere, plus quàm frustra fuit. Reliquum est, ut ultimū il

THOMAE MORI

lud, tyranni uidelicet ipsius mortem excutiamus, quam iste sibi nos debere disputat. Hoc totius negotij caput est, hoc si uobis iste persuaferit, causae nihil est, quin uicerit. Contraq; si ego hanc partem euicero, atque sacram hanc (quod aiunt) anchoram illi praecidero, nonne ilico necesse est fluctuet, ac naufragio pereat? Idcirco iudices hic etiam, atq; etiam obsecro, ut quammaxime sitis attentis, dum tyranni caedem doceo, ex qua tota ista pendet controuersia, nihil ad istum quicquam pertinere. Totum ergo hunc locum iudices, sic ab isto tractatum esse meministis, ut qui uobis persuadere cuperet, uti crederetis eum iam tum, cum filium perimeret, parentem, quod postea fecit, praescisse facturum. Sciebam (inquit) satis esse filium occidere, sciebam patrem ilico sese post mortem filij perempturum. Immo sciebas certe, cum sic hanc causam ageres, opus esse tibi, ut illa praescisse uidereris, alioquin frustra te praemium tyrannicidij petiturum. Si neq; ipse tyrannum peremisses, neq; id saltem fecisses, unde illi scires exitium imminere. Eam ob rem iudices exitum eius facti tam certum uideri uoluit, ut uobis etiam audientibus dixerit, ob id ipsum sese a tyranno manum abstinuisse, eumq; sibi ipsi pariter et istius gladio reliquisse, quem alioquin (ut ait) facile potuisset occidere, fecissetq; nisi de exitu securus scilicet, tunc de industria peperasset, ut paulo post miseri interiret. Hic igitur quid faciam? quod me potissimum uertam? unde argumenta conquiram, quibus hunc probem non esse rerum futurarum

praescisse
ratione
ritum
rabilem
hominem
ut inspi
quoniam
iam esse
dixit et
u. abstr
mentum
qua praec
pedire
nunc ediss
aliu potu
uideret
praescisse
amplius
credat
remover
nostrum
la quam
reuerse
quidem
hinc et
quod fecit
si tamen
et alia
nim si
pau occu

præscium? Quin illum percontemur potius, ac rationes aliquas exigamus, quibus ille nobis fidē rei tam longe supra fidem faciat, unde tam hanc mirabilem diuinandi peritiā nactus sit, utrumne homine quopiam docente didicerit, an numine potius inspirante conceperit. dic igitur nobis Tiresia, quonam probamento facies uti constet, comprehensam esse tibi rerum futurarum scientiam? de fossū alicubi thesaurum effode, cogitationes nostras euoluē, abstrusum aliquid, atque occultatum erue, quā miremur omnes. nempe eiusdem artis esse puto, & quæ præsentia latent edicere, & quæ sunt futura prædicere. Aut si tu futuris dūtaxat uales, aliqua nunc ediffere, aliquot posthac annis, aut (si libet) seculis potius euentura, quæ cum ex tuo præscripto ceciderint omnia, tum demum reddito, & futura te præscisse dicito. Interim profecto ægre (quā suspicor) obtinebis, ut quod te nesciente fiebat, id præscisse credaris ante quā fieret. quod si tum cum filiū interimeres, ignorabas patrē sese (quod postea fecit) occisurum, cur tu nunc eius cædis præmium postulas, quam (nisi uelis impudenter esse mendax) fateare necesse est, te ignorante, atque adeo ne cogitante quidem perpetratam esse? sed ideo se fortasse putat huius etiam neas authorem, quoniam illa cædes quā fecit, istius quoque (tametsi præter spem) causa tamen aliquo modo fuit. Quæ in re uos longe alia iudices opinor esse sententia. Neque enim si tyrannum casu quisquam, aut mente captus occidisset, ei tyrannici dī præmium dicerne-

THOMAE MORI

retis, quid ita? Nempe, quod inscius uterq; atq; im-
prudens occidisset, quanquā istius causa est aliqua
to (ut mihi uidetur) inferior. Nam si alteruter illo-
rum praeium peteret, tametsi peteret, qui peremis-
set ignarus, atq; ideo frustra peteret, peteret tamē,
qui peremisset. nunc uero Et isto nesciente, et non
ab ipso peremptus est. At nihil ego (inquit) neque
casu, neq; imprudens feci, sed filium consulto truci-
daui, atq; ita patri uolens, ac prudens mortis cau-
sam praeui, qui (ni ego filium occidissem) adhuc ty-
rannus uiueret. Age accedam etiam propius. Si tu
tyrannum aggressus, ut perimeres, deinde uictus
ab eo, proiecto etiam gladio, fugeres, atq; is equo
te persecutus, equo collapso praecipit in gladium tu-
um tam opportune caderet, ut eodem transfigere-
tur, an non hic posses eadem omnia dicere, uoluisse
te uidelicet, ac uolentem aggressum esse, uolentem
igitur, prudentemq; causas ei mortis attulisse? nam
nisi tu illum fuisses adortus, ille non fuisset occisus.
Sed non ne uides, ut eadem opera, uel magis fuga
tua gloriari liceat, Et ignauiae tuae praeium pe-
tere? nam nisi tu fugisses, ille non cecidisset, nisi tu
gladium turpiter abiecisses, nec transfixus ille fuisset.
Postremo hac ratione ignauos etiam tyranni-
cidas esse liceat. Quemadmodum licet uolens ador-
tus esses, ut interimeres, tamen postquam re infecta
fugisses, quod postea factum esset, tuum non iudica-
retur, licet id factum non fuisset, nisi tu aliquid an-
te fecisses. Ita etiā si tyrannum perempturus ascen-
disti, filiumq; dum patrem quaeris, occidisti, tamen
cum pergere

cum pergere, ac perficere quod inciperas uel timore non ausus sis, uel negligentia nolueris, uel casu non potueris, sed re prorsus infecta redieris, quicquid inde postea te inscio, atq; insperante prouenerit, id à te profectum esse ne dixeris. siquidē quicquid tuum dici potest, ibi desūt, ubi tu destitisti. At nec istud fortassis ei, quod ipse fecit, simile esse concedet. sed mihi hoc pacto, rursus opponet. Is, quem tu proponis, non ea mente tyrannum aggressus est, ut se poste aucto, ac fugiente, ille uictor dū persequeretur, occumberet. Ideoq; quod non proposuit, merito suum uocare non potest. At ego eo proposito peremi filium, ut pater sese dolore commotus occideret, atq; id facturum animo meo præcepi. uidetis iudices, ut nobis illa diuinatione sua rursus occurrit? Quæremus igitur ab eo quonam pacto præsenferit? præsciuerit? ne? an coniecerit? si se præsciuisse respondeat, neminem credo ei crediturum. sin coniecisse, interim nescisse se fatetur. sed opinatum esse tantum, hoc est dubitasse incertum fuisse. Postremo quid aliud quàm ignorasse? sed uideamus tamen quibus signis, quàm perspicuis argumentis rem tam inopinabilem ita collegerit euenturam, ut qđ alius nemo sperare potuisset, id ille sibi tanquam certum, atq; ineuitabile proposuerit. Noueram (inquit) quàm misere deperibat filium. Itā ne id tandem adeo te certum, ac securum reddidit, ut necem eius non tanquam forte secuturā, sed necessario futurā destinares? scio iudices haud mediocres illos affectus esse, quos erga liberos pa-

THOMAE MORI

ventum pectoribus in seuit natura, neq; tamen aut
 tantos, aut cuiquā tam exploratos esse crediderim,
 ut promittere sibi, ac spondere audeat (id quod iste
 se fecisse narrat) interempto filio patrem ultrone-
 um ei comitem futurum. Nam quotusquisq; ex ijs,
 quorum filij et unici, et atrissimi quotidie uel mor-
 bo cadunt, uel dolo pereunt, uel bello occumbunt,
 uel casu intereunt usque adeo moerore consternatur,
 ut sibi mortem sua sponte consciscat? Sed amor (in-
 quit) etiam desperatio non minor occasio desyderā-
 dæ mortis accessit. Quamobrem obsecro? An tu,
 cum filium perimeres, reliquos unā satellites o-
 mnes occidisti? non dices, opinor, stragem te tantam
 fecisse. Cæteros igitur adhuc retinebat, opum satis,
 uirium satis habebat. Quapropter uno adempto,
 cum tot adhuc essent incolumes, quorum omnium in-
 tererat maxime hunc incolumem esse, cur ei usque
 adeo desperandum fuit, ut non ab urbe, sed ex or-
 be festinaret effugere? An usquam gentium uiuere
 quēquam hodie suspicemur, qui id fecisset, quod ty-
 rannus iste fecit? Quid de alijs quærimus, quin te
 potius interrogemus, quem uerisimile est de te con-
 iecturam hanc fecisse, et tyrannum ex animo tuo
 spectasse. si tibi ergo filius perimeretur, atq; insu-
 per imminere uideretur nonnullum et fortunæ si-
 mul, et uitæ periculum, num potius eligeres te co-
 mitem filio dare, quā mortem illius ulcisci? An te
 metipse ne ab alijs occidereris occideres? Certe (ut
 pro te quoq; respondeamus) non faceres. Quomo-
 do ergo in mentem tibi uenire potuit, ut quod nec

alijs fecerit
 esse, in
 inquit
 nem reli
 almones. N
 uidetur
 fugissem
 libi reliq
 in gladio tu
 quis fuit gl
 e. salua
 tus timet, ip
 gladio pe pit
 tue unquam
 adit tyrann
 it, nec iste g
 vatum, quoc
 ndr. sed post
 uido) perrept
 rma semper
 noui ex pecc
 rississet, ac
 uam opera
 mot inuaser
 in audito, iam
 in libris cat
 libentur uon
 nelle supplu
 rias, iam se
 postremo su

alijs fecerunt, nec quisquam fecisset, nec tute facturus esses, id tyrannum cogitares facturum? At plane (inquit) cogitabam. Alioquin cur ibi gladium meum reliquissem? Recte nimirum ignaviae tuae nos admones. Nam cum hoc dicat iudices, nonne id uobis uidetur dicere, praesensi certe, alioquin cur inde fugissem? quid enim aliud est, alioquin cur gladium ibi reliquissem, quam alioquin cur inde abiecto gladio turpiter me in pedes dedissem? Nam quid opus fuit gladium tyranno relinquere? Ne de esset ei scilicet, quo periret? Ita ne qui omnium gladios timet, ipse gladio caret? Qui quicquid habet gladio pepit, gladio possidet, gladio tuetur, ei gladius unquam abfuerit? O' nouum prodigium iudices, tyrannus sine gladio. Neque illi gladius defuit, nec iste gladium ei reliquit, sed abiecit, nec futurum, quod euenit, uel leuissima coniectura prauidit. Sed posteaquam in arcem temere (nescio quomodo) perrepsisset, atque ibi adolescentem (ut est inuenta semper incautior) solum, securum, ac nihil minus expectantem, de improviso adortus oppressisset, ac potuisset fortasse progressus ulterius eadem opera tyrannum sustulisse, ilico hominem timor inuasit, intuentem ne uoce, uel gemitu morientis audito, iam tum proditus concurrentibus tyranni satellitibus caperetur. Iam ante oculos eius obuersabantur uincula, carcer, tormenta, ac mortes mille, mille supplicia, quorum imaginatione uana perterritus, iam strepitum omnem, omnem sonitum, ac postremo suam ipsius umbram expauescens. tam

THOMAE MORI

nunc repente timidus, quàm ante temerarius, ex arce se proripuit, nec secum gladium saltem tollere ausus est, seu ne esset fugæ tardior, seu ne cum ense deprehensus insidiatus fuisse tyranno diceretur, quo nunc perempto recurrit insolens, & tanquam ipse occiderit, tyrannicidij præmium postulat. Age ergo tyrannum ipsum non quæro an peremeris, hoc tantum quæro, an peremisse potueris. Si non potueris, ergo occasionem non expectasti, locum idoneum non elegisti, tempus opportunum non captasti, sed temere, sine consilio, sine ratione, præceps incepisti, quod perficere non ualueris. Nec illum ergo te iactes occidisse, quem te fateris nec potuisse. Sin potueris magnæ profecto uel inertiae, uel ignauiae fuit, quod non feceris. Immo (inquit) potui sed de industria supersedi. Satis iam fecerā, filium occideram, patrem dolori suo, et gladio meo reliqui, quo eum sese perempturum praeuidi. O inuerecundum, si ista mentiris. O insanum, si non mentiris, si tam incredibilia finxisti, miramur impudentiam, si tam absurda cogitasti, miramur amentiam. Tū ne adeo eras insanus, ut cum uno ictu potueris & uitam tuam, & Reip. salutem in tuto collocare, malueris omnia dubijs fortunæ casibus exponere, & tibi futurum promittere, quod sanus auderet nemo sperare? quod si tyrānus id uoluisset, quod tute haud dubie fecisses, et quod illum quoque facturum longe uerisimilius quàm quod fecit fuit, conclamasset satellites, cōegisset sicarios, armasset carnifices, ac prolato filij cadauere, et natura crudelis, et tā atroci spectaculo irritatus,

iram, ac
per quen
sam, prop
na demer
fer hodie
nos Rom
dij immo
lati sunt,
dij nobis in
lati sunt.
fuerunt, a
me nobis
nam tyrann
uere filio,
bebat ciuiba
uere filio
quod ante p
funditus omi
exp. istius p
extremum ill
pus iam uera
perena famo
am propè
in ipsum ty
niet ut citi
periculo fut
em potuisse
tyrannum
uere in sese
fuisse uersu

iram, ac furorem illum effudisset, primum in te, per quem filius occisus, deinde in urbem uniuersam, propter quam occisus est, quæ si contigissent (ut tua dementia propemodum contigerant) neq; tu miser hodie uiueres, qui hoc præmium peteres, neque nos Remp. ullam, a qua peti posset, haberemus. sed dii immortales, iudices, uota, precesq; nostras recordati sunt, dii seruitutis nostræ mala misarati sunt, dii nobis in summis, atq; extremis periculis auxiliati sunt. Qui cum semper huic urbi succurrere statuisset, id potissimum tempus elegerunt, quo maxime nobis beneficium suum commendare possent. Nam tyrannus quāquam semper erat molestus, uiuente filio, tamen eo nomine minus grauis incumbebat ciuibus, ne miseram penitus, atq; exhaustam urbem filio relinqueret. At eo trucidato propter quod ante pepercerat, cui dubium esse potest, quin funditus omnia direpturus fuerit. Postquam ergo Resp. istius primum temeritate, deinde ignauia in extremum illud periculum corruisset, superi tempus iam uenisse rati, quo perpetuam nobis insculperent fauoris sui memoriam, omnia mala, quæ tam propè ceruicibus nostris imminebant, subito in ipsum tyranni caput auerterunt. idq; tam celeriter, ut citius nos periculo liberatos esse, quàm in periculo fuisse cognouerimus, ne nos interim saltem potuisset discriminis tanti metus urgente. Quis tyrannum putasset, iudices, reperto filij sui cadauere in sese potius, quàm in hanc urbem gladium fuisse uersurum, nisi nostri studio superi in propri-

THOMAE MORI

am illum perniciem, immixtus ei furij agitaſſent?
Itaq; iam nunc uidere mihi uideor micantes latro-
nis oculos, obducta ſupercilia, contractam frontem,
genas pallentes, dentes ſtridentes, labra tumentia.
Denuque qualem Peniheum deſcribunt poëtae toto
ore, toto uultu ſuæ prodentem mentis inſaniam.
Cum primum ingreſſus filium reperiret occiſum,
quid illum feaſſe, quid clamaſſe ſuſpicemur? quid
aliud quàm ut impium, atque dementem, ſpurciſ-
ſimo rictu inſana in ſuperos euomiſſe conuitia?
O deorum iram, o numinum inuidiam. Video
cœlites odiſturi ſigna, uideo liuoris atri ueſtigia.
Nihil uobis uiuit iniquius, nihil ambitioſius, nihil
inuidentiſ. ſoli imperare, ſoli regnare uultis, nec
ſatis propria felicitate contenti, ſemper aliena tabe
ſcitis, cur non mecum in certamen deſcenditis? Cur
ignauum inſidiatorem filio ſummiſiſtis? Ille quiſ-
quis erat, cum tyranno in certamen etiam ingre-
di non auſus eſt. hoc certe ſaltem gaudeo, quod ne-
mo ſe poterit tyranniadam dicere. Nemo tyrannici
dij præmium petere. Nemo enim tyrannum occi-
det hodie, niſi tyrannus. Tyrannus ego hodie uel
diſ inuitis moriar. Huiusmodi ergo deliria cum
blateraſſet, in gladium tandem amens, ac furioſus
incubuit. Tyrannus igitur iudices iſtus gladio, im-
mo nec iſtus quippe, quem ante abiecerat manu q-
dem ſuapte, ſed ſola deorum opera perfoſſus ia-
cet. At nunc iſte ſibi, cuius ibi nullæ partes erant,
primas uendicat. Itaq; qui me ſycophantam uoca-
bas, uide obſecro uter noſtrum huic uitio propior

est, ego
dimicant
na potius
alijs, at
phare?
regere m
tam clar
laudibus
deſpice. qu
ut tamen
Nam iſte
ueret ad m
diſ amplius
quàm gladi
ui? Diſ gl
lum reſer
uerſam ut
ſua conſect
men illud
uerſum.
obſer, pe
inſperatæ
rum contra
uius homi
ne hanc u
ingratam
debere ſe
benignitate
fuitos ſe
contulere

est, ego ne, qui tecum hodie pro Rep. superisq;
 dimicans præmium tamen nec uictor postulo, an
 tu potius, qui desertor, ac fugitiuus contendis tamen
 alijs, atque his quidem dijs, uincantibus ipse trium
 phare? Desine desine aliena uirtute partam tibi ar
 rogare uictoriam. Desine deorum in hanc urbem
 tam clarum obscurare beneficium. Desine deorum
 laudibus obsistere, & ab hac temeraria petitione
 desiste. quod si iste iudices molestus esse perrexerit,
 uos tamen ipsam rem æquis lancibus expendite.
 Nam iste quid aliud, quàm tyrannum ut sibi ca
 ueret admonuit? Dijs ne cauere sibi posset, ne insi
 dijs amplius opus esset effecerunt. Iste quid aliud,
 quàm gladio suo tyrannum in nos omnes arma
 uit? Dijs gladium illum à nobis in tyranni iugu
 lum retorserunt. Iste quid aliud deniq; quàm uni
 uersam urbem in summum periculum dementia
 sua coniecit? Dijs corrigentes istius insaniam, disci
 men illud subito in prosperrimam securitatem con
 uerterunt. Vos ergo iudices per deos immortales
 obtestor, per deos huius carissimæ libertatis, huius
 insperatæ felicitatis authores, ne (quod nobis deo
 rum omnium consilio, ac uirtute successit) id uos
 unius hominis amentiae referri sinatis acceptum, ne
 ue hanc urbem unquam in deos liberatores tam
 ingratham esse, ne ue patiamini ut salutem suam
 debere se potius humanæ temeritati, quàm deorum
 benignitati fâteatur, quos ita demum sperare licet
 futuros semper huic urbi propitios, si nos eorū, quæ
 contulere, memores, eos (uti æquum est) beneficiorū

THOMAE MORI

suorum recognoscamus authores. Alioquin si nos
(quod absit) ingrati quæ ab illis profecta sunt, in
alios transferamus, gratiamq; superis debitam impē
damus hominibus, uicissim hercle metuendū est, ne
dij quoq; suū erga nos fauorē imminuant, ac Recip.
nostræ curā, ut indigne quæ ab illis curetur, abij-
ciant. Quamobrē ut aliquando finem dicendi faci-
am, quandoquidem iste peccauit officio, & bono
animo male fecit, dij uero eius peccatum in commo-
da nostra uerterunt, ac dij quidem cōegerunt, sed
se tamen tyrannus interfecit, tum præmium qui
cōegere non petunt, petere autem qui perenit non
potest, uos sententijs uestris iudices, et huic ueniam,
& superis gratiā decernite, & urbem ab huius
præmijs debito, quo eam liberam esse dij uoluerunt,
absoluite. Dixi.

a b
r

OMNIA

VENET
ET

5850315

a b c d e f g h i k l m n o p q
r s t u x y z aa bb cc
dd ee ff gg

Omnes sunt quaterniones præter gg,
qui est ternio.

VENETIIS IN AEDIBVS ALDI,
ET ANDREAE SOCERI
MENSE MAIO.
M. D. XVI.

